



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



61

G 14m

R

GALEOTTVS

MARTIVS NAR-
NIENSIS,

DE
DOCTRINA
PROMISCVA.



LVGDVNI
APVD IOAN. TORNAESIVM.

M. D. LII.

El Dr. ~~Ramirez~~ J.



AD LECTOREM.

The Greek & French



LET SI meum institutum fuerat, cum ad hanc, quam mihi nactus videor, Spartam exornandam vocarer: ut præstantissimos veteres scriptores à tineis & blattis vindicatos ex impressione repræsentarem, cum tamen omnes meos conatus ad iuuanda studia conferendos censuissem: non putaui eas recentiorum Latinorum elucubrationes negligendas, è quibus iuuentus sibi fructum satis vberem polliceri possit. Quam etiam ob rem passus non sum Galeottum Martium hominē insigniter sua ætate doctum diutius in tenebris iacere: præsertim cum viderem duabus potissimum de causis me idipsum facere debere: quòd & liber hic non tam inscriptione sola (hæc enim doctrinæ varietatē pollicetur) commendandus erat: atque reconditarum rerum cognitione planè amandus ac ab om-

omnibus diligenter euoluendus. Vide-
 tur enim capita quædam ex grauio-
 rib. disciplinis non aliam ob causam sibi
 tractanda proposuisse Galeottus, quàm vt
 ostenderet neminem ad optimorum au-
 torum satis plenam intelligentiam per-
 uenire posse, qui in omnib. liberalib. di-
 sciplinis non esset diligenter versatus. Al-
 tera verò quæ me ad editionem huiusce
 libri permouebat, causa erat: summa mea
 in gentem Mediceam tum obseruantia,
 tum pietas: quòd animaduertentem nun-
 quàm satis laudatū Heroem LAVREN-
 TIVM MEDICEM hoc toto volumine
 valde celebrari: è cuius Bibliotheca iam
 extractum Galeottum tibi Lector stu-
 diose legendum proponimus, ea fide &
 integritate qua id è tam deprauatè de-
 scripto codice (quem unicū habuimus)
 tantisq. occupationib. fieri potuit. Si quæ
 tamen à cursorib. effusa menda occurre-
 rint, illa eiusmodi planè sunt, vt vnus-
 quisq. ea ipsa à vitio vindicare facile pos-
 sit. Reliquit idem hic autor inter varia à
 se conscripta volumina, vt hoc obiter ad-
 dam, libros multiplici eruditione refer-
 tos De rebus Incognitis vulgo: quorum
 non solum in hoc libro meminit autor
 ipse,

ipse, sed etiam clarissimus vir Ioachimus Vadianus meus in suis doctiss. commentarijs ad Pompō. Mēlam testatur eosdem à se lectos: quos si aliquando nacti fuerimus, libenter tecum communicabimus. Interim præsentī hac oblata commoditate frui ac Vale.

DECIMI PAULI IOVII
IMAGINVM LIBRO.

Galeottum Martium Narnia genuit, robusto ingenio disciplinas omnes cōplectentē. Is Matthiæ Coruino Pannoniæ Regi præceptor, Epistolarumq; Magister, & in castris Miles, & in Palestra multarum palmarum Athleta fortissimus operam præstitit, adeo feliciter, vt omniū horarum amicus, & comes haberetur. Scripsit librum de Homine, varia eruditione, potius quàm eloquentia mirabilē, in quem non multò post inuectus est Georgius Merula Grammaticorum exactissimus: Sed ea uehementia Galeottus se se defendit vt Apologeticus priore libro varietate eruditionis multò vberior censerī posset. Scripsit etiam, & malo quidē

infortunio, quædam in sacra, moraliq̃ue
 Philosophia, nam ex ea lectione, quum
 omnibus gentibus integrè, & puriter ve-
 luti ex iusta naturæ lege viuentibus æter-
 nos cœlestis auræ fructus paratos diceret,
 à eucullaris sacerdotibus accusatus, dam-
 natusq̃; est: Sed eum periculo celeriter
 exemit Xystus Pōrifex, qui in minori for-
 tuna eius fuerat Auditor, non sine graui
 tamen contumelia: Nam in foro Veneto
 ad geminas columnas ad Tribunal per-
 ductus est, vt impetrata venia se falsa scri-
 psisse fateretur. Sed accidit, vt id iudiciū
 exortus in turba risus euerteret: falso, ac
 repentino Galeotti dicterio excitatus.
 Nam quum fortè non ignobilis Venetus,
 è turba proximus strigosa proceritate, &
 impudicæ uxoris probro insignis, tradu-
 ctum ludibrio præpinguem porcum ap-
 pellasset: extemplo Galeottus, renidenti-
 q̃; ore: pinguis, ait, porcus, quàm macer hir-
 cus esse malo. Erat enim Galeottus vsque
 adeò tumēti abdomine, vt quum sub va-
 sto obesi corporis pondere, vel prægran-
 dia iumenta fatiscerent, rheda curuli ve-
 heretur: ac demum senex ad Montem
 Annianum circa Ateste, aruina suffoca-
 tus interiret.

IANI VITALIS.

HANC Galeam, hunc posuit Galeottus Mar-
tius ensem

Mars tibi, & hanc citharam docto cum pectine
Musis,

Militia functus, decantataq; poësi.

E L E N C H V S

C A P I T V M.



*Libri de doctrina promiscua ad Magnificum
Laurentium proœmium.*

*De nominibus proprijs hominum ab astro im-
positis, vbi autor admiratur quod nomen
Medici ad familiam spectantis Græcè di-
cunt.* C A P. I.

*De medicina & veneno, & qualis debet esse
medicus, & de Ioue verso in taurum, & quo-
modo intelligitur.* C A P. II.

*De mixtura aut compositione medicinarũ, Vbi
exploditur ridicula Plinij sententia: et cur fri-
gus adurit, et calor refrigerat.* C A P. III

*De Mithridatico antidoto, & de mira potentia
vini.* C A P. II II.

*De nomine theriace, in cuius deriuatione Aui-
cenna & Iuniores errant.* C A P. V.

*De lingue Punica excellentia, & de præstan-
tia*

9
tia gentis Phœnice, quam quidam Arabi-
cam vocant : vbi de magnificis Laurentio
Medico, Ioanneq; Bentiuolo, Turcho & Sol-
dano mentio fit : etiam de Florentia & Bo-
nonia.

CAP. VI.

De Auicenna, & quid hoc nomē prae se ferat, et
de Hippocrate & Galeno.

CAP. VII.

De Galeno, Hippocrate, & eorum laudibus, &
etiam erroribus nonnullis, & vnde dicitur
Giraffa, quæ est Camelopardalis.

CAP. VIII.

De erroribus Auicenne, & quid verè de eo sen-
tit Auerrhois.

CAP. IX.

De cicuta herba, vbi mors Socratis est, & de
hyoscyamo, & de herba Sardonio & risu
Sardonico : vbi noscitur maximus error Aui-
cennæ.

CAP. X.

De Aconito, Napello, Allabcha, id est, persea.

CAP. XI.

De veneno non præsentaneo, sed ad diem præfi-
nitum exhibito : contra nonnullorum senten-
tiam, & de imagine serpentarij qui dicitur

• 5

Ophis

Ophiuchus.

CAP. XII.

De humoribus corporis nostri similibus, elementis, & planetis, & de insania, & gallis leones terrentibus.

CAP. XIII.

De metallis & morbis, qui diuersi diuersis planetis subiacent, et de horis planetarijs & salutatione, & cælis animatis.

CAP. XIII.

De fiducia in medicum, & quadam cautela.

CAP. XV.

De humido radicali, & tribus parcis, & de stella Veneris, caractere & nomine.

CAP. XVI.

Cur elementa dicta sunt dij, & amor quare dicitur ignis, & de imagine Priapi nō sine ratione facta.

CAP. XVII.

De mulieribus in viros conuersis, & maris an femina in coitu sit maior voluptas.

CAP. XVIII.

De coitu, & eius vocabulo suppresso ab antiquis.

CAP. XIX.

De

De philosophis qui uiuentes sunt mortui.

CAP. XX.

De multis generibus fabularum etiam verarum, & cur fabulae varia operentur in homine, & quae constellatio faciat amatores fabularum.

CAP. XXI.

De spiritibus, & quare gaudium aut timor repente occidunt, & cur sanguis occisi coram occisore iterum fluit: De Iunone significante potestates aëreas: de Solis introitu in arietem.

CAP. XXII.

De numero si aliquid operatur per se, & de erroribus Pythagoricorum, & de transcendētibz, et de hac dictione NIHIL.

CAP. XXIII.

De imaginibus astrologicè impressis ad curandos morbos, etiam secundum veram opinionem.

CAP. XXIIII.

De numero caelorum, & horis planetarijs, quae diebus nomen imponunt, & de eorum felicitate aut infelicitate, & quibusdā theologis haec declarantibz. & quando non est periculosum membrum ferro tangere, Luna existente in signo, quod membre dominatur, quod ma-

aiunt

ximè prohibetur à nonnullis. CAP. XXV.

De crimine ignorantie, quod maximum peccatorum est, & quòd omnis malus ignorans & impotens: ubi de Ioanne filio Laurentij, qui cardinalis est designatus, fit mentio.

CAP. XXVI.

De scientia quot modis sumitur, quæq; beatum facit, & quid est beatitudo nostra & philosophorum.

CAP. XXVII.

De quibusdam minimis ad omnem ferè facultatem spectantibus non inutilibus, in quibus plurimorum errata corriguntur.

CAP. XXVIII.

De aqua, & medicina colice, & hoc nomine QVIS vel QVI. & febre ethica.

CAP. XXIX.

De Luna & mari, quod vicissim crescit & decrescit, & de negotijs fœlicibus aut aduersis, de errore Plinij in Luna, de magnitudine Solis, & cur dies à meridie apud mathematicos incipit.

CAP. XXX.

De diuersitate signorum, & anni diuisione, & diebus

*diebus annotatis in Luna, & declaratione
Virgilij.* CAP. XXXI.

*De quibusdam autoris incerti vaticinijs, &
epigrammate Claudiani de Curetio, & pla-
neta victore.* CAP. XXXII.

*De auge siue abside, de sublimitate & altitudi-
ne planetarum quomodo variantur.*
CAP. XXXIII.

*De aspectibus planetarum, & de animis vite
nostræ, qui usq; ad mille & ultra etiam ex-
tenduntur, & de cippo, & Asteone cornutis.*
CAP. XXXIIII.

*Quare signa Zodiaci animalium nomina ha-
beant.* CAP. XXXV.

*De cane, canicula, Orione, vesperugine, pleiadi-
bus, id est Vergilijs, hyadibus, boote, edis, edo,
& stella quid sit, & de Venere quædam
egregia, & de ludo chartarum.*
CAP. XXXVI.

*De die, ortu, & occasu, & de corona cælesti, &
pontificatu.* CAP. XXXVII.

*De sole deuiante à Zodiaco ex miraculo, & de
fabula Phaëthōtis, de diebus Iosue et Ezechie
regis prolongatis, & de diuersitate inter nos
& ritas, id est substantias separatas.*

CAP. XXXVIII.

*De quibusdam emendatoribus malè sentienti-
bus.*

CAP. XXXIX.

FINIS.

GALEOTTI

MARTII NARNIENSIS

Liber, de Doctrina Promiscua,
ad magnificum Lau-
rentium Medi-
cem.



PLRIMA sunt Medices Lau-
renti, quæ Mediceorum familiã
iandudum illustrarunt, reddi-
deruntq; toto orbe clarissimam,
et hæc quidem claritas non nisi
ex cumulata nobilitate eluxit; quandoquidem
notitiam laus, laudem verò recte factorum
magnitudo produxit. Hæc etenim Mediceorum
familia, virtutibus & diuitiarum antiquitate,
veram amplamq; nobilitatem adepta profectò
est: virtus olim in multis & tunc maxime cla-
ruit, cū sui & reip. acerrimos potentesq; hostes
sæpe non modo vicit, sed obtrivit: Nam reges
pontificesq; summos sapientia pariter & auto-
ritate pollentes partim demulsit, partim ita re-
pressit, vt huius amplissimæ familie amicitia
deniq; exoptarint: Hinc postea factum est, vt
Innocentius pontifex maximus ingenio, ma-
gnitudine animi, rebus gestis & nobilitate
præclarus, vt infrà latius patebit, aliorum pon-
tificum

*tificum gesta collaudans, te virum magnificum:
 prudentia ac doctrina ornatum, non modo in
 amicum, sed in affinem asciuerit: dum enim
 Francisco viro summo & claro, & genere suo
 dignissimo tuam filiam matrimonio copulauit:
 sed de his aliàs. Tuam igitur Magnifice Lau-
 renti familiam, quam Mediceorum diximus
 præclarissimam esse, et cunctis principibus sum-
 ma cum laude notam non sine causa assenera-
 mus: nam cum totam ferè Europam peragra-
 uerim, adierimq; & reges & principes maxi-
 mos, cum sermo de claris viris ortus est, quàm
 primum in medium venit Mediceorum fami-
 lia: est enim non modo etate nostra, sed multis
 iam retro seculis vnicum naturæ opus. Reges
 enim & principes, quorum maximus numerus
 in orbe est, ubiq; occurrunt, ita vt princeps de
 principe & rex de rege nunquã cum admira-
 tione loquatur, immo potius rerum gestarum
 commemoratio liuore non carens, diminutio-
 nem patiatur necesse est, quoniam nec rex regi,
 nec princeps principi in gloria cedere vult: sed
 cum Mediceorum familiam, te'que Magnifice
 Laurenti cum admiratione intuentur, interro-
 gant, qua sâcie, quo habitu, quo apparatu ince-
 das: nam ciuis ciui, & par pari inuidet: sed cum
 te eum esse cognoscât, vt nec in numero ciuium,
 nec in numero principum recte annumerent, &*

Et tamen legibus vtentem, patriæ deditum, mi-
 nimis summisq; gratissimum: vrbis Florentinæ
 magistratus reuerendum, ciuem optimum iudi-
 cāt. Cum verò animos regios, summas diuitias,
 liberalitatē maximam, omnium bonorum præ-
 sidium, doctrinarum columen in te esse cogno-
 scunt, inter summos te principes habent: adeo vt
 natiuam illam tuam sapientiā moribus Et do-
 ctrina excultam, plurimarum rerum vsu exer-
 citatā, magnificentia pollentem, cunctis homi-
 nibus admirandam proponant: ita vt homo in-
 uentus sit, qui nec rex, nec princeps, nec nisi ciuis
 magistratibus obediens, Et reges Et principes
 maximos potētia exæquet, adeo vt in exēplum
 in dies nomen familiæ veniat, quoniam ab ea
 Et studia literarum, Et religio, Et templa diui-
 na, Et ornamenta vrbiū, Et bellorum pacisq;
 commoda Et aucta Et culta semper fuere: Nā
 quocunque oculos vertas, etiam locis maximè
 distantibus, opus aliquod egregium à viris hu-
 ius familiæ factum videbis: Insigne familiæ po-
 situm pro titulo est, cum enim clipeum septem
 orbibus ad imitationem planetarum ornatum
 conspiciamus, ita vt aut pictura, aut sculptura il-
 lustretur, quàmprimū id Mediceorum fami-
 liæ opus esse iudicamus. Quis igitur non mire-
 tur magnifice Laurenti tuam mentem, iustam,
 integram, in tuenda conseruandāq; patriæ li-
 bertate,

bertate, legibus ciuitatis sine aliqua cunctatione parentem, ita vt illuc quò mos patrius, reipub. honor & emolumenta ducunt, libentissime profiscisceris: sed vbi donationes & magnificencia munerum & regia liberalitas expostulantur: animos regios ostendis. Indicant enim hoc magnifici apparatus, ædium amplitudo, oppressorum subleuatio, pauperum ditatio, doctorum hominum exaltatio, militum ac ducum strenuorum magnificatio, & maxime vbi de patriæ honore agitur, quæ omnia non modo inter reges te locum habere, sed inter præcipuos numerandum esse testantur. Nam fortassis plerumq; nonnullos (de potentioribus loquer) non iudicium animi, sed donandi consuetudo liberales efficit, & hinc nascitur inconsiderata largitas, vt tam summis quàm infimis paria munera præbeantur: & eiusmodi principes improbare minime ausim, cum sedulitatem artium quoquo modo honorant, sed eos maxime probandos arbitror, qui impares doctrinas imparibus muneribus prosequuntur, sicuti in magnifico Laurentio sæpe conspeximus, cuius acre iudicium doctrina pariter & naturali sapientia excultum pro hominum scientia, pro facultate & mensura literarum premia diuidens, vnumquemque ad amplitudinem disciplinarum inuitat. Recte igitur

Mediceo

Mediceorum familia nomen hoc cœlitus delapsum obtinet. nam bella manu pacemq; gerit. ea medicamenta, per omnem & Italiam, & regiones alias spargit quando vult, vult autem cum opportunum est, quibus alios sopit, alios vero excitat, nonnullos dormitantes reddit. Nam si inflammat, si hebetat hominum animos varietate medicamenti utens pro hominum habitudine, numerosos & admirandos quidem effectus procreat. Quotiens in Italia medicamenti Laurentij subito exortum bellum, quoties etiam hac eadem vi insperatam pacem conspeximus? Hæc igitur Mediceorum familia furores cum libet concitat, & concitados reprimat, animos hominum & ad sanitatem & plerunque ad ægritudinem trahit, ut dicere possimus, Nō hæc sine numine diuum eueniunt. Sed cum ad tuum me verto nomen, cœlitus impositum esse assero, ab ea enim arbore oritur, quam fulmina non attingunt, unde & lauream ortam videmus: quæ tantæ prærogatiuæ cernitur, ut à ceteris arboribus adiectiua manantia per se manere non possunt, ut saligna, orna, querna, oleagina, abiegna obscuritatem parient, nisi materiam, aut coronam, aut aliquid tale subiunxeris. Laureæ verò materiam pariter formamq; gestitans per se, sine adminiculo substat: laureæ igitur Laurentio optime conuenit, nomenq; formauit:

quoniam suopte ingenio, suisq; diuitijs pollens,
 ex se ipso substat. Quis enim non recte adhesisse
 Laurentio nomen hoc putabit, nisi is qui laureā
 & ducum & vatum ornamenta negabit? im-
 memor Statij, qui ait: cui geminae florent va-
 tumq; ducumq; Certatim laurus, olim dolet al-
 tera vinci. Militia enim et doctrina hoc fauore
 semper sunt vſe: Nam res bellica & studiorum
 literarumq; cura Laurentio duce & vate exul-
 tant, & vt sequentia indicabunt Mediceorum
 nomen familie astra indiderunt. Sed hoc opus
 nomine tuo compositum ac dicatum, cui titulus
 est de doctrina promiscua, ecclesie catholice sub-
 ijcimus, vt si quid in eo reperietur, quod à fide
 Christiana declinet (nihil autem est, quod sciā)
 id omne arbitrio pontificis Innocentij Octauī vt
 me meaq; omnia submitto. Ipse enim genere
 & patria clarus, vt in ceteris summa sapientia
 vſus est, ita in his nostris quanquam minima
 sint, à suis integris probatisq; moribus non disce-
 det, pontifex nanq; maximus dei in terris pote-
 statem gerens sese vicarium dignissimum effert,
 illumq; pro viribus imitatur qui in altis habitās
 humilia respicit in cælo & in terra. Nam in
 principio pontificatus, qua generositate animi,
 quaq; cordis excellentia fuerit, omnibus maxi-
 ma cum laude indicauit: nullus enim minis aut
 terrore commotus, ausus est omnem Italiam nu-
 tu suo

tu suo concutere, & concussam pacare, cum hostes obtrivit, & confugiētes ad se clementissime suscepit, animos imperatorios pro tempore induens, pontificis benignitatem exuit nunquam, supplicibus veniam largiens, contumacibus resistens, in mente sua aliquid reservans contra protervius agentes, adeo ut & genere suo & Genua vrbe clarissima, & pontificatu maximo dignissimum se declarauerit. Nam cum sit sapientia clarus, iustitia conspicuus, pietate integritateq; vera omni simulatione exclusa praeditus: totum orbem quasi numen caelitus delapsum illustrat: nanq; in illa maiestate corporis pontificatu pariter & imperio dignissima, nullus fastus, nulla arrogantia, nulla de se falsa persuasio regnat, sed clementia & benignitas cum admiranda affabilitate etiam infimis communi dominantur & viget. Ab hoc igitur dux Franciscus, cuius supra meminimus, Laurentij gener originem ducens, ante pontificatum Innocentij animos regios ostendebat, etiam cum facultas aberat, sed posteaquam imperium adeptus est, insitam à natura animi magnitudinem liberalitate & magnificentia illustrat, in gerendis negotijs strenuus & ducis & militis cum opus est officium praestans, militiaq; peritiam indicans: doctis clarisq; viris fauens, & genere suo, & socero Laurentio, et principatu dignissi-

mus iudicatur, humanitatem enim illam à natura infitam dimisit nunquam, fortunarum tantum mutatio facta est: sed hæc quæ de te Medice Laurenti, & pontifice Innocentio, & de genero Francisco diximus non auditus, sed visus percepimus. Nam cum his omnibus familiariter vixi, & omnibus ferè Europæ principibus de te, patre, & auo, & de amplissima Mediceorum familia sepe prædicaui: Vnum tamen in huius sermonis fine admonemus: propter rerum varietatem, quæ in libro est, coacti sumus nonnullorum testimonio uti, quorum interpretes minime idonei sunt in lingua Latina, coactus sumus verba quedam mutare, ne aliquid inferatur non Latinum. Præterea in

hac præfatione principem

pro domino sepe con-

sulto posuimus

ut no-

men bonæ famæ.

DE NOMINIBVS

PROPRIIS HOMINVM

AB ASTRIS IMPOSITIS

CAPVT I.

*



AM diu apud sapientes & maxime Platonē quęstio agitata est, nomina propria voluntariusne motus, an fatalis quędam ratio imponat, an vtrunq; in nominis impositione concurrat. Nam cū Hectorē, Tantalum, aliosq; innumerabiles ferē, qui Phryges fuere, consideramus, ea habere nomina intuemur, quę eorum affectus & futuras actiones indicarunt, ita vt in die lustrico quo nomen imponitur, omnem vitę seriem pictam quodammodo in denominatione gesserint. Hector enim possessor, vt qui patrię possessionem tutatus est, cui hęres lege futurus erat, si fata non interceptissent. Tantalus verō quasi talantarius, hoc est, infelicissimus testimonio Platonis appellatus, aduersa enim plurima viuenti contigerunt: nam submersa patria saxū in caput imminet, quod

ad. 1. 1. 2.

b 4

durissi

durissimæ fortis esse cognoscitur, cui quidem sermoni de Tantalo Lucretius inter poëtas astipulatur. tertio enim libro ait,

*Nec miser impendens magnū timet aëre saxū
Tantalus, ut fama est cassā formidine torpēs.*

Sed alij hanc pœnam Sisypho tribuunt & de ipso aiunt,

Et in medijs sitiebat Tantalus vndis.

Sed dicerent nonnulli, cum lingua Phrygia in nullo cum Græca concordet (ut secundo Aeneidos poëta testatur,

atq; ora sono discordia signant)

Vnde est quòd Græcam habent etymologiam? quod facilè absoluitur. Homerus enim Græcè expressit nominum Phrygiorū vim ac potestatem, ita vt Priamum quoq; vocitarit regem Troianum, quoniam apud Phryges nomen tale habebat, quod Græcè redemptum sonaret, fuit enim tempore Laomedontis in Troiæ euersione captus infans & redemptus, sed hoc quo ad nomen Phrygium. Cùm verò de Græcis loquimur non occurrit huiusmodi ambiguitas: nam Agamēnon, mirabilis perseverantia, Atreus indomitus, inexorabilis, noxius dicuntur, quæ nomina die lustrico imposita omnem vitæ cursam

cursum in sese habuisse noscuntur. Sed horum nominū impositionem fecerūt, vt par est credere, doctissimi mathematici, qui apud potentes reges versati inspecta natorum genesi, futuræ vitæ idonea nomina accommodarunt: Fuisse autem reges olim in omni genere doctrinæ eruditissimos, ne aliquis hæsitet, in memoriā reuocetur Mercurius Trimegistus, Mithridates rex Ponti, & alij plurimi, Atreus quoq; matheseos peritus asseritur: artesq; diuinandi Troianis olim fuisse familiares, & Helenus vates & Cassandra testantur. Præterea etiam apud nostrates vaticinia fuisse familiaria, nemo ignorat: Numa enim Pompilius hydromantiam exercuit. Actius Nauius augur, qui cotem nouacula scidit, non nihil diuinationis habuerunt. Hæc omnia cum astris commercia tenuerunt, & cum de perito augure loquūtur, astra quoq; admiscunt, vnde poëta Virg. de Heleno:

Qui uolucrum linguas, cæli qui sydera sentis.
Et Spurina Cæsarianus augur & astrologus Idus Martias cauendas prædixerat, & oraculum Apollinis, quo totus orbis confluebat, futurorum lumen & declaratio habitum est. Non igitur mirum si

ea tempeſtate tanto in vſu artes diuinæ
 fuere. Ad rem igitur noſtram ut reuer-
 tamur, nomina propria virtute cæleſti
 impoſita nec fallere nec falli poſſe: ſecum
 enim futurorum negotiorum ſignificata
 habent, quod ex ſacris literis facile eſt in-
 telligere: quibusdam enim ſuperna inſpi-
 ratio nomen, etiam antequàm naſceren-
 tur, impoſuit, vt ſunt Iſmaël, Iſaac, Solo-
 mon, & Iofias, vt legenti ſacram ſcriptu-
 ram facile, id quod diximus, occurreret.
 his enim antequam in lucem venerint
 gerendis rebus apta denominatio cœlitus
 eſt accommodata: & Ioannis Baptiſtæ pa-
 ter diuino ſpiramine afflatus & admoni-
 tus dixit, *Ioannes vocabitur*, cùm nullus in
 eius cognatione hoc nominis habuiſſet.
 Sed vt ad noſtra reuertamur, non ne fata-
 lia nomina apparent Ariſtoteles, Gale-
 nus, Melampus, Epicurus, Hippocrates,
 & hi quidem Græci? & noſtrates Camil-
 lus, Scipio, Cæſar, Pompeius, & alij ferè
 innumerabiles huiusmodi nomina ha-
 buiſſe apparent. Nam Ariſtoteles, id eſt,
 optimus finis, philoſophorum princeps,
 ea nobis tradidit, quæ ad beatitudinem
 optimumq; finem ducunt: humanarum
 enim rerum contemptum, & cœleſtium
 appetit

appetitum, & mentis illustrationem testimonio Empedoclis philosophia præstat, quæ ad beatitudinem vehunt. Galenus, id est, tranquillus, medicorum princeps, vt Auicenna testatur, sanitatem aut seruans, aut restituens, tranquillitatem humano generi præstat: tranquillitas enim hominum vitam oblectat, imo ipsa est vita. Nam ex sententia poëtæ, non est viuere, sed valere vita. princeps igitur medicinæ Galenus, hominum statum in sanitate illæsa & tranquillitate locauit. Melampus, vates ille & medicus, nigra plâta aut pes syderali influentia dictus, quoniam filias Proeti atra bile percitas ita insanientes vt se vaccas putarent, de quibus poëta,

Prætides implerunt falsis mugitibus agros.
 hellebori nigri planta sanaturus erat, & ita testimonio Plinij fecit. Sed nemo admiretur huiusmodi insaniam rationem plerunque turbare, nam melancholiæ vis tanta est, vt sæpè acciderit, testimonio Galeni & Auicennæ, homines hac atra bile percitos putasse se esse vasa fictilia, & ideo hominum tactum reformidarunt: & quidam cum hoc eodem incommodo agitati, se esse aues arbitrantur, ita vt non
 se me

se moueant, nisi motis brachijs ad alarum similitudinem volare credant, infaniarum enim numerus est pene infinitus dicente Auicenna, & Satyrico non tacete. Non vnus mentes agitat furor. Epicurus adiutor dicitur, nam cum inferorum poenas vanas esse dicat, animas mortales esse ostendat, voluptatemq; bonum summum iudicarit, vt onerum exonerator & adiutor humanorum esse videtur. sed qui copiosius comoda ab hoc adiutore profecta intelligere cupit, legat I I I. Lucretij librum in quo ait de Epicuro,

*Et tenebris tantis tam clarum extollere lumē
Qui primus potuisti, illustrans comoda vitæ
Te sequor ô Graiæ gentis decus.*

In commodis igitur humanis adiutor datus apparet cum ea, quæ nos terrificant, vana esse conuincere conatur. De Hippolyto nihil in præsentiarum, nisi Ouidij carmen referam:

Hippolytum rapidi diripuistis equi.

Hippocrates, id est, equorum frenator, quem vltimo loco inter Græcos libenter posuerim, vt mentibus hominum inhærescat: habuit etiam fatatū nomen, equus enim inter bruta, quæ domari possunt, maximam habet ferocitatem, ynde & fe-

rus per excellentiam , cum dicitur ,
 equus intelligitur. Ovidius libro Me-
 tamor.

*-Medioq; è vulnere saxi
 profiluisse ferum.* id est equum. & Vir-
 gilius secundo Aenei.

*In latus inq; feri curvam compagibus aluum
 contorsit.* Hippocrates ergo cælitus
 nomen descendens is dictus est, quoniam
 egritudinum & ferorum morborum,
 qui sanabiles domabilesq; sunt, frena con-
 tenturus habiturusq; erat. Inter cætera
 enim aphorismos tanquam oracula que-
 dam edidit, quæ omnium malorum fre-
 num retinaculumq; sunt, ita vt grassan-
 tes morbos & ferocientes domitando mi-
 tiores redditurus erat, & tandem, quo ve-
 lit, vertat, quod medicorum est. Flectere
 enim morborum iam domabilium vim
 quò libuerit, peritissimi profecto medici
 est: Is enim uitam nostram in sua pote-
 state habere dignoscitur. Sed his omisis,
 multa enim milia occurrent, aliquid de
 nostratibus inseram, quanquam propria
 Latinorū occultioris significationis sint,
 vt in libro de homine declarauimus. Sunt
 igitur Camillus, Scipio, Cæsar, Pompeius,
 Tullius. Camillus vocabulo antiquo puer
 ingen

ingenuus dicitur, hoc igitur vagum nomen astra proprium effecerunt illius, qui à Liuius verus Romanus appellatur, & qui tanta præstantia nruit, vt de eo Lucanus decanter:

-Vejos habitante Camillo

Illic Roma fuit:

fata ergo illi viro nomen dedere, quod gerendis rebus præuium esset: omnis enim nobilitas, omnesque ingenui per eum tandem conseruati auctique sunt. De Scipione quid referā? cū hæc communis appellatio propria effecta illius est, à quo Scipiones, & maior & minor, & alij quāmplurimi defluxere, qui columnę & sustentacula fuere, quibus resp. innixa sæpenumero est: nam quid Scipiones egerint nemo profectò ignorat, quos & historiæ laudant, & poëta cecinit:

-Geminos duo fulmina belli

Scipiadas cladem Libye.

Scipio autem Latine baculus est: puer enim ille & non alius, in quo cæcus cū ducebatur, innixus est, eratque ei vt baculus. Cæci namque pro duce baculo videntes iter explorant. Scipio dictus ab astris est, cū multi aliàs cæcorum ductores hoc
nomi

nomine caruerint : Tale enim nomen huic proprium cæli effecerunt, quòd sustentacula Reipu. futura indicaret, alijs autem ductantibus pueris hæc appellatio defuit, quoniam futuris negotijs non congruisset. Cæsar nomen etiam vagum & aduentitium est, sed quocumq; te veritas siue ab. occiso elephanto, siue à cæso ventre matris primus ille dictus sit, cædem secum affert: sed nulli inhæsit nisi Iulio Cæsari, cui hoc nomen astra tanquã adhærens & inseparabile indiderunt, ita vt ab eo in cæteros imperatores perreptauerit. quàm recte Iulio conueniat testantur historiæ: nam præter victorias ciuiles vndecies centum & nonaginta duo milia hominum occisa prælijs ab eo, vt testatur Plinius. Nomen ergo cædem secum afferens cœlorum efficacia Iulio tantam cædem hominum facturo à principio accommodauit. Pompeius autem cum ab oppido Pompeiorum descendens vagum nomen, patri prius aliquantisper, dein filio Pompeio Magno inhæsit, tanquàm homini qui Alexandrum superaret, & Herculem Liberumque patrem adæquaturus erat, à pompa triumphali quam futuram fata noscebant, appellatio-

nem

nē meruit. Eques enim Romanus, quod nulli ante ipsum contigit, curru triumphali vectus est. Tullius autem, quem Ciceronem dicimus. Stellæ quoq; nomen finxerunt propter futurum eloquentiæ flumen. Tullij enim aquarum proiectiones, & sanguinis abundantia dicuntur teste Festo: nomina igitur astra, vt diximus, dederunt propter ventura negotia: & hos ex stellis fixis exaltationem habuisse finis ostendit. stellæ enim fixæ testimonio Ptolemæi, mirabiles & ultra rationem felicitates tribuūt, sed vt plurimum concludunt eas infelicitates Saturni. Nam Iulius Cæsar duobus & viginti vulneribus in senatu confossus est, libellumq; insidiarū indicem ab obuiο quodam porrectum, libellis cæteris quos sinistra manu tenebat, quasi mox lecturus commiscuit, vt ait Suetonius. Sed Manilius quarto astronomicō de Cæsare ait,

-Totiens prædicta cauere

Vulnera non potuit, toto spectante senato

Indicium dextrâ retinens.

quod à Suetonio discrepat: hic enim dextra, ille verò sinistra manu retentum indicem asserit, quod licet exiguum sit, possitq; ad acceptum indicem referri, tamen
volui

volui admonuisse, quia Suetonius etiam in maximis aliquando rebus delirat, ut ostendimus in libris de incognitis vulgo: ubi horoscopus de genitura Augusti retro supputatis temporibus ereximus, in quo qua ratione illius ætatis mathematici futuram Augusti Cæsaris magnitudinem præviderint, monstraui: Pompeij autem exitum infelicissimum & Lucanus deplorat, & illud Vergilianum Priamo ascriptum de Pompeii historia ortum putatur,

-Iacet ingens littore truncus,

Auulsumq; humeris caput et sine noë corpus.
Tullij calamitosum finem, cum caput & brachium vnà cum vita amiserit, multi deflerunt. Sed hucusque talia nomina attigimus, quæ uel à sapientibus imposita id gerebant in significatione, quod venturum erat: quoniam huiusmodi artes illis familiares fuere, augurum & auruspicum & mathematicorum turba id præstabat, quod postea desisse uidetur. Diuinitio siquidem testimonio Ciceronis, aut est ars, aut furor: sed quo pacto nonnullorum nomina arte aut furore imposita dicemus? cum in plebeijs & mulierculis nullum diuinandi genus apparuit, & ta-

men filijs nomina dederunt, quæ gerendorum negotiorum præuta fuisse cōspeximus, quod facillè absoluitur. Diuination enim ex furore dicitur prophetia, quæ teste Cassiodoro est superna inspiratio, rerum euentus immobili veritate denūtians: quam in huiusmodi plebeijs & mulierculis in impositione nominis negamus fuisse, sicut artem etiam omnino defuisse cognoscimus. non enim ex astro- rum cognitione, qua caruerunt rudes isti homines, nomina, cognito filiorum cursu, futuris rebus congrua dederunt. Nam apud veteres & celebres locos ubi Posthumius aruspex, Actius Nauius, Cornelius augur, Spurina, Amphiaras, Chalcas, Sibyllæ, Martij fratres, Numa Pompilius, Idmon, Mopsus, de quibus Seneca:

Idmonem quàm ius Bene fata noscet

Condidit serpens Libycis arenis,

Omnibus verus sibi falsus augur,

Concidit Mopsus Caruitq; Thebis:

& ubi etiam prophetarum caterua enituit, ibi forsan hæc superiora factu fuerunt facilia. Sed vt de plebeijs & aniculis & imperitis hominibus sermonem faciamus, hoc nanq; & illis contigit, vt nomina futurorum præuia inconsultis & auguribus

guribus & mathematicis & oraculis neglectis, natorum inuenerint. nam influxus cælestis maxime nouet parum rationis habentes. Ratio enim humana valida potensq; reluctatur, ita ut non omnia statim homo effutiat quæ in mentem veniunt, sed pueri, & fatui, & mulieres, stolidumq; vulgus, cum impetu astrorum agitantur, quod in mentem venit, sine cunctatione enuntiant, hinc est quod aliquando diuinant, & futura prædicunt: nam si homini sapienti homo occurreret, qui ad paucos dies infelici morte sit periturus, & id sibi motu astrorum in mentem venerit, animaduertens hoc sine ratione ei cognita euenisse, nihil profectò dicet: puer verò, & fatuus, & mulieres, & leue vulgus, cum tale aliquid in mentem venit, nulla ratione refragante enuntiat quod astra portendant, & hinc nata est sæpe diuinitio. plerunq; enim & Romæ & alijs in locis contigit, ut tradunt historix, vt victoria aut clades habita in locis maximè distantibus, eo die quo habita est, sit scita Romæ vel alibi ex fama, cum multis diebus volans quodam modo nuntius literas afferre nequiuisset. Is igitur, vnde hæc fama manauit, vi astrorum agi-

tatus id propalauit, quod animo infederat, ea propter in prouerbiū venit, vt. Vox populi, vox Dei dicatur. Deus enim astrorum conditor cælis tribuit potestatem, quod & in Dauide legimus, Verbo domini cæli confirmati sunt, & spiritu oris eius omnis virtus eorum, & in Deutronomio, Cælos in ministerium cunctis hominibus factos legimus. Tali ergo cælorū instigatione huiusmodi viri & mulierculæ natis suis congrua nomina imposuere: Quòd autem nomen astra imponant, non leue argumentum est, cum habitis coniugum, proprijs nominibus ex numeris in literas impositis, vter prius moriturus sit, facile dignoscitur, nam nisi hora, copulatio, & nominum tributio ab astris essent, cessaret huiusmodi diuinationo. nam nomen syllabæ, syllabas verò literæ efficiunt, sed literæ abecedarij (vt Aurelij Augustini verbo vtar) planetis subiacent. Saturnus enim vt cæteris firmamento proximior, a. b. c. Iupiter d. e. f. Mars g. h. i. Sol k. l. m. Venus q. r. s. Mercurius t. u. x. Luna n. o. p. caput Draconis y. cauda verò z. sibi vendicarunt: sed non omittendum est, literarum ordinem recte seruatum esse præterquam in Luna

sed hoc factum esse deprehenditur propter domicilia Solis & Lunæ coniuncta, ita & literarum ordo congruit, vt literas Solis literæ Lunæ subsequantur, non quia Plato & eius imitatores Lunam in ordine planetarum post Solem statim locarint, sed Aegyptij & Phœnices, & posteriores mathematici Solem in medio planetarū quo ad numerum locauerunt numero enim medius est, sed distantia nequaquā. Sed quia de capite & cauda Draconis mentio facta est, aduertendum reor huiusmodi nomina fuisse ficta propter virus quod in se habent. nam non est constellatio, sed quædam intersectiones circulorum Lunæ & Solis longo tamen intervallo signatæ. nam Veneris & Mercurij cæli intermediant: & hæc quidem alicuius momenti sunt. Venenū autem in se vtraq; continet, quoniam caput naturam Mercurij imitatur: auger enim semper, nam bonorum bonitatem, & malorum malitiā adauget. Cauda verò & in natura opponitur vt caput caudæ, minuit enim semper: vnde fit vt cum bonis sit mala: & cum malis bona: bonorum & malorum diminutionem faciens capiti aduersatur, quod cum bonis bonum, & cum malis malum

esse deprehenditur: venenum igitur illud capitis, quod malitiam auget, & virus caudæ, quod bonum imminuit, Draconis membra vt dicantur, effecerunt: huiusmodi intersectiones à iunioribus notatæ, & ab antiquis in significatione neglectæ, literas sibi vendicarunt, quæ etiam à iunioribus repertæ sunt, quibus carere poteramus: y, enim & v, idem: vt syllæ & fulla idem nomen ostendit, & z, duplicis ff, vim obtinet. Sed vt ad rem nostram, quoniam de morte cõiugum mentionem fecimus, veniamus: in eis nonnunquam error cõtingit propter scripturæ varietatem: nemo enim ante experientiã discernere valuit, hoc nomẽ Bonifatius c, vel t, literã habeat, nam si à facio, habet c. si à fato verò deriuatur possidet t. c, autẽ & t, diuersum habent numerum, & vt consequens est, potestatem: quandoquidem c, Saturnus, t, verò Mercurius occupauit: ille tardus, hic celer. Saturnus de natura sui malus; Mercurius verò varius. Saturnum corrus Solis maximè infestat, Mercurium autem parum lædit: vnde à poëtis nuntius deorum fingitur, quia eorum mentes & significata refert: deos autem vocant planetas, & testum galero fingunt, quoni

quoniam à Sole non valde offenditur, galerus nanque à Solis ardore defendit. Cōtingit etiam error in scriptura, cum aspiratione & geminatione consonantium. nam apud vetustissimos nulla consonans geminabatur, & in aspirando solet esse diuersitas, vnde hoc nomen Ioannes apud Hebræos, quorum propria est aspiratio, gutture enim pronunciant, habet aspirationem. Sed cum ad Græcos tendit, non aspiratur. Græcitas enim inter vocales non locat aspirationem: vnde impossibile est apud eos aspirari, sed cum ad Latinos venit, qui inter vocales (vix ahenum) aspirationem locant, ad naturam suam reuertitur, sicut in inuestiua contra Georgium ostendimus: eadem enim ratio est, si dictio Hebræa q, literam haberet, & ad Græcos tenderet, nō posset per eam, qua Græcitas caret, literam scribi, sed si illa eadem ad nos transfertur, cum hanc habeamus literam, dictio ad naturalem scripturam reuerteretur. Geminatio igitur consonantium, & appositio aspirationis numerum augent, qui inter coniuges morituros diiudicat, & aspiratio Martis est, qui malus habetur. Ex his igitur causis in supputatione numeri literis attributi con-

tigit varietas, quæ veritati aliquando aduersatur. Sed inter omnia quæ ad hanc rem nostram conueniunt, illud magicum indissolubilis argumenti est, nominum ab astris impositorum: erat enim apud antiquos, vt Macrobius quoq; attestatur, hæc religio, vt cum urbem oppugnabant, à vatibus intelligere conabantur, cui genio, & quibus spiritibus vrbs illa esset cõmendata: & hoc intellecto, spiritus quibusdam sacrificijs eliciebantur, quibus elicitis promittebant illam incolumen restituros fore, si à fauore urbis desisterent. Genius enim semper curam gerit eius rei cuius est genius, hoc autem nequaquam fieri potest, nisi sciatur propriũ nomen illius urbis: spiritus enim addicti ex astris nomini proprio, nunquam eliciuntur, nisi nomen loci propriũ audiũt. & ne hoc aduersus Romam per hostes fieri posset, semper proprium Romæ nomen maxima cura celatũ est, ita vt nemo propalare impunè potuit. nã si genij, qui curam habebãt Romanæ ciuitatis, audiebant Romam siue Valentiam, siue Urbem, quæ appellatiua loci & non propria sunt, non mouebantur, & hoc pacto nulla unquam spirituum euocatio fieri potuit,
vt eti

vt etiam testatur Macrobius : nomen igitur proprium etiam in rebus amatorijs necessarium est , ita vt si tempus & locus pateretur , declararem illud Vergilianū , ex centro artis magicæ depromptum :

*-Ducite ab vrbe domum mea carmina ducite
Daphnim.*

Cū igitur ab astris nomina propria nascantur , quis dubitabit Mediceorum familiam syderum vi ac potestate hoc nominis habuisse ? Fuit enim & est totius orbis medicamē ac moderamen , vt res gestæ declarant : nomina igitur propria fataliter imposita res gerendas preueniunt. Veruntamen in omnibus non est tanta vis : nam plerunq; cognationis ratio nomen imponit clarorum hominum , plerunq; fama parentes mouet , vt Cæsares , aut Pompeios , aut Alexandros nominent. Hæc etenim licet minoris efficacæ sint , quæ ex exēplo non ex impetu imponuntur , tamen non nihil innuunt ab astris venisse , vt filium potius Alexandrum quàm Cæsarem appellarint : nam si aut exemplo , aut consuetudine loci , aut cognatione imponantur , in discernenda coniugū morte efficacia sunt. nam in his leuioribus causæ sunt particulares : in illis verò

c 5 grauio

grauioribus causas vniuersales agnosci-
mus. Causa enim vniuersalis, quia ex plu-
ribus constat, superat particularem. Nam
quotidie terra mariq; experimur maxi-
mas hominum clades, gladio, aut vi tem-
pestatis contigisse, vbi aliquando centena
hominum milia interiere: stultum esset
credere omnes illos ex genesi habuisse,
vt tunc perirent. nam si aliquorum geni-
turam inspexisses, vidisses profecto feli-
citatem mortis: sed causa vniuersalis, aut
discessus à loco, aut infortunati ducis,
omnes illos de natura sui felices hoc in-
fortunio inuoluit: vt si quis ex genesi fe-
lix vrõem ex fato vniuersali perituram
incolat, vt Numantiã & Saguntum olim,
& nunc in Hispania Malacam, infortunio
vniuersali reddetur infelix, & vnà cum
alijs peribit. Quotiens vidimus homines
diu ex genesi victuros ab vniuersali pesti-
lentiæ causa fuisse absorptos? veruntamẽ
plerunque accidit, vt causa particularis
alijs causis munita, vniuersale infortuniũ
effugiat, ita vt ex bello, aut pestilentia, aut
naufragio aliquis plerunque euaserit. Nũ
si familiam Mediceorum ex causa vniuer-
sali ad ducetesiũm vsq; annum in vr-
be Florentina principatum esset habitu-
ra, &

ra, & circa finem aliquis ex hac familia mediocrem felicitatem ex natiuitate haberet, & alius ciuis ex genesi felicior esset, & simul de principatu in vrbe pugnarent, Mediceus ille duplici fato adiutus, & sui, & familiæ, quod vniuersale est, superabit ciuem, se ipso in causa particulari felicior: in hoc enim non nisi vna principatus causa renidet, cum in alio duplex existat: & pro exemplo ponemus, quod Suetonius refert de Pomposiano, qui cum genesim haberet imperatorum, oppressus est à Domitiano vniuersali familiæ causa adiutus, cum Pomposianus non nisi particulare iuuamentum habuerit. Mediceorum igitur familia coelitus nomina habens, vt etiam posteriora indicabunt, hoc nomine gloriatur, vnde non possum non subirasce quibusdam doctis viris, qui nomen rogatum ab olla inuoluere conati sunt. Latini enim nomen Græcè corruptu inflexere: quasi nouum esset, adiectiua quoque ab astris propria familiarum fieri, vt in familia Secundorum videmus, Vterq; enim Plinius & senior & iunior Secundus à familia ductus est. Sed hunc locum de fatiis proprijs hominum nominibus placuit iocundissimo epigramma-

re Aæ

te Aufonij Galli lepidissimi poetæ &
medici excellentissimi concludere. In-
quit enim:

Qui primus Meroë nomen tibi condidit, ille

Theſide nomen condidit Hippolyto.

Nam diuinare eſt nomen componere, quod ſit
Fortune & morum vel necis indicium.

Proteſilæ tibi nomen ſic fata dederunt,

Victima quod Troia prima futurus eras.

Idmona quod ratē, medicū quod Iapyga dicūt.

Discendas artes nomina præueniunt.

Et tu ſic Meroë non quod ſis atra colore,

Vt que Niliaca naſcitur in Meroë.

Infuſum ſed quod vinum non diluis vndis

Potare immixtum ſueta merumq; merum.

De Medicina et Veneno, & Qualis eſt Medicus,
& de Ioue verſo in Taurum quomodo intel-
ligatur. CAP. II.



MEDICO & medicor eiſdem
ſignificationis in vſu eſſe Vir-
gilius indicat: vt,

Semina vidi equidem multos me-
dicare ſerentes, & illud: ſenibus medi-
catur anhelis. Eſt autē medicari naturā
rei quoquo modo immutare vnde & co-
lorare eſt: color enim rerum facies im-
mutan

murando varietatem pocreat: Ouidius,

Confer Amyclæis medicatum vellus abenis

Murice cum Tyrio turpius illud erit.

Hinc quoque est quòd medicamen pro colore fumitur apud idoneos. Plinius i x. naturalis historiæ, Centenas atq; quinquagenas medicaminum libras. & in eodē: Summa medicaminū in libras vellerū buccini c c. pelagij c x i. Sic etiam venenum id esse dicimus, quod rei naturam immutat, etiam testimonio iurisperitorum: venenū ergo & medicina siue medicamen eiusdem naturæ sunt, & eodem, vt ita dicam, passu ambulant: nam de colore illud:

Alba nec Assyrio fucatur lana veneno,

& de re perniciofa testimonium vbi-que occurrit. Medicare igitur & venenare, & salubria & perniciofa esse noscuntur. Varro enim ab Hannibale quaerit, cur biberit medicamentum, vt ait Nonius, id est venenum. Sed quidam Latīnōrū adiectiua variant. Sallustius. Hæc venenis malis imbuta. Suetonius verò sine varietate in vita Claudij ait: Alij domestico cōuiuio per ipsam Agrippinam, quæ boletū medicatū auidissimo ciborū taliū obtulerat. Est igitur apud nos medicina

dicina & venenum quod apud Græcos
 pharmacon. Color enim, vt dictum est,
 res variat & immutat, vt quæ fusca al-
 ba vè sunt, in lutea flauaque commutet: &
 medicina ex ægro sanum, & ex sano, cū
 lubet, ægrum reddit. Non est igitur ad-
 miratione dignum si Magnificus Laure-
 tius ex nomine familiæ, & ab astris indito
 ea est sapientia vt in humanas naturas va-
 riet & immutet: accerrimos enim rei-
 pub. hostes in intimos conuertit amicos,
 & quod ab alijs vi fuerat ablatum, in au-
 gmentum ciuitatis adduxit, pacem, bel-
 lum vè pro tempore seminans, ita vt eius
 medicamentis breui Italia aliam atque al-
 liam faciem coloremque induerit, ita vt
 quidam egregius ductor interrogatus de
 Magnifico Laurentio, respondit, Nos su-
 mus oues, ipse verò pastor: ducit enim
 quocūq; vult. Sed quid de studijs literarū
 loquar: quæ tanta ægritudo inuaserat, vt
 vbique languescerent, nisi Medicis Lau-
 rentij fauore, & præmijs amplissimis fuif-
 sent excitata, subsidio Magnifici Lauren-
 tij resanata sunt: Pisis enim gymnasium
 literarum florentissimum erexit: Flo-
 rentiam vnicum orbis lumen, seditiofo-
 rum ciuium pernicie medicamentis suis
 ita par

- ita purgavit, ut deposito furore partim sanarit, partim verò salubre medicamentum recusantes repressit, furiosos ergo latrunculos ac phrenesi agitados patriam infestâtes, ut rerum moderator extrinxit.

Moderatorem verò medicum appellari testatur Ovidius 7. Metamorphoseôn :

Nec moderator adest, inq; ipsos saeva medētes

Erumpit clades, obsuntq; autoribus artes.

Moderator igitur pro medico rectissime ponitur: summam enim moderationem medicamenta desiderant: nam salubria ab insalubribus discernere, & quomodo applicantur, agnoscere, & si medico necessarium sit, tamen hoc, testimonio Aristotelis, non efficit medicum. Sed quantum & quando, quod in Laurentio fuisse cognouimus. Pro tempore enim tergiuersatus occasionem expectans, & rerum pōdera pensitans, citò & tutò, & iocundè curauit. Hæc enim tria medicū consummatum reddunt, & id facit cum res passa est: sed cum conclamata ægritudo apparuit, ad illud Nasonis se sapiētia Laurentij conuertit, qui ait,

Cuncta prius tētāda: sed immedicabile vulnus

Ense recidendum est, ne pars sincera trahatur.

Serpunt enim mala quædam, & quod sanum

num est in corpore, vitiant: hoc igitur
medicinæ salubre consilium in seditio-
nibus ciuitatis amplexus est. Nam ciues,
si ciues dicendi sunt qui patriam vexant,
seditiosos insaniam vomere coëgit, cum
primùm incitamenta coniurationis intel-
lexit, suauitate sermonis bonorū ciuium
precibus mentes ab hoc scelere conatus
est auertere, vt citò, & tutò & iocundè
curaret, vt sine tumultu in concordiam
& amorem patriæ efferatos iam animos
mutaret, alios enim muneribus, quosdam
affinitate, plerosque pollicitationibus, nō-
nullos publico affectu, amore patriæ, be-
neuolentia larium demulser, quos verò
conclamatae insanix, & quasi quædā car-
cinomata patriæ cognouit, eo quo dixi-
mus modo repressit. O peritissimum me-
dicorum, ô amplissimum familiæ decus,
ô Italiæ ornamentum, ô patriæ lumen, ô
studiorum spes, ô pacis tutamen, ô bello-
rum pacem inducentum sustentaculum,
hoc pacto fatum, familiæ medicis cogno-
menta implesti: Medicina enim ab impe-
tu inuadentis præmunit, aut iam grassan-
tis morbi malitiam repellit, quod tamen
diuersa constellatio facit: Iupiter enim in
tauro præseruantem medicum efficit, &
Mars

Mars in scorpione, curantem melius efficit, utraque tamen constellatio ad malos mores inclinat, nam quid Iupiter in tauro molitur, poëtæ abstruso figmento monstrarunt. Iupiter enim in taurum versus Europam rapuit, Iupiter igitur in tauro, qui est domicilium Veneris, in genitura alicuius molles, effœminatos, raptoresq; puellarum effecit, & Mars in scorpione inuidos ac detrectatores reddit, huiusmodi enim horoscopi & bonorum & malorum causam præstant. Sed tu vir excellentissime & cum reip. tutatus es, ne amplius ægrotaret, & cum ægram sanitati restituiſti, summam beneuolentiam, humanitatem, misericordiam, synceritatem, pudicissimos mores, animum mitem omnibus in rebus indicasti: Nam secundum dictum Ciceronis in libro de Officijs faciendum tibi persuasisti, cum ait:

Quapropter in adeundis periculis consuetudo imitanda medicorum est, qui leuiter ægrotantes leuiter curant, grauioribus autem morbis periculosas curationes & ancipites adhibere coguntur.

De Mixtura aut compositione Medicinarum, ubi exploditur ridicula Plinij sententia.

CAP. III.

d Serm



S E R M O N E M de medicina,
 quem præmisimus sequetur
 ratio mixturarum, aut compo-
 sitionum, vtroque enim modo
 medicorum consuetudo vtitur; & in his
 quidem vis omnis medicamentorum exi-
 stit. ex simplicibus namque mixturæ &
 compositiones remediorum oriuntur: &
 cum simplicia numero sint finita, intra e-
 um octingenta sunt, ex se pariunt mixtu-
 ras innumerabiles, in quibus medendi ars
 suas vires ostendat, adeo vt naturam ars
 vicerit, quod luce clarius apparebit, cum
 de theriaca & Mithridatico sermo habe-
 bitur: sed ex tam exiguo simplicium co-
 gnitorum numero ars adhuc sibi pote-
 statem reseruat, vt morbi, qui impræsen-
 tiarum incurabiles habentur, fiant ali-
 quando curabiles. nam cum antiquitas &
 Ouidius quoque dicat:

Tollere nodosam nescit medicina podagram

Nec formidatis auxiliatur aquis.

Primo quidem incommodo, nondum mi-
 xtura remediorum, rectè subuenit, ita vt
 penitus tollat ne reuertatur, sed lenit do-
 lores & triduo sanat, vt nos sæpe sumus
 experti. Secundo verò malo post Nasone
 remedia inuenta sunt, quāquam difficile
 curat

curatu fit, morsus enim à cane rabido, & maxime eo quem mēstrua muliebria degustata in rabiem verterunt, aquam maxime reformidat. id enim signum veneni iam grassantis est, & sic morfi maxime fitiunt, aquamque cupiunt, quæ salubriter fitim fedit, quam valde timent. Formidare autem sui mali remedium ita ut nullo modo velit attingere, quid incommodi afferat nemo profectò ignorat: difficilis ergo curatu est, sed sanatur tamen, quanquam imaginatio non modo morbum, sed plerunque mortem facit, & ut ad rem nostram reuertamur, dicimus hac in re medicos astrologis esse fortunatiores: ipsi namque ex numero simplicium determinato innumerabiles compositiones excogitarunt, suntque alias inuēturi: astrologi verò numero stellarum cognito, sunt enim numero mille & viginti duæ, nullam additionem facere valent. nam sicuti omnium stellarum numerus est penè infinitus, sic etiam simplicium copia est innumerabilis, de incognitis loquor, sed hunc modum simplicium cognitorum dilatat medicina compositionibus & mixturis ad mēsuram infinitam: astrologus autem intra limites se conti-

nens nihil amplius potest, potest ergo accidere, vt ex commodis mixturis excogitandis quidem tale medicamentum oriatur, vt & podagræ nodosæ & pestilentiaæ & alijs incurabilibus subueniat. Sed cum mixturarū cōmoda oculis cernamus, non possum non irridere quod Plin. xx i i. Naturalis historię affert, inquit enim:

Nec vsus quos mixtura alijs præstat enumerare medicina possit, sic nec cæterorum quæ cum alijs profunt. Ista vt diximus ingenijs constant, non fecit cerata, malagmata, emplastra, collyria, antidota, parens illa ac diuina rerum artifex: officinarum, imo auaritiæ commenta sunt. Naturæ quidem opera absoluta atque perfecta gignuntur: paucis ex causa non ex coniectura rebus assumptis, vt succo aliquo sicca temperentur ad meatus, aut corpore alio humentia ad nexus, scrupulatim quidem colligere ac miscere vires, non coniecturæ humanæ opus, sed impudentiæ est. Nos Indicarum, Arabicarumq; mercium, aut externi orbis attingimus medicinas: non placet remedijs tam longè nascentibus, non nobis gignuntur, imo nec illis quidem, alioquin non venderent: odorum causa vnguentorūq;
&

& deliciarum si placet, etiam superstitionis gratia ematur, quoniam thure supplicamus & costo: Salutem sine his posse consistare, vel ob id probamus, ut tanto magis sui delicias pudeat. hæc Plinius. Sed profectò hic sermo quò tendat ambiguum est, mixturas nanque partim laudat, partim verò improbat, cum opera naturæ absolutissima esse asserit: in hoc quo ad se ipsa, fortassis verum loquitur, sed quo ad operationem falsissimū est. Exempli gratia: si Anthonius Musa Cæsarem Augustum sanitati lactucis restituens reformidasset in eo periculum cæcitatis aut mortem, cum lactuca refrigeret, visumque heberet, necessitate coactus solertissimus ille vir miscuisset aliquid, quod lactucæ incommodum temperaret, & sic etiam in cæteris faciendū esse ars præcipit. Cum autem non placere ait remedia tam longè nascentia, hoc sermone & medicinam & totius orbis cōmercia videtur improbasse, ita ut homo iam animal sociabile, dicta Plinij ferum, & inhumanum redderent, ita ut si inopia tritici laboraremus, nauigare ad Indos, aliasque gentes ut esurientibus subueniamus, videtur improbandum. Sed cum ait antidota, collyria,

emplastra, & alia huiusmodi esse cōmen-
ta auaritiæ, mouit mihi risum, cū ho-
minum mentes se ad vnguem tenere ar-
bitretur, & præter propositum loquitur:
Nam & auarorum inuenta sæpe profue-
rant, ita vt eorum mentem, non inuentū
damnemus, vt illorum qui pereunti pa-
triæ pecuniæ auidi diu triticum conser-
uarunt, deinde vendiderunt, venundan-
tium igitur mentem, quandoquidem hu-
mano generi, & maximæ patriæ debent,
non tritici conseruationem ac venditio-
nem improbabimus. Cerata igitur & an-
tidota, collyria & emplastra esto auaritia
excogitarit, quod fortassis falsum est, Cur
nos, quod salubre & bonū est, vt effectus
indicat, & experientia confirmat, virupe-
rabimus? quanquā non possum conie-
ctare qua auaritia Mithridates rex Pon-
ti illud tam diuinum antidotum, quod no-
mine eius Mithridaticum dicimus, com-
posuerit: & Philon ille Tharsensis & con-
terraneus Pauli Apostoli, vnde philoniū
dictū est, si pecuniæ auiditate flagrasset,
tam nobile, tam salubre medicamentum,
quo calculosos colicosque sanamus, non
promulgasset, sed apud se seruans poste-
ris suis testamento legasset. Nam nos sæ-
pe ex

pe experti sumus id omne quod Philon
narrat. Introducit enim antidotum ad lo-
quendum cōtinere veritatem. In dolore
enim vehemētissimo in colica ex Philo-
nio quantū est granū ciceris, & ex aqua Colici mor-
calida si sumas, paruo spatio incommodū bi sanatio.
omne cessabit: nā hoc dolore grauatos, &
iā quasi extinctos medicamēto Philonis
reuocauimus ad vitā, & sic de alijs dicen-
dum est, quorum experientia patet. Sed
ne hoc quod alicuius momenti est, sicco-
pede transcamus, aliqua addacemus ab
Auicennæ autoritate sumpta, quæ So-
le clarius ostendent mixturas in medici-
na esse necessarias. Simplex aliquando in
vno iuuabit, in altero verò nocebit, vt de
lactuca dictum est. Ars igitur excogita-
uit aliquid addere, quod nocumentum
reprimat. Et medicina, quæ de natura
sui amara, foetida, naturæ inassueta, vt
paulo pōst docebimus, additione alicuius
rei iocundæ mitigatur ne abhorreamus.
Et cum medicamentum ad longinquas
partes corporis relegatur, ne nimia mora
& maximis anfractibus consumatur, ad-
iungimus opium, frigiditate cuius, con-
coctio impedita medicamenti vim illæ-
sam dimittat, sicuti in theriaca miscetur:

pastillis verò camphoræ crocinum cal-
car addimus, vt ad cor vsque perueniat.
Et cùm medicamentum tale est, vt duo-
bus itineribus proficisci valeat, vt eò ten-
dat, quò relegare volumus, præbemus du-
cem. nam si aut ad vesicā, aut ad intestina
(hæc enim purgādi diuersa sunt itinera)
liberè ire poterit, vt ad viam vesicæ ten-
dat, admiscetur cantharis, quæ de natura
sui renes vesicamque petit. Præterea si
medicamine, quod aperit, vti volueri-
mus, quoniam tale medicamentum sum-
ma cum celeritate à iocinore declinat,
tunc semine raphani admixto ad os sto-
machi reuocatur, vt inde ad iociner re-
deat. His & alijs causis mixtura medici-
narū, et cōpositio simplicium necessaria est.
Sed medicina, vt ex dictis Aristotelicis in-
lib. Problematū colligitur, rebus aliquot
munita probatur, nam humanæ naturæ
abhorrenda esse debet, ita vt amara, foeti-
da, naturæ insueta appareat. Nam si iu-
cunda amicaq; foret, & si viam soluendi
obtineret, nihil tamen efficeret, quoniam
natura quod amicum est, in sui substan-
tiam vertit. Præterea cauendum est, ne
sit glutinosa nimis, ne partibus stomachi
inhærescat, ita, vt ne aliò tendat: nec ea

Cantharis
quibus ini-
mica par-
tibus.

Raphani
semen ad
quid.

Medicina
naturæ ini-
mica ois.

stip

stipticitate fulta fit, vt os stomachi constringendo corroboret: lenis ergo & rara fit oportet, deinde vehemens ex se fit necesse est, vt corporis virtutes superet, ne ab illis opprimatur. Tantam habēs quantitatem, vt eam humana virtus tolerare non possit, sed victa humores exagitan- dos illi exporrigat. omne enim agēs mul- tum esse debet: nā adaucta quantitate au- getur & virtus, & hinc pēder illud quod supra narrauimus, cū medicum quan- tum, & quando efficiat. Cū igitur me- dicina calida, siccaque huiusmodi stimu- lis atque aculeis armata erit, nullo modo à natura poterit tolerari, nec eius mole- stia sustineri, & hinc nascetur illa humo- rum concessio, & eorum ad os stomachi reuocatio; vt euacuatio vomitu fiat. Ca- lidæ autem & siccæ inter cætera medi- cinæ sunt albus & niger helleborus. vter- que enim harum qualitatū tertium or- dinem obtinet, sed diuerso modo opera- tur. Albus enim vehemētia sui pituitam vomitu excludit: & hinc est quod arti- cularijs podagricisque longisque ægritu- dinibus subfragatur. Niger verò helle- borus, quo filias Proeti sanatas à Melam- po retulimus, atram bilem non per vom-
d s tum

tum, sed per excrementa depellit, & elephâtia si perutilis esse cognoscitur. Scammonia autem caliditate siccitateque ordinis tertij ornata (ex succo enim cuiusdam conuoluoli fit) etiam per intestina repurgat. Sed cum de vomitu facta sit mentio, non videtur ab re aliquid in medium afferre, quod faciens vomitum omnibus etiam aniculis & olitoribus commune sit. Vomitus nanque multis & periculosis sæpe incommodis subuenit, semina rapi, aneti, atriplicis, leuiter & sine offensione vomitum prouocant. Helleborus albus, straccium siue obstruccium: chamelæa, cuius semen Punicè meze-reon, nos verò coccum gnidiô vocamus, vomitiones cum maxima vehementia faciunt. Nux verò vomica & aphronitrum medio se modo hac in re habent. Sed mentio scammonie, nam in tertiana datur, cum calida sit, admonet, ut videamus, si calida aliquando refrigerant, & si frigida exurunt: nā testimonia non deerūt. Virgilius nanque in Bucolico,

Testilis ex rapido sessis messoribus est

Allia, serpillumq; herbas contundit olentes.

Cum hæc omnia calida sint, & idem poëta in Georgicôn libro,

Penes

Vomitum
scientia.

• *Penetrabile frigus adurit.*

Et Lucanus,

Vrebant montana niues.

Calida refrigerare possunt duplici ratione, vna siquidem est, cum aperiunt. nam esculentum ex allio, serpillio, menta quæ olenti confectum, calidissimum, aperit ocultos meatus corporis, quos Græci poros vocat, vnde caloris fit exhalatio, & hoc modo refrigerant: sunt enim causa vt conceptus calor exhalet. Est & alia ratio, vt in scammonæa deprehēdimus: tertiana enim febris refrigeratione indigēs, vi scammonææ, quod optat adipiscitur: primo, quia proprium huius medicamenti est bilem purgare, quæ tertianam efficit: secundò, quia calor calori additus auget calorem, cuius vi materia calorem faciēs consumitur, & hoc modo refrigerium corporis nascitur. Sed frigus nunquam vrit, licet vterque poëta dixerit: veruntamen causam præbet incendij: nam adueniente frigore vehementi, id caloris quod sparsim in folijs & herbis, & alijs huiusmodi natura locauit, adueniente contrario colligitur in vnum, & fortius iam, quæ prius fouebat, exurit: exustio ergo à calore fit, causam præbente frigore, sicuti
in cal

in calce cōspicimus: calcem enim oleum
extinguit, & aqua accendit: nam ignis per
corpuscula sparsus, adueniente aqua, vt
ei contraria vnitur & fortior solito flam-
mam ex impressione aquarum emittit, vt
sæpe conspiciamus, oleum verò cū igni
non aduersetur, non præbet vnionis cau-
sam, vt lucere & vrere possit.

*De Mithridatico antidoto, & de poten-
tia vini.* CAP. IIII.



VNOYAM fortassis Mithri-
dati antidoti memoria sese
quàm impræsentiarum com-
modius offeret, vt hoc vno ar-
gumento illa Plinij siue querimonia siue
garrulitas, quam retuli, refutetur. Hoc
enim illustre medicamen, nec inanem,
nec cōmenticiam lucrandi gratia mixtu-
ram simplicium inuentam omnibus in-
dicabit. Vtilitas rei maxima, & amplitu-
do regis Mithridatis vtrunque falsum
esse conuincet. Sapientissimus enim rex,
pariterque potentissimus, quadraginta
annos cum populo Romano bellum ges-
sit: duarum & viginti linguarū (tot nanq;
nationibus imperitabat) peritus, medici-
nam percallens: nam multas peragraue-
rat regiones, singula quæque diligentissi-
me

mè perquirens, eò doctrinarum deuenit, vt in eius scrinio post victoriam Romanorum Magnus Pompeius, quæ secretiora pretiosioraque reperta sint, iussit per doctissimum virum Lenæum eiusdem Pompeij libertum in nostram linguam traduci, quod factum non minus quàm victoria profuit. Victoria enim de rege Mithridate hominibus Romanis illius seculi duntaxat utilis, sed quæ ex arte medica ex huius regis scrinio deprompta sunt, omnibus gentibus & seculis profuerunt. Sed alijs posthabitis ad antidotum, quod nomine regis Mithridaticum appellamus, redeundum est. Hoc enim (vt ait Plinius) quatuor & quinquaginta simplicia continet: sed in descriptione Cornelij Celsi & Auicennæ sunt pauciora: nec hoc cuiquam mirum esse videatur. nam sæpe facta est quorundam simplicium additio, & plerunque eorum diminutio, quod tamen antidoti excellentiam non violat, manentibus fundamentis. Vnumquodque enim medicamentorum talium, habet (vt ita loquar) basem super qua innititur, qua detracta omnis eius vis conflaccescit: nam si in hierapicra aloën, & in theriaca carnem viperinam detraxeris,

aut

aut aliquid miscueris, quod illam corrup-
 par, vt est mel anacardi, theriaca non eos
 habebit effectus, quos illi per excellētiam
 tribuimus: non ergo mirum est si Mithri-
 daticum varietatem in mixtura habuerit,
 base & fundamento permanentibus. nam
 de varietate nominum non est nisi Lati-
 no & erudito homini cura, dummodo
 res sit eadem: nam Auicenna nasturtium
 Babylonicum vocat, quod in Cornelio
 est rapsis, & scilis in eodem, quod in A-
 uicēna siseli dicitur. Cornelius radicem
 Ponticam, hic reuponticum, malobatrū
 ille, hic folium Indum: Cornelius daucū
 Creticum, Aui. siue Creticum, siue alte-
 rius regionis fuerit non curat. De gen-
 tiana quæ est vna de basibus, parua est
 varietas: nam Auicenna gentianam tan-
 tum, Cornelius verò gentianæ radicem
 nominat. Sed vterque de nardo loquens,
 alter spicam, alter verò spicam nardi in-
 ferit, quam quidem ego libenter nomi-
 nauī propter Lucretij & Ouidij carmi-
 na, ille,

Et nardi florem nectar, qui naribus halet.
 & hic,

*Nec coma vos fallat liquida nitidissima
 nardo;*

& in

& in eo Mithridatico quod Auicēna describit, opium, mastix, xilobalsamum, loco quorum in Cornelio papaueris lacryma, resina terebinthina, opobalsamum sunt: & lolium, piper longum in Cornelio tantum legimus: nam Auicenna lolio neglecto, nigrum & album piper admiscet. Masculum thus in Auicēna, in Cornelio autem thus tantum, & alia quæ legentibus patere possunt: hoc autē volui dixisse, ne quis sibi persuadeat additione vel munitione cum simplicium varietate, medicamenta mutari, stantibus fundamento ac base. Quid autem sit Mithridaticum Auicenna declarat, cum ait: ante Andromachum hoc antidotum loco theriacæ magnæ fuisse, sed de theriaca paulò pòst loquemur. Nam in his duobus quæ olim vnum erant, tot tantæque virtutes, tot vtilitates, tot sanitatis fomites, tot defensiones protectionesque ad res maximè contrarias conspiciuntur, vt non humanum inuētum esse videatur. Theriaca paulò calidior Mithridatico est, at tamen in virtutibus ferè cum ipso concordat: excellit tamē theriaca in vno duntaxat, fugat enim tutius Mithridatico venena serpentum: alijs verò in rebus, vt
Auic

Auicenna consentit, Mithridaticum teriacæ antefertur. Vtrunque tamen calidis, frigidis, humidis, siccis laëgoribus subuenit: vt latè patebit, si quis eorum vsum aduerterit: vtrunque ex vino sumitur. sed Mithridaticū maximè. Quid autem vinum operetur, illud Asclepiadis à Plinio relatum ostendit, cū potentiam vini vix potentia deorum coæquari posse arbitretur. Et Halis Galeni commentator ait, Vino calida refrigerari, & algida calefieri, humida siccari, siccataque humectari, quod non est teriacæ Mithridaticoq; dissensitaneum. & rectè mea quidem sententia. nam plerunque maximis caloribus flagrantés potu vini refrigeratos, & algore contractos meraca bibitione caluisse conspeximus. Siccum autem hominem potu vini humectari nemo profectò dubitat, cū plerunque stomachantem nimioque humore nauseantem optimi vini ablutione siccātū sæpenumero contigerit. Commodè igitur hoc tam salubre tamq; varium antidotum ex optimo vino Cornelio Auicennaque testibus sumitur, vt hoc adminiculo ad diuersa incommoda corporis deuehatur. Fuisse autem maximæ famæ in medicina Mithridaticum

datem inter cætera illud Satyricum declarat, *- Si prægustasset Atrides*

Pontica ter victi cautus medicamina regie.

Ter autē fuisse deuictum Mithridatem historia narrat, cum Lucillum, Syllam, & deniq; Pompeiū victores proponat.

De Theriaca vbi error in nomine est.

CAP. V.



IAM de Mithridatico sermo est absolutus, nunc de theriaca dicemus. Sunt enim duo hæc medicamēta quadam germanitate connexa adeo, vt alterius quodam modo hæres, hæreditatem intactam reliquerit. Magna enim theriaca Andromachi hæreditario quodammodo iure vi cognationis Mithridatico successit, eandem gerens cum morbis hostilitatem, sed paulò ardentius. Mithridaticum enim nō vt theriaca concaluit: sed hoc in loco de nomine aliquantisper disputandum erit. Nam omnes ferè iuniores in huius appellatione conuenire videntur. Auicenna enim, eiusq; imitator & obseruator Petrus Aponanus, cui ob concordiam philosophorum & medicorum Conciliatori nomen est inditū, vir apprimè eruditus, nullius disciplinæ expers, magiæ & ma-

e. theseos

theseos peritissimus, Græcarum literarum non ignarus, in hanc sententiam cōnenere, vt theriaca dicatur propter carnem theri serpentis, vt ipsi aiunt, additam ab Andromacho, quod quàm ridiculum sit, statim apparebit. nam eo tempore, quo Mithridaticum erat loco magnæ theriacæ, nomen theriacæ erat in vsu. Theriaca enim diateffaron, & theriaca Antiochi regis nominabantur, vt meminit Plinius, & in neutra harum caro viperina admiscetur: vnde non à thero nomen traxit originem: Præterea therus pro serpente nusquam occurrit, licet quidam ex doctis Plinium allegent, locutione Pliniana decepti, quam minime intellexerunt. Inquit enim Plin. x l x. Naturalis historiæ:

Fiunt ex vipera pastilli qui theriaci vocantur à Græcis, ternis digitis vtrinque amputatis exemptisque interaneis. Sed in hoc sermone Pliniano bene intellecto nusquam therus serpens nominatur: nam fiunt (inquit) ex vipera pastilli qui theriaci dicuntur à Græcis, quod hac ratione dictum est, Quoniam *τηράτω* apud Græcos est seruo, quasi dicat Plinius, trochisci fiunt: sic enim Græcè vocantur pastilli, qui theriaci, id est seruatores dicuntur,
& hoc

& hoc modo & diateffaron & Antiochi
theriacæ dictæ sunt, tanquam humani ge-
neris conseruatrices. Venena enim quæ
nobis inimicantur, repellunt, & sic nos
seruāt incolumes: quod satis bene ex alio
dicto Plinij apparet in eodem libro, the-
riace vocatur excogitata compositio lu-
xuriæ, fit ex rebus externis, cum tot re-
media dederit natura quæ singula suffi-
cerent: Theriace ergo est, ac si dicerent,
seruatrici. Fuit enim consuetudo maiorū
nostrorum excellentes medicinas præ-
claris nominibus decorare, & hinc hie-
rapicra, id est, sacra amara dicta est, quod
nomen sacrum atque diuinum ob eius
merita habuit. Nam superuacuos humo-
res, illæsa humiditate natiua educit, quod
mirabile est. rarò enim sordes & super-
uacua è corporibus medicamen educit,
quin secum aliquid natiui & radicalis hu-
midi vnà cum sordibus trahat. Medici-
nas siquidem cineri lixiuio non iniuria
cōparauerim, qui sordes lauat & pannos
terit. Præterea est & soteria medicamen
appellatum propter salutem quam affert:
foteria enim salus dicitur. De hoc enim
multa & egregia quidem Auicenna com-
memorat: nam morbo comitali, vertigi-

ni, vetustis capitis doloribus subuenit, lip-
pitudines prohibens, cogitationes & gra-
ues hominum curas mitigans, quo solo,
mea quidem sententia, tam egregium no-
men obtinuit. Curæ enim graues non
modo morbos sepe inducunt, sed plerūq;
in turpissimam mortem ex desperatione
præcipitant. Sunt etiam aliæ permulta
claris nominibus appellatæ medicinæ,
quas qui nosse desiderat ad Galenum &
Auicennam se cōuertat. Sed Androma-
chi tantū magnam theriacam vocamus,
de qua paulò mox loquemur, quoniam
illa theriaca regis Antiochi, qua ad o-
mnia venena utebantur, describitur à
Plinio xx. Naturalis historiæ: & theriaca
diatessaró nota est. nam à quatuor nomē
sortita toridem simplicibus constat, hoc
est gentiana, aristolochia longa, myrrha,
thure. Hæc autem melle glutinantur ad-
inuicem, vnde mel, vt copula appositum
non computatur in numero, neutra tamē
magna dicta est. Sed vt ad theriacam An-
dromachi reuertamur, aduertēdum quip-
pe est illam esse perfectissimam, ac ex o-
mni parte maximè cōsummatā, & quan-
quam Galenus theriacam quoque nomi-
ne suo, auuiditate gloriæ allectus, quibus-
dam

dam additis ediderit, attamen testimonio Auicennæ nihilo plus actum quàm in theriaca Andromachi sit. Nam minimi & nullius ferè momenti additamenta putantur : Et sic etiam alij gloriam aucupantes theriacam nomine eorum composuere, quæ tandem in illam Andromachi magnam theriacam resoluitur, vt idem Auicenna ait : imo putat nihil addi posse, quod conferat. Fieret tamen nocumentum, vt idem testatur, & nos suprâ retulimus, anacardi permixtione, quoniam carnem viperinam corrumpit, quam constat esse magnæ theriacæ solidum fundamentum, quo sine stare non potest. Conciliator tamen additamentum fieri posse utilissimum arbitratur, & inter cætera gariophyllon enarrat. Sed ne theriacam frustra nominauerimus, quædã vel plurima & maxima emolumenta ex Auicennæ libro v. in medium referemus. Conferunt enim venenis, vt scorpionum, serpentum, canis rabidi : prodest etiam veneno potionaris, necnon ægritudinibus ex pituita, ex atra bile, & febribus ex huiusmodi humoribus : prodest etiam inflationibus, solutioni quam paralyfin vocant, necnon attonitioni, quam Græci apople-

xiam nuncupant : suffragatur morbo comitiali, quem epilepsiam Græcitas : tormini, tremori, phrenesi, elephantiosi, vitiliginis iumenta tradit, roborat cor, acuit sensus, excitat appetitū, stomacho utilis, anhelosis proficua, renum vesicæque doloribus, ex quacunque causa sint, siue frigus aut calor, siccitas humiditasq; huiusmodi incōmodum pepererint, opitulatur : calculos & maximè in vesica conterit : intestinorum vlcera consolidat : lienosis & hepaticijs ex duritie inuamentum porrigit : spiritus autem nostros, caloremque natium viuificat : calidis frigidisq; habitudinibus utilis : quanquam Galenus in libro de theriaca neget, diebus canicularibus, & locis calidis, & infantibus vsum eius prohibens. Tussim subleuat, dolores pectoris mitigat, colicū incommodum minuit, lateris doloribus subueniens vocem iuuat, & ad omnia morborum genera non inutilis. Hoc tamen memoriter tenendum est, theriacā in aconito, venenorum veneno, iuniores napellum (est enim aconiti species) nullā habere efficaciam, in hoc vis eius conflagat. Quid autem sit aconitum, sequentia declarabunt. Tale est enim vt inter
venen

venena, vt videbis, obtinet principatum, quapropter Ouidius Metamorphoseos primo:

Lurida terribiles miscent aconita neuere.

Sed huius tam furiosi, tam noxij, tam atrocis veneni, antidotū salubre est diamascū: vnde, quod magna theriaca non potest, antidotum hoc aconito resistit, opemque eo laborantibus præstat.

De lingue Punicæ excellentia, & de præstantia gentis Phœnicæ, quam quidam Arabicā vocāt, vbi de magnifico Laurentio, Ioanne Bentiuolo, Turca, & Soldano mentio est.

CAP. VI.



PER OS QV E miraturos arbitror, nisi ratione factum appareat, me nonnulla ex libris Auicēnæ & aliorum excerptisse, & Punicè dicta quandoque adduxisse, cum apud idoneos & maximè nostratos non nisi Græcitas cum Latinitate testimoniorum integritatem in verbis exhibeat, id enim rectè dictum ac bene pensum putatur, quod ab altera duarum linguarum defluxit. Græcos enim olim eruditissimos, & Latinos dudum & nunc etiam in eruditione præcipuos dicitant, nec omnino fallūtur: sed hi malè sentiūt,

qui disciplinarum principatum multis iam annis exactis Græciæ aut Italiæ tribuunt. Nam in lingua Punica tot tamq; excellentes disciplinarum scriptores superioribus annis eluxere, vt non modo veteri Græciæ, & antiquæ & nouæ Italiæ, sed Aegypto conferri ac comparari possit: & ne cateruatim doctorum hominū & tironū quidem in me narrātem ruat multitudo, satis erit nobis Auerroidem, Albumasarem, Auicennamq; qui in manibus sunt pro quodam vallo, vt memuniant, adduxisse. Auerrois enim Peripateticorum acutissimus Aristotelis interpres, cui ob excellentiam Commentatori nomen indidimus, illis duobus iunior, vtrunque enim allegat in libro de cœlo & mūdo, armis syllogisticis protegat. Is enim est, vt vndiq; in se & in eius imitatores veniētes impet^o repellat, mole sua stans. De Albumasare quid referam? cū cœlos & eorū effectus, & maximas illas & diuersas cōiunctiones planetarum ita percalluit, vt & præterita & præsentia & futura cognoscere ac intelligere nos omnes docuerit, multaq; excogitarit, quæ ab initio orbis ad eius ætatē latuerunt. Auicenna autē signorū & causarū in morbis

bis princeps, eum sese nobis præbuit, ut
 medicinæ ab hoc excellentissimo viro
 proposîtæ, ut quædam diuina manus mor-
 bos fuget: ita ut sine eo manca ars meden-
 di esse videatur: tales ergo viros lingua
 Punica habet, quæ teste Prisciano Chal-
 dææ, Hebrææ, & Syræ est similis: & rectè.
 tres enim linguæ quadam germanitate,
 iungantur: omnes enim à dextra in fini-
 stram scribendo calamos ducunt, cum
 Græci & Latini à sinistra in dextram li-
 teras arēt. Præterea illæ gutture, nos ve-
 rò & Græci labijs pronunciamus, ideo
 Hieronymus anhelantia Chaldæorū ver-
 ba dicit, & cū vocales Græcæ & Latinæ
 linguæ formam cæterarū literarum ha-
 beant, apud illos puncta cum lineis extra
 abecedarium, vocalium obtinēt potestaté:
 verborum autem positione & significa-
 tione Chaldæa & Hebræa aliquantisper
 differunt, nam Hebraica in nonnullis vi-
 detur Chaldaica adaucta, & Chaldaica
 apparet Iudaica detruncata, sed in nume-
 rando concordant. Et quoniam quidam
 iuniores, non omnino imperiti Punicam
 linguam Arabicam dixere, non erit ab re
 Hieronymi verba in prologo Danielis
 adducere, sunt autem hæc: vnam Hiere-

miæ pericopen, Iob quoq; cum Arabica lingua plurimam habere societate. Hæc autem Chaldæa est, vt ex eius sermone colligimus. Et apud Hebræos moris aliquando fuit Hebraicis literis scribere, quæ erant Chaldaicis vocabulis cõposita, vt de Daniele & Esdra Hieronymus affirmat, sed inter alia Chaldaicæ linguæ pronũciationẽ Hieronymus penitus desperauit: Pœni ergo & Tyrij, vt ad rem nostram reuertamur, quàm egregij fuerint, nemo profectò ignorat, Phœnicia enim, vnde Pœni sunt, Tyrum & Sidonem habuit, de Tyro Virgilius:

Imperium Dido Tyria regit vrbe profecta.

Sed fines Libyci genus insuperabile bello.

Phœnices nanque & artium bellicarum, & naualium, & astrologiæ, & literarum fuerunt inuētores. Quatuor enim hæc in humanis præcipua a Phœnicibus & Tyrijs ad alios defluxere. Quanta autem inuentorum sit laus dicat Aristoteles, qui nihili quodāmodo facit additamenta. Inquit enim: facile est inueniẽs addere. Nec inuenisse tantum fuerunt contenti, sed alijs quoq; tradiderunt. Agenoris enim Cadmus ex Tyro fugatus in Græciā nauigans Thebas Bœorias ædificauit, literasq;

rasq; dedit Græcas: quibus similes Nicostрата, quæ Carmentis dicta est, mater Euandri Latinas formauit, vt ait Plinius. Sed bellicas artes ab his & inuētas & adauctas paulò pōst docebimus. Interea illud Lucretij in medium veniet:

*Anguimanus belli docuerunt vulnera Pœni
Sufferre, & magnas Martis turbare cæternas.*

Cùm de elephantis dictum sit, quorum proboscidem, Latinus manum vocat, vt in Curtio sæpe occurrit, quæ vt anguis flectitur, in bobus lucæ, sic enim Latinitas elephantos vocauit. idem Lucretius: vt nunc sæpe boues lucæ ferro. Sed hac in re Latinitas miranda est, quæ & auibus magnis, & animantibus quoque peregrinis parua interdum nomina, & sua quidē dederit. nam struthiones dixit passerēs, gryphes picos, elephātes boues lucas, camelopardalim ouā feram nuncupat. Tyrrij ergo & Thebas in Græcia, & Carthaginem in Africa condidere, quales autē quantæque hæ vrbes fuerint, nemo ignorat, cùm altera Herculem Liberūque patrem, aliosque permultos dederit, altera verò cū populo Romano tā acriter depugnant, vt à poëta dicatur,

-Propiusq; fuere periculo

Quis

Quis superare datum.

Tyrus tamen in Phœnicia, quā Agenor Cadmi pater condiderat, olim dicta est Sarra: vnde Virgi.

-Et Sarrano dormiat ostro.

Et hæc est ad quē loquitur Esaias Propheta, Quis cogitabit hoc super Tyrū quondam coronatam, cuius negotiatores principes institores eius inclyti terræ? A loco igitur lingua, & moribus, artificijs, & doctrina excellentibus in Africam Tyrij cōmigrarunt, adiuti etiā soli bonitate. ea enim regio est Africa, vt ex astris acutos homines gignat. Iulius enim Firmicus ratione astrorum factū asserit, vt Græci sint leues, iactantes Hispani, Subdoli Afri. fraus enim & dolus non nisi acumine deprauatæ mentis exoritur, vnde & de Hānibale Liuius: Fraus plusquā Punica. Accedit etiā ad hoc quòd Africam diu cum Græcis habuere cōmerciū, ita vt non eos latuerit, si quid apud Græcos bonæ culturæ quæ doctrinæ adinuentū, additūue est, ita vt ad sapientiā Pœni primo inclinationem naturalem habuerint: fuerunt enim rerum excellentiū inuentores, vt tetigimus, deinde natura terræ adiuti: id enim solū subdolos facit: deniq

denique cōmercio Græcorū exculi, cō
fapiētię deuenerunt, vt in medicina, phi-
losophia, & mathematicis, arteque magi-
ca soli sapere videantur, nec sibi quisquā
persuadeat cōmerciū Tyriorū cu Græ-
cis esse nouū, ita vt Aristotelis, cætero-
rumque philosophorum, & in quolibet
genere scriptorum, sit in linguam Tyriā
facta interpretatio antiquissimum enim
Græcis & Tyrijs fuisse cōmercium de-
clarat Hannibal ille, qui toriens Roma-
nos afflixit. Nā eū Græcē sciuisse Probus
Aemilius testimonium facit, qui de Han-
nibale loquitur: Atq; hic tantus vir, tan-
tisque bellis diseretus, nonnihil tēporis
tribuit literis. nanque aliquot eius libri
sunt Græco sermone confecti. Non im-
merito igitur, cū dicitur Barbaria, si per
excellentiā Africa intelligatur. Cicero
II. de Natura Deorum: Auditū est pan-
theras quæ in Barbaria venenata carne
caperentur, remediū quoddam habere,
quo cū essent vsæ non morerentur. Et
Iustinianus Imperator in proœmio Insti-
tutionū, cū de recuperatione prouin-
ciarū meminit, inquit: Et tam Africa
quā aliæ innumerosæ prouinciæ post
tanta temporum spatia nostris victorijs à
cælest

coelesti numine præstitis, iterum ditioni Romanæ, nostroq; additæ imperio, protestantur, per quandam sublimitatem ab alijs Africâ secreuit, vt poëtæ facere consuevere. Virgilius in primo Aeneidos,

Troas reliquias Danaû atq; immitis Achilli. D

Sed cur amplius de soli adiutorio loquar, cum vaser, vnde vaframenta, ab Afris, quasi valde Afer à Nonio dictû putetur. Aurelium autẽ Augustinû, & Cyprianû, & Marcianum Capellam, Apuleiû quoq; cum plurimis alijs (nam Terentium Scipionis currû pileatum ob datam libertatem fuisse secutum) ex illa quoque regione fuisse bonitate soli, & aëris influxu adiutos non inmerito credimus: alios enim Carthago, alios verò instaurata Carthago dedit. Cui igitur vitio dabitur, si ab hac præclarissima lingua, à gēte nobilissima, armis, literis, nauigationibus, astrisq; insigni aliquid præclarû mutuabitur exêplo Romanorû, qui Carthagine capta, cû bibliothecas regulis Africę donassent, duodetriginta volumina eruditissimi Magonis sibi Senatus reseruauit, mandauitq; in linguâ nostrâ trāsferri. Itaq; factû est, sed in traductione Decius Syllan⁹, qui linguâ Punicâ tenebat, excelluit cæteros. Erant enim

enim de agricultura libri, vt latè patet in Plinij decimoctauo Naturalis historiæ. Quales igitur gentes putabimus illas (ne nobis blandiamur) à quibus grauitas Romanorum doceri optauit, & quales ciues dicemus, apud quos confertissimæ bibliothecæ repertæ sunt? Quos etiam regulos fuisse in ea regione arbitrabimur, qui à Senatu cùm oppida, & pecuniæ, & tituli proponerentur, libros dono petijisse cernuntur. Erit ne nobis erubescendum, si aut indicandæ rei, vel refutandæ inscitie doctrinæ gratia verbis Punicis aliquando vtemur? qui enim aliter sentiret, iudicaretur doctrinarū hostis. Nā Gebber Matheseos peritissimus, magnā editionē Ptolemæi, quā Punica lingua Almagestū nuncupat, in libro suo ita vexat, vt plurimos in eo errores esse cernamus. Nā mathesis demonstrationibus certissimis fulta, oculis & animo hominum errata demonstrat. De alijs qui in Galeno quoque errata plurima depræhenderunt non referam, ne hac in re tempus teram, sed ad verba Punica, à quibus tantopere quidam abhorrent, reuertar: & in exemplum adducemus Plautum, qui in scena & theatro in ea comœdia quæ Pœnulus dicit

dicitur, Pœnum Punicè loquentem in-
 troducit, ita vt tunc quoque lingua Pu-
 nica nō fuerit Romæ inaudita, imo pro-
 pter captiuorum multitudinem tantum
 fuit cōmercium, vt per omnem Italiam
 quædam huius linguæ vestigia remanse-
 rint. Nam in Thufcia quam Herruriam
 quoq; dicimus, scapos recentiu fabarum
 in lingua vernacula bacellos dicunt, bac-
 cila enim Punicè faba est: & in Italia Cir-
 cumpadana, & maximè in agro Patauino
 quinque ossa pectoris casum more Ty-
 riorum vocant. Barboca Punicè dici-
 tur meatus & via, & Italia barbacane an-
 temurale, vbi via est circa arcem, appel-
 lat: Allhosos ipsi, nos laionza, partem spi-
 næ porcinae nominamus; bottor est emi-
 nentia in cute, & tuberculum quoddam
 durum, & per totam Italiam bottoni vo-
 camus anfulas thoracis: in Poenulo Plauri
 est bodialith, id est, diuisio fratrum inter
 se, & in eodē ponitur lalec: sunt autē quæ
 diu māduntur, & ille Plautinus interpres
 introductus cōmemorat nuces, vnde non
 est absurdū nuces inter ea quæ diu man-
 duntur annumerare. Mathahaze Punicè,
 Italia verò in lingua vernacula matha-
 razzo nūcupat, est res de pilis caprarum
 facta.

facta, nos Latini huiusmodi viles lectos grabatum, aut phormionem dicimus, à Græcis mutuati, vel ipsi à nobis : nata aliquando disceptabimus, quæ Græca quæ uel Latina sint vocabula. non enim validum argumētum est, hoc apud Græcos scriptores antiquissimos reperitur, ergo Græcum est : nec quia Epicurus scurram vocauit Socratem, statim concedam Græcym esse, nam nomina disciplinarum Græca apparent : modus etiam inflectendi à Græcis descendit : literæ quoque nostræ Græciam repræsentant : omnia hæc fatemur, ita ut nostra ab illis deflexerint, confiteamur in modis inflectendi, & nominandi, & diuidendi, & talia faciendi. Sed de vocabulis rerum alia ratio est : lingua enim Latina, & magna Græcia in Italia fuerunt, ex vicinitate & commercio, ut fit, lingua à lingua aliquid mutatur, sed hoc pronomē ego, quod & Græcis, & nobis cōmune vocabulum est, utrum Græcitas à Latinitate, an Latinitas à Græcitate sumperit, relinquitur in dubio, cum etiam aliquando commune vocabulum utriusque linguae ex se, & non assumptum esse possit, ut patet. Græcitas dicit arura, nos rura : illi ne adauxerint

f nost

nostrum, an nos detruncauerimus suum incertum est, nec temere affirmandum nam prauus apud nos malæ significatio- nis, cum apud Græcos bonæ sit, sed de his aliàs: nunc ad rem nostram redeamus. Volui hæc retulisse, ne si Punicum verbum aliquando occurret, nostrates vt nostrum exhorreant: nam & apud vetustissimos, & etiam apud iuniores non est horum verborum infueta facies: nam in libro nostro Magnifice Laurenti, Punicum aliquando verbum inferemus, vt ad rectam normam inducamus, & cum familiæ tuæ, nomen Medici fataliter inhæreat, meritò causam præstabit, vt ægrotantem Latiniratem, & maximè in medicina sanitati restituemus, vbi efficax remedium interueniet: sed, si cura desperabitur, quoquo modo nequitiam morbi mitigabimus. Tua nanq; familia, bellis, paci cõcordiæ, languentibus amicitijs, studijs literarum ruentibus, virtutibus tabescentibus medicinam tribuit, vitijs quoq; grassantibus venena miscet, vt citò intereant. Si quid autem incurabile incidere, vbi quorundam peruersorum carcinomata iam conclamata conspicias, vel aliquid sapientiæ applicando, vel aliquid fur

furoris minuendo efficis, vt ad multos annos etiam inualida non marcescant: si qua autem contagione offenderent, sapientia tua ita separat, vt nunquam in vnam coëant. Quotiens in Italia bellorum ciades, quotiens fomites discordiarum, & ciuiliū incōmodorum cumulus emerfissent, nisi tuæ sapientiæ perspicacitas id interposuisset, quod omnium malorum remedia præbuit! Nam tanta fide haberis, vt non modo amici, sed hostes quoque te secretorum participem fecerunt: vrbes enim & populi, & principes omnem ægritudinem, omne incommodum medicandum afferunt ad te: siquid enim aut finium, aut oppidorum, aut iuris amiserint te medicante recuperant: odium verò & simulas, quæ plerunque etiam confecta pace inhærent, Laurentij medicamento excluduntur. Sed inter omnia, quæ à te, Magnifice vir, gesta sunt, illud præcipuum videtur, quod nuperrime actum est, quod profectò ad memoriam omnium seculorū se extendet propter seruati viri excellentiam, cum Magnificum Ioannem Bentiuolum Bentiuoke factionis principem, hominem iustum, pium, integrum, armis rebusq; ge-

itis clarissimum à periculo liberaſti. Hic
 enim Bononiam non modo ædificijs, ſed
 omni genere magnificentiæ decorauit,
 ita vt ſi ciues illi Bononiēſes veteres reui-
 uiſcerēt, ita excultā, ita ornatā, ita diuitē,
 ita moribus & doctrina pollentē cerne-
 rent, vt alteram ciuitatem putarent, &
 Ioannem Bentiuolum patrem patriæ ap-
 pellarent, mirarenturq; proſectò huma-
 nitatem pariter & clementiam, & ſum-
 mam omnibus in rebus fidem: in quo
 non modo ciues, ſed potentes illuſtresq;
 principes ſpem certam eorum regni col-
 locarunt, quem Italia admiratur, externi
 colunt vt verum ſyncerumq; amicum,
 egregios omnes inuiolata fide amantem.
 Hunc igitur, Magnifice Laurenti, è ma-
 ximo illo periculo liberaſti, quod toti Ita-
 liæ lætitiā peperit: dolebant enim o-
 mnes virum tantum captiuum in mani-
 bus inimicorum ſine cauſa eſſe. Hic o-
 mnes, Magnifice Laurenti, tuum illum
 animum, illam tuam fidem omnibus ſe-
 culis celebrandam laudant, ac extollunt.
 Nam quòd Ioannes Bentiuolus in illo re-
 terrimo caſu quo Iulianus occubuit, & tu
 acriter vulneratus fuiſti, effecit, cum ma-
 xima armatorū turba in ſubſidium præ-
 ſto

sto fuit, obliuioni nō modo tradidisti, sed
cumulatam gratiam reddidisti. Gaudeāt
ergo Bononia Florentiaq; Apenninum
a sup̄ero inferoq; mari munientes, qua-
rum altera latissimo imperio, totius orbis
commercio, artificijs, literis, & rerum
nouarum inuentione clara, ita vt in o-
mnem ferè orbem brachia porrexerit,
Bononia verò suis finibus contenta stu-
diorum mater, vbertate soli, & varietate
fructuum nulli secunda, montibus, colli-
bus campisque ornata, bellicæ disciplinæ
parens, ita vt integrum Palladis numea
habuisse cernatur. Gaudeant, inquam, his
duobus ciuibus clarissimis, ac animo &
beneuolentia coniunctis ita, vt quilibet
ciuitatis suæ culmen possidens, diuerso
tamen calle iucedens, principatum obti-
neat, & Bononia semper se debere Flo-
rentiæ fatebitur, cum ea ciuem pepererit
Ioannis Bentiuoli seruatorem. nam Lau-
rentius consilio, sapientia, autoritate, di-
uitijs, modestia pariter & amore patriæ
nulli secundus, tantam adeptus est glo-
riam, vt maximi reges & à nobis remotis-
simum consilium Laurentij, vt à vate quo-
dam, semper expectent. Ad hunc igitur
omnes qui malè habetis confugite, & re-

media ægritudinibus postulate, vt sordes inimicitiarum, vt pus discordiarũ eluantur : hic nanque auari superbiq; dominatus ad meliores mentes reducuntur, hic est illa Medicorum familia diuino numine appellata, quæ non corporum sed animorum, statuum, regnorum, principatuũ tyrannidum, seditionum, factionum, rixarumque & simulatam medicamenta conficit, & nõ modo volẽtibus, sed inuitis plerunque ingerit. Si aliqui eo sint animo, vt per simulatam concordiam in excidium aliorum iungantur, cùm volunt aut dilatare imperium, aut alios deterre-
re, statim Medicæ familiæ medicina paratur, quæ malè hærentia membra diuel-
lit, & tyranni minantes medicamine hel-
lebori repurgati furorem ponunt. Hel-
leborus enim est Laurentij sapientia : ab
hac igitur familia omnes quotquot sunt,
magni aut parui remedia ægritudinum,
morborum curationem petunt. Quam-
obrem Magnifici Laurentij gesta eò glo-
riæ deuenerũt, & tanta eorum fama per-
uagata est, vt ciues colant, principes mi-
rentur, reges extollant, maximi impera-
tores & satrapæ à fide Christiana alieni
sub alio quodammodo cœlo viuentes, &
se &

se & sua tantum respicientes, ita Laurentium venerati sunt, ut munera miserint. Nam rex ille Aegyptius, cui Soldano nomen impositum est, potentissimus se maximis titulis ornans, nam eius epistolam aliquando ad Vngarię reges lectitavi, ubi se regem regum & dominum dominantium, subleuatorem oppressorum, adiutorem pauperum, ensẽ mundi, vicariũ Caiphę referebat. Hic autem titulus longe sublimior est illo, quem Dario regi Persarum tribuunt autores, inter quos Gualterus Poeta Gallicus carminis Heroici autor non inutilis, licet in syllabis sæpiuscule ex inscitia Græcitatẽ peccet, cùm gesta Magni Alexandri describit, sic de Dario: Rex regum Darius confanguineusque deorum scribit Alexandro famulo. Soldanus ergo tot tantisque titulis glorians magnifico Laurentio dona misit, & inter cætera quem feram, quam Græcia propter confusum genus cameli & pantherę camelopardalim vocat, nam Syrię regionibus, ubi Arabia est Soldano subiaccēs, sæpe huiusmodi mixtiones fiũt, & in Africa maximè, ubi paucitas & cœli & terrę aquarumque efficit, ut omnibus feris ad vnum fontem conuenientibus,

iuuante cœlesti influxu, species speciem inuadat, & sic varietas nascitur. Sed Turcarum imperator, sub quo Constantino-
polis est, nomine Laurentij audito præter
Turcarum consuetudinem, illum parricidam, Iuliani Germani homicidam trucidandum arbitrio patriæ & Laurentij
in vinculis dono misit. Hoc perfecto omnes obstupescunt, vt Turcarum imperator, potentia omnibus maior, nullius
cum Christianitate commercij cum in regno suo Asylum aperuit, vt omnibus ad se venientibus loca sint tuta, audito nomine & fama Laurentij, deleta lege, qua eius regnum multum creuerat. Nam quid aperire asylum sit, nemo ignorat, qui historiã Romuli in mentem reuocat: Hoc igitur facto Turcarum imperator ostendit se pluris facere Laurëtij auctoritatem & beneuolentiam, quàm omnes, quibus populi crescunt, leges, præsertim cum palam omnibus etiam videntibus sceleratum illum proditorem compeditum & catenatum ad Laurentium summa cum celeritate transmiserit.

De Auicenna & quid hoc nomen præ se ferat.

CAP. VII.

De



DE lingua Punica & Tyrijs mentionem hac de causa, ut dictum iam est, fecimus, ne quis vocabula, quæ iam dudum etiam in Italia in usu frequentissimo fuere, ut insolentia abhorreat. Ea enim est quorundam hypodidascalorum & leuiculorum hominum consuetudo, ut externa & aliena non sine nausea lectitent: semper allegantium habebunt verba fidem, si

-Greco fonte cadant parçe detorta & illud quoque: -Vos exemplaria Græca

-Nocturna versate manu, versate diurna, ut ait Flaccus. Sed hi tales nesciunt tempora esse mutata, cum latinitas tot exemplaribus abundet, & externorum autorum sit copia penè infinita. At gravitas ac sapientia Romanorum, & doctissimorum hominum natura mosq; fuit celeriter arripere quod utile honestumque foret. Undecumq; veniret, ut Sallustius etiam meminit, ita ut ubi Latinitas aut verbo aut sententijs indiguit, externorum ope supplerunt. Accidit etiam ad hoc, quod hominis inconsiderati haberetur, si nomen viri taceretur, cuius autoritate sæpe pro testimonio utitur, de Auicenna enim loquor, ubi non possum non molestè ferre,

virum tantæ doctrinæ & in philosophia,
& in matheſi, & in arte poëtica, (cantica
enim carmine rithmiſq; composuit) qui
ſigna & cauſas morborum copioſius ve-
riusq; quàm cæteri omnes ediſertauit,
gloriæ ſplendore fraudatum, ita vt mor-
tem famæ perennitate euitare nequierit.
Quis enim tot huic nomini volumina
adſcripta composuerit penitus ignora-
mus. Nam Auicenna non eſt viri pro-
prium. Mos nanque Tyrijs eſt patrono-
nymicorum ſimilitudine vt, ita vt aut a-
ui aut patris nomine vocitentur, ſicut a-
pud Græcos Anchifiades & Tydides, fi-
lios vel nepotes Anchifæ aut Tydei in-
dicant, ſed horum nomen proprium ſup-
primunt. in his enim nec Diomedes nec
Aeneas apparent, lingua noſtra perrarò
niſi in Græcis patronymico vtitur: dici-
tur enim ab Aemilio Aemilianus, & ab
OſtauiO Oſtauianus Auguſtus testimo-
nio Sexti Aurelij & Seruij dictus eſt, cū
ipſe Oſtauius quoque diceretur. Perrarò
autem in Latinitate fieri patronymi-
cum aſſeueravi propter Claudianū, per
quē ab Honorio nomine Latino paruus
Honoriades formatur. Auicenna igitur
corrupto uocabulo hoc modo fit, Aben &
Aben

Abon Punicè dicitur filius, & quoniam diximus linguam Punicam Hebrææ similem, ab Hebræis beni dicitur filius, propter illud quod innuimus cum superius de hac lingua loquuti sumus, memores erimus Hebræam esse Chaldaicam adauctā. Ceni est etiam nomen propriū apud Pœnos, cū dici debuisset abenceni, vel abonceni, abon id est filius Ceni, vt si esset patronymicū Abócenis Ceni filius, nos corrupto vocabulo b, litera in v, conuersa, vt diuersitas linguarū efficit, Auicēnā nominauimus, ita vt filius Ceni quo nomine sit vsus, ignoremus, & cū Abinceni dici verè debuisset Auicenna exclusa vna, & alia mutata litera comparuit. Esse autem hunc modum appellationis apud Pœnos vnicuique legenti librum Auicennæ patebit, in quo sæpe allegationes autorum demonstrāt à patre illorum, & non à nomine proprio factæ, vt verbi causa filius Halis hoc dixit. Præterea diuersarum linguarum mos est etiam propria vel hominum vel oppidorum mutare, lingua enim Punica abrachim vocat, quem Hipparchum & Plinius & Ptolemæus nominant, Et id oppidum quod nos in Hispania Tartessum dicimus. Si-
lius

lius Italicus in tertio:

*Iam Tartesiaco quos soluerat equore Titan,
In noctem diffusus equos iungebat eòis.*

Tyrij vocant Gaddir. Sallustius in secundo historiarum, vt alij tradidere, Tartesium Hispaniæ ciuitatem, quam nunc Tyrij mutato nomine Gaddir habent. Sed res ridicula profectò est, & à mulierculis propter medicorū nimiam frequentiam, cum de cæteris doctis parua sit apud vulgus cura, ortus est error, vt trium summorum medicorū nomina à vulgo corrumpantur: de Auicenna patuit, & de Galeno patebit, cum nomen trisyllabum quatuor syllabarum efficiunt. nam cum dicitur Galienus à Dante, qui gratia metri syllabam addidit in eo loco: Hippocrate, Auicenna, Galieno. sicut apud Ouidium:

-Rapidissima miluius extis, pro miluo,
Sed Galienus dictus est quidam Romanorum imperator moribus corruptissimis, cuius hi versus esse dicuntur:

Ite simul inuenes pariter, sudate medullis:

Brachia non hederæ, non oscula uestra colūbe,
& alia. Hippocrates autem detracta syllaba dictus est Hippocras, & quod in Galeno addidere, detraxere Hippocrati.

De Galeno, Hippocrate, & eorum laudibus, & etiam erroribus nonnullis, & unde dicitur Girapha, quæ est camelpardalis.

CAP. VIII.

GALENVS & Hippocrates suprà in mediũ venire, quos breui sermone prosequi esset profectò vitiũ, cum de Galeno Prima Primi Auicenna, summũ medicũ dixerit, & eodem in loco primum medicorum nominarit Hippocratem, Galenum ergo summum, & hunc primum appellauit. Sed fortassis quidam ex auctoritate huius excellentis viri Galenum preponerent Hippocrati, credentes primum Hippocratem dictum ratione temporis. Quoniam Hippocrates Cōs trecentesimo ferè anno ab vrbe condita floruit: Galenus verò Traiani tempore Romanus venit, sed tempore Antoninorum floruit, qui fuerunt ab vrbe condita anno non-gentesimo & vñdecimo, quot ergo annis prior fuerit Hippocrates nemo est qui ignoret: sed hoc dictum non ad antiquitatem sed ad excellẽtiam referri ipsemet Auicenna Prima Quarti diuinas laudes Hippocrati tribuens declarat: quarũ summam verbis nostris referemus, nam interpretet

terpretis verba obscuritatem pariunt, & Gentilis Fulcinias ea declarās reddit obscuriora: sed hic est sensus Auicennæ, in illo de Hippocrate sermone, quem Galenus de quintana, sextana, & septena febribus quodammodo irridebat. verborum Auicennæ hic est sensus: Si aliqua nunquam audita aut visa dicantur ab Hippocrate, quanquam multi negent, autoritas tamen Hippocratis eos vincer: & è contrario, si Hippocrates negaret illud quod argumentis philosophus probaret, & expertus diceret, se id experientia vidisse, adhuc negationi Hippocratis quàm illis magis esset adhærendum. Quanta autem sit laus hæc, cæcus est qui non videt, cùm rationibus cedendum quisq; arbitratur, imo Manilius secundo Astronomicôn,

Nam neq; decipitur ratio, nec decipit vnquã.
Sed huic Auicennæ dicto non est illud Ciceronis de Platone dissentaneum. nam in Tusculanis quæstionibus ait,

Nec mihi sanè quicquam occurrit, cur non Pythagoræ sit & Platonis vera sententia: vt enim rationem nullam Plato afferret, vide quid homini tribuam, ipsa autoritate me frangeret. Sed quidam imperiti ex adulatione forsan dictum tantum

tum Hippocratis præconium crederent, nisi statim occurreret, quod aduersus eundem vicesima tertij Auicenna narrauit, cum errata correxerit: inquit enim:

Putauit Hippocrates rectius dici in creatione hominis iecur prius corde gigni, ratione demonstrans nutrimentum primo in corporibus esse necessarium, cuius fundamenta à iocinore nascuntur, nam vt cor viuificat, ita iecur nutrit. Hoc in loco Auicenna longo sermone Hippocratem errasse demonstrat. nihil enim, vt ait, nutriri ali' ve potest, nisi viuat: hinc concluditur cordis & non iocinoris in animantibus priorem esse generationem. De Hippocrate & Auicenna dictum iam fatis est, Ad Galenum sermo redibit. Galeno medico maxima contigit in medicando opportunitas, vt clarus fieret. floruit enim tempore Antoninorum in vrbe Roma, quò cunctus orbis propter vrbis & imperij excellentē magnitudinem confluebat, & ea quæ temporibus nostris nunquam videre oculis potuimus, tunc vndique Romam vehabantur: nunc propter imperij angustias non possumus sine manifesto periculo cum remotis nationibus habere commercium, nisi

nisi loca sint maritima : nam pantheras & elephantos pauci admodum nunc, sed tigres in Italia fortassis nullus vidit, cum imperij Romani tempore omnia admiranda statim Romam cōuolabant. nōne Neroni scapum centum fabarum ex Aegypto allatum legimus? nōne omnes admirati sunt quæ Soldanus magnifico Laurentio dono misit? & præsertim feram ouem quam Græcitas camelopardalim, vt diximus, & vulgus à modo ambulandi, nam quasi in gyrum mouetur, gyrappham à gyro & pede dixit, addita aspiratione, vt tropæum trophæum gyrappham fecerunt. Galenus ergo in exercēdis medicamētis felicissimus habetur. fuit enim in vrbe Roma florentissima eruditissimo seculo: optimis imperatoribus, populo innumerabili, habitudinibus diuersis, vbi simplicium ex toto orbe aduectorū copia erat, & vbi lingua Græca etiam pueris & mulierculis communis, vt ex Iuuenale, qui etiam illa ætate fuit, habemus, cum ait: omnia Græcè. item, Concumbunt Græcè. & ibi: De Thusco Græcula facta est. Quantæ autem commoditatis sit linguæ commercium, medico præsertim, hi intelligunt, qui per interpretem loquuntur,

tur, cùm non mentem, sed verba interpretis auditor excipiat, non sine diminutione & additamento. Nam si medicus ægrum per interpretes alloquatur, duplici anxietate hominem afficit, cùm loquēs medicus quid de se sentiat narrat interpreti, deinde interpretis explicatio magis anxium reddit, imo graui morbo pressus alleviatur, cùm particulatim sua incommoda medico exprimat: nemini enim notiora putat quàm sibi patienti. Quid autem animæ passiones operentur, omnes medici exponunt: nam & hæc inter illa sex non naturalia connumerantur. Carere autem linguæ commercio maximi incommodi esse etiam sacra narrat historia, cùm inter infortunia numerat: ait enim,

Et in seruum venundatus est Ioseph, & linguam quam non nouerat audiuit. Galenus ergo ex Pergamo ciuitate oriundus, vbi Aesculapij numen colebatur, de quo Quintus Serenus:

Qui colis Aegæus, qui Pergama, quiq; Epidaurum. diuino nutu ad medicinam tractus. Nam pater, vt ipse de se narrat, puerum duxerat ad philosophos, sed in infomnijs ab Aesculapio admonitus ad medicos re-
traxit. Fuit ergo visio quædam & oracu-

lum, quando quidem Aesculapij, qui medicinæ deus habetur, suafione artem eam secutus, in qua maxime excelluit, & cuius nomen diuinitus impositum tranquillitatem humano generi pareret, & cum genitura patris concordare apparet. filius enim & pater in horoscopi trigono aliquo conueniunt, ita vt si parentis horoscopus aries fuerit, in genitura nati horoscopus erit aut aries, aut leo, aut sagittarius, qui trigonum igneum faciunt, & sic de cæteris. Non mirum ergo, si ipse quoque vera somnia nouit: habuisse autem hac in re felicitatem tunc testatur, cum ait se dubium in medicando in somnis fuisse admonitum, quam venam tangeret, quo facto æger sanatus est, sic enim astra disponunt: vnde Ptolemæus qui ad rem aliquā aptus est, habebit omnino stellam eius rei significatricem, in natiuitate sua potētem. Sed cum Auicenna Quarta Quarti Galenū gloriantē se plures arterias medicasse irridet, non propter rē (nā hoc fieri potest) sed propter modū argumentandi cōtempnit. Et Galenus quidem fato quodā medicus Romæ in tot hominum milibus exercitatus, somnis quoque adiutus, tot habitudinibus, tot regionibus
& con

& consuetudinibus obseruatis, & qui se omnia quę ad medicinā spectant tenuisse gloriatur, ab Auerroide & Auicenna & Conciliatore aliquādo. irrisus est, tanquā philosophiæ ignarus, & qui de ramis multum, & de radicibus nihil saperet: & Conciliator in motu Lunę Galeni errorem deprendit, Auicenna verò Quarta primi Galenum carpit, qui putauit inter attrahentem medicinam & humorem attractum esse in substantia conuenientiam, qua ipsum attrahit, quod verum esse Auicenna negat. Nam si id, quod Galenus ait, veritatem contineret, ferrum attraheret ferrum, cū eo maius esset: & aurum quoque aurum attraheret, cū quantitate superaret: sed huius rei consideratio excedit metas medicorum, alterius enim disciplinæ est. Sicut Hippocrates ille, à quo dissentire nefas putant, morsus reprehensionis effugere nequiuit, ita & Galenus, quem summum medicorum appellat Auicenna, & cuius se esse interpretem profitetur, eodem modo reprehenditur, inuitante veritate, quę tantę efficacię est, vt omnem amicitiam tollat, omnem coniunctionem conculcet, omnia vincula beneuolentię rumpat. nam & Aristoteles

teles ait: amicus Plato, amicus Socrates, sed pium est veritati adhærere. Non igitur Galeotto imputabitur, si Auicennam, quem ipse semper veneratus est & coluit, & cuius testimonio in diuersis disciplinis vsus est, erroribus plurimis scateremonstrabit: itaque paulò pòst de re hac dicere incipiemus. Non enim errores excellentiam virorum imminuunt, homines enim sunt. Quis enim Augustinum non admiratur licet plurima errata in libro *Retractionum* ab eo referantur? & Hippocrati ad gloriam accessit, testimonio Cornelij Celsi, cùm se à futuris capitis deceptum narrat, cum os fractum esse crederet. Ait enim libro octauo: à futuris se deceptum esse,

Hippocrates memoriæ prodidit, more scilicet magnorum virorum, & fiduciam magnam rerum habèrium, nam leuia ingenia, quia nihil habent, nihil sibi detrahunt. Hactenus Cornelius.

De erroribus Auicennæ:

CAP. IX.



LVOLVIMVS aliquando commentarios Auerroidis in libros Aristotelicos non sine auiditate & attètionē: acutissimi enim philosophi ab eiusdem acuminis viro declarati

clarati lectio, non somniculosum neque negligentem hominem expostulat, præsertim cum Aristotelem Græcia & Athenæ, ubi doctrinarum fontes viguere, Auerroidem verò Hispania, quæ cum Italia nomen commune possidet, utraq; enim dicitur Hesperia: & Corduba, in qua præclara ingenia pullularunt, diuersis temporibus produxerunt: unde illud poetæ,

Duosq; Senecas, vnumq; Lucanum,

Facunda loquitur Corduba:

quibus fortasse in lingua præsertim Latina pares aut similes in suo genere difficile sit inuenire. Lucanus nanque ardens & concitatus testimonio Quintiliani, quod maximum: & nostro iudicio, quod perexiguum est: ex se ferè omnia & non aliunde mendicata in suo volumine inferens laudem meruit maximam: & eo magis, quia Virgilius quem optimum poetarum omnes, & Augustinus præcipuè vocant, ab Homero ingeniorum fonte mutuatus est, quæ egregium opus fecerunt: sed nos de ingenij acumine, non de operis præstantia sermocinamur: Lucanus enim ex se inuenit, Virgilius verò inuenta & ab Homero accepta

meliora reddens, clauam e manu Herculis extorfisse se gloriatur. Tragicum autem Senecam vel hoc vno præstantissimum iudicamus, quòd Latinitas, tragicis omnibus reiectis, hunc sibi conseruauit: in quo de morte Senecæ philosophi fit mentio, & etiam non est omnino integer. nam quædam Augustinus ex Seneca tragico allegat, quæ nunc non reperiuntur in eo. De Seneca philosopho præceptore Neronis, cum quo Quintilianus inimicitias se gessisse fatetur, non eius testimonio, quoniam suspectum est, utemur: nam Senecæ plurimum detrahit, sed iudicio nostro freti, excellentissimum ferè in omni genere, ut eius scripta demonstrat, audacter enunciamus: nam & Quintilianus ipse inimicus, non eius acumen, sed genera dicendi oblique carpsit. Cordubensem igitur Auerroidem horum hominũ exemplo inflammatus summa cum attentione lectitavi, Cordubensem dicimus, nec me mouet quòd de se ipso super secundo libro Canticorum Auicennæ ait, in hac mea regione cõtingit, alaude & coturnices non sunt in hac nostra insula Andalusie, hoc enim & ad regionem referri potest, & sæpe etiam contin-

git,

git, vt idem & propter originem & propter ciuilitatem diuerso modo appelletur, vt Cicero & Romanus & Arpinas est: Lēstitaui inquam Auerroidem, & inter cætera summam eius reprehendi Auicennæ, vt æmuli, auiditatem animaduerti, & vnum duntaxat animo nostro adhæsit, quod in commentarijs de cælo & mundo est: ait enim Auerrois Auicennam in naturalibus errasse, tam quia inexpertus loquitur, tum etiam quia ingenio suo nimium tribuit, Vnde cū ad medicos me transtuli, & Auicennę libros percurri, dicto Auerroidis quasi duce quodam vsus, ne in aliquos errores inciderem, caui: quo factum est vt quædam, licet minima, non inutilia tamen errata deprehenderim. Sed ea quæ vitio translatoris esse putauī, penitus neglexi: non enim doctis viris vitio vertitur interpretum ignorantia. Quid enim vitij in Auicenna fuit, si interpretes azaracam Punicum verbū pro clysteri oriculario, quod Latinum est, posuit? est enim clystere oricularium instrumentum, vt fistula, concauum, quo aqua aut liquor attrahitur, stylo, qui in medio est, reuocato, & illo eodem impulso liquor aquaq; longe ex-

eluduntur, & hoc tale apud Cornelium Celsum reperitur, Clystere autem à sono, & oricularium ab hauriendo dictum est, attrahit enim cum sonitu stylo sæpe reuocato, au autem & o iuicem sibi cedunt, vt plaustrum plostrum, Claudius Clodius: hoc enim & plurima quæ passim in Auicenna occurrunt, ignorantia Latinitatis adscripsi, quod interpretis vitium est. Ea etiam non posthabui, quæ aut incuria fudit, aut humana parum cauit natura, vt sermone Horatij Flacci utar: & talibus maculis Auicenna scater, ita vt Auerroidis sententiam de hoc viro non appareat ab æmulatione fluxisse. His igitur omisis de re dicere incipiam. Auicenna Prima Quarti de cura tertianæ puræ ita loquitur, vt sensa & nō verba, quæ admodum inepta sunt, referam:

Et quando cibus in stomacho acescit, potus aquæ ordeaceæ cesset, quæ non est concoctu facilis, & si necessitas vrgebit, iungamus ei radicis apij decoctum, sed frigidiori stomacho: vbi non vehemens febris, sed impura est, modicum piperis suffragabitur, vt consulit Hippocrates, hætenus Auicenna Consilium autem huiusmodi Hippocrati attributū nusquam
in

in eius voluminibus lectum est, Præterea in toto ferè volumine suo cum de lacte fit sermo, & maxime in secundo, lac muliebri extollit, omnia generibus anteferens. Et Prima Quarti, ubi humectantium meminit, humanum brutorum lacti anteposuit : sed in eodem paulo antè, ubi de refrigerantibus loquitur, asininum prætulit, cum hæc duo capita, eodem tēdant. nam primo humanū, secundo asininum, tertio loco caprinum ponit, habito semper ad diuersa pascua respectu. Et idem Prima Quarti, de cura quartanæ inquit:

Et fortasse necessarius est helleborus niger : & eiusdem libri, Sexta, helleborus albus & agaricus niger, quoniam ambo sunt similis impressiois: sed libro secundo de helleboro ait, Loco nigri hellebori mediū pondus ipsius demezereon, & duæ tertie eius de agarico, nigrum ponit ubi album helleborum dicere debuisset: & ubi agaricum tantummodo refert, adiectiuo secernere opus erat, nigrumq; apponere. Sed vnum nō est omittendum ex diuturnitate quartanæ, ut ipse ait, hydropem sæpe oriri, & eius curam esse helleborum, quod etiam asseruit ante ipsum Persius,

*Helleborū frustra, cū iā cutis ægra tumebit,
Pofcentes videas, venienti occurrere morbo.*

Sed hæc quæ narrauimus, ex corruptione textus contingere poffe arbitrarer, nifi Rabbi Moyfes, qui linguam Punicam tenuit, admoneret sermones iteratos in Auicenna non effe conformes. Hæc volui dixiffe, ne cū Auicennam aut non intelligimus, aut erraffe fufpicamur, statim in interpretem reiiciamus: dictum enim Auerroidis non eft ab hac fententia alienum, cū incuriæ & paruæ experienciæ, fuo fe ingenio protegentem, Auicennam notarit, quod veriffimum effe, hæc quæ maiora funt mox indicabunt, cū de cicuta fermo erit.

*De Cicuta herba vbi mors Socratis, de
Hyofcyamo, & de herba Sardonia &
rifis Sardónico.*

C A P. X.



P V D maiores & eruditos quidam viros legimus quibufdam musicis instrumentis, sæpe à forma, nonnunquàm à materia, plerunque ab vtrifque nomina accommodata fuiffe, nam illud,

*-Gracili modulatus auena Carmen,- &
Nec te pœniteat calamo triuiffe labellū, &
Hæc te nos fragili donabimus antè cicuta, et,
-Septem*

-Septem compacta cicutis fistula,

Quæ Virgiliana sunt, ex forma præcipue dicta apparent, cum tamen & calamis, & arundinibus, & cicutis, & alijs huiusmodi pastores pro fistulis uti potuerint. Concaua enim sunt hæc omnia & peruia, foraminibus variabilia, quod ad musicos cantus vocis inflexione pertinere certum est: foramina nanque & grauem & acutum & inter hos medium reddunt sonos, ita ut musici digitis percussus in foraminibus aer, nunc plenum, nunc grauem, nunc crebrum, & sæpe extensum: & ut habet, vibrantem & intortum concentum faciat: & hoc in tormentis musicis, quod nares in corpore humano operatur: plurimum enim iuuant pronunciationem, siue acutè, siue grauiter, vel alijs modis vociferari optamus: Vnde Persius,

Racidulum quiddam balba de nare locutus.

Quod autem à forma dicantur, primo Metamorphoseos Ouidius sic monstrat:

Non tuba directi, non æris cornua flexi,

Cum aliàs cornu materiam perspicuam dicat Plautus:

Qui, vulcanum in cornu conclusum geris,

laternam indicans, loquitur. Sic etiam in alijs accidit: nam Ouidius in libro de Remedio

medio amoris ait:

Pixides inuenies & rerum mille colores:

quibus buxus, id est materia, nomen dedit. Sed cum nobis legentibus occurrunt æreæ pixides, cum non amplius ex buxo arbore sint, à forma illa prima nomen remansit. Hoc etiam modo de cicuta & alijs quoque narrandum est: nam fistulas muscas cum nomine cicutæ nuncupamus, respicimus formam: thyrsus enim cicutæ herbæ, concavus, fistulosusq; est, si aliquando ex eo fistulam olim temperarint, ætas tamen sequens fistulas ex alia materia faciens à similitudine cicutas, auenas, calamos ve propter nomen priscum vocitauit. Sed his omisis de cicuta loquemur herba, quam Dioscorides conion vocat in suo volumine optime describens, cum ei thyrsus nodosus ut fœniculo, & semen ut aniso, & folia ferulæ similia esse commemorat: & idem auctor hanc herbam in Creta, in Chio, & Attica regione vehementissimā esse asserit, nec hoc mirum cuiquā videri debet. nam helleborum aliàs feralem Anticyra insula salutarem gignit, quod & poetæ non tacuerunt:

Si tribus Anticyris caput insanabile nunquā

Tonfori

Tonfori Licini commiserit.

Regio igitur varia, varietatem virtutis plantis sæpe tribuit, sed vt tandem ad Auicennę errata veniamus, hanc herbam vocat Punicę succaram, quam penitus ignorauit: nam cum de ea loquitur, ita fluctuat inter Rufum & Messalam, vt puer esse videatur, & quasi cæcutiens dicit folia cicutę esse similia folijs cucumerum, quod profectò nisi de colore intelligat, ita ridiculum est, vt nihil suprà: Sunt autem cucumeri folia, cerulea, similitudo coloris in herbis est futilis demonstratio. Et rursus vt amens ait: Messala non bene dixit, quoniam putauit esse speciem hyoscyami: & postea ait: ego autem dico quod est euphorbium in Græco, translatum fuit succaram, & quandoque proportionem habent ad albengi, id est hyoscyamum: accidentia euphorbij & homines diuersa loquuntur in eis. Ex his ergo dictis conijcimus apud Pœnos cicutam fuisse ignoratam: nam Constantinus calidam siccamq; putauit, in quo & Auerrois errans quod euphorbij est, cicutę tribuit: & Petrus Aponanus, quem Conciliatorem vocamus, ridicula quædam narrās, videtur se ipsum corrigere,
cum

cùm se remittit ad meliorem sententiam:
versus tamen qui dicuntur esse Macri fri-
gidara cicutam, sicuti est, decantant:

Frigida latifera vis & natura cicuta,

Vnde necat gelidi potentes more veneni.

Mira igitur fuit Auicennæ ignorantia,
cùm cicutam ab euphorbio penitus dis-
crepantem euphorbium putauit. Euphor-
bium nimia caliditate, & cicuta frigidi-
tate occidit: hæc congelando, & illud sol-
uendo necat: Cicuta stupida reddit mem-
bra, euphorbium verò excitat. Constan-
tino autem & Auerroidi vt Auicennæ
inuitatoribus indulgemus, Sed cū in illo
fluctuante sermone Auicenna dicit suc-
caram esse frigidam & siccam, ad hyo-
scyamus relabitur, adhuc cicutam igno-
rans; hyoscyamus autem cū triplex sit,
tantum illam Galenus comprobat, cuius
semen est album: aliæ autem quarum se-
mina vel nigra vel subrussa sunt, penitus
improbantur à medicis: lethargum enim
& insaniam pariunt, quapropter Serenus:

Et quæ vulgari sermone insana vocatur,

Græcus hyoscyamū propria scit discere lingua.
Albi igitur hyoscyami & semen & flo-
rem Galenus probat, Sed in cicuta non
est tanta memoriæ rationisq; iactura: non
enim

enim insaniam parit, cū eius radix nimia frigiditate sanguinem cōgelans enecet, ex qua olim perniciosam sorbitionē Athenienses Anyti Melitiq; accusatione corrupti, Socrati philosopho miscuerunt: Socrati inquam omnium terrarum lumen, quod ē cōelo ad nos philosophia adducta Platonem alterum disciplinarum lumen erudiit, qua quidem sorbitione, cum per annum teterrimum carcerem habitasset, vitam finiuit, Persius:

-barbatum hoc crede magistrum

Dicere, sorbitio tollit quem dira cicutæ.

& Iuuenalis de eodem,

- & hunc olim laudastis Athene,

Mil præter gelidas ausæ conferre cicutas.

Cicutam igitur Auicenna, cū aliorum dicta miratus est, nequaquam cognouit: quoniā hyoscyami speciem esse sibi ipsi persuaserat, cū inter se differant maxime, ut ratio quoque monstrat: nam veneno hyoscyami & cicutæ veneno diuersa subfragantur. huius enim virus vinum merū calidum cū ruta inter cætera tollit: hyoscyami verò nequitiam, feruens mulsum & quodlibet lac, sed maxime asininum ebibitum fugat, & destruit testimonio Cornelij Celsi, qui hæc diuersa

uerfa commemorat. Sed vinū meracum medicamini adiunctum, omnium venenosorum commune remedium est, vt legentibus sæpe occurreret: est etiam Auicennæ quædam pertinacia in radice sylvestris mali punici, quam Punicè mugath communitas medicantium vocitat: ipse autem fluctuans in quadam descriptione, quid sit, non bene edocet, imo legentes incertiores reddit: sed hoc vt leue peccatum ignosco, cùm doctissimi viri se multa ignorare fateantur. Nam Plinius trigesimo Naturalis historiæ phriganion quod animal sit dicit se ignorare, licet Chrysippus philosophus quartanæ asserat esse proficuum, & Auicenna Quinta Quarti, cùm de Serbadion meminit, ingenuè profiteretur se ignorare quid sit, cùm vim eius teneat: inquit enim: Est medicina ex qua accidunt permixtio rationis, & tetanus ita vt accidat labio eius tensio similis risui, & Græci exemplo quodam, ipse ridet risu sebardion, Hactenus Auicēna. Vtinam vir tantus Græcitatem aut Latinitatem tenuisset. Græcitas nanque docuisset, & natura in linguam Punicam traducta declarassent risum Sardonicum ex quo percepisset herbam

bam illam, quā sardoniam vocamus. Virgil.

Ergo ego Sardois videar tibi amarior herbis.

Quam quidam apium risus, quidam verò apiastrum dixere, de qua sic Seruius: In Sardinia nascitur quædam herba, vt Salustius dicit, quæ Sardoa dicitur, apiastri similis, quæ ora hominum tristi dolore contrahit & quasi ridentes interimit, hîc est ô Auicenna, tensio labij & tetanus, & hinc est risus Sardonicus in Græcorum prouerbio, vt Cicero testatur in familiaribus: & Statius de Tydeo ait,

formidabile ridens.

Nam sicut mors ex Sardoa herba non sine risu contingit, ita irati hominis risus ad inferendam necem parati hac similitudine Sardonicus dicitur. Nam Tydeus ille qui quingenta Thebanos neci dederat, & in Italia ferè tota ex hoc manauit dictum frequens, vt cùm aliquid quod non placet audimus ab aliquo illum nobis risum mouisse narramus qui est Sardonicus. Dolemus igitur plurimùm hunc excellentissimum hominem caruisse Latinorum translatorum adiutorio, quoniam non incidisset in huiusmodi cæcitate: præterea Sexta Quarti, vt vir clarus, palam professus est inscitiam. Nam

h cùm

cùm de morchion loquitur, ait hanc medicinam ignoro : sed existimo quòd sit similis napello : nec etiam hoc vitio verimus, Sed id reprehensione dignum putamus, quod se nosse putauit, & maxime ignorauit.

De aconito, napello, alabcha id est, Persea.

C A P. X I.



ME M E N T O me promississe de aconito mētionem facturum, tempus iam est quod fuit in pollicitis exequi, Aconitum omnium venenorum ocysimum ait Plinius, ita vt tactis eo genitalibus brutorum sexus foeminini, animalia integrum diem non vixerint, est igitur venenorum malorum nequissimum, quamobrem è spumis Cerberi, qui canis inferorum est, natum poëtæ finxerunt: & ea est aconiti natura, vt hominem occidat, nisi inuenerit quod in eo perimat : sed si ei venenum occurrat cum quo colluctetur, relicto homine venenum inuadit & perimit. Est igitur venenorum venenum, & ocysissimum quidem aconitū : statim enim enecat. Sed nos id vocamus, quod Auicenna napellum. napellus nanque vt in eiusdem autoris libro secundo legimus, est venenum

num perniciosum, calliditatis & siccitatis
 summa: & tamen ex eo coturnices nu-
 triri aiunt: Aconitum ergo & napellus
 idem esse videntur, quoniam testimonio
 Plinij & Auicennæ quoddam venenum
 reperitur quod est venenorum acerrim-
 um, noster aconitum, Punicus napel-
 lum vocantes. Et cum sit species hellebo-
 ri perniciosioris, ubi vis theriacæ conflag-
 rescit, ut diximus, quanquam Sexta Quar-
 ti de cura napelli dicat, & theriaca ma-
 gna quandoque confert in eo usque ad
 terminum, quod non aduersatur supe-
 riori dicto, prudenter enim dixit: quan-
 doque confert in eo, nam locis & tempo-
 ribus & habitudinibus frigidis usque ad
 certum terminum conferret, Græcitas
 aconitum, Latinitas veratrum, quasi virus
 atrum vocat: Lucretius quarto,

Præterea nobis veratrum est acre venenum:

At capris adipēs & coturnicibus auget.

Acre igitur venenum coturnices nutriēs
 est, & napellus hoc idem efficit. Erunt
 ergo, helleborus vterque & aconitum si-
 ue veratrum tertia hellebori species: nam
 Plinius vigesimoquinto Naturalis histo-
 riæ, cum de helleboro meminit, ait, Italia
 veratrum vocat, eo sermone non videtur

h. 2. omnino

omnino probare omnem helleborū hoc nomine appellari, reiicit enim hanc appellationem in vulgus, nam alio modo in eodem capite cum rem probet, vt cum de Parthenio loquitur, hoc vtitur sermone: Herba quæ à Mercurio inuenta est, apud Græcos hermipetam multi vocant, eam apud nos omnes mercurialem, hoc videtur probare quoniam in alios non reiicit. Erit ergo hæc species hellebori in montibus Iustinopolis, aconitum teste Dioscoride, apud Tyrios, vt dictum est napellus, inter Latinos veratrum, de quo Persius:

Non est hic Uias Acciebria veratro:

Venenum enim veneno excluditur, hoc per excellētiam veratro tribuimus, quoniam omnium venenorum ē plantis acerrimum esse constat, cum & in alijs quoque eadem ferē natura est. Nam si venenum miscuerimus, homini saturo non ita nocet, vt ieiuno, aliquid enim habet cum quo pugnans, ne noceat retardatur, sed si toxicum inuenerit, quod fortius quàm eibus resistit vires suas consumens, innoxium profecto est: Vnde Ausonius Gallus, poëta & medicus peritissimus de se ipso enim ait,

Nomen

Nomē ego Ausonius nō infimus arte medēdi,

Et mea si nosces tempora primus eram:

De veneno ita locutus est:

Toxica Zelotypo dedit vxor mœcha marito,

Nec satis ad mortem credidit esse datum,

Miscuit argenti letalia pondera vini

Cogeret vt celerem vis geminata necem:

Diuidat hæc si quis, faciunt discreta venenum,

Antidotum sumet, qui sociata bibet:

Ergo inter sese dum noxia pocula certant,

Cessit letalis noxa salutifera.

Toxicum igitur toxico opprimitur, nec te decipiat carmen Ouidij in 111. de Arte amandi.

Et dare mixta viro tritis aconita cicutis

Accepto Venerem munere si qua negat,

Quoniam nō duo venena misceri alterum enim, id est aconitum pro toxico vehementi ponit, ac si diceretur, dare poterit aconitum, id est toxicum factum ex cicutis tritis, ita vt aconitum non nomen illius herbæ proprium, sed appellatiuum nocumenti sit. Sed cum ad Latinitatem verbum Punicum reuocatum est, nō erit incongruum, & aliud quoque inter toxica numeratum declarare, vt cognitum vitemus. Nam Virgilius nō inter postremas Italiæ laudes illud cecinit,

h 3 Nec

-Nec miseros fallunt aconita legentes.

Venenorum scilicet cognitionem, vt eui-
tentur, esse necessariam, Alabcha Punicè,
Latinè persea est, de genere prunorum,
vt ait Plin. x v. Naturalis historiæ, & hæc
arbor venenosos fructus producens, in
Aegypto translata naturam mutauit, fru-
ctus producendo salubres: Nec hæc, vt
multi putarunt, est persicus arbor: quo-
niam nusquam noxia, sed persea vene-
nosa pruni productrix: in Persia Auicen-
na Septima Quarti: sicut narrauit Gale-
nus quòd arbor nominata Alabcha in
Persia venenosa fructus, in Aegypto plan-
tata fructus gignit esui aptos. Columel.
verò de cultu hortorum optimè declarat:

Armenijs, & cereolis, prunisq; Damasci:

Stipantur calathi et pomis quæ Barbara Persis

Miserat, vt fama est patris armata venenis.

At nunc expositi paruo discrimine lati,

Ambrosios præbent succos oblita nocendi,

Quinetiam eiusdem gentis cum nomine dicta

Exiguò properant mitescere persica succo.

Sunt igitur diuersæ persea & persicus,
nam persea noxa, venenosa: persicus verò
persica salubria ex eadem regione pro-
duxerunt. Sed cum pruna sunt in patria
Perside, venenū habent, et illud in Aegy-
pto

pto deponunt. Persicus autem, vnde persica vbique bona est: huius autem arboris folia abscindunt, vt ait Auicenna odorem psilotri, cū ex eis fit linimentum, vt cū loquitur de febribus persica in quartana non prohibet. Nemo igitur nominis similitudine decipiatur: nam multa talia occurrunt. Barbaria enim in antedictis, pro Africa cum sit, & nomen insulæ Gangetis Indiæ fluuij testimonio Ptolemæi. Vnum tamen semper memoriter tenendum est, consuetudine naturam vinci, nam venena maximè perniciofa nutrimentū quibusdam ex consuetudine tribuisse legimus: Napellus enim quem aconiti nomine contineri indicauimus, & veratrū Latine diximus, quandam anum nutriuit portiunculis minimis in principio exhibitis, deinde paulatim adauctis, facta edendi assuetudine auctore Galeno, Auicenna confirmat, Sexta Quarti, & ibi quoque narratur, ex auctoritate Rufi, nutritā veneno fuisse puellam, vt eius afflatu reges occiderentur: Est igitur vis consuetudinis maxima, cū mulier anus napello vixerit, & puella veneni acceperit nutrimentā: et Petrus Apollonius Conciliator, decimo Problematum

obliuione tactus, peruersè Auicennam attestatur: puellam enim, & non anum napello nutritam dicit, cùm puella veneno Rufo teste, & anus napello Galeno dicente vixerint: quod profecto homini aduertenti non est parui erroris, vt anum debiliorem assuetudo veneni perniciofioris aluerit.

De veneno non præsentaneo, sed ad diem præfinitum exhibito, contra nonnullorum sententiam, & de imagine serpentarij, qui dicitur Ophiucus. CAP. XII.



N omni ferè ætate quæ medicamentorū experimēta percalluit, mentibus hominum insedit, posse venenum tale temperamentum suscipere, vt non modò impræsentiarum, nec paulò pòst sed ad longum tempus hominem iugulet: de temporibus nostris nihil, cùm vnicuiq; hæc opinio inhæserit, sed de Romanorum grauitate pariter & sapientia loquar, & Marci Reguli exemplum referam. Aulus Gellius nanque libro v i. Noctium Atticarum historiam Reguli tetigit, cum is in senatu narrauit, venenum sibi Charaginenses dedisse, non præsentaneum, sed eiusmodi, quod mortē in diem proferret,

ferret, eo consilio vt viueret quidem tantisper quoad fieret permutatio : post autem grassante sensim veneno cor tabesceret. Fuit ergo de temperamento veneni vetus opinio , alioquin Regulus senatui permutationem nullo pacto faciendam esse persuasisset, hoc volui inseruisse propter nonnullos sciolos, in medicina opinantes hanc de veneno sententiam ab aniculis deliris esse confictam. nam ex sententia Auicennæ venenum non contrarietate tantum, sed proprietate grassatur, ex qua quidem re coniectamus in venenis esse præter excellentem qualitatem frigoris aut caloris, humoris ve, aut siccitatis malignam naturam, ac perniciosam : si enim qualitates supræmæ semper occiderent, plurima saluberrima sunt talia, quæ perniciem inducerent: nam euphorbium & anacardus qualitatem quarti ordinis obtinent. Cicutæ verò & opium eiusdem in frigiditate gradus esse noscuntur, quæ quidem omnia non vt eiusdem ordinis statum obtinent, sed quia de natura sua perniciosa sunt, enecant: allium enim, piper, sinapis, quæ salubria sunt, in summa caliditate, & aqua gelidissima, & opium Aegyptiacū quarti

h 5 ordina

ordinis, frigiditatem saluberrimam obtinent, unde ut certo cognoscimus, non qualitatibus gradu, sed proprietate venena enecant. Cassius enim Felix inter medicos peritissimus, feruenti febre languentem gelidissimæ aquæ largâ potione sanauit: opium verò Aegyptiacum translocatione plantatum, deposita nequitia, retentaq; frigiditate in esculentis vicē olei supplet. Natiua igitur pernicies, qualitatibus vehementia stimulata venenum est, hominemq; occidit. Opium enim quem sopionem, quia sopit, vocauit antiquitas. Catullus, Frontem tabernæ sopionibus scribit, non vehementia frigiditatis, nec euphorbium immensa caliditate, sed natiua nequitia extinguunt. Sed hæc venenorum natiua proprietas, ut cætera medicamenta, & calcar & frenum patitur. Concitari enim aut tardari aliorum permixtione potest: nam si medicinam profanando pulmone exhibemus, necesse est per maximam pulmonis à stomacho distantiam, distantiam inquam viarum & non situs: transuerso enim septo, quo ad situm separantur: attamen longis venarum anfractibus medicina à stomacho ad pulmonem vsque defertur: necesse est
inquam

inquam illam aliqua mixtione tardemus, ut tandiu duret, quo ad iter compleat. Sic etiam venenis frena addimus, ne currant ad cor: quibus demptis, aut tabefactis venena peragunt quod intendebant: Frena autem reperiri plurima, quis dubitat? nam iuglandes, auellanæ, oliuum, Sphragis, crocus veneno non sunt contraria: & tamen venenatis sæpe succurrunt. Iuglandium, auellandarum, oliui glutinositas venenū irretit & illigat, ne quò vult proficiscatur, & sphragis quam terram sigillatam nuncupant, meatus occultos obstruens, efficit ut ad exteriora corporis tendat, & superficiem foras exire cogatur, Lemnia enim rubrica, teste Plinio xxxv. Naturalis historiæ, non nisi signata venundabatur, vnde & sphragidem appellauere. Crocus autem cor roborans efficit, ut ad nequitiam veneni repellendam fortius sit: Hæc ergo venenis nõ aduersantur, sed partim muniunt, partim verò illigant. Præterea sunt quædam toxica particularia: nam cantharides vescicam, lepus marinus pulmonem exulcerat. Sed exulceratio pulmonis nõ subito, nec paruo spatio, sed temporis diuturnitate populans hominem, tabefaciendo consumit

consumit, quod & Ovidius cecinit.

Cernis ut è molli sanguis pulmone remissus

Ad stygias certo limite ducat aquas.

Et quanquam Galenus vlcerati pulmonis consolidationem fieri posse arbitretur, tamen non omnium in ipso vlcerum cura speratur. Sed ut ad rem nostram redeamus, plurima sunt, quæ aliorum societate ac mixtione, & augentur, & minuuntur in potentia. Magnes enim præsentē adamante ferrum nō attrahit Plinio Albertoq; testibus: sic etiam serum lactis, melba, & agaricum zinziber concitant, sunt enim eis hæc duo calcaria, sicut adamas est magneti frenum. Accedit etiam ad hoc quod Ophiuchi, id est, serpētarij imago in precioso lapide insculpta Venerem hebetat: est autem nudus homo serpente cinctus, ita ut dextra caput, sinistra verò caudam teneat: Hæc autem imago, ut mathematici dicunt, & maxime Albertus, omnium venenosorum ictibus medetur: nam ut toxica ab astris proprietatem noxiam sortita sunt (hæc enim lumine, motu, situ, inferiora gubernant) ita etiam cœlitus remedia nobis parata sunt: & ne diutius his in rebus moremur, quibus intelligit mixtionē ac societatem re-

rum

rum plurimum posse : nam caro omphaci adiunctione tardius in stomacho, sed si sinapis addatur, celerius concoquitur. Illud enim hebetat, hæc autem calorem excitat, & hoc pacto temporis productio, corruptione in rebus contingere possunt. Præterea sæpè accidisse vidimus, & Aui cœna attestatur, à cane rabido morsos aliquandiu incolumes vixisse : & tamen illo eodem veneno quasi ex insidijs proficiente homines expirasse. Nam plerunq; post morsum canis die quadragesimo, aliquando primo anno, & sæpe septimo interiisse nouimus. Virus enim canum non fuit tunc præsentaneum, sed ad præfinitum tempus delituit, & postea occidit : ita vt inter incommodum veneni & mortem fuerint longa tempora, nec mouet quorundam iuniorum fallax argumentatio, cum ostendere nituntur toxicum calidum perniciosius esse frigido, eo quòd calor exedit & consumit: frigoris autem vis conseruat, ac si frigidi toxici cõsumptio timeretur : nemo enim hoc garrit, sed si aduertamus, inueniemus venena frigida longè esse calidis deteriora. Calidum enim virus tabefaciendo enecat: hoc autem sine mora fieri non potest:

at

at frigidum congelatione, quæ momentanea est, hominem iugulat. sanguis enim & spiritus nostri congelatione oppressi mortem afferunt. Quapropter non sine ratione diligentissimus poëta cecinit:

Frigidus in pratis cantando rumpitur anguis,
 ut si per excellentiam venenosa appellare voluerimus, frigida dicamus. Proprietas igitur venenosa iuncta calido, ut in euphorbio: & frigido, ut in cicuta: & humido, ut in argento viuo: & sicco, ut in aconito: habet, ut dictum est, & calcar & frenum: tardatur nanque eius nequitia, visq; grassandi, & acceleratur quoq; pro qualitate mixturæ: nec, ut diximus, toxica summis qualitatibus, sed proprietate efficiunt. Sic etiam de sarcophago dicere possumus, qui lapis carnem non qualitate, sed proprietate consumit, de quo sepulcra fecerunt. Iuuenalis:

Cum tamen à figulis munita intraverit urbē

Sarcophago contentus erit.

Hæc autem omnia ab astris insita sunt: & stellæ fixæ ad contrarias dispositiones, ut rarum natura fert, adducunt. Sed oblivioni minime mandandū est, rebus eiusdem speciei non semper esse virtutem parem. Locus nanque & inepta materia variant:

variant : nam cum sapphirorum speciei
astra, vt oculis profint, tribuerint : non ta-
men, vt narrat Albertus, omnibus indiui-
duis sub hac specie contentis hoc indi-
tum est. hic enim sapphirus prodest, ille
verò nequaquam, & vt huic rei aliquan-
do modum imponamus : asserimus vene-
num præfinito tempore nociturum dari
posse, non tamen ita præfinito, vt ad pun-
ctum vsque conueniat, pro actionis di-
uerfitate, & eorum habitudine qui pa-
tiuntur : & hoc simile est dictis medico-
rum asserentium humores diu crure aut
cerebro detentos aliquando solui, ita vt à
pedibus, cruribusq; ad cerebrum vsque
trahantur, comitalem morbum & atto-
nitionem, id est apoplexiam, inducentes:
& materiam quandoque, quæ diu cere-
bro adhæserat, nexu soluto ad pulmonem
delabi, & anhelitum impedire, vt expe-
rientia nouit : virtus enim animæ & gra-
uia sursum & leuia deorsum sæpe depel-
lit, atra enim bilis, à liene ad stomachum
cum de-natura sua grauissima sit, terrea
enim est, & bilis quæ leuissima noscitur,
cum igneam naturam induerit, à felle ad
intestina eiusdem animæ virtute delabi-
tur. Hoc autem de veneno ad tempus de-
clarato,

clarato, nam superius fieri posse patuit, cum & venenorum nequitia & tardari & concitari facile possit, non videtur incongruum, an huius conficiendi toxicars & vsus rectè ex quadam similitudine familiæ Mediccorū in promptu sint. Nam quidam vir clarissimus me præsentè cum de Magnifico Laurentio honorificam mentionem faceremus, cum eius prudentiam pariter, & animi magnitudinem, & virtutum præstatiā miraremur, cum quadam animi iucunditate dixit: nos oues, & ille pastor, nam quocunque vult Laurentius, ducit, pax cum ipse innuit, subito exoritur, & cum renuit, nascitur bellum, ita vt summis aliquando timoribus orta sit insperata tranquillitas: hoc fieri non potest, nisi his medicus existat, qui ad tempus & profutura & nocitura medicamenta contemperat: hoc etate nostra vidimus familiæ Medicorum esse peculiare. Cum plurimi coniuratione facta aduersus Florentinorum rempub. vt eam libertate priuarent, adhibita Laurentij prudentia, vt quodam medicamine dissidiū fecerint, ita vt quasi veneno sanati, factiosam illā ac perniciosam mentem exuerint: ea enim veneni ratio est,

est, vt venenū pellat, sicuti suprà narrāuimus. Nā sæpe querentes audiui Laurētij sapiētia ita se illaqueatos, vt ab eo mutata mēte discesserint, ac si inuiti, id quod Laurentius mandarāt facere cogerentur, & post peractum negotium lætantes, quoniam eum quem non sperarant rerum finem habuere, nā Medici Laurentij antidota ad tēpus latuere, & postea paruere.

De humoribus corporis nostri, & de insania, & Gallis Leones terrentibus.

CAP. XIII.



CONGELATIO humorū, quā venena frigiditate conficiunt, vt asseruimus, nos admonet, vt de corporis nostri, siue succis; siue humoribus sermonē faciamus. Humores enim nostri, & numerum, & qualitatem elementorū imitantur: sunt enim numero quatuor: vt bilis, atra bilis, pituita, sanguis. Bilis quam choleram, calida siccaq; ignis elementi similitudinem gerit, subiacet Marti & Soli præcipuè: vterque enim calidæ siccaq; naturæ esse cognoscitur. Atra bilis, quā melancholiam vocamus, obedit Saturno, cuius naturam imitatur: nam vtrunque frigiditate siccitateq; pollutē videmus: de natura enim

i

terræ

terræ atra bilis est, quam frigiditate & ficcitate scatentem, de natura sui sterilem putamus: sed cœli auxilio fertilitatem sortitur. Pituita quæ phlegma est, aquæ elemento assimilata, Lunæ & Veneris humido, frigidoq; pollentium dominium sequitur, & pituitam huiusmodi esse rationes asserunt. Sanguinem Iupiter aëri persimilem, caliditate ficcitateq; sibi ipsi consentaneum optima ratione vendicauit. aër enim & sanguis, & Iupiter humorem calidum occupant. Is igitur, & planetarum, & elementorum, & humorum ordo existit. Sed de atra bile siue melancholia sermo habendus est accuratior. Nam cum eā nominamus, molestant & grauem, ac tenebrosam, & vt insanix materiā, rem intelligimus: inducit enim furorem: & vt furor & insania plerunque in bonam partem accipiuntur: vt,
Insanire libet. quoniam tibi pocula ponam.

& siue quicunque furor: ideo de melancholia sermo distinctè est habendus, & paulò post optime patebit: quoniam melancholia est aliquando sapientiæ fomes, sicuti Aristoteles in Problematum libro, cur melancholici acrioris sint ingenij rationibus explicat, quod Cicero
in

in Tusculanis quæstionibus per iocum
 vsurpauit, dum ait: se tardioris ingenij
 esse non molestè ferre. Sed de melan-
 cholia Auicenna Prima Quarti ait: aliam
 esse fecem sanguinis, aliam esse eiusdem
 aduersionem, & quasi humorum cinerem,
 & ideo ab vnoquoq; humorum melan-
 cholia gigni, fieriq; potest, quoniam ubiq;
 ex aduersione cinis efficitur. Sed hoc no-
 men melancholia Græcè dicta sæpe hu-
 morem natium, & nonnunquam aduen-
 titium sonat, ita vt pituitæ, sanguinis, bi-
 lis, & sui ipsius sit partus. Hoc autē eue-
 nit, cùm humores putrefacti non expel-
 luntur: sed cùm melancholia augmentum
 fecit, deinde marcescit, statim quartanam
 febrem adducit. Cuius curam medicina
 sectæ nostræ difficilem putat, sed clinica
 medicina, vt ait Plinius, in ea propemo-
 dum nihil pollet, & vtcunque res sese ha-
 beat, certissimum est, difficillimam esse
 quartanæ curationem, vt ratio ostendit.
 Nam in ea duo contraria vno medica-
 mento repellendi se offerunt: febris enim
 caliditate grassans frigido indiget: & hu-
 mor melancholicus frigiditate incom-
 modans calido indigeret, ita vt si altero
 defeceris, alteram contrariorum partem

Febr. quar-
 tana vnde.

adaugeas necesse est. Calidum enim fe-
brem, & frigidum melancholiam infe-
stant, & causa remanente morbus etiam
viget, sed vt ad rem nostram redeamus,
atra bilis Latine acrioris significationis
est, quàm melancholia Græcè: nam apud
nos furoris & insanix materia est: ideo
medicina in frequenti vsu Græcum no-
men vsurpat. Melancholia igitur Satur-
no tardissimo planetarum subiecta inter
humores tardissimo motu infestat. De
quarto enim in quartum exasperatur &
recrudesceit, cùm sit frigida siccaq;, & sa-
pore acida. Bilis, id est cholera, Martis
motum sequens tertianam facit, vt Mars
tertius à Saturno. est calida & sicca, & sa-
poris amari. Continuum febrem sanguis
Ioui subiectus efficit: nam in venis versa-
tur accessio: & sanguis calidus, humi-
dusq;, & sapore dulcis Iouem sequitur:
qui viuificantibus qualitatibus pollens, vt
humor calorq; cõcipiunt, & ab his oriun-
tur cuncta duobus: Saturno aduersatur
qui & frigidus & sicco infestat: sed Iouis
benignitas nequitia Saturni superans, ef-
ficat vt illud Ouid. in mediũ adducamus,

*Postquàm Saturno tenebrosa in tartara misso,
Sub Ioue mundus erat.*

Contin

Continuam ergo febrem sanguis efficit, Continua feb. quando.
 ut in venis exiſtens, & omnibus membris Febr. quotidiana va de.
 familiaris omnes ſedes occupat. Quoti-
 dianam verò febrem pituita, quam Lunę
 tribuimus, procreat. quæ celerrimi mo-
 tus eſt: de die enim in diem mouetur: ſui
 planetæ celeritatem imitatur: Eſt enim
 Luna inter planetas motus celerrimi, Ve-
 neris autem bonitate. nam & hæc quoq;
 pituitam agit, febris celerem quidem,
 ſed interpellatum motum retinet: ſed pi-
 tuita frigido humidoq;, & ſapore ſalſo li-
 bera eſt in humanis corporibus: nam bi-
 lem veſicula fellis, quam Græci cyſtim
 vocant, atram bilem lien, ſanguinem ve-
 nę continent, Hæc ſola vaſculorum im-
 munis quocunq; libet vagatur. Illud ta- Ab humo-
ribus quā
do morbi
fiant.
 men non omittendum, nunquam ab his
 humoribus morbos gigni niſi cōputrue-
 rint. Sed nemo ſibi perſuadeat à melan-
 cholia duntaxat quartanam fieri: nam &
 pituita aliquando huiusmodi febrem fa-
 cit, ut medico intuenti apparebit: interea
 ut apud Græcos medicos, cholæræ ali-
 quādo appellatione omnes humores con-
 tinentur: ita apud nos bilis ſignificatio la-
 tiſſima eſt: Perſius,

-ſurgit tibi vitrea bilis.

Horatius,

i 3

ô ego

-ô ego leuis!

Si purgor bilem sub verni temporis horam.

Vnde & bilis pro ira accipitur : quoniam humor vt est in corpore diuersus, ita varios inducit affectus. Bilis ergo calidæ ficcæq; habitudinis concitatrix est iræ, citò enim accenditur: pituita verò abundans, propter sui & humiditatem pariter & frigiditatem vix accendi potest : tales enim aut nullius, aut tardissimæ iræ sunt. At sanguineus ebullitioni ex felle patens facilè inflammatur: Bilis enim admodum leuis, nam ignem imitatur, sursum è vesicula ad cor calidum tendens, minima de causa in iram præcipitat, cùm melancholici sicco frigidoq; oppressi perpauorum spirituum, gelato, vt ita dicam, corde: sic enim ait Lucanus,

-Stat corde gelato,

tales sunt, vt imaginibus & terribilibus quidem ex nigro vapore coortis agitentur, & in fugam nimio timore vertuntur: Mediocris verò timor sapientes reddit: ait enim in Rhetoricis philosophus: timorem præbere causam consultationis: consultationem verò sapientiæ. Vnde & in sacris, Initium sapientiæ timor domini. sapiēs ergo fugit, cum opus est. Sed
nimius

nimius timor è statu mentis hominem deiiciens consultationis locum negans, id efficit quod narrauimus. Vnde si strictus ensis bilioso ostenditur, accendit eum, audaciorèmq; reddit: sanguineum quoque in furorem concitat: nam exclusis vaporibus propter leuitatem, terror nullus adest, sed idem ensis strictus, vbi paucitas spirituum est & caloris ægestas nigris vaporibus adauctus, terribilis visus animi apparet. & hinc nascitur, quòd signa in prælijs diuersos inducunt effectus: nam aliquibus cornua ardorè pugnandi præbuerunt, Virgilius,

Aère ciere viros, Martemq; accendere cantu,
Alijs verò tantum timoris incutiunt, vt statim ventrè purgare exoptent. Iuuenal.
-Soluunt tibi cornua ventrem.

Humorum ergo varietas diuersis modis strictum ensẽ cõtuetur: ensẽ inquam eodem brachio, & loco, & tempore agitur: & quoniam de ira sermonem fecimus, non erit ab re ponere, hãc & à materia & à forma definitionẽ recipere: nam cùm in libro de Anima: iram incẽsionem sanguinis circa cor finit Aristoteles, à materia hoc sumpsit: sed cùm iram vindictæ appetitum esse narramus, formam

ex qua ira est, innuimus. Hæc igitur quæ diximus humorum varietas, non modo homines, sed bruta quoque infestant: nam galli (non tamen omnes, ut ait Albertus, sed tantum candidi) leonibus sunt terro-
ri: alijs verò animantibus nequaquam: alia enim gallorū facies viso animi leo-
nis apparet, quàm nostro & cæterorum: Lucretius quinto,

*Quin etiā gallum noctem explaudētibus alie
Auroram clara consuetum voce vocare,
Hunc nequeunt rapidi contra constare leones
Iūq; tueri, ita continuo meminere fugai;
Nimirū quia sunt gallorū in corpore quedam
Semina, quæ cū sunt oculis immensa leonum,
Pupillas interfodiunt, acremq; colorem
Præstant, ut nequeant contra durare feroces,
Cū tamē hæc nostras acies nil lædere possunt,
Aut quia non penetrant, aut quid penetran-
tibus illis*

Exitus ex oculis liber datur, in remeando.

Lædere ne possint ex vlla lumina parte.

Varietas ergo habitudinum efficit, ut hæc illis terribilia, nobis verò sine aliqua tre-
pidatione se offerant. Hinc est quòd Ga-
lenus primo prognosticorum de insanis
& atra bile percitis, & de his qui mortis
vicinitate alienatæ mentis sunt, ait, res
quas

quas extra se videre arbitramur, intra
 ipforum sunt oculos: non igitur mirum
 est, si humorum corruptio alios atq; alios
 effectus pro sui conditione producat, im-
 possibile nanque est harum imaginum &
 visorum animi modum inuenire, quan-
 doquidem melancholiarū numerum in-
 definitum esse asserit Auicenna.

*De metallis, & morbis qui diuersi diuersis
 planetis subiaceant, & de horis planeta-
 rijs, & saltatione, & cælis animatis.*

CAP. XIII.



ORSITAN nonnullos admī-
 ratio inuaderet ex antè dictis,
 cū humores corporis nostri
 elementis similes dominio di-
 uersarum planetarum subiectos esse nar-
 rauimus, nisi & alia quoque eadem pote-
 state variari conuinceremus. Et vt à me-
 tallo sumamus exordiū, quod sic dictum
 est testimonio Plinij, quoniam vbi repe-
 ritur, necesse est inquirere, nam & aliud
 quoque proximum est; *Μεταλλῶν* enim
 Græcè inquirō est; nunquam igitur so-
 lum inuenitur: & metallum, vt de princi-
 palioribus loquamur, numerum tantum
 septenarium implet, non enim nisi nu-
 mero septem ad imitationē planetarum

i 5 sunt

sunt metalla: hæc autem planetis assignantur, non magis propter naturæ similitudinem, quàm propter colorem & actionem. Aurum enim habitudinis temperatæ est, & tamen à Sole dependet, unde colore & pretio non habitudine Solem sequitur: est enim Sol planetarum princeps & rector ut mox apparebit. Argentum Lunæ tribuitur colore, & in medicamentis post aurum, sicut Luna post Solem, minus est luminare. Ioui autem stagnum assignamus, & propter colorum & naturæ similitudinem. Color enim stagni stellæ Iouialis colorem imitatur: & id facile flectitur, impressionesq; recipit, ut est Iouis natura: quæ mites facilesq; homines reddit. Aes Veneri & colore & natura persimile: nam sine difficultate flectitur, & ipsa Venus flexibiles in genitura natos efficit, & color æris planetæ colorem reddit, cui etiam tinnitus adest: unde Persius,

*Ne qua sub ærato mendosum tinniat auro,
ut Venereos concentus, carminaq; amatoria
non sine suauitate imitetur. Saturno
plumbum frigiditate concordat, & sui
grauitate eiusdem planetæ tarditatē imitatur.
Ferrum verò siue chalybs, utrunq;
ferrum*

ferrum est, siccitate sui siccum Martem sequitur: esse autem siccum ferrum vel poetæ figmento ostendunt, cum aiunt:

Vulnus Achilleo quod quondā fecerat hosti,

Vulneris auxilium Pelias hasta tulit.

Nam nunquam Telephi vulnus siccari potuit, nisi cum ab Achille edoctus limatum ferrum insperfit. Præterea ferrum in rebus bellicis alijs metallis præualet, ut est natura Martis. Sed viuum argentum quia mobile est, ut Mercurius planeta, nulli adhærere noscitur: nam si alicui inhæsisset, illius sectæ foret, & in coitu cum alijs aliquid ex se indicaret, sed non ita est: nam in eorum naturam, quibus adhæret, vertitur, ita ut verti & adhærere sint inter se longè diuersa: est enim cum bonis bonus, & cum malis malus. Horatius de Mercurio,

Superis deorum gratus & imis. & Virg.

Quos ignis cæli Cyllenius erret in orbes,

Cum dixit aliorum inflammatores, Mercurium esse monstrauit, errorem eius in orbes cum meminit, non differt à mathematicis, qui propter motuum varietatem difficillimum cognitu putauerunt. Sed cum Sol, cui aurum dedimus, & unde initium supra sumpsimus, medium
inter

inter planetas locum obtineat, explosa
Platonis Aristotelisq; sententia, qui sta-
tim supra Lunam locauerunt, rector &
gubernator omnium est. Nam Luna ni-
hil profectò luminis, nisi à Sole mēstruis
moribus receperit, habet: & Venus, &
Mercurius, nunquam ab eo duobus si-
gnis abesse possunt, quasi imperio quo-
dam catenati fidissimi Solis comites esse
noscuntur: ita ut præcedant quandoq;
& sequantur aliquando. Tres autem su-
periores, Saturnus, Iupiter, Mars, nuntum
Solis verentur: non enim ex opposito esse
possunt: nam hoc certissimum est, Satur-
nus, Iupiter, Mars oppositi Soli sunt re-
trogradi, quod & Lucanus non tacuit,
cùm de Sole ait:

-radijsq; potentibus astra

Ire vetat, cursusq; suos statione moratur.

Omnes enim planetæ retrocedunt aliquā-
do, excepto Sole: & ideo apud Ovidium,

Nitor in aduersum nec me, qui cetera, vincit

Impetus, & rapido contrarius enehor orbi.

Planetæ igitur cæteri progrediuntur ac
regrediuntur, & aliquando subsistunt, &
hinc inuenta est saltatio & chorea. Virg.

*Pars pedibus plaudunt choreas & carmina
dicunt.*

Nam

Nam cū antiquitas spiritus illos, siue angelos, vt theologi dicunt, qui orbes planetarum rotant, coleret vt deos, excogitauit quendam corporis nostri motum in honorē Deorum per imitationem. Nam saltantes in chorea progrediuntur duobus passibus, deinde regrediuntur per vnum, & postea subsistunt, cum quodam gestu corporis, quod ad illorum imitationem factitarunt: & hinc est quòd saltatio & antiquissima est, & grauissimos sanctissimosque viros in diuinitatis honorem oblectauit. Dauidem enim regem & prophetam ante arcam fœderis saltasse sacra refert historia: fuit etiam de more choream ducere, cū plures manibus apprehensis saltitant, vndè Terent.

Tu res tū ductitans saltabis: Sed apud Romanos moris fuit, non modo pedibus, sed brachiorum gesticulatione saltare: Ouidius in libro de arte amandi,

Si vox est cantæ, si mollia brachia salta.

Et in eodem,

Brachia saltantis, vocem mirare canentis.

Esse autem cœlos animatos Aristoteles ratione demonstrat, sed fides nostra, vbi fundamēta veritatis apparēt, imo CHRIS-
TUS de se ipso ait, Ego sum via, veritas,
& vita,

& vita, alio dicendi modo vtitur. Alexander enim de Hales non esse cælorum animas, sed Angelos voluendis orbibus attributos, sine aliqua defatigatione rotantes, ita vt motores spiritus, non animas orbium esse dicitur: vnde Saturnum Casiel, Iouem Sachiel, Martem Samuel, Solem Michaël, Venerem Anahel, Mercurium Raphaël, Lunam Michaël Conciliatoris & magorum testimonio circumagunt. Vnum tamen non est obliuione abolendum, à Christianitate repræsentationem animarum à Michaële fieri, qui Lunæ esse dicitur, cum id officii gentilitas Mercurio, cuius est Raphaël, tribuerit. Esse autem Mercurii hoc officium in capite de Institutis antiquis Valerius refert, cum quædam mulier epoto veneno vt moreretur, hoc modo: Tum defusis Mercurio libamentis, & inuocato nomine eius, vt se placido itinere in meliorem sedis infernæ deducat partem. Sed Aristoteles de Cælo & Mundo, vt summum loquamur, his rationibus videtur cælos esse animatos ostendere: Ait enim motum esse triplicem: naturalem scilicet, violentum, voluntarium. Cælos non moueri naturaliter facile probat: quia neque
ascen

ascendunt, neque descendunt: & motus naturalis est, vt leuia sursum, grauia verò deorsum moueantur: cœlos autem in eodem loco morari est manifestum. Consequens igitur est, vt motu careant naturali. Carent etiam violento: quoniam violenta non sortiuntur perpetuitatem. Perpetuum autem esse cœlorum motum, nec ratio, nec sensus, vt ait Albumasar, repugnant: si nec violenter, nec naturaliter, reliquum est, vt voluntario motu agitentur: voluntas non nisi in animatis est. Constat igitur cœlos esse animatos: nec me mouet illud, quod à plerisque obiicitur, cùm dicunt, animatorum esse motus varios, ita vt aliquando ad dextram vel sinistram, sæpe antè aut retro cedunt. Fatemur quidè his diuersis motibus vti eos qui poenitentia ducti consilia mutant, non habita plenitudine sapientiæ, sed qui sapientissimi sunt, vt sunt cœlestia, & hi qui orbes rotant, motum in principio optimum sine contrarietate elegerunt: motum inquam circularem, qui aliorum est excellentissimus. Sed cœlos etiã animatos Psalmographus Dauid innuit, Cœli enarrant gloriam tuam domine: & in eodem, Et in omnem terram exiuit

exiuit sonus eorum : quod ad allegoriam
sensumque mysticum, de Apostolis di-
ctum asserunt. Hæc volui dixisse, ne hu-
ius disciplinæ promiscuæ, lectores tan-
quam peregrina quæ dicturi sumus ex-
cipiant : Morbos enim quosdam & horas
planetarias referemus. Sed de morbis, vt
à Saturno incipiamus, ita teneas: hic pla-
neta frigidus siccusque est: vt iam sæpe
diximus, ex corpore nostro habet ossa,
lienem, melancholiam: & è morbis possi-
det immanitatem, rabiem, timorem, o-
mnia luxata, regium morbum ex liene
ortum, elephantiosum, podagram, & o-
mnem ægritudinem diuturnam, vt sunt
tabes, id est, phthisis, & destillatio, id est,
catharrus, hydrops, cancer, & alia genera
frigore contingentia. Iupiter habet ioci-
ner, buccam, stomachum : huic subiacent
angina, dolor lateris, peripneumonia, at-
tonitio, dolor capitis, lethargus, cardiaca
ægritudo, omnesque morbi nimietate san-
guinis prouenientes. Mars febres tertia-
nas, hemitriteas, continuas, pestilentiam,
abscessus biliosos, id est apostemata cho-
lerica, abortus, & incommoda ex bile, vi-
tiliginem, dimidii capitis dolores, sa-
crumque ignem moderatur & regit. &
sibi

fibi ipsi vendicat. Sol calidus & ficcus, vtroque tamen iuuat & viuificat, quod in qualitatibus Martis non reperitur: malus enim planera est. Sol inquam cor, medullas, ventriculos cerebri: & inter morbos colum, quod vlcus malignum ideo dicitur, quia ora, vnde nutrimentum sumimus, infestat, fibi vendicauit. Venus autem frigoris humorisque temperati domina adipem, suppurationes humidas ac frigidas, & humiditatis copiam, fistulas, vomicasque, & genitalium incommoda moderatur. Sed Mercurius linguam & eorum ægritudines, qui secum immurmurant & loquuntur, necnon cogitabundos: & de morbis tussim, grauedinem, quam coryzam vocant, raucedinem, quæ branchos nuncupatur, sputusque superabundantiam, & comitiale morbum fibi assumpsit. Luna paralyfin, vultus obliquitatem, agitationem membrorum, & spasticos sub dominio tenet: vnde Lunæ fanniones tribuimus: hos namque vultus obliquitas nominat. hætenus de morbis qui planetarum vim propriam sentiunt. Nunc ad horas erroneis (sic enim Latinitas planetas vocat) attributas sermo dirigitur. Ab huiusmodi siquidem horis

dies nominantur, & hoc ab Agyptijs ad Græcos dudum videtur fluxisse, propter dictum Apostoli, nonnihil hac de re in epistolis innuentis: nam dies septimanæ nomen à planetis acceperunt, non seruatō ordine, & dies Solis, quem dominicum ob resurrectionem Domini nostri IESV CHRISTI vocamus, Lunæ, Martis, Mercurij, Iouis, Veneris, Saturni. Prima enim hora dominici diei Sol dominatur, deinde Venus, & sic per ordinem, quousque Luna primam horam sequentis diei occupans, nomen imposuit, & sic in cæteris ordo seruatur. Sed dies secundum Mathesim ab ortu Solis initium capit, finis est in occasu. Vnde crepusculum aut diluculum mathematicæ partes sunt noctis: horas autem cum nominamus, semper intelligimus planetarias, & non æquinoctiales: Planetariæ nanque sunt impares, cum horarum æquinoctialium semper sit paritas, adeò vt in æquinoctijs duntaxat, & harum, & illarum sit æqua mensura: æquinoctiales enim & planetariæ vicissim agunt. Sed dies quantumcunque longus, non nisi duodecim planetarias habet horas: & breuissimus quoque totidem horarum est, quod non modo

modo mathematici, sed CHRISTVS in Euangelio meminit, cum ait: nōne duodecim horæ sunt diei? Capiamus in inclinatione nostro longissimum diem qui erit Sole in cancro, hic sedecim ferè horas æquinoctiales continebit, sed planetarias tantum duodecim: & ita hora planetaræ integram æquinoctialem & trientem alterius occupabit. Et Sole in capricorno, cum dies breuissimus est, octo enim ferè æquinoctialium, sed planetarum horarum duodecim est, ita vt duotrientes horæ æquinoctialis impleant horam planetariam: sunt igitur breues aut longæ pro mensura dierum & noctium: nam eadem ratio noctium est, quæ & dierum: ita vt nox longa duodecim, & brevis totidem horarum planetariarum sint. Sic igitur intelligas planetarum dominantium horas, & cum de ortu & occasu signorum fit mentio: duabus enim horis quodlibet signum oritur & occidit, semper de planetarijs intelligendum, nec te turbet quòd signa omnia æqualia. & quolibet die & qualibet etiam nocte, siue breuib; siue longis sex signa oriantur, totidemque occidat, quoniam signorum in ortu & occasu diuersitas hoc efficit,

alia enim rectè, & alia obliquè oriuntur
& occidunt, ita ut in vna hora planetaria,
quindecim partes æquinoctialis & zo-
diaci & oriuntur & occidunt: harum au-
tem horarum, quas planetis assignamus,
tantus fuit usus, ut vigiliæ & excubiæ ab
his mensurâ temporis cœperint: Lucan.

Tertia iam vigiles mutauerat hora secundos.
Prima enim vigilia trium, & secunda &
tertia & quarta totidem etiam talium ho-
rarum fuerant. Propertius,

Et iam quarta canit venturâ buccina lucem.
ita ut dicat tertia hora completa mutaue-
rat, hoc est mutando acceperat vel dede-
rat secundos vigiles. Mutare autem hoc
inter cætera significat: Persius,

Mercibus hic Italis mutat sub sole recenti
Rugosum piper, & pallentis grana cimini:

Virgilius,

Chaoniam dulci glandem mutauit arista.

Si autem in Lucano dicitur commoue-
rat, clarum est. Horæ igitur tales apud
vetustissimos in usu frequentissimo fue-
re, in qua re si omnia cessarent, testimo-
nium redemptoris nostri satis superque
esset, qui duodecim horas esse diei asse-
ruit. Sed hæc quæ forsitan ab imperitis
minima putatur, maximæ sunt efficaciz,
& in

& in arte magica & in medicina : nemo enim consummatam medicinam tenebit, nisi teneat astrologiam, quod Conciliator ratione demonstrat, quam qui intelligere cupit, ad eius documenta recurat in libro differentiarum : mihi satis erit impræsentiarum Hippocratis & Auicennæ auctoritatem attestari. Ille nanque in prognosticis, est quoddam cœleste, in quo medicum cōsiderare oportet, cuius prudentia admirabilis, nimiumq; stupenda. Quod dictum Galenus commentator ad aërem referri ait, & rectè : aëris enim mutationem, alterationē, corruptionem non nisi astrologus prævidet. Nam cū cætera elementa proprio ac peculiari planeta regantur, aër propter sui mobilitatem à singulis commouetur. cū Sol ignē : in eo enim lucis & caloris fons est, Luna verò aquam concitat, hinc est quod pro Lunæ situ, ætate, coniunctione, aut plenilunio mare fluit ac refluit. Sed aërē Saturnus, Iupiter, Mars, Venus, & Mercurius mouent, & propter motus habilitatem. Ouidius primo Metamorph. ait:

-Mare, terram, sydera mouit.

Aërem quoque propter facilitatem, ac si omnes scirent, sub appellatione syderum

inclusit. De alteratione autem quid lo-
 quar? Cùm Saturnus frigidum, Mars
 æstuosum, Iupiter caloris sicut Venus fri-
 goris temperamentum efficiunt: & Mer-
 curius à sua natura non declinans ventos
 enim facit, vnde poëta,

Vnde nate, & voca Zephyros, & labere pennis.
 Aërem facilem ad omnem mixtionem
 omnemque varietatem præparat. Terra
 autē à cœlo stellato, hoc est octaua sphæ-
 ra, mouetur, brutum & immobile elemē-
 tum, tota cœlesti machina indiget vt mo-
 ueatur. Sed Auicenna (nam & eius auto-
 ritatem attestari promissimus) in toto ma-
 gno volumine nihil ferē nisi medicinam
 attingens, philosophica astrologicaque ad
 suos artifices relegans, in libro Cantico-
 rum vbi & poëtam & medicum ostenta-
 uit, astrologica interseruit, medicoque
 necessaria asseruit: ait enim, Et morbus
 quidem minimè contingit, nisi ex dispo-
 sitione qua debilitatur opus naturæ: qui si
 cum auxilio producat, curabitur qui-
 dem patiens, & vita prolongabitur: sed si
 cum detrimento, morietur quidem, &
 vita perdetur, & separabitur. Haftenus
 Auicenna. Aliorum verborum declara-
 tionem, quæ dicit Auerrois, hoc in loco
 subij

subijciam, Morbus non in patiente, nisi cum Luna fuerit in malo loco, & à principio natiuitatis eius : & est ac si diceret, quòd talis locus est ille quem attingit in principio ægritudinis suæ : vnde si ipsa transferatur, & eleuetur à tali malo loco ad loca vtilia, & iuuatiua, & cū hoc locus fuerit in quo inceperit generatio morbi ipsius paræ malitiæ, curabitur quidem patiens & viuet, verum si transferat se ad loca mala ipsa existente in principio in loco malo, augebitur & corroborabitur illius malitia : hoc autem dogma minime est de arte medicinæ, sed potius ex arte astronomiæ, quæ quidem ars debilis est, & falsum vt plurimum quod in ea existit. Hactenus Auerrois verbis & sententijs hoc in loco ineptis, quod in translationem reijcio, sicuti quæ ex Auicenna adduximus, illa enim etiam ineptijs ita scarent, vt verborum sensa turbentur. Sed profectò doleo vehemēter Auerroidem in philosophia excellentissimum non seruasse in adipiscenda doctrina ordinem antiquorū. nam nemo ad philosophiam tendebat, nisi quadriuiuo instructus: prius enim arithmeticam, geometriam, musicam, astrologiam didicerant quam phi-

lofophiam attingerent: quod fi Auerrois effeciffet, non tam pueriliter in aftrologia fentiret. in declarandis enim verbis Aui- cennæ, nescit profectò quid garriat: nam cum ille genituram ægroti infpiciendam medico necessariam effe dicit, vt ex ana- phora illius anni intelligamus futuram mortem aut salutem, & fi morbi princi- pium cum genitura concordet, vel in malo, vel in bono, quod ex Lunæ loco præcipuè fumitur, mors aut vita feque- tur: fed quomodo hoc fiat, mox dicemus. Ipse verò Auerrois, quo fe vertat igno- rat, vt is qui de eo loquitur, quod nun- quam intellexit, ficuti etiam ipse in libro de naturali auditu fatetur. Improbare au- tem quæ ignoramus, quantæ leuitatis fit, nemo ignorat: nam fi dixero in rhetorica plurima effe mendacia, necesse est vel quòd alijs dicentibus credam, & tunc non mihi fed autoribus debetur gratia, vel quòd ego acumine ingenij hoc de- prenderim. Si Auerrois igitur ignarus alijs credit, cur ab Hippocrate & Auicen- na difcedit? vterque enim fundamento aftrologiæ vtitur. fi autem ex fe dicit, cur fatetur fe hanc artem ignorare? vnde ne- cesse est eum maximæ leuitatis arguere.

In

In messem enim alienam falcem immit-
tens nescit quid agat : qui enim aliquid
vituperat, illud teneat necesse est: vitu-
peratio autem & approbatio præsupponunt
cognitionem. In illo igitur Auicennæ di-
cto comprehenditur medicū debere astro-
logiæ peritiā tenere, ita ut ægroti ge-
nituram calleat, & si in illius mensura
exortiva, quam anaphoram vocant, mo-
riturum viderit, de salute desperabit: si
autem victurus erit, omnia in melius suc-
cedent. Sed Auerrois, ut dictum est, ea
improbat, quæ ignorat, ut palam in libris
Aristotelicis fatetur: & dicta Auicennæ
volens interpretari quo se agat ignorat:
ille enim ex genituris hominum vitam
pendere arbitratur, ut dator vitæ & an-
norum optimè disponuntur. nam plane-
tæ ut in sequentibus ostendetur, nume-
rum annorum nato tribuunt. Auer. verò
Lunam tantum ut matheseos imperitus
nominavit, ab alijs edoctus: nam Luna
præ ceteris planetis in genituris manife-
stius & vehementius agit, quam pro si-
gnorum & partium qualitate, morbos facit:
nam si in ariete Marti aut Soli iuncta
fuerit, quoniam hoc signum Martis est
domicilium, & exaltatio Solis dolores ca-

pitis, ardentissimas febres, maximasque anxietates ita, ut æger vix loqui possit, efficiet, pectus ex pulmone aggrauans & si cum malis habuerit aspectum, intra septimum diem occidet, sed hæc (nam & alia quoque expostulantur) in partibus vitiosis, quas Punicè azemana nūcupant, & signo geminorum, quod duodecimum à cancro in leonem numerando est, hæc inquam Luna deterius operatur. Genituræ igitur conditio, & non manus medica vitam aut longiorem aut breuiorem reddet, non igitur immeritò Manilius ait

Nascentes morimur, finisq; ab origine pendet:

& idem,

Ecce levis perimit morbus, grauiorq; remittit.
Sed certè optarem Auerrois explicasset quid falsi in astrologia inuenerit, nisi ideo artem improbet, propter nonnullos imperitos, quod certè extremæ dementiæ est. non enim medicinam damnabo propter medicorum inscitiam, nec leges improbabo, quoniam leguleij quidam in causis succubuerunt: sed non modò in his quæ ignorasse se fatetur, lapsus est Auerrois, sed in illis quæ profitetur, pueriliter aliquando sensit. is enim dicit talpam non videre, quāuis habeat oculos, quia visione

non

non indiget, cùm habitet sub terra, nam visio eius esset superuacua : at Magnus Albertus opinatur talpam cùm supra terram est, non videre particularia quæ occurrunt, attamen videre lumen Solis reflexum à membranula oculos talpæ opiciente, ex quo intelliget se supra terram esse. Dictum suum Auerrois, si noluisset pueriliter loqui, moderari debuisset: dicere enim opus erat oculos talpæ opertos esse ne à terra, sub qua domicilium habet, offenderetur, & ut vehementiam luminis insueti tolerare posset: quoniam illa membranula sine pilis ut magis esset perspicua non respuens receptionem luminis: quare Virgiliana diligentia inter vtrunque se tenens ait.

Aut oculis capti fodere cubilia talpæ.

Medici ergo nomine & non re ipsa dicentur, qui astrologiam non tenent: sunt enim quædam coniunctiones & aspectus planetarum humanam naturam debilitantes, aut roborantes: vnde medicus fallitur, nisi pro habitudine influxûque cœlesti medicamenti habitudinibus cōmoda tribuat. Nam Luna coniuncta Ioui naturam corroboret, hinc est quòd medicamenta hac hora tradita à solita efficacia declinant,

nant, quod nō fieret in horū planetarum separatione, quoniam humana natura viribus nō adaucta, sed in suo statu permanens catapotijs, aut porionibus, sorbitionibus ue, aut electuarijs, antidotis ue coniecturam medici minime fallit: sic etiam è contrario, Luna lumine aucta Marti, vel diminuta Saturno cōiuncta humanā habitudinem debilitans medicū imperitum in errorem trahet, vt in medicamentorum quantitate peccet, & cūm crederet ad ter quāter ue excernendū vnciam scammoniæ rectè esse tributam naturæ, his cōstellationibus cōquassatæ, nec medicamentis resistenti præcipitabit ægrotum adeò, vt vnā cum excrementis animam quoq; exhalare cogatur: præterea medicamēta cœlestium obseruatione cōfecta, maioris efficaciae sunt: itaq; hæc aduertenda in quibusdā etiam Auicēna mandauit, nā Sexta Quarti ait, Sumatur carbonis cancrorum fluuiatilium captorū dum Sol est in signo leonis assorū in furno, quod licet exiguū sit, attamē hoc exiguo in magno volumine, vbi se purum medicum profitetur, nō nihil insinuauit ad astra esse confugiendum. Sed vt tādē huic rei finē imponā, foetus in vtero etiā vim planetarū sentit,

cuius

cuius mensem primum Saturnus, secundum Iupiter, tertium Mars, quartum Sol, quintum Venus, sextum Mercurius, septimum Luna sibi vendicât, ideo si septimo mense, qui est Lunæ, nascitur, vitalis est: Luna enim bonus est planeta, Octauo rursus ad Saturni nequitiam reuolutus foetus morti est obnoxius, Sed nono sub Iouis benignitate iterum cōstitutus viuet deinde iam ex omni parte munitus quocunq; tempore in lucē venerit, erit incolumis. Est igitur plurimis de causis astrologia medico necessaria: quam si quis ignorauerit, non inter medicos sed potius inter pharmacopolas circumforaneos cōnumebitur. Summa igitur diligentia qui medicus esse cupit, eam de se opinionem in scientia cōcitet, vt non humanum, sed diuinum potius esse arbitrentur: & hoc pacto prudentia illa admirabilis nimiumq; stupenda, ab Hippocrate relata, ægrotos sola autoritate sanabit.

De fiducia in Medicum & quadam cautela.

CAP. XV.



IPPOCRATIS illa in prognosticis sententia, cuius iam meminimus cū admirabilem nimiumq; stupendam in cœlesti

lestibus medici prudētiam retulerit, profectò sublimem quandam medicantum auctoritatem desiderandam esse insinuare videtur, ita vt paulatim iam & huius diui medici dictis, quæ simillima oraculis esse noscuntur, ad eam quam de medicis fiduciam concepimus, tandem deueniamus: hæc enim vt diuina manus plurimas sanat. Sed multa & excellentia quidem eruditionem pariūt, eruditio autem cum claritate experientię auctoritatem gignit, autoritas verò mater est confidentię, vel vt rectius loquar fiducię : hoc enim nomen ad bonum dirigitur. Iuuenalis,

*Nā cū magna male superest audacia cause,
Creditor à multis fiducia.*

Et Valerius Maximus, titulum habet de fiducia sui: hæc autem certissimam spem præ se fert, cū omnis spes versetur in dubio: & hæc quidem hoc modo describitur, Fiducia est animæ rationalis affectus quidam ex concepta opinione proueniens, desiderijs subsidia præstans: opinionem omnem sequitur fides, qua bruta carent, vnde rectè rationalium duntaxat esse noscimus, desideria autem adiuuare narrauimus, quoniam teste Auicenna animæ humanæ inest vis rerum immut-

mutandarum: affectus enim humanus vehementissimus sine hesitatione quod desiderat efficit, ut magi testantur, & veritas Christiana astipulatur, ubi dicit, Si habueritis tantum fidei quantum est vnum granum sinapis, & dixeritis huic monti transi, transibit: quod poeta non ignorasse videretur cum cecinit:

An sua cuique deus sit dira cupido?

Sed quid hic vehemens affectus, quem nomine fiduciae ornauius, operetur in nobis, audiatur Galenus, qui in principio prognosticorum ait, Ille medicus de quo confidunt infirmi, & eius manibus se committunt, plus sanat ægritudines: hoc enim accidit, quoniam sanitatis formam anima medici continet, & hæc vehemēti ægrotorum imaginatione concepta virtutem malè valentem roborans, morborum causam debilitat, illud igitur incommodum, quod homines morbosos reddit, auxilio naturæ certo adueniente conflaccescit, & hoc simile est duobus inter se digladiantibus: nam morbum natura ut hostē vincere, & morbus naturam opprimere tentantes seseque ad pugnam parantes, cum periti medici ut certum subsidium natura conspexit, fortior ad pugnam redit, & vim

& vim suscitāt ira. Morbus autem hostis
sui vires animosque adauctos cernens,
de fuga cogitans consistere ac repugnare
non valet. Non iniuria ergo Auicenna
sexto Naturalium, ait huiusmodi fiduciæ
actionem omnibus medicorum instru-
mentis & medicinis esse potiore: ex hu-
ius igitur præstantissimi viri sententia,
fiducia concepta de medico maioris est
efficaciæ, quàm illa omnia quæ ars per-
miscuit, & medicorum solertia excogi-
tauit: maximi igitur facienda est autori-
tas quæ fiduciam parit, cùm auctoritatem
doctrinarum varietas & acumen parent.
Qui ergo doctrinis disciplinisque & ex-
perientia pollent, eam de se opinionem
concitant, vt cateruatim ad huiusmodi
viros pro sanitate festinent: nam eorum
verba vt oracula quædam summa cum
attentione excipient: fama enim hoc boni
in se continet, vt mentes hominum ani-
mosque inflamment, quibus, vt diximus,
mutandarum rerum quædam vis inest:
nam non modò in medicina, sed in alijs
quoque auctoritas illa fiduciæ comes, quo-
niam Cicero domum iurisconsulti totius
oraculum ciuitatis esse ait: & Iulius Cæ-
sar maximos interdum exercitus sola au-
torit

toritate fugauit, ex qua suorum animi
adaucti hostium debilitatas vires facile
superarunt. nam ipse ad Amantium de
Iuba scribens ait: Veni, vidi, vici. Sanati
igitur ex fiducia non pericula medica-
menti, non hieræ picræ amaritudinem
sentientes, vt quasi diuino auxilio leuati
& citò & tutò & iucundè curati sunt, quo
nihil potest esse in medicina excellētius.
huc igitur diuertat turba ægrotantium
& malè firmorum, vt Ouidij verbo vtar,

Illā quidem valeat, sed si malè firma curabit,

Et vitium cœli senserit ægra sui.

Sed maximè aduertendum medico est,
cuius autoritate sanari debent ægroti, vt
quibus cum agat optimè consideret: non
enim parua est hæc cautela. Nam doctos
viros, quos rei veritas nō lātet, communi
ac lucido sermone alloquatur, sed apud
imperitum vulgus & aniculas, & huius-
cemodi homines quæ Latine, aut lingua
vernacula dici commodè possunt, obscu-
riori sermone aut Græcè aut Punicè re-
ferat. vulgus enim id aliquādo optimum
& salutiferum iudicat, quod non intelli-
git. Nam si vinum granatorum, aut radi-
cem te daturum inquires, vulgus imperi-
tum, cum hæc nouerit, & communia sint,

si molestissimo morbo grauabitur, nullam in his spem reponens floccifacit: Sed si granatorum Græcè pro vino rhotium dixeris, & pro radice siluestris granati mugath Punicè nominaueris, quasi ex alio orbe petita hæc remedia putans, vt diuinitus missa medicamēta suscipiet: ita, vt & medico & medicinæ fiducialiter auxilium expetens conualescat, fiduciam autem plurimos fanasse experientia docuit, & grauissimi autores testati sunt, vt diximus, vnde vtilissimum est pro vulgo imperito Punica aut Græca aut alia, ommissa quæ nota est, loqui: nam & mihi sæpe contigit, vt in Bohemia, Pannonia, Germania, Vngaria & Hispania, cum æger à me suscitaretur quid ei antidoti pararem Punicè aut alia lingua nominans, quæ potuissē eius sermone narrare, vt manifestum viderim iuuamentum: nam æger conualuit. Sed & hæc etiam apud veteres profuisse testatur Plinius, Nam vigesimonono Naturalis historię cum de medicina ait, Imò verò auctoritas aliter quàm Græcè eam tractantibus etiam apud imperitos expertesque linguæ non est, ac minus credunt, quæ ad sanitatem suam pertinent, si intelligunt. Sed

Sed hæc quæ ex Plinio allegauimus, maximè eam, quam Galeni in medendo retulimus felicitatem confirmant, nam eodem tempore hi duo fuere, Plinius enim ad Traiani vsq; tempora deuenit, in imperio cuius Galenus Romam profectus ætate Antoninorum floruit. Vitandus igitur omni ratione medicus infelix, cuius manum & subsidia negligunt licet doctus haberetur, & in medicando infortunatus putaretur, vt contigit Drufiano, qui ob excellentem doctrinam Plusquàm commentatoris nomen obtinuit, & tamen in eius manibus quotquot fuerunt, vitam amiserunt, quoniam nihil spei, nihil fiducia in eius medicamento reiecerunt: quam vt sibi reseruent regulas ordinesq; medicandi doctissimi viri aliquando neglexere. Nam Rasis ille medicorū fons, se peruersè aliquando operatum ait, vt vulgi infamiam euitaret, nam vbi longa inedia opus erat, escam concessit ne videretur, si mors accideret, se ægrotos fame macerasse, & deinde occidisse, vt decimonono libri continentis apparet. Sed hæc de medico, quam narrauimus concepta fiducia, in magnifico Laurentio, & Medicorum familia maximè viget, po-

puli enim & ciuitates hanc de eo conce-
 perunt opinionem, vt in summis pericu-
 lis, discordijs maximis, animorum per-
 uerſitate, tyrannorum crudelitate, ciuili-
 bus ſimultatibus, odijs & priuatis & pu-
 blicis, inuidis luoribus, venenatis menti-
 bus vnicum ſubſidium cælitusq; demif-
 ſum ſit magnifici Laurentij ingenium,
 quod ſola autoritate omnia iam quaſi con-
 clamata reſanet: nam anno præſente fa-
 ctum eſt vt ciues ex Sena Etruriæ (nam
 Senonum de nomine Senæ alibi ſunt) de
 occupato oppidio à duce Florētīnorum
 verba facientes, ſola Laurentij promiſſio-
 ne de reſtituendo contenti in patriam
 rediere: quod licet minimum ſit, tamen
 non eſt eius quod diximus minima con-
 firmatio, cū non modò amici, ſed qui
 non bene cohærent (Sena enim & Flo-
 rentia, ex vicinitate vt ſit, animo aliquan-
 tiſper diſſident) tanti hominem fecerint,
 vt vel nutu eius contenti ſe quod opta-
 bant conſecuturos arbitrarentur.

*De humido radicali, & tribus Parcīs,
 & de ſiellæ Veneris charactere & no-
 mine.*

CAP. XVI.

SERMO de fiducia, quam ex medici
 ſautoritate concepimus ex qua ſanitas
 eſt,

est, iam nos ad ea narranda deduxit, quæ vitæ nostræ fundamenta esse noscuntur, quibus diminutis, aut labant, aut ruunt, aut ruinam minantur vitalia: & hoc quidem est humidū naturale, quod succi nomine rectius diceremus, ut est in Teren.

-Corpus solidum & succi plenum.

& in Bucolico Virgilij.

Et succus pecori, & lac subducitur agnis.

Succus autem quasi fugus, ut is quem ex alimentis & altis membra fugunt: quod iuniores medici, ut vitæ subitenticulum, ficto vocabulo, ab arboribus sumpta translatione, quæ radicibus aluntur & viuunt, radicale dixerunt, siue natiuum, & hoc rectissimè: & hoc quidem triplex esse dicunt, primum tenue aëriū, super quo sine adminiculis, calor ille cœlestis & natiuus, qui in nobis est, suas sedes locauit, adeo ut nullo pacto ab eo seiungi separariue possit. Nam certissimum in omni philosophia argumentum est, calidum absque humido nusquam reperiri posse, hoc enim & in lignis aridis quotidie experimur: tam diu namque ignem durare cernimus, quoad humor minutias ligni conglutinans pabulū igni ministrat, quo consumpto, ligna in cinerem abeunt: &

hinc est quòd Thales Milesius, quem antiquitas admirata est, omnia aqua còstare putauit: & ob hanc causam Oceanum patrem rerum poëtica sententia taxat. Secundum verò humidum, densius ac humidius, primo sese tanquam nutrimentum & escam innato-calori præstat, & natius calor per huius secundi humidi meatus occultos & quasi rimulas, sicut lumen in corpore perspicuo, huc atque illuc vagatur: sed hoc facta subtilioris partis diminutione densatur, atque crascescit, vt non amplius natiuo calori sit peruium, & propterea minime illustratur, adeo vt iam ad diluti vini similitudinem, non aëris, sed aquæ imaginem gestitet. Est & tertium humidum naturæ tenacis, quod glutinum peritiores vocant, continet enim tanquam vinculum quoddam corporis particulas quadam mixtura & nodo connexas, quo detracto, vt in exemplo ligni diximus, omnia in puluerem rediguntur: quod etiam innati caloris cibarium ac nutrimentum imminutum quidem est. Non enim sufficit cœlestem illum quem diximus calorem copioso pabulo sustentare: Imò cum iam prope finem est, illum à se fugat, & calorem fugatum sequit

sequitur mors: & hoc est quod poëtarum
cœlitus data sapientia, (vt cecinit Ouid.

Est Deus in nobis, sunt & commercia cœli,

Sedibus æthereis spiritus ille venit)

in Parcas fabulosè reiecit: Parcæ enim
quæ fila humanæ vitæ tenere dicuntur, vt
Clotho, Lachesis, & Atropos, ideo dictæ
sunt, quoniam nimium parcæ sunt, ita vt
nulla liberalitate in vita hominum pro-
ducenda vtantur: de quibus Catullus,

Currite ducentes sub tegmina currite fusi.

Sunt igitur hæ tres Parcæ tria illa humi-
da radicalia: nam Clotho baiulans colum
est primum illud humidum, in quo color
natiuus immixtus est, eumque gestat: La-
chesis verò net, pensum consumens se-
cundi humidi vicem obtinet: nam pabu-
lum & nutrimentum filorum esse appa-
ret. Atropos autem fila detruncans, tertio
humido & glutinoso quidem particulas
corporis continenti similis, quo consum-
pto collabuntur omnia: occat enim, &
quæ densa erant & grandia cædit, & frā-
gens in minutias resoluit, vitamque fu-
gat: abruptis enim filis tanquàm glutino
partium necesse est corpora cinerescant:
Hoc igitur triplex natium humidum
radices vitæ continens esse perhibetur.

Sed est & quartum humidum intercurrens, quod non innatum, sed factum huc atque illuc per venas & arterias labens, cordis calore stimulatam etiam innato colori pabulum & sustentaculum porrigit: Spiritus enim corporis à Galeno loco caloris innati positi ac nominati eo fouentur: ex hoc igitur quarto humido, & ros & cambium, & gluten sunt, primò quidem membra irrorantur, secundò instaurantur deperdita, tertio partes soluedæ glutinantur: ros igitur quia quod siccabatur irrorat, cambium quod loco alterius subrogatur, gluten quod latenti nexui, & glutino subuenit. ita ut hoc ultimo loco positum humidum illis tribus superioribus auxilia præstans, quasi acies subsidiaria laborantibus militibus subuenit: & ne ulterius hac in re progrediar (multa enim dicenda occurrunt quæ solertia medicorum magis ad ostentationem, quam utilitatem excogitauit) vnum tamen exemplum pro iunioribus ponam, quod licet non valde simile sit, attamen non erit inutile: erit autem hoc, si consideremus lucernam ubi oleum non adhuc imbibitum & stupam siue papyrum oleo infusam, & illud humidum, quo particulae
papyri

papyri aut stupæ inter se glutinatæ sunt, oleum adhuc liberum, primo humido simile esse dicemus, & illud quo papyrus infusa est secundi humidi imaginem gerit, & ille humor quo partes papyri inter se glutinantur, tertium humidum imitatur: ita, vt in oleo, vt humido lumen fundetur, & infuso in papyrum, vt pabulo vtatur, & humor quo papyri partes continentur ne dissoluantur glutini vicem implebit: lumē ergo calori natiuo & cætera cæteris similia putantur. Sed quoniam sæpe natiuum calorem nominauimus, aduertendum est in animantibus calorem huiusmodi ex cœlesti elementarique esse concretum: & propter hoc moderamen in omni consumptione præstabit appposito freno: tantum enim consumit, quantum necessitas exigit: nam ab anima habet præfinitam potestatem cum maxima efficacia: videmus nanq; in aheno aliquando neruos feruenti calore vexatos, bullitione agitados etiam pluribus horis, mollitos nunquā: sed cum ad humanum ahenum hoc est vētriculum deueniunt, paucis admodum horis non modò mollientur, sed ita soluuntur, vt nulla neruorum facies appareat. de quo Ovi-

dius primo Methamorphoseôn sub quadam dubitatione loquitur,

Natus homo est, siue hunc diuino semine fecit

Ille opifex rerum mundi melioris origo

Siue recens tellus, seductaq; nuper ab alto

Aethere, cognati retinebat semina cœli.

Non iniuria igitur philosophus Aristoteles ait, Sol & homo generant hominem, Solem pro vi cœlesti, & stellis omnibus ponens: ab ipso nanq; vt à quodam principe & stellæ, & planetæ lumen mutuuntur. Vnde cùm sydus commune sit vocabulum, plerunque Solem tantum significat. Ouidius de Arte amandi.

Candidus in nauta turpis color equoris vnda

Debet & à radijs sideris esse niger,

id est Solis, cuius tam excellēs natura est, vt pro diuersitate materiæ opposita operetur: & cùm cætera denigret, linū dealbat, ceram liquefaciens, lutum cōstringit: at Venus quæ sola propter luminaria radios habet hoc efficere nequit, & hac de causa, vt eius radios mathesis indicet, hoc caractere ♀ demonstrat: ita vt à circulo linea in fine bifulca dependens radios præfiguret, & diligentissimus poëta pro Venere stella iubar posuit in 4. Aeneid.

It terris iubare exorto dilecta inuentus.

Cur

*Cur diſſi dicti ſunt elementa, & de Ideis, &
igne cum amor ſit, & imagine Priapi
non ſine ratione facta* CAP. XVII.



N ratiocinatione primi ſucci
mentio de calore interuenit,
ita vt in animantibus calor na-
tius ex cœlo & elementis eſſe
noſcatur, Elementa autem numero qua-
tuor eſſe etiam aniculæ iam ſæpe audi-
uerunt, ſunt autem, aqua, cui cerebrum:
aër, cui iociner: ignis, cui cor aſſimulan-
tur: terra verò omnibus membris fami-
liaris, nihil proprij ſibi vendicauit: ele-
menta autem eiufmodi ſunt, vt in com-
ponendis corporibus primum, in diſſol-
uendis verò vltimum locum obtineant,
nam ipſi ſimplicia cùm ſint reſolutionem
non capiunt, & ex hac ratione Gramma-
ticus literas elementa vocauit: nam ora-
tio in diſtiones, diſtio in ſyllabas, ſyllaba
verò in literas reſoluuntur, literæ autem
non patiuntur diuiſionem. Hac igitur ſi-
militudine literas elementorum nomine
appellauimus: quòd autem elementa ex
quibus omnia conſtant, inuicem ſibi ce-
dant, parianturque alterationem, ac mu-
tationem, tanquam omnibus notum, re-
linquo: Vnum tamen ne caloris ſunus
immine

immemores referemus, de igne enim in quo fons est caloris, sermo non inutilis habendus est. Ignis siquidem non modo elementum, sed amorem quoque significat: Virgilius.

-Et cæco carpitur igni.

Amorem duplici ratione videtur significare, primò quia coitus, cuius desiderium ex fruitione pulchritudinis plerunque oritur, sine calore cassus inanisque est, Secundum illud Vergilij,

-frigidus in Venerem senior: Et in Terēt.

Accedas & calestes plus satis.

Accedit etiam illud medicorum, dicunt enim coitum calefacere, Amor verò honestus, vt amicitia & beneuolentia, etiam à calore originem trahit: nam laus eiusmodi est, vt accendat & suscitetur, quod non modò ratione vtentes, sed bruta quoque intelligunt: hinc illud,

Cantus amor laudum, tanta est victoria cura.

Laudibus ergo & plausu manuum accendantur & calefiunt bruta, ita vt fortius alacriusque moueantur: calor enim laudis auditate adauctus, ne segnes sint, efficit, ita vt celerius ac pertinacius currant: hinc etiam est, quòd cum in genere demonstratiuo aliquem maximis laudibus affici

affici audimus, mouemur, & in amorem illius inflammamur, & sicut ignis in circumstantia ligna, ita amor beneuolentiæ in astantes auditores infilit: illa igitur inanimatio accensio est: propter hanc ergo similitudinem uetustas amorem ignis nomine appellauit, Calor facit, frigus amorem fugat. ideo poëtæ cùm Cupidinem duplici telo arment alterum obtusæ cuspidis non sine plumbo est, amorem fugans: frigidum enim est plumbum: alterum uerò acutæ cuspidis cum auro esse refertur, quod amorem gignit: aurum licet temperatum sit, Solem sequens cordi conuenit, unde cætera membra calefcunt, in amoris feruorem trahit. Ouidius primo Metamorphoseos,

*Deq; sagittifera prompsit duo tela pharetra,
Diuersorū operū fugat hoc, facit illud amorū
Quod facit auratū est, et cuspide fulget acuta.
Quod fugat obtusum est, & habet sub arundine plumbum.*

Hoc igitur metallum supra Saturno propter & tarditatem & frigiditatem sui tribuimus, & hæc duo amori refragantur: aurum uerò Soli dedimus, in quo calor, splendor, radiorum motus celerrimus est, de his hætenus. Nunc ad elementum ignis reuertendum est,

est, Ignis teste Auerroide in Canticis A-
uicennæ est aëre calidior, & hic noster
sensibus obnoxius ignis, non est elemen-
tum: conclamatae dementiæ esset, qui
hanc sibi opinionem induisset, ut ignis
quo utitur, cum sit compositus, esset ele-
mentum, quod est simplex: simplex au-
tem & compositum quantum inter se di-
stent, cæcus est qui non videt: Noster ve-
rò non ignis, sed fumus ignitus reuera
est, nam Alexandri philosophi, qui sentit
fumum hunc ignitum esse ignem, explo-
sa sententia est: nam inter cætera quæ
adducuntur aduersus Alexandrum, non
in postremis est, quod elementa genera-
tionis causam & non corruptionis præ-
stant, hic autem noster ignitus fumus cor-
rumpit semper & destruit: præterea ele-
mentum non est actu sed potentia cali-
dum, Calor enim cum accidens sit igni
sensibili, & nostro non posset elemento
esse substantia, cum notum sit illud Ari-
stotelicum, quod vni est accidens, alteri
non potest esse substantia. Ignis autem
elementum in concavo orbis lunæ exi-
stens purus est sine admixtione aliqua,
cum hic noster corporibus terrestribus
annectatur: Ignis igitur elementum, dua-
bus

bus qualitatibus, quarum altera summa, ut caliditas: altera verè remissa, ut siccitas, non actu sed potentia ornatur: Terra nanque igne est ficiior, sicuti aër humidior est aqua de sui natura, sed cùm ad actum devenitur, aqua magis quàm aër humectat. de his hactenus. Elementa omnia, ut latissimè patet, nomina habent deorum, & pro deis habita apud antiquos. Nam ignem Vulcanum, aërem Iunonem, aquam Neptunum siue Oceanum, terram verò Tellurem aut Plutonium, antiquitas appellavit. Sed dicerent peritiores, unde hæc infania cordatos illos viros inuasit, ut elementa deos esse crederent, ita ut quibusdam effectibus horum sacrificia offerrent: ut

Nigrâ hyemi pecudē, Zephyris sælicibus albâ
 Nam oblationes ubique occurrunt. Advertendum est secundum Platonis sententiam rerum ideas, hoc est formas, & ut ita dicam, sigilla (nam idea est originalis rerum species) esse perpetua: & ut clarius loquamur ponemus exemplum, intra centum milia equorum, vel bouum vel cæterarum specierum, si volumus invenire principium & originem retrocedendo ab hoc ultimo equo ad patrem, & à
 patre

ca. 9.

patre ad alium patrem, & sic deinceps: necessarium est deuenire ad vnū equum immortalem & perpetuum, & à nullo creatū, qui alios fecerit, & sic de bobus & cæteris huiusmodi erit. Ille igitur equus increatus & immortalis, tanquam aliorum sigillum, nihil aliud est quàm idea, & forma equina in mente diuina (vt Christiano more loquamur) nam beatus Thomas ex sententia Augustini manifestè declarat omnium rerum ideas esse in diuina mente, & eas esse diuinam essentiam, per quas Deus omnia videt & cognoscit: & Aurelius Augustinus Platonis & imitator & laudator adeo, vt in libro trium & octoginta quæstionum sic de ideis loquatur: Ideæ sunt principales quædam formæ vel rationes rerum stabiles, atque incommutabiles, quæ ipse formatæ non sunt, ac per hoc æternæ, ac semper eodem modo in se habentes, quæ diuina intelligentia continentur: & cum ipsæ nec oriantur, nec intereant, secundum eas tamen formari dicitur, quod oriri & interire poterit: & hæ ideæ non repugnant simplicitati diuinæ, vt testimonio Thomæ intelligimus. Et vt ad rem nostrā reuertamur, antiquitas ideam
in

in mente diuina terræ, Plutonem, Tellurem, Cererem, Cybelen, diuersis rationibus vocauit: Aquæ verò ideam id est formam Neptunum, Oceanum, Nereum: Aëris verò Iunonem & Palladem: ignis Vulcanum & Vestam. quæ omnia alijs quoque nominibus propter diuersos effectus sæpe vocitarunt: nam Pomona dea est vis & idea arboribus impressa fructus procreans furculorum, ideo apud Plinium sic ea loquitur: Ego succum vini, liquorem olei gigno: ego palmas & poma & cætera, vt aliàs dicemus. Has ergo formas in mente diuina æternas & immortales pro dijs habuere, & coluere, & rectè: quoniã in Deo nihil est nisi Deus, & ab his ideis vt æternis, vt que ab ipso Deo corruptioni obnoxia originem ducunt, ita vt rerum species ab his immortalibus & diuinis speciebus pendeant: has autem in diuina simplicitate ideas & rerum omnium formas varijs modis intellexerunt: Nam commentator Auerrois duodecimo primæ philosophiæ, quasi conquerens de obscuritate Platonis eius dicta interpretatur, ita vt dicere voluerit has ideas esse angelos, qui diuino præcepto creandarum rerum Dei maiestate
in quæ

quieta curā habuerint. Mathematici verò in huiusmodi negotio inter se dissident: quidam enim asserunt cœlum animatum omnia creans ex imaginibus in ipso signatis, nam octo & quadraginta sunt notæ, sed ignotæ innumerabiles quodammodo sunt: & ab his imaginibus tanquam rerum ideis, omnia quæ in mûdo sunt originem traxisse ad earum similitudinem, ita vt forma leonis leonem, & equi equum, & sic in cæteris formet. Quidam verò non tantum mathematici, sed diuinæ scripturæ interpretes, vt Albertus & Thomas, aiunt cœlum esse Dei instrumentum quo operatur: & hæc sententia à superiori non dissonat, nisi quia illi animam cœli Deum esse rentur, hi verò Deum omnium creatorem fuisse & eos animatos siue inanimes formasse: sed quātum ad idearum formationem, idem sentire videntur: nam si Deus cœlo vt instrumento vtitur in producendis rebus, vt aiunt, nil profectio aliud est quàm mandare, vt formæ in cœlo existentes, quod Deus vult faciant, & hoc ab æterno institutum fuisse, vt, dixit facta sunt, ipse mandauit & creata sunt. Ideas igitur in mente diuina, vt Christianitas sentit, antiquitas

tas vt deos coluit : nam Vulcanum ignis, Iunonem aëris, Neptunum aquæ, Plutonem terræ ideas vocitans, vt æternas & immortales deos nominauit : & cum sacrificia obtulere, vt nigram hyemi pecudem, diuinos nutus hæc facientes placare intenderunt : vnde quæ insulsissima ab imperitis putantur, summa sapientia etiam sale condita in honorem cultumq; venerunt, inter quæ nihil delirius iudicatur, quàm Priapum Deum putasse & coluisse : de quo pauca in medium referam : Nam Priapus & Lampſacus vrbes fuerunt in Hellesponto, & in Priapo rusticus quidam tanta membri virilis magnitudine fuit, vt è ciuitate pulsus sit, ne mulieres deuastaret, vnde Priapum à loco dixerunt, & vt numini templum dedicarunt : & quanquam Virgil. vltimum & nouum numen appellet, attamen in sacris literis de eo antiqua commemoratio, sic enim in 111. libro Regum scriptum est. Insuper & Machaam matrē suam amouit, ne esset princeps in sacris Priapi, & in luo eius quem consecrauerat, subuertitque specum eius, & confregit simulacrum turpissimum. Sed dicerent acutissimi & sapientissimi viri, vnde tanta de-

mentia antiquos vexauit, vt membro virili tam turpi, tamque abhorrendo, vt sine infamia nominari non possit, aras dedicauerint, templa edificarint, sacrificia obtulerint, ita vt non modò gentilitatem dæmonum solertia delusam, sed Iudæam quoq; , vbi veri Dei cultus frequens erat hæc monstra inuaserint? doctis & acutis superius responsum est: nam rerum ideas coluerunt, & illis templa & statuas cum suis insignibus dedicauere non sine causa: nam cum Aesculapio viperam assig-
gnarunt, quis non videt memor etiam eorum, quæ de theriaca diximus, vim viperæ in medicaminibus maximam esse? Hac igitur ratione Aesculapio, vt Deo medicinæ tribuere. Templū Priapo dedicauerunt, quoniam antiquitas colebat ideam fœcunditatis, & quia inter omnia culta fœcundiores sunt horti: ideo hanc fœcunditatis formam hortorum Deum vocauerunt: & cum huic Deo simulacrum ac statuam facere intēderent, membrum virile erexerunt tanquam hominis portionem fœcundissimam: nam inter omnia quæ fœcunditatem referunt, virile membrum obtinet principatum: eorum enim fœcunditatē repræsentat, quibus

bus nihil excellentius, nihil ~~divinior~~ natura produxit: hominem enim pro fructu foecunditatis ostendit. Hanc igitur virilis membri imaginem ideo venerati sunt, quoniam ea ideam foecunditatis reddebat: & inter ea, quæ foecunditas præstat, hoc est excellentissimum: fructus enim reliquos ex foecunditate habitos hominum præciosa factura superat: meritò igitur hominis membrum foecundum in illius ideæ imaginem retulêre. Hæc volui dixisse, ne homines imperiti tam stultum fuisse putent, membrum virile templis ornasse, cultuque celebrasse: nam cum hæc humana ratio coniectarit, labi & in his errores oriri facilè possent. At in dogmate Christiano non nisi veritas elucescit, fides enim nostra diuinitus inspirata, antiquorum errata deleuit, nec dæmonum solertia capi possumus: quoniam eo doctore utimur, qui nec fallere, nec falli potest. Deus enim Dei filius humana carne vestitus, nobiscum versatus, quæ in cœlo abstrusa erant mensuram ingeniorum humanorum excedentia omnibus audire cupientibus divulgavit: nam post ipsum discipuli totum orbem veritate impleverunt, & ad imitationem

CHRISTVS, quæ prædicarunt, opere adimplerunt: non enim in diuinis rebus humana coniectura sufficit: sed necesse est cœlitus delabi inspirationem, quæ mentes hominum illustret, & ita erudiat, vt ne erroribus quidem fallacibus capiantur: vnde CHRISTVS & pontifices summi, inter quos Innocentius octauus, vir diuino ingenio, maximaque sapientia CHRISTVM imitantes ac referentes ea nobis documenta tradidere: ea inquam, quæ cœlitus successionem potestatis habuerunt, & veritate subnixa humanas coniecturas ab erratis reuocarunt, & reuocant: diriguntque ad cœlum. Et Magnus Laurentius ingenia scriptorum ac religionem maximè fouens effecit, vt si quid ambigui restaret celeberrimis scriptoribus illucescat. Nam tot in orbe religionis monumenta, plurima templa instaurata, multa constructa, ac omnia ferè ornata, & à familia Mediceorum, & maximè à Laurentio conspicimus: vt ædificiorum magnificentia, diuitiarum & ornamentorum copia etiam cum ditissimis populis, summisque regibus comparari non sine laudis excellentia possint.

*De mulieribus in viros conuersis, & maris
an fœmine in coitu sit maior voluptas.*

CAP. XV III.



IS quæ de admirando non-
nullorum deorum cultu, deq;
noua religione narrauimus,
fortassis mirabiliora subnectā.
Nihil enim tam monstruosum apparet,
quàm sexus mutatio, quamobrem ea quæ
de Iphide tradita sunt, mentibus homi-
num infixum est, fabulosè narrari, vt,

-potiturq; sua puer Iphis hians,

vt Ouidius scribit: & vt hoc verum fuisse
ostendamus, quædam prius in medium
proponentur, poëtarum & in religione
quoque mos est vti modis dicendi meta-
phoricis & allegoricis, ita tamen vt à ve-
ritate non discedant teste Lactantio: vn-
de Ouidius tertio Metamorphoseos,

Forte Iouē memorant diffusum nectare curas

Seposuisse graues vacuaq; agitas remissos

Cū Iunone iocos, & maior vestra profecto est

Quam quæ cōtingit maribus dixisse voluptas.

Ex quibus verbis moti ad ea quæ indica-
re intendimus sermonem dirigemus. In-
tendimus autem ostendere, & sexus mu-
tationem esse facilem & in coitu mulie-
rum voluptatem lōge maiorē esse quàm

virorum. Iupiter enim & Iuno huius rei iudicem fecerunt Tiresiam qui vtrumq; sexum expertus facilè dijudicaret: Nos verò ad huius rei probationem Auicennam & Nicolaum Peripateticum viros excellentissimos attestabimur: nam quæ oculis vidimus inter anatomicos, cum eorum sententijs concordant. Nam vulva siue matrix, vtrunque enim apud idoneos reperitur, est in mulieribus instrumentum generandi, sicut in viris mentula: quæ in mulieribus quoque alio tamen situ posita est. Nicolaus enim & Auicenna aiunt matricem in radice sua creatam membro virili similem in duobus differentem: primò quia mentula virilis foras, & muliebris intro protenditur: deinde in sexu foemineo testiculi non pendunt, sicuti in viro, in omnibus verò alijs conueniunt: Nam & glandem, & colent & præputium habent, ita vt hæc in matrice penem intro versum constituent, vt si penis noster retrocederet, ita vt glandem ad interiora, & testiculos ad exteriora pelleret, matricem efficeret. In mutatione igitur sexus non alius labor, nec vlla nouarum rerum creatio exiguntur, nisi vt in muliere glans exeat, quo facto statim

statim erit vir : & in viro, vt eadem pars ad interiora pellatur, vt sit mulier : nam nos sæpenumero in corporibus humanis, spontaneas & eminentias ire intro, & extra redire, vt in strumis, & neuis, & alijs huiusmodi videmus : Colei ergo, quos ad similitudinem testiculos vocant, in matricæ primum locum obtinent, Colis autem & glans vltimum: cùm in viro mentula sit anterior, & hernia quæ est theca coleorum posterior sita est, nec tamen in generatione necesse est coleos pendere: reperti enim sunt pluriini, quibus non pendent, sed affixi sunt. Matrix est nervosa duplici textura compacta, & membrum virile adeò nervosum est, vt nerui appellatione intelligatur, sicut illud Satyricum monstrat:

-Nam si tibi sidera cessent,

Nil faciet magni mensura incognita nerui.

Et vt matrix facile dilatatur, vt foetus indicat, ita & mentula frequenti coitu & Veneris exercitio crassescit, & ampliatur, testimonio Hippocratis & Aui-cennæ x x. tertij, qui ait : vsus coitus corroborat membrum redditque lacer-tosum, & è contrario Veneris desuetudine conflagrescit, vt monstrat & illud

m 5 Arist

Aristotelicum à Cicerone ornatissimè dictum. Iam notum est, contraria contrariorum sunt consequentia : nam cum in mentula nostra tres meatus sint : vnus nanque est vrinæ, alius verò feminis : tertius autem est humoris illius qui plerunque ex inspectu pulchrarum personarum commotus exit, quem nos alio modò non vrinam tantum, sed conceptam vrinam vocamus: hinc satyrus, concepta vrina mouetur, sed Punicè guadi appellatur, Latinis autem aliquando vrinæ & feminis humani promiscuum est vocabulum, vt & verbum illud indicat, patriciæ inmeiat vuluæ. Sed vt ad rem nostram reuertamur, sunt quidam minus tamen idonei, qui narrant in anatomia se vidisse in muliere matricem inuersam, & alio modo sitam quàm maior pars ferat : quod si ita esset, nullus esset in mutatione sexus labor, quæ & si esse possint, tamen quia à minus idoneis referuntur, vana esse puto. Omnes enim doctissimi viri eo quo narrauimus modo, situm vuluæ esse dictitant : & quanquam in humanis corporibus sæpe varietas comperita sit, tamen non negamus, quæ doctissimi viri se vidisse referunt: nam calua hominis

minis sine futuris aliquando visa est, cum maior pars futuras habeat: & quibusdam sunt ossa solida, cum maior pars ossa cum medullis gestitet: & sæpe in futuris caluæ aurum repertum est, ut Magnus Albertus refert, visum etiam sæpe est, ex illis duabus vijs quæ bilem deferunt, varietatem factam, ut hæc quæ tendit ad stomachum sit amplior ea, quæ ad intestina descendit: & qui huiusmodi varietatem habent, biliosi sunt semper, cum latior à natura, quæ ad intestina bilem defert, via expostuletur. His igitur enarratis non tam mirabilis esse debet mutatio sexus: nihil enim apponitur, nihil noui gignitur, nihil profectò remouetur, sed quod intus erat exit, & quod foris conspicitur, ad interiora reuocatur, ita ut si linguam exporrectā ad guttur reduceremus. Hoc autem sæpe fuisse factum testabitur vir exactissimæ eloquentiæ Aulus Gellius: ait enim octauo Noctium Atticarum sic, Libitum tamen est hoc loco miraculorum notare, id etiam quod Plinius Secundus, vir temporibus ætatis suæ ingenij dignitatisque gratia, auctoritate magna præditus, non audiuisse neque legisse, sed scire se atque vidisse in libro Naturalis
histor

historiæ septimo scripsit. Verba igitur hæc quæ infrà posui, ipsius sunt, & ex eo libro sumpta : quæ profectò faciunt, vt neque despicienda, neque ridenda sit notissima illa de Ceneide & Ceneo cantilena : Ex foeminis, inquit, mutari in mares non est fabulosum. Inuenimus in Annalibus Q. Licinio Crasso, C. Cassio Longino consulibus C. Asinij puerum factum ex virgine sub parentibus, iussuque aruspicum deportatum in insulam desertam. Lucinius Mutianus prodidit visum à se Argis Arecontem, cui nomen Arescusæ fuisset, nupsisse etiam, mox barbam & virilitatem prouenisse, vxoremque duxisse: eiusdem sortis & Smirnæ puerum à se visum. Ipse in Africa vidi mutatum in marem die nuptiarum, L. Confitium ciuem Trisidentanum, viuebatq; cum proderem hæc. A Gellius, in quo nomine omnis Italia tempestate nostra aberrat, cum Aulum Gellium scribat, immemor Prisciani, qui ab agro agellum, & ab agello agellum dictum putat, & scripturæ antiquæ inscitia vbi semper iunctis literis nomen hoc scribitur, nam Gellius alter est, qui à Plinio allegatur, cum Agellius, de quo loquor, Plinium alleget : de
his

his satis. Nunc videndum est in quo sexu sit maior voluptas coitus : aduertendum est semen masculinum esse calidius foeminino, vnde titillatio & tactus perfectior oriuntur. Voluptas autem coitus est pedissecata tactus : accedit etiam quod habitudo masculi est temperatior foemina, ita vt ex his duobus tantum voluptas viri superet mulierum iucunditatem, caliditate scilicet seminis, & habitudine temperatiori. Sed si alia quæ in coitu accedunt diligenter inspiciamus, sunt autem plurima, vir in coitus voluptate erit muliere longe inferior, quæ si in comparationem venerint, facilius discernentur. Sexus masculinus in eiectione semine titillatur magis muliere, quoniam diutius longiusque fluit, & temperatura habitudinis virilis non nihil voluptatis adiicit, ita vt his tantum de causis, quæ perexiguæ sunt, virilis coitus antefertur mulieribus. In maximis verò voluptatis incrementis mulier superat virum, primum enim gaudium iucunditatis est, cum virile semen excipit : nam calore illo matrix fouetur : & non nihil addit ad voluptatem, quæ maximè augetur, cum vuluæ interiora quæ vt vermiculi pruriunt, vnde

vnde poëta, vt Dolem fricemque cunni
 vermiculos scaturientes, manifesta simili-
 tudine locutus est: interiora inquam vul-
 uæ crebra fricatione virilis membri scal-
 puntur: sursum enim ac deorsum men-
 tula agitara scalpit, & titillat, ita vt nihil
 iucundius sentiatur: nam fricatio, & præ-
 fertim in his locis, vbi semper causa pru-
 ritus est, maximæ iucunditatis esse senti-
 tur, ibi nanque sunt conceptacula super-
 uacuorum, & vt consequens est, pruri-
 tum, quæ cum fricantur & oblectant &
 profunt: præterea vir in coitu damnum
 corporis patitur: fundit enim quod suum
 est, illa verò recipit, & hinc est quod for-
 tior, habitior, vegetior ac lætior exurgens
 mulier voluptatem omnibus visceribus
 cum emolumento percipit. Mulier igitur
 semen viri fusum colligendo, & suum
 quoque fundendo, orificio matricis scal-
 pto & confricato, acceptione, & non lar-
 gitione facta in motu etiam pari & colis
 glande titillata, & corpore roborato, cum
 illud Ouidij præceptum seruatur

*Ad metam properate simul,
 minimā & quasi nullā sui cōparatione vi-
 ri voluptatē iudicat. Hinc illud Satyricū.
 -nam quantula nostra voluptas.*

Cum

Cum in medium sermo de vtriusque sexus coitu intercurreret in diminutionem voluptatis nostræ id dictum est. Accedit etiam ad hoc quòd voluptas mulierum, maior redditur etiam si cum viro summa benevolentia iuncta est : nam vt inquit Propertius,

Omnis amor magnus, sed aperto in coniuge maior: summam autem diximus benevolentiam pro sexu : nam licet amor, vt exemplo declaremus, ad quartum vsque ordinem in viro & muliere se extendat. & ille dicatur maximus, attamen quia sexus foemininus ardētius cupit quàm masculinus, in illo eodem ordine amoris maiorem voluptatem sentiet : ita vt benevolentia in medio posita in quantitate pari ab utroque sexu accepta, in intentione ac remissione sentiet imparitatem: præterea si latitudo, longitudoque mentulæ vacuitati vuluæ correspondeat, etiam hic voluptas muliebris maximè augebitur. Nam vir & si ampliori campo versetur, fricatione non indigens rem veneream peragit. Illa verò cum rugosam habeat matricem fricatione indigentem, si crassiori membro explicabitur, duplicabit voluptatem: hinc est quod mentulatos mulier concup

concupiscit : & ex hoc castitatem in muliere difficiliorem esse quàm in viro rectè colligimus. Nam vbi voluptatis affectus est vehementior : ibi quoque maiora esse incitamenta noscuntur. His igitur pertractatis, meminisse oportet coitum peruerso ordine peractum, vt cùm mulier ascendit virum, esse periculosum: fuisse autem & olim aliquando huiusmodi rei abusum, illud quoque iocosè dictum Martialis indicat,

Hectoreo quoties federat vxor equo.

Ex huiusmodi enim ordine coeundi plerunque ramex, nec non mentulæ ac vesicæ exulceratio nascitur: ramex siquidem propter difficultatem eiectionis seminis, quod viro supermoliente mulierem faciliè fluit, secundo enim & prono cursu vitur, sed è contrario non nisi vi eiectionis, quo conatu membrana continens intestina frangitur, & hinc defluxus intestinorum in herniam ramicem efficit : sed exulcerationis duplex causa esse potest : nam ex muliebri defluxu aliquid in mentulam exulcerationem faciens facile prolabi potest, deinde ne ex semine viri particula nõ eiectionis remanēs, quod pessimum est, hoc idem efficiat: vnde medici

dici improbant illos, quos in Priapeis coeundi modos Philenis enarrat. Præterea Auicenna x x. tertij, coitum non esse vtilem ait, quem excernendi minuendi ve necessitas comitatur.

De coitu, & eius vocabulo suppresso ab antiquis,

CAP. XIX.



PROPOSITVM rei nos admonere videtur, vt de coitu sermonem faciamus: qua in re veniam petimus, ea enim sese narranda offerunt, quæ vix seruata modestia enuntiari poterunt: Nam apud Romanos nullum detestabilius quam hoc libidinis facinus habitu n est: bis enim ex libidine subuersa est respubl. vt Virginia Lucretiaque testantur: hinc est quod alijs peccatis, quæ maxima habentur, nomina tribuerunt, hoc vnum ita infandum putarunt, vt appellatione dignum esse negarent. Nam superbiæ, avaritiæ, ganæ, inuidiæ, iræ est, sed inertia, siue desidia quæ huius mali fomes putatur, propria appellatio defuit, illud namque Ouidij testimonium affert,

Queritur Aegysthus quare sit factus adulter

In promptu causa est, desidiosus erat:

Et hoc modo nec facinori tetro, nec eius

n

fomi

fomiti nomen idoneum accommodarunt veteres, nefas putantes has hominum pestes fortiri appellationem: nam siue luxuriam, siue luxum, siue libidinem, siue voluptatem, siue coitum posueris nihil peculiare dixeris: vt,

*Luxuriat Phrygio sanguine pinguis humus:
& -epulae que ante ora paratae*

regifico luxu: vt Ouidius Virgiliusq; restantur nomē superabundantiæ propones. Coitus autem Solis & Lunæ, & libido & volupras in omnibus ferè se intermiscēt, nequitia autem & malum (nam his quoq; aliquando coeundi actum appellamus) idem quod narrauimus monstrant. Ouid.

*Nequitia est quæ te non finit esse senem,
& in nono Metamorphoseos:*

-si non ex perdere vellent

Naturale malum saltem de more dedissent.

Sed vnum præ cæteris nomen magis inhæsit, nam Lucretius v. spurcitiam videtur appellasse,

*Quid ve supbia spurcitia ac petulantiæ quætae
efficiunt clades, quid luxus desidiaq;*

Ex hoc quoque communiter appellationis innuit, à porco enim nomen assumpsit, vt spurcitia quasi porcitia, s. littera addita quæ sæpe loco sibili ponitur
teste

teste Messala, & in usu quoque abijcitur aliquando: Virgilius.

Inter se coisse viros & decernere ferro.

Sed hoc malum porco maximè tribuitur, quoniam tanta voluptate afficitur, ut in ipso coitu obdormiscat: & hinc subare pro libidinari à sue tractum est, quo verbo etiam Hieronymus contra Iovinianum utitur, & in libro ad Herennium Cicero. Siquid spurcè inseruit: Iuena.

-Ad spurcos decepta lacus. Rem igitur veneream tam tetrū tam infandum scelus putavit antiquitas, ut minime in ore hominum esset, quod simile videtur illi edicto, quo cautum est, ne incensorempli Dianæ Ephesiæ nominaretur, ut eo quod operabatur scelestus ille fraudaretur: famam enim quærebat, Sed mutatis moribus Latinorum permultæ & inhonestæ quidem appellationes prodire pro diuersitate scelerū, & hinc fellatores, cunilingi, & pedicones siue emasculatores, & fututores, & alia huiusmodi turpia coitum comitantia effluxerunt. Nos verò in præsentiarum honesto vocabulo coitum usurpabimus: Coitus siquidem in se duo diuersissima continet: nam medio-
cris saluberrimus, nimias autem perni-

ciosissimus habetur. ex sententia enim Auicennę vicesima tertij, Coitus curas & cogitationes inhærentes excludit, audaciam præstat, iram mitigat, grauē in moribus hominem reddit & atræ bili, quæ plerunq; mentes hominum stimulis demētiae vexat, medetur: fumos enim aggregatos à corde cerebroq; depellit, doloribus renum subuenit, ingenium acuit, & ab inguinibus coleisque abscessus, quos Græcitas apostemata vocat, penitus remouet: bene igitur poëta de Arte amandi ait

-Pax omnis in vno

conculbita. Nocumenta verò in nimio coitu sunt penè infinita, quoniam nihil ferè magis hominē eneruat, podagramq; generat, dorsi, renum, vesicæ dolorem, nec non colicam, orisque fœtorem efficit: oculos hebetās, & alia plurima. Vnum tamen aduertendum est, non omnem libidinem æqualis iuuamenti nocumētiue esse. Nam cum muliere coire, & si sanctum vtileque humani generis conseruationi esse noscatur, attamen ex eo plus humidi consumitur, sua enim caliditate virum, mulier exhaurit. Sed diuersæ regiones diuersis moribus ornātur, apud Hæbræos virginitas pro vitio habebatur,
filia

filia enim Iepte, ad mortem destinata, temporis spatium petiuit, vt virginitatem suam cesseret. Et hæc eadem inter philosophos vitio daretur, nam virtus est medium vitiorum vtrinque reductum teste Flacco, sed autore Aristotele, qui virtutem dicit esse habitum electiuium in mediocritate consistentem, Virginitas autem, est alterum extremorum, & vitio, vt diximus daretur, nisi ad virtutes heroicæ reduceretur, vt etiam beatus Thomas in Ethicorum libro asseruit, Sed apud Romanos & apud Christianos tantæ est & fuit excellentiæ, vt nihil ferè supra habeatur: imò volunt etiam magi, quod spiritus & dæmones, propter naturæ similitudinem, ipsi nanque non coeunt, maxime diligunt virgines & castos: similitudo enim dilectionis est causa. vnde cum deos placare intendimus, castitatem seruamus, secundum illud:

Hæc casti maneant in religione nepotes,
quod etiam secundo Aeneidos poeta tetigisse apparet: ait enim,

-Et spissis noctis se conuadit umbris

Apparent diræ facies inimicæq; Troiæ

Numina magna Deum. Nam Venere præsentem (ea namq; deorum ac spirituum

vifionem prohibet) nihil profectò viderat, fic eriam nunc quidam magiam imitantes, cum furem in phiala aquæ apparentem noscere exoptant, virgunculas aut infantulos impollutos eligunt, vt ea fimulacra confpiciant quæ pollutus minime videt. Sed ea comoda, quæ ex coitu, testimonio Auicennæ ex medica arte loquentis habentur, apud fapientes viros & heroicis moribus ornatos vana callaque funt, vitæ enim inſpectuæ dediti, diuturna exercitatione, virtutum habitudine acquiſita, victusque temperamento adaucta, illa omnia & maiora quidem & honeſtiora comoda aſſecuti funt. Sic modeſtia facit, fic temperantia operatur, fic conſtantia firmat, atque conſolidat: vt philoſophi virtutum adminiculo ſubfulti, incitamenta Veneris & fortunæ ludibria pedibus ſubiecerint. Sed Auicennæ documenta his traduntur, qui in delicijs agentes, vitam commefſationibus ac ebrietatibus inuoluerunt: Crapulantes enim indies euacuatione indigent, quam coitu temperato fieri poſſe ex arte medica arbitrantur. Secundum hanc igitur Auicennæ ſententiam omnis medicina humana loquitur, nam & Cornelius hu-

ius

ius rei non fuit inmemor, cum coitum
nec appetendum nec reformidandum
esse ait, quoniam crebro & frequenti sol-
uimur, & raro excitamur.

De philosophis qui viuentes sunt mortui.

C A P. X X.



A quæ de philosophis dicta
sunt nos hortantur, vt osten-
damus philosophantes & vitæ
inspectiuæ deditos, humana-
rum rerum exortes, & vt consequens est
mortuos esse, alioquin commoda ab Aui-
cenna ex arte medicinæ de coitu tradita,
sine ratione floccifecisse videremur, cum
ea non pertinere ad sapientiæ studiosos
asseruimus: est enim philosophia sapien-
tiæ amor: amor autem ex diui Platonis
definitione est fruendæ pulchritudinis
desiderium. Sed pulchritudo duplex, &
corporis & animæ esse perhibetur, vnde
Cicer. in libro de Officijs, Et tanquam fa-
ciem honesti vides, quam si oculis cerni
possit, mirabiles (vt ait Plato) amores ex-
citaret sapientiæ, de pulchritudine ani-
mæ oculisque corporeis intelligens, &
nomen philosophi à Pythagora excogi-
tatum, cum sapiens antea diceretur, ama-
torem siue amicum sapientiæ sonat: ami-

cus autem & amator, idem aliquando significant : Ovidius,

-*Cum culta pax sit amica.* Et amor, & amator etiam ad inhonesta quandoque diuertuntur: dicemus igitur philosophos, ut amatores esse mortuos: hi enim dicuntur mortui, si de humanis loquimur, qui non utuntur corpore: vita nanque ex corpore animaque constat, vita inquam humana: nam vitæ per se plerunque dicuntur spiritus, ut in Virgilio:

-*Tenuēs sine corpore vitas.* Sed vitam nunc more doctorum etiam in medicina hominum finimus, cum sit cōsistentia per alimentum: Alimētum autem est corporis. Nihil enim nutriri ali ve aut indiget aut potest, quod omnino corpore careat. Hi igitur qui corporeis commodis non utuntur, nutrimento non indigentes, carent vita: Philosophos autem huiusmodi esse statim patebit, eos nō uti corpore facilimū est cognitu. Is enim corpore utitur, qui ea efficit, quæ moles corporea affert: moles autem corporis voluptates, affectus, tarditatem hebetudinemq; animi præstat: quod etiam Virgilius decantauit,

-*Quantum nos noxia corpora tardant
ferrenosq; hebetāt artus, moribundaq; mēbra.*
Volunt

Volunt enim sapientes, spem, dolorē, gaudium, timorē, quæ sunt animorū affectus contagione corporis prouenire, & ideo abijciendos esse dictitant: vnde Boëtius

gaudia pelle, pelle timorem,
spemq; fugato, nec dolor adsit.

Ex his nanque tanquam fomitibus malorum, & minima & maxima peccata profiliunt: sed philosophus nihil concupiscit, nihil formidat, nihil sperat, nullo gaudio agitur, nullo dolore torquetur, omnia enim illa vnde hæc manant & pullulant, conculcat & obterit, & clipeo tandem rationis à se abijcit: Hæc autem corpori annexa sunt: sed nemo huiusmodi affectus reijcit, nisi fontem eorum aut siccet aut fugiat: fons autem est corpus, vt iam dictum est, & qui siccet aut fugit corpus, moritur: mortuus ergo philosophus est. Nam corpus fugiendo commoda corporis negligit, corporis commodum nihil aliud est nisi vita, vel ad vitam pertinens: fugit ergo vitam, vel ad vitam spectantia, qui corpus relinquit: qui vitam vel spectantia ad vitam fugit, non est amplius in numero viuorum: quia viuere est corpore, & commodo eius vti. Præterea in hoc animæ corporisq; nexu, qui vita dicitur,

n s superb

superbia viget, auaritia grassatur, ira dominatur, inuidia torquet, spurcitia ganeaqué oblectant, desidia illaqueat, ita ut hæc ab illis superioribus orta, ut maxima ab illa tabida corporis contagione proueniunt: & qui corpore utitur, his omnibus est obnoxius, nisi aut affligendo aut conterendo corpore sese è carcere eximat, qui enim huiusmodi est ut corporeo carcere non includatur, mortuus est: Philosophus igitur mortuus sine corpore Dei est amicus, ut ait Plato ab Augustino allegatus. Sed amicitia non nisi ex similitudine nascitur: est ergo philosophus Deo similis, & omnium possessor: nam omnia sunt Dei, & amicorum cõmunia omnia. In Deo non nisi virtus & sapientia & bonitas sine corpore est: iridem de philosopho censetur, ut eius est captus. Vbi autem non est corpus, non est humana vita: Accedit ad hoc, quòd philosophi in contemplatione rerum diuinarum sunt, & in diuinis cogitant: cogitatio autem est animi operatio: nihil enim nisi ubi est, operatur, sed philosophorum animus in diuinis operatur, illic ergo est: sed qui in cœlis est, non est in terra: nihil enim de corporeis duobus in locis vno eodemque temp

tempore esse potest : Ergo animus philosophi & extra corpus est, quandoquidem corpus in terra versatur. Qui igitur extra corpus ponitur, mortuus est : mors namque est animæ vel corporis absentia, & si verum est illud Empedoclis, qui ait : Tria præstat philosophia, scilicet, mobilis affluentia contentum, supernæ felicitàs appetitum, & mentis illustrationem, statim conuincemus, has esse hominis mortui conditiones : mobilem effluentiam is contemnit qui ea non indiget, sed viuus victus & vestatus, qui partem mobilium bonorum implent, sunt necessarij : viuus igitur qui sunt, ea minimè contemnunt, quibus carere nullo modo possunt : quoniam vita, vt iam diximus, est consistentia per alimentum : mortuus ergo philosophus omnis est. Appetitus etiam felicitàs supernæ mortuos, dum viuere videntur, sapientes reddit : qui enim aliquid appetit, in eo considerat & cogitat. Cogitatio autem imaginationem, & alia huiusmodi in se continens est præcipua animi operatio, qua operatione exclusa non est animus siue anima, ibi igitur est, vbi operatur : Deus enim dicitur vbique esse, quoniam vbique operatur, licet de Deo

Deo alia ratio sit, omnia enim in se continet, & omnia Deus implet, & nihil, ut iam sæpe innumus, operatur, nisi ubi est: philosophi ergo animus in felicitate superna operans ibi est, qui autem huiusmodi est, non ducit humanam vitam sine corpore, igiturq; mortuus est. Mens nunquam potest illustrari, nisi tenebrę excludantur, sed moles corporea mentem obtenebrat, qua exclusa fugantur & tenebrę, tenebrarum absentia illustrat: mens igitur illustrata sine corpore est: qui autem à corporis incommodis abest, mentemque habet illustratam non ducit vitam humanam, & hoc modo mortuus est. In diuinis igitur & vita inspectiua versari relictis corporum incommodis, est ibi inhærere, ibique esse: nihil enim, ut iam sæpe dictum est, operatur, nisi ubi est: ibi est: ibi ergo operatur qui in diuinis operatur, & est, nobiscum non est: vitam ergo non ducit humanam, quæ ex corpore anima; consistit. Mortuus ergo est philosophus, & hoc in dubitationem adduxit Apostolum, cum ad tertium cœlum raptus est: ait enim, siue in corpore, siue extra corpus ego nescio, Deus scit: Et idem ad Galathas. Viuo iam non ego, viuit autem

tem

tem in me, CHRISTVS. Nam cùm semper de Deo cogitaret, ibi erat : nam cogitatio animi est operatio Vbi operabatur, ibi erat animus, non viuebat ergo. & Dionysius ait, diuinus amor est extasim faciens, id est, extra seipsum homines ponens : qui extra se positus dicitur, non est in se, hoc est in vita humana : mortuus igitur est. Tales profectò sunt viræ contemplatiuæ addicti, cùm contemplatio sit libera mentis perspicacitas in sapientiæ speculatione suspēsa. Quis enim tam rudis est, qui ex hac diffinitione, vbi libertas mentis desideratur, non intelligat omnes contemplatores liberæ mentis, corpore exutos, & mortuos esse? absentia enim corporis vel animæ mortem semper efficit. Sed dicerent nonnulli, complusculi enim sunt qui minutissima quæque scrutantur, si amatores sapientiæ desiderium pulchritudinis fruendæ tenētes, pulchritudinis inquam mentis sunt mortui : cur spirant, cur strepunt, cur iactu contemplationis plerunq; mouētui? motus enim ille & respiratio viuentium & non mortuorum est. Hæc tam pueriliter obiecta mouent mihi risum, si respiratio, & sonus, & motus viuentem, vt nos finimus,
face

facerent, ignis profectò viueret, ex ani-
ma corporeque humano constaret: nam
cùm non respirat extinctus est & moue-
uetur strepitque semper, vt

-crepitantibus vrere flammis. Vita enim
humana non in his, sed in nexu animæ
& corporis consistit: quoniam altero de-
ficiente mors sequitur: quæ cùm huius-
modi sint, omnes philosophos ac vitæ in-
spectiuæ addictos mortuos esse conclu-
dimus: soluitur enim nexus corporis &
animæ, cùm nobiscum sunt corpora, &
animæ in arduis operentur, & operans
ibi est, vbi operatur. Non est igitur mi-
rum, quod de Xenocrate philosopho tra-
ditur: sic nanque Valerius Maximus scri-
bit, Phryne nobile Athenis scortum, iu-
xta cum vino grauem in peruigilio Ce-
reris accubuit, sponsione cum quibusdam
iuuenibus facta, an temperantiam cor-
rumpere posset, quam nec tactu nec ser-
mone aspernatus, quo ad voluerat in sinu
suo moratam propositi irritam dimisit,
factum sapientia imbuti animi respuens:
sed meretriculæ quoque dictum, per-
quàm facetum, deridentibus se adole-
scentibus quòd tam formosa tamque ele-
gans poti scūs animum flectere illece-
bris

bris non potuisset: non de statua, sed de homine se posuisse pignus respondit. Potest ne hæc Xenocratis cōtinentia à quocumque magis verè magisque propriè demonstrari quàm ab ipsa meretricula expressa est Phryne? pulchritudine enim sua nulla parte constantissimam eius abstinentiam labefecit. Ex his igitur Valerij Maximi dictis apprēdimus Xenocratem statuæ comparatum, esse mortuum, statua enim inanimis est: si igitur philosophi tales sunt, vt viuentes sint mortui, quis mihi imputabit, si quæ de coitus commoditate, quam Auicenna commemorat nihil ad philosophos spectare asseruerim? comoda enim illa corporis sunt, ideo exutos corpore non sequuntur: quid enim rei est mortuis cum coitu? & quid emolumenti res corporea afferre potest his qui corpora neglexerunt? Illa medicorum præcepta traduntur implicitis illigatisq; mole corporea, & qui vitam, si vira dicenda est, more brutorum agunt: ventri enim dediti, quæ voluptatis sunt quarunt: philosophi autem & vitæ inspectiuæ dediti, & veræ sapientiæ addicti omnia illa conculcant. Est autem vera sapientia Christiana fides, in qua veritas re-
lucet.

lucet. Imò Saluator noster de se ipso inquit, Ego sum via veritas & vita: nihil autem testimonio philosophiæ scitur, nisi verum: non poterit ergo scire, qui viam veritatis amisit: veritas autem est CHRIS-
TUS, qui doctrinam suam amplexantibus pollicetur, vt si mortiferum quid biberint, non eis nocebit: Theriaca igitur magna & Mithridaticum antidotum non sunt CHRISTI sequētibus scripta: Nam & in libro Sapientiæ scriptum est: vigilia & cholera, & tertiana viro infrenito, somnus sanitatis in homine parco, & vt ad Xenocratem illum Platonis discipulum reuertamur, non modo ipse philosophando corpus obtriuuit, sed alios quoque ad philosophiam adducendo mortuos fecit. Polemon enim corruptissimis moribus viuens Xenocratis legentis irridendi gratia ingressus est scholam, at Xenocrates huius iuuenis vestitu & incessu lasciuia indicantibus bene perpensis à proposito diuertens, ad extollendam frugalitatem se contulit, cuius doctrina permotus Polemon, lasciuia abiecta Xenocratem secutus in clarum philosophum euasit, quod & Horatius Flaccus tetigit:

-quero facias ne quod olim

Mutatus

*Mutatus Palemon, ponas insignia morbi,
Fasciolas, cubitale, focalia, potus & ille
Dicitur ex collo furtim carpsisse coronas,*

Postquam est impræsi correptus voce magistri.
Mortuus ergò Palemon ex viuento factus illecebras corporis abijciens, quæ sunt philosophorum secutus est: hi enim vitæ inspectuæ addicti, vbi aliquid considerandum est speculantur, vnde in prima philosophia dicitur: philosophū quodammodo amatorem esse fabularum, ex miris nanque constant. Admiratio igitur philosophum ad rerum cōtemplationem inuitat: hinc est quod fabularum, vbi admiranda ponuntur, est quodammodo, vt diximus, amicus sapiens, quem mortuum esse dudum ostendimus.

De multis generibus fabularum etiam verarum, & cur fabulæ varia operentur in homine, & quæ constellatio faciat amatores fabularum.

CAP. XXI.



ABVLAM Cicero ad Herennium finit eam, quæ nec vera nec verisimilis est: ex cuius sermone comprehendimus fabularum aliam non veram, vt comœdiæ & tragoediæ, & aliam non verisimilem, vt homo in leonem lupum ve conuersus.

Comœdias autem fabulas dici Terentius testatur, cum ait :

Populo ut placerent, quas fecisset fabulas.

Sed in his & tragœdijs non veri similitudo, sed veritas deest: ficta enim narrantur, & in conuersione hominis in bestias aliasve res verisimilitudo abest, cum veritas subesse possit. Sacra enim historia, uxorem Lot in statuum salis versam esse commemorat, ita ut secundum Ciceronem, & quosdam doctrina ingenioq; præstantes, fabularum nomine contineantur, quæ vera aliquando fuerunt, hoc nominis sortita, quoniam abest verisimile: Narratio oratoris non constituit verum, non verissimile: unde dicitur narrationem esse oportere veram, aut verisimilem, ita tamen, ut quod verum est, etiam verisimile appareat, cum verisimile ei sit satis absque vero: ex verisimili nanque nascitur credulitas, id est, persuasio: & hæc est una fabulæ acceptio, ita ut sit fabulosa res vera non verisimilis, & eodem modo appellatur res verisimilis, non vera: in altero veri similitudo, altero autem veritas deficientes fabulæ nomen formant. Fabula etiam pro eo accipitur, quod homines

aut

aut fantur aut fabulantur. Iuuenalis,

It noua nec trīstis per cūctas fabula cēnas,
& cum huiusmodi in omni actione paratam fabulam affirmet Plinius, de eo quod rumoribus disseminatur intelligit. Sic etiam Suetonius in Augusto, Cœna quoq; eius secretior in fabulis fuit, ita ut huiusmodi fabulæ non sint veritatis penitus expertes. Sed eā fabula, ut suprà diximus, cuius amici sunt philosophi, ex miris constat, & mira vnumquenq; in sui cognitionem rapiunt, quod est sapientiæ principium: horum nanq; auiditate affecti, ad perscrutādas causas rerum se conuerterunt. Vnum tamen non est obliuioni tradendum, etiam fabulas quæ videntur commentitiæ in religione antiquorum vim sinceræ veritatis habere, dicente Plinio decimo sexto Naturalis historiæ, Smilacem infaustam esse in sacris omnibus, & coronis, quoniam sit lugubris, virgine eius nominis per amorem iuuenis Croci mutata in hunc fruticem: id vulgus ignorans plerunq; festa sua poluit, hederam existimando: huiusmodi autem fabularum, quæ comentitiæ sunt, amatores maximè videntur hi, in quorum genitura Luna dominatur cū Mer-

curio infortunato, vt mathematici afferunt. Sed illud Ciceronis in tertio de Natura Deorum, cū Zenonis, Cleanthis, Chrysippiq; philosophorum in reddenda ratione commentitiarum fabularum curam molestam ac minime necessariam narret, expostulare videtur, vt hæc eadem tela in eum retorqueamus, cū hæc Ciceronis cura, de cura philosophorum, minimè sit necessaria: Nam in rebus omnibus, & maximè sacris, si velatarum rerum explicatio negligatur, plurima, quæ mystica sunt, ridicula putabuntur, & ne hac in re tempus teramus, satis erit hoc adduxisse, quod in libro Geneseos est, Et audiuit Adam vocem Dei deambulantis ad auram post meridiem: quod si, ita vt sonat, intelligatur, esset profectò ridendum. Sed hæc diuina ex sententia Thomæ necesse est aliquo humanitatis radio vestiantur, vt compræhendi possint, vnde maximam laudē Zeno, Cleanthes, & Chrysippus merentur, qui laborarunt, vt in lucem venirent quæ sub vestimento fabuloso latitarunt. Fabula igitur cū multifariam accipitur, inter medicos tamen in vna tantum significatione versatur. Prima enī Quarti Aui-

cenna,

cenna, ad somni conciliationem, leuationes vocum cum fabulis faciendis narrat. Et apud Suetonium in vita Augusti legitur, si interruptum somnum recuperare, ut euenit, non posset, lectoribus, aut fabulatoribus accersitis resumebat: fabulas ergo pro narrationibus siue fictis siue veris ponit: ac si diceret, locutiones, narrationes uel, aut historiarum, aut aliarum rerum hoc efficiunt. Hoc autem non est leuiter pertranseundum, quandoquidem problema Aristotelicum inquirat, cur est quod ex fabulis alij resoluuntur in somnum, alij autem dormitantes excitantur. Plurimi enim ut somnum fugiant, legere incipiunt, & alij vigilantes cum legere incipiunt dormitant, & ut de lectione, sic de auditione contingit: nam in Homilijs sæpe accidit, ut prædicantis oratio alios sopiat, excitet alios: huius autem tam diuersi affectus, audientium legentium uel habitudo varia causam præstat. Alij enim sunt, qui cerebrum pituita humobusq; crudis repletum habent, vel melancholicos ac frigidos, tam euaporationi quam inflationi obnoxios, eodem in loco tenent, & tales viri sine stimulis cogitationum facile vigilant: in vigilia autem

calor humanus foris versatur, & propter hanc causam, illos tam crudos, tamq; frigidos vapores mouere non potest: nimis enim ab his distat, sed cum legere aut audire fabulas incipiunt, motus in spiritibus, & in calore ventriculorum cerebri necessariò fiunt. Horum autem motuum, causa est ipsa cogitatio: ex illo igitur & spirituum & caloris cerebri congeminatione calore, illius tam crudæ tamq; frigidæ massæ fit quædam euaporatio, quam ob causam spiritus illi cerebri ventriculos obfidentes crassescunt: & crassitudo motum caloremq; ipsorum impedit, ita ut iam nequeant ad exteriora diuertere: quæ res vigiliam faceret, sed infrigidati intus remanent, & hoc dormitionis est causa: huiusmodi igitur naturæ viri, quorum cerebella talibus grauantur, reuocato ad interiora calore, quod somnum facit, ex lectione auditione'ue fabularum resoluantur in somnum. Sed in alijs qui diuerso se habent modo, è contrario propter diuersitatem naturæ accidit, nam si auditor lector'ue fabularum aut librorum in cerebro habuerit materiam biliosam acutam, euaporationi idoneam atque aptam (cito enim labitur, quam cogitatio mouet

mouet) statim pulso ad exteriora calore vigilabit, & dormitans excitabitur: calor duplicatus in illis superioribus cruditate ac ineptitudine irretitus minimè valens foras proflire somniculosum facit: & in his propter facilem agilèmq; materiam, concitatus calor exteriora petens vigilem reddit, & hoc pacto pro diuersitate naturæ auditio aut lectio diuersa operatur. Præterea hæc varietas nascitur ex inæqualitate intellectuum: nam qui hebeti ingenio, crassâq; Minerua vtuntur, cum quæ leguntur aut narrantur non intelligunt: & acutissimi quoq; cum etiam lecta aut audita non percipiunt, cum hebetioribus concordantes in hoc duntaxat, quia & ipsi quoque non intelligunt, obdormiscunt, nisi essent aliqui tardi, & non obtusi ingenij: nam de his alia ratio est, vt declarabimus. Causa autem huius dormitationis est, quoniam non intelligentes tristitia afficiuntur, & hæc infrigidat: hinc est quòd calor extrinsecus, vt subueniat infrigidationi intrinsecæ ad interiora decurrit, & huiusmodi dispositio somnum creat: ideo dormiendo melius concoquimus, calore ad interiora reuocato. Est etiam alia causa, nam in legen-

tibus & audientibus fit duplex motus, animæ scilicet & corporis, motus siquidem animæ est cogitatio, corporis verò motus est ex vaporibus & tenuibus humiditatibus per capitis portiones diffusis, quæ mouentur cursitantibus spiritibus: cursitant autem in actu cogitationis. Cùm lector aut auditor ingenij obtusi est, non habet spiritus suos in motu, quoniam eorum mobilitas hominem solertis ingenij effecisset: hoc autem accidit, quia motæ humiditates redduntur crassiores, vt supra diximus, vim spirituum irretientes, ac mollientes, vnde sequitur quies, quietem autem & immobilitatem spirituum, aut morbus comitialis, aut attonitio, aut mors, aut somnus comitantur. Auditores verò & lectores solertes, intelligentes, lætantur, lætitia est causa vigiliæ & excitationis: lætantur nanque humana natura cùm habere intelligit, quæ sibi conueniunt: conuenit enim naturæ humanæ, vigilatio: nam dormitio est quædā mors, hinc illud poëticum,

Dulcis et alta quies placidaq; simillima morti.
 Accedit etiam ad hoc, quod in homine acutioris ingenij, motus cogitationis mouet spiritus, ac stimulat ita, vt acriter & sæpe

sepe exciret & roborat, adeo ut à vaporibus opprimi non possint, sicuti accidit in hebetibus & obtusis, in quibus spiritus irretiuntur. Sed quoniam de tardo mentionem fecimus, necesse est aliquid in medium adducamus. Continget aliquando ut lector auditorve non obtusi aut hebetis ingenij, sed tardi sit, ut legitur de Catone: nam tarditas ingenij sapientiæ adscribitur, non enim statim acquiescit his quæ narrantur, & propterea non apprehendit. Is igitur qui tardo est ingenio, cum audit aut legit non percipiens contristatur, ita enim natura porrigit, omnes enim homines natura scire desiderant. Cum igitur quæ natura desiderat assequi non potest, doleat ac tristetur necesse est, Sicuti omnibus in rebus desideratis & non habitis euenit: Tristatur ergo & non dormitat, imo auiditas sciendi illam tristitiam in stimulos quosdam vigiliarum exacuit. Nā appetitus perfectionis (scientia enim perficit) animam magis ad vigiliam incitat, quia se bestiis non præstare, dedecus cum ignominia maximum esse ducit. Timor autem dedecoris & infamiæ acuit & inflammat, ita ut omnis inertia securdiâq; excludatur, ut ad ea, quæ

dudum percipere nequiuir, capeſcenda promptior paratúsq; ſit, & talia hominibus tardis grauiffimas curas ac ſolicitudines iniijciunt: quæ non modo excitant, ſed aduerſos ac penitus alienos à ſomnò homines reddunt. Triftitia enim dupliciter in nobis operatur, ſi de præteritis eſt, ſoluit in ſomnum: ſi autem de futuris erit, excitat: timor enim ille qui triftitiam creat, propter ignominiam aut infamiam futuram inſomnes penitus reddens, vt ſolertius caueant, efficit. Timere autem honoris amiſſionem, eſt actus prudentiæ: & hoc pacto vt diximus de tardis alia ratio fuit. Sed propter hæc quæ narrauimus fortassis nonnulli acclamabunt ſæpenu-mero cõrigiſſe doctiſſimos acutiſſimòsq; viros ex lectione aut auditione, non laſi- tudine aliqua (nam hoc cuiq; contingere poteſt, vt defatigatus dormiat) ſed eorum natura fuiſſe in ſomnum reſolutos, quod verum eſſe fatemur. Sed hoc in ſapientibus & acutis duobus modis poteſt contingere, vel quia iam ad finem talem deuentum eſt, vt reliqua ex ſe pateant, & hoc modo calor ad interiora tendens, illos in ſomnum reſoluit. aut quia docti viri ingenium eiufmodi eſt, vt etiam tota rei
mate

materia intellecta quosdam nodos secum iterum atq; iterum reuoluendo, omniâq; solertissimè contemplando defatigatum, multos ex spiritibus consumpsit. Acerri- ma enim mentis agitatio, & rerum ar- duarum discursus spiritum resoluit: reso- lutionem cuius quies cum somno sequi- tur: natura enim defatigata quietē quæ- rit, vt eos quos amisit spiritus recuperet instaurationemq; faciat: dormitio enim quieta spirituum creatrix materq; est. In his tamen omnibus ante narratis, & somnus & vigilia possunt contingere ex modis seruatis in lectione aut auditione fabularum: nam. si semper eadem in fa- bulis, eodémq; tenore repetantur, nulli dubium est, vel tædium vnde dormita- tio, vel risio ex qua vigilia in medium profiliat necesse esse. Horatius,

-Malè si mandata loqueris

aut dormitabo aut ridebo,

nam in tali pronuntiatione, est quædam quies, quæ somnum imitatur, nisi agitatio irrisionis excutiat. Varietas enim fabula- rum & in ipsa pronuntiatione, & materie diuersitate, nec non in inflexione vocum & harmoniæ, aut soporandi aut excitandi vis est. Quæ enim ad risum aut miseri-

cord

cordiam aut ad iram inferuntur, animum in diuersa distrahūt : ita vt affectibus concitatis audiens aut lectitans necessariò vigilet, nisi diuturnitas laboris auida quieris, nimia resolutione spirituum resolua-
tur in somnum : sed in audiente pro diuersitate naturæ somnus aut vigilia nascitur, cū lectitans carminis labore, & vocum difficultate vigilet tantū, nisi languore vincatur. Ex his igitur nouimus, lectione aut auditione fabularum pro habitudinis diuersitate in hominibus diuersa contingere. de his hactenus. Nunc ad illa me conuertam quæ poëtę narrarunt, fabulæ siquidem poëtarum aliquando meram ac nudam historiam sine figmento referunt, vt de Ceneo & Iphide mutatis Ouidius loquitur, Plerunque naturalia inferunt, vbi veritas simplex apponitur: vt idem x v. Metamorphoseos,

Sitonio quicumq; sitim de fonte leuauit

Vina fugit gaudetq; meris abstemius vndis.
& de tineis agrestibus & alijs huiusmodi, vt ipse & Virgilius in Georgicis factitarunt. Quædam verò sub velamento tractantur, quæ historiæ faciem habentia, aliud sub veste occulunt : & inter cætera illud Martis & Veneris, indicio Solis in
adult

adulterio retibus Vulcani deprehensorum abstrusam matheſim continet : fuerunt nanq; ab omnibus conſpecti, vt,

hæc fuit in toto notiſſima fabula cælo,

indicat : hæc igitur fabula ex intimis matheſeos penetralibus originẽ trahit : nam adulterum, qui publica pœna plectitur, facit Martis Venerisq; coniunctio in tauro : & hæc eſt illa ficta concatenatio, ex tauro Venus in leonẽ mittit antiſciũ, leo eſt Solis domicilium & ſignum igneum, & hinc Solis indicium & opera Vulcani quæ retia fecerũt. Vulcanus enim ignem ſignificat, vnde coitus Martis & Veneris in tauro, vbi Luna exaltatur, amantium complexum effecit, quem poëtæ finxerunt : laqueus verò & retia ſunt Veneris antiſcia in ſignum igneum iacta, & huius adulterij index Sol : nam leo calidus antiſcio Veneris inflammatus (ſimile enim ſimili additum facit furere) hoc adulterium publicauit : domus enim Solis, leo, qui cum de trigono igneo ſit, Vulcanum retia machinantem ſub ſigmento continet, & hoc pacto totius mali cauſa in Solem reiſcitur : à domicilio enim eius deprehenſio & publicatio adulterij manauerunt. Sed de Argo qui ob ſingularem
prud

prudentiam centum oculos habuisse traditur, fabula manifestam habet historiam: victus enim rex Argus, & occisus est à rege Mercurio qui Trismegistus, hoc est ter maximus dictus est: fuit enim summus philosophus, summusq; sacerdos, & deniq; rex summus, Is enim Aegyptiorum ordo erat, vt ex philosophis sacerdotes, & ex sacerdotibus reges eligerent, & in his omnibus Trismegistus obtinuit principatum: & hinc ter maximus, vt Lactantij verbo vtamur, dictus est, sopitum dulcedine harmoniæ fabula refert, vt Trismegisti Mercurij vafra mentis delinirũ prius, postea occisum Argum ostendat. Sed antiquitas fabulamentis plurimum oblectata est. Sunt enim res poëticae, vt quædam pictura, teste Flacco,

vt Pictura poësis erit, &

-pictoribus atq; poëtis,

quidlibet audendi semper fuit æqua potestas.

In poëmate ergo fictio vt pictura potestatem habet, pictura autem teste philosopho in Politicis, inuenta est pro rudioribus. In poëmate sunt & sensa abstrusa, & facies picta, pictura rudibus excogitata est: nam in prælio multa hominum milia, vario cædis genere vir sapiens ex se coniectat:

iectat: qui rudis est, nisi hæc picta videat, non intelligit: vnde pictores & ruentes equos, & calcatos perfossosq; homines, & fugientes alios, alios verò insequētes cūm pingūt, rudibus satisfaciunt, qui hæc coniectare nequiuerant. Sed ex rebus fictis & pictis sensa elicere, hoc est sapientis opus: & ob hanc causam philosophos fabularum amatores testimonio Aristotelis prædicauimus: & hoc modo ars poetica, & doctis & indoctis perutilis est.

De spiritibus & quare gaudium, aut timor repente occidunt, & cur sanguis occisi coram occisore iterum fluit, De Iunone significante potestates aërias, de Solis introitu in arietem. CAP. XXII.

PERMULTA in anterioribus narrata sunt de spiritibus corporis nostri, attamen qui sint huiusmodi spiritus, nondum declaratum est: ita vt auditor lectorve incertior factus sit, cūm de fabularum varietate locuti sumus, quā prius erat, non intellecta spirituum qualitate, vnde necesse est paulò altius sumere exordium. Spiritus siquidem prima significatione dicitur aër, & hinc est quod venti & auræ spirant, sed aër Græcè, à nostris dicitur

dicitur anima. Virgilius,

Quantum ignes animæq; valent,

cùm de follibus loquitur, quibus fit attracti aëris reciprocatio. Spiritus igitur & anima vnus sunt significationis, sed cùm longius euagamur, relicto nomine aëris, spiritum ac animam ad ea retorquemus, quæ corpus viuificant, & quæ per semet ipsa sine corporis adminiculo aliquando stant, vt damnatorum aut beatorum animæ sunt: & spiritus etiam quosdam, quibus magi vtuntur, nuncupamus, ita tamen, vt si de corpore nostro loquamur, animam nomine spiritus sæpe intelligamus, vt,

dum spiritus hos reget artus.

veruntamen omnia hæc denique in vnum confunduntur. Tam diu enim hominem viuere scimus, quoad aëris, id est, spiritus fit reciprocatio: nam cùm spiramus & respiramus, viuimus: cum autem respiratio cessat, aut attonitio, & hæc ad triduum & non vltcrius: aut morbus comitialis, & hic ad breue tempus se extendit: aut mors, quæ perpetua est, cõsequetur. Tunc enim in homine facilè cessat respiratio, cùm ventriculos cerebri frigidior materia opplerit: quoniam negatur potestas spiritibus, quos animales dicimus, in nervos muscul

musculósq; diffundi : hinc est quod motus sensúsq; non modò torpescunt sed penitus cessant, & præcipuè pectoris. Auicenna autem anhelitum non sublatum, sed oppressum autumat : horum autem causa, & attonitio, & comitialis, & animæ defectus, & stupor, & congelatio & alia huiusmodi incómoda oriuntur. Sed comitialis & attonitio morbi in nonnullis habent quandam germanitatem: vterque enim in ventriculis cerebri anterioribus fit, & eandem habet causam : nam vt plurimùm ex pituitæ repletionem contingit, & vtriusq; accidentia eadem sunt, anhelitus enim & motus otiantur. Sed quantitas differre facit, nam in comitiali pauca, cum in attonitione plurima fit, nam pauca pituita in comitiali breui consumitur, & sic cessat incommodum, cum in attonitione permulta materia grauitatē mali faciens, vnde illud, apoplexiam fortem soluere est impossibile, aut enecat aut solutos hoc est paralyticos reddit. Sed vt ad rem nostram reuertamur, Spiritus est vapor sanguinis temperatus, vt quidam finiunt, quod non est ab re. Caliditas enim sanguinis videtur eum producere lucidum, aërium, clarum & temperatum : de

quo aliàs latius dicemus. Attractio enim aëris pulmonibus reciprocata, spiritus etiam animales, membra nostra fouentes gignit: quoniam aër ille in huiusmodi spiritus vertitur, quod ita esse Galenus v. l. de iuuamentis ostendit his verbis. Dico quod aër, qui attrahitur à partibus cannæ pulmonis, primò ibi alteratur, deinde in corde, & venis pulsatilibus, & præcipuè in illis quæ sunt in rete mirabili connexo sub cerebro, postea alteratur alteratione perfecta in ipso cerebro, ibiq; fit spiritus animalis, leuis, purus. Hactenus Galenus vel vt rectius loquamur, Galeni translator: rete mirabile vocans, quod Latinitas craticulam cerebri nominat. Sed hac in re Auicenna à Galeno aliquantisper dissentit, asserēs ex aëre duntaxat, non posse animale spiritum gigni, sicuti ex aqua tantum non potest fieri nutrimentum præfertim cùm Aristoteles de sensu & sensato Pythagoricos irrideat, opinantes odore solo posse hominem nutriri, vt de Democrito fertur, quoniam nutriëntia oportet sint composita, sed Conciliator vir & acumine & disciplinis excellens Galeno assisistens, veram eius esse sententiam confirmat, ita

vt

vt aër tantummodo sine aliqua mistione spiritus fiat animalis . nam cum ad craticulam cerebri deferatur , vbi sunt perquam maximè tortuosi anfractus ex tunicis venarum, arteriarumq; compacti: in quibus ingentissimus calor obuersatur, quo sanguis cum spiritu concoquitur, tanquam in fornace repurgatus, tenuitatem pariter claritatèmq; adeptus, in spiritum vertitur animale: huiusmodi igitur spiritus per omne corpus dispersi, per omnia membra diffusi ac vagantes, calidi, lucidi, aërii molem corpoream sustentantes, pro tempore & accidentibus, in nobis ipsis & augentur & minuuntur. Nam lassitudo in animantibus, non ob aliam causam est, nisi quia spiritus aërii molem sustentantes iam consumpti sunt, nec amplius fouere aut sustentare queunt, & sæpe accidit, vt bibitione, aut comestione, vel dormitione, aut quiete iterum creentur, corporaq; agilia vegerioraq; reddant: ita vt præteritorum laborum oblita, rursus ad laborem redeant, adeoq; subleuant, vt pleriq; experimento cognorint, viuum animal mortuo longè leuius esse: nam viuus porcus, minus quàm idè mortuus stateram grauat: quia in mortuo

spiritus consumpti, nihil iuuamenti ad subleuandum præstant, cum in viuo è contrario accidat: spiritus enim aërij, leues, sursum à natura tendentes, quæ terrena sunt, leuiora faciunt, & his eisdem consumptis, necessariū est deorsum ferri, pondusq; augeri: ex qua quidem ratione, illud etiam consequens est, hominem cibo potuq; resectum ieiuno & famelico iumentis in vehendo esse leuiorem, cum è conuerso accidere deberet, propter esculenti poculentiq; pondus additum, veruntamen si quis vsq; ad satietatem repletus equitaret, quoniam hoc spiritus obruit, iumenta grauarer magis, nam in nobis inetipsis cotidie hoc experimur: vt comessabundi & ebriosi vix ambulare possimus, obrutis spiritibus, qui nos subleuant, agilioreq; reddunt. Sed hi spiritus corporis nostri, ad omne humanum obsequium præsto sunt, ita vt non modo nutrant, sed incommoda plurima interdum adducant: nam cum sursum deorsumq; cursitent, & nonnunquam intrò, plerumq; foras profiliant, & salutis & perditionis sæpe causam præstāt. Cum enim repentinum, & maximum gaudium sese ex improviso offert, cuncti ad rem latam, cum

cum de natura sui calidi, lucidi, hilarésq; sint, tanquam ad rem eis similem turmatim ruunt, tanta plerunq; frequentia, vt corpus vacuum, deinde mortuum relinquunt, sicuti accidit illi mulieri, quæ de filio ad lacum Trasymenum occiso non verè audierat, quo ex improviso comparente, mater subita morte interiit, vt refert Liuius. Tunc enim omnes spiritus, quos animales dicimus, ad lætitiā volantes effœtum & inanime corpus reliquerunt. Et hoc modo etiam in maximis timoribus, sed alia via accidit, nam multi nimio timore oppressi, vitam exhalarunt: huius autem rei iidem spiritus causam præbent, quoniam animales, vt diximus, spiritus nostris incommodis summopere subuenire nituntur: vnde in re formidolosa, ad cor, tanquam vitæ nostræ arcem, vt subueniant, cursitant, ne tanto in periculo deficiat: & quia ex nimia festinatione tumultuosè & temerariè, nullo nec ordine nec modo seruato ruunt, cor petentes suffocant, & hinc subita mors oritur: & hac via, & gaudium immensum, & timor maximus, subita ac repentina morte perimunt. In timore propter temerarium confusumq; concursum cor suffo-

cantes, & in gaudio ad rem similem exeuntes effœtū corpus relinquentes, mortis causam præstiterunt. His igitur declaratis, reliquum est, vt rationem ac causam exquiramus, vnde fit, cū homo occisus est, cuius sanguis refrixit, ac fluere desijt, comparente occisore rursus fluat: quod sæpe contingit, & nos quoq; plerunq; oculis vidimus, & Græcia de Patroclo hoc idem ait, Hectore homicida comparente. Sed hoc intra spatium decem aut duodecim horarum vt plurimū contingit, rarissimè vterius se extendit. Nonnulli ex occisoris, & quidam ex occisi spiritibus hoc accidere arbitrantur, quod absolum est: nam ad sanguinis iam frigefacti motum, non vna pars spirituum satis est, sed vtraq; concurrit. Cū enim occisor furore ductus, hominem aggreditur, cūcti spiritus qui sui sunt, opus iuuant in occidendū conuolant, sicuti de more eorum est: Itidēq; hominis trucidandi in occisorem tendunt, quo ira corporis sui profilit, ita vt in occisorem volent, ibiq; viuant. Cū ille occisus est, sanguis iam frigefactus fluere desijt: Sed comparente occisore, spiritus vtriusq; diuerso motu agitantur: quilibet suū corpus repetens

petens motum facit, unde & hominis occisi spiritus redeunt, sedémq; suam repetentes, & occisoris recedentes, ut ad corpus redeant, faciunt motum eius rei quam habitant (habitant autem sanguinem) & hoc pacto sanguis iam frigidior & ad fluxum ineptus, ab occisoris & occisi spiritibus, vi multiplicata agitur rursus fluitat: éstque illis tantus proprii corporis affectus, ut plerunq; latitantem hominem, sed proximè existentem, intra tempus quod assignauimus (tot enim horis viuunt) recognouerint, ac repetuerint: hoc autem non in omnibus occisis, sed in plerisq; euenit, quoniam quorundam natura ita debilis est, ut eorum spiritus vno momento confaccescant. Necesse ergo est, corpora, ubi hæc fieri debent, sint calidiora, quoniam calore spiritus conseruantur. Sed spiritus aërii, quos nomine Iunonis veneratur antiquitas, sunt vitæ per se, & damnati secundum Christianitatem mediam incolentes aëris regionem, quæ tenebrosa & frigida est, superior enim aëris pars igne, inferior vero reflexione radiorum Solis calefcit & illustratur. Media igitur cum à neutro horum attingatur luce caloréque caret,

& hanc esse spirituum sedem asserunt: quos Apuleius ita diffinit Augustino teste. Dæmones sunt genere animalia, corpore aëria, mentē rationalia, animo passiva, tempore æterna, sed horum dæmonum ministerio magia utitur: nam cū corpus habeant aërium & sint immortales, summam in disciplinis possunt habere excellentiam, huiusmodi enim prærogatiuæ illos perficiunt, nos verò mole corporea, hebetibusq; sensibus grauati, & angustia temporis conclusi, eorum comparatione parum scire possumus: vnde est, quod ipsi medicinam & astrologiam, cæterāsque artes exactissimè tenent, & ut alia omittam, ex Astrologia & præterita & præsentia & futura cognoscunt, vim & motum astrorum acutissimè callentes, possuntq; euenta sine aliqua hæsitatione prædicere: nam cū sit opus in hac disciplina quosdam motus maximo annorum numero obseruare, sine quibus ars manca est, dæmones æterni tempore, omnia iterum atq; iterum videre, & hinc initium anni sine titubatione percipere potuerunt. Tunc enim anni principium est, cū primam arietis minutiam Sol ingreditur, quod est annuæ prænuntiationis

tionis fundamentum: quo incognito anni
 natiuitas, & quæ hanc sequuntur con-
 flaccescunt. Nobis verò & multis retro
 seculis incognitum est. Quanti autẽ mo-
 menti verum anni initium in prænun-
 tiatione futurorum sit, nemo mathemati-
 cus ignorat, Præterea cùm dies (dies nũc
 accipio diei & noctis tẽpus) sint inæqua-
 les, alius nanq; quatuor & viginti æqui-
 noctiales, alius verò supra, alius verò in-
 fra horas se extendit, quoniam signiferi
 partes, non adæquantur in ortu & occasu
 partibus æquinoctialis, & ex hac diuerfi-
 tate inter summos mathematicos contro-
 uersia nascitur, quam nos summa cum
 difficultate & longi temporis observa-
 tione vix dissoluere possumus: cùm dæ-
 mones sine difficultate discernant, iudi-
 centq; Almeonis ne an Ptolemæi prioris
 vera sit sententia: ille enim signiferum ab
 æquinoctiali trium ac viginti partium,
 triumq; & triginta minutiarum spatio
 declinare asserit: hic autem in partibus
 conuenit, in minutijs verò dissentit: dicit
 enim vnã & quinquaginta esse minu-
 tias: discrepant igitur in duo de viginti
 minutijs, quæ res profectò non parui
 momenti est. Sed quidam iuniores cum

vtroq; in partibus conueniunt, cum Almeone tamen tribus duntaxat minutijs dissidentes : triginta aiunt esse minutias: accedit ad hoc, quòd decima pars arietis, qui est decanus Martis, ab æquinoctiali, vt autor est Ptolemæus, partibus quatuor minutijsq; duabus declinat, cùm Almeon hanc decani arietini ab æquatore, hoc est æquinoctiali declinationem tres partes, quinquagintaq; minutias habere referat. Hæc igitur & alia turbant doctorum hominum mentem, ita vt nesciant quo se vertant. Nam illa signiferi ab æquatore declinatio, si trium & viginti partium & quadraginta minutiarum esset, vt quidam acuti viri asserunt, doctrina æquationis dierum, qua sine astrologia debilis est, certitudinem contineret. Sed ignorato Solis motu, hoc est, veritate non cognita, propter autorum discordiam, statim æquationis dierum cognitio corruet: huic nanque rei cognitio Solaris motus præuiā est, sed dæmones, tam corporis agilitate quàm diuturnitate temporis adiuti (sunt enim immortales) omnia rectissime callent, præsertim cùm beatus Thomas, & acutissimus Scotus his ex peccato non naturæ, sed gratiæ, bona adempta affirm

affirmant : sciunt enim, vt prius, priuati
tamen diuina fruitione, donisq; gratiæ.
Magorum doctrina aliter quàm Chri-
stianitas demones taxat: dicit enim orien-
tales occidentalesq; spiritus optimos esse
de sui natura, nec nisi vi ad operationem
mali coguntur : apparéntq; in pulcherri-
ma forma, ita vt eos putemus, quos fides
Dei ministros narrat. Sed septentrionales
meridionalesq; in turpissima forma ap-
parentes, vt eos criminatores dicere pos-
simus, de natura sui pessimi, nunquam
nisi coacti bonum operantur : & vt illi
pulchritudine sui nos oblectant, ita hi &
nigredine, & capitibus & hominum &
brutorum & mortuorum plerunq; ter-
rificant. dæmonium autem meridianum,
cùm ab incursu & dæmonio meridiano
Dauid psalmographus sibi præcauendum
petat, quale scit facilè intelligitur. Et hu-
iusmodi spiritus olim affabiliores fuere
ex planetarum coniunctionibus, & ite-
rum atq; iterum erunt, cùm coniunctio-
nes maximè ferent. Sed hi dæmones, mo-
re Christiano, an sint in inferno, audiat
Augustinus in libro Retractionum sic
dicens de inferis, Magis mihi videtur do-
cere debuisse quòd sub terris sunt, quàm
quòd

quòd rationem redderem, cur sub terris
 esse dicantur, quasi non ita sit. hoc autem
 Augustini dictum, ambiguè positum est,
 sed magi vt diximus, in media aëris re-
 gione locant, qui cùm in tenebris esse no-
 scantur (vt suprà innuimus) lumine gau-
 dent : ideo in magicis candelæ accensæ
 in frequentissimo vsu habentur : eos au-
 tem esse animo passiuos, vt Apuleij defi-
 nitio narrat, nihil profectò est aliud dice-
 re quàm amore, gaudio, odio, tristitia, de-
 siderio, tedio, spe, desperatione, miseri-
 cordia, audacia, timore, abhominatone,
 ira, furore, inuidia, zelotypiâq; , & alijs
 huiusmodi affectibus capi: hæc enim sunt
 animi passiones : nō igitur mirum si poë-
 tica facundia Iunonem, quam huiusce-
 modi vitas significare asseruimus, iratam
 ac tristem, alijsq; perturbationibus obno-
 xiam describit : nam in primo Aeneidos:
 Virgilius plurimos ex ijs Iunoni, id est,
 vitis & potestatibus aërijs tribuit :

Cùm Iuno aternū seruans sub pectore vulnus,

Hæc secum : me'ne incepto desistere victam?

Nec posse Italia Teucrorum auertere regem?

& reliqua, Sed hæc passiones. & maximè
 inuidia qua torquentur, indicant eorum
 malitiam : nam ab optimis longe religata
 inuid

inuidia est, vt ait Plato in Timæo, Spiritus autem huiusmodi astris subiacent, vt suprâ innuimus, non nisi statutis horis planetarum, alijsq; sideralibus obseruatis inter cætera veniunt, pro hominum vrbiumq; fato, aut inimicantur aut propitij sunt. Romanis enim vsq; ad bellum Punicum secundum Iunonem, id est aërias potestates, infensam fuisse, postea sententiam mutasse, sacra Romana & historiæ protestantur, Sed cùm priorem Ptolemæum allegauisse meminerim, iudicaui optimum factu Iulij Seueriani viri in vtraq; lingua disertissimi verba referre, ait enim in astrologia sua: diuersorum quidem sunt scripta volumina, inter quos etiam Ptolemæus apud Græcos præcipuus habetur, qui de hac re duos codices edidit, quorum vnum minorem, alterum maiorem vocant: hætenus Seuerianus. Sed Iulius Firmicus posteriorem Ptolemæum attestatur, vt quasi minorem intelligat, & ipse Ptolemæum in libro Fructuum, quæ iuniores centiloquium nuncupant, de duobus duntaxat videtur voluminibus loqui, in procæmio: vnde necesse est, quod quadripartitum dixerunt, cùm libro Fructuū, quum iuniores centiloq

tiloquium dixerūt inuicem numeremus: vterq; enim ad Syrum dirigitur, ita vt ex quatuor illis tractatibus, hi & fructuosi quidem aphorismi originem traxerint, vnum tamen non omittendum reor in Ptolemæo sæpe signorum partes, & nonnunquam gradus dici, quod & Punici autores imitantur, cum Latinitas partes frequentius nominet, & quia per gradus ascenditur, ideo ascensiones signorum Poeni à gradibus sumpta trāstione, partes etiam horoscopantes nuncuparunt.

De numero, si aliquid operatur per se, & de erroribus Pythagoricorum & transcendentibus, & de hac dictione Nihil.

CAP. XXIII.



RATIO quædam me non attraxit inuitum, sed volentem adduxit, vt de numero aliquid in medium referam, matheseos enim materia, de qua nuper pauca quædam tetigimus, maxime numero vtitur, & Vergilius cū ait:

Naui tum stellis numeros & nomina fecit.
 numerum nomini anteposuit, vt rem in natura ordine efficaciamq; primariam. Verisimile enim est, vt in Arithmetica Boëtius testatur, Deū cū vniuersum creare intend

intenderet, animo prius agitasse, quot numero facturus esset: hinc & elementa quatuor, & erronee septem, & reliqua præfiniuisse antequàm rem ipsam aggredetur, sic enim sapientissimum architectum decebat: & Pythagorici numero omnia constare arbitrati sunt, quorum opinio ita inoleuit, ut cùm consumatæ perfectionis aliquid factum putaretur, numero constare crederetur: ita ut Occasionem, quam Deam Ausonius Gallus lepidissime describit, numeri nomine veteres intelligerent: hinc est illud Actij poetæ, numero te expurgasti: & illud etiam, ne istum numerum amittas subito oblatus. Sed Pythagoricos deceptos aiunt Peripatetici, quia discernere nesciuerunt vnum, ut est principium numeri: ab vno quod conuertitur cum eo, quod est: pro quo necesse est, ut ab alto principium capiamus, non sine præfatione carminis,

Sicelides muse paulò maiora canamus,
in qua re adinuenire vocabula quædam oportebit aptè formata tametsi non sapiant antiquitatem: & hoc Ciceronis exemplo, qui ait: beatitudo seu beatitas, utrunque asperum est, sed vsu reddemus molliora. Sex numero sunt transcenden-

tia à iunioribus vocitata ita ampla, vt omnia in se contineant & inter se inuicem cedant, vt bonum, verum, vnum, res, aliquid, ens, sed hæc appellatio nuper emerfit: Boëtius enim loco entis, quod est, dicit: iuniores vt Græca imitatione breuius loquerentur, ens à secunda persona verbi substantiui n, litera interposita, siue ram in ens mutata ens à sum es est fecerunt. Sub istis igitur sex sibi ipsis inuicem cedentibus omnia sunt comprehensa ita vt in vnum relabantur. Nam quicquid est, tandiu dicitur esse, quàm diu est vnum, homo eò vsque homo est, quoad animæ corporisq; nexus vnum hoc continet: cùm autem separatio fit vt seorsum anima à corpore secernatur, quia non amplius vnum est, homo esse definit, & rursus corpus tam diu est, quoad caput, manus, pedes & reliqua in unitate se continent: his dissolutis vnitas deest, & esse definit: non enim amplius corpus hominis est. & si nasus, aures, oculi & alia quæ caput faciunt soluantur, nomen capitis amittit, vnum nanq; esse desijt: harum enim partium, catena caput constituens vnitas erat, & sic de cæteris dicendum est: & vt ab eo quod primo dixeramus

ramus non recedamus, omne quod est, tandiu suam essentiam habet, quàm diu vnitate ligatur: sic argumentabimur si vnum est, ens quoq; est: vnitas enim, vt iam diximus, efficit vt ens sit. Rursus ens est, ergo bonum est, omnia enim esse appetunt, & non nisi bonum appetitur: nam philosophus ait Bonum quod omnia appetunt. Qui igitur vnum appetit, ens appetit, & qui ens cupit bonum cupit: quoniam omnia esse appetunt, & illa eadem bonum. Bonum igitur cum ente conuertitur, & ens ideo est quia vnum, illa omnia vnum desiderant: igitur vnum, ens, bonum idem sunt: nam si ens non esset, bonum non appeteretur, quandoquidem bonum est quod omnia appetunt: ens ideo est quia vnum: omnia igitur vnum exoptant: ens est aliquid, aliquid autem est vnum, quicquid enim est, ideo est, quia vnum existit, (vt diximus) aliquid ergo omnia desiderant: nam bonum, vnum, ens exoptantia aliquid appetunt: & hæc eadem ratio de re erit. Res aliquid est, aliquid verò est ens, sed ens est bonum & vnum: Res igitur horum societate includitur. Sed testimonio Aristotelis nihil scitur nisi verum, verum est ens, alioquin

nihil esset, & hoc modo nequaquam sciretur, quoniam quod non est, nihil est, & id quod scitur aliquid est, ens ergo est, & per consequens verum. Nihil enim scitur, vt dictum iam est, nisi verum, & si verum est, bonum est: nam ens est, ens autem & bonum conuertuntur, vnde Horatius in epistolis,

Metiri se quæq; suo modulo ac pede verū est.
Nam nisi verum vt transcendens pro bono acceperis, Horatij Flacci sententia corruet: pauci admodum sunt qui seipso cognoscant: sed hoc facere est bonum, hæc volui dixisse propter Pythagoricos, qui à Peripateticis creduntur errasse, quoniam vnum vt est numeri principium, idem esse cum eo vno, quod cum ente conuertitur, opinati sunt: Nam sicut vnitas addita numerum variat, aliūmq; efficit, ita vt ens ei numero additum id efficeret, vt omnia vno constarent, vnitas enim binario addita ternarium facit, ita vt vnitas diuersum faciens numerum loco entis, quo omnia constant, crederetur: & hoc modo à veritate recessisse putantur: non enim omnia vno, vt est numeri principium, sed vno vt ens est, constant. Sed si daretur otium, profectò ostenderem Pythagoricos

cos non ita delirasse, vt Peripatetici ca-
uillantur. Sed dicerent nonnulli acutio-
res, cum nihil sciatur nisi verum, quid si-
bi vult hic sermo, qui frequentissimus
etiam apud peritos est, Nihil scis, nihil di-
dicisti? vt Persium adducamus,

Scire tuū nihil est, nisi te scire hoc sciat alter.
& Ouidius ait,

Ingenium quondam fuerat preciosius auro.

At nunc barbaria est grandis habere nihil,
habere nanq; possessionis est, & nihil pri-
uationis: ita vt hæc inter se pugnent: ho-
rum igitur gratia pauca quædam subij-
ciemus. Nihil siue nihilum, dictio est to-
tius naturæ priuationem ingerens, nul-
lius substantiæ existens: affert enim se-
cum omnium substantiarum in natura
priuatiuam significationem, sed de se ipso
nec per se minimè substantialiter, vt ita
loquar, dici potest: nam germanitate qua-
dam cum tenebris & silentio iungitur:
Tenebræ nanq; lucis, & silentium vocis
absentia sunt. Nihil igitur & nihilum to-
tius substantiæ absentiam demonstrat, quo-
niam si fiat quæstio quid est illud quod
non est, oritur contradictio, ita vt sit &
non sit, quod facile dissoluitur. Nihil siue
nihilum est, quia nomine duntaxat non

re est, caret enim substantia, & nihil est totius substantiæ absentia, vt iam diximus. Iam igitur patet illud, At nunc barbaria est grandis habere nihil, hoc est totius substantiæ absentiam possidere, & hoc summam facit paupertatem, quæ ægestas dicitur, cuius famem tam horrendam putauit antiquitas, vt in faucibus orci Vergilius eam locet, cum ait,

Et turpis ægestas, Sed nihilum ex dictione negatiua & hilo componitur: vbi non possum non irridere Festum Pompeium, qui ait, hilum putant esse quod grano fabæ adhæret ex quo nihil & nihilum. Nonius autem Marcellus inquit, hilum breue quiddam. Lucilius:

Quod tua laudes Et culpes nõ proficis hilum. Cicero primo Tusculanarum quæstionum. Tum illud quod Sisyphus versat saxum sudans nitēdo nec proficit hilum, & hoc sermone Nonius ostendit se ignorasse quid sit. Nihilum vt dictum est, ex dictione priuatiua & hilo componitur, sed in allegationibus poëtarum, negatio & hilum seorsum gratia metri ponuntur. Nos autem suprâ ex nihilo totius substantiæ in natura priuationem innui monuimus, nam hilum ab hyle fit, hoc est materia

ria prima quam chaos vocauit Græcitas, ut in libro de incognitis vulgo latissimè tractauimus : hylen Latinitas teste Chalcidio in Timæum Platonis vocat syluam aspiratione in s, mutata ut sæpe fit, hepta septem, herpillum serpillum facit, litera autem duplicata more iuniorum est, quoniam vetustas eandem consonantem non duplicabat : & hoc modo hylum nec per illud quod fabæ adhæret, nec per breue quiddam rectè iudicatur : quoniam nihil totius substantiæ absentiam mōstrat, & materia prima actu nihil, sed potentia est omne, ut in libro allegaro manifestissimè declaratur. His igitur pertractatis, illuc vnde discesseram redeo. Affirmamus numerum in rebus nonnihil operari præter eorum opinionem, qui medicamentorum pondere & qualitate seruatis vim nullam, non dicam in forma (quia nemo tam rudis est qui hoc sentiat) sed in numero esse blaterant : hos enim experientia deliros esse conuincit. Catapotia enim numero impari exhibita paribus efficacius operantur, etiam ponderis & materiæ æqualitate seruata : nam ex eadem mixtura octo aut septem præbeas magni refert : numerus hoc & non pon-

q 3 dus

dus materiæ præstat, quandoquidem in
 vtroq; æqualitatem posuimus, & propter
 numeri diuersum effectum philosophi
 parem numerum foeminam, imparem
 verò masculum esse aiunt : experimento
 enim nouerunt ad agendum aptiorem (vt
 masculinum sexum decet esse) pari, ideo
 par foemina vt materia, impar masculus
 vt forma sese in rebus exhibent : vnde
 cum summum conatū, vltra quem trans-
 ire non licet, volumus exprimere, nume-
 ro impari peractum narramus, vt illud,

Ter fessus valle resedit, & iterum,
Ter conatus eram collo dare brachia circum,
Ter frustra compressa manus effugit imago.
 In huiusmodi numero vis cum numero
 pari debilitas mali ominis fit, vt,

-sonitam quater arma dedere. Numerus
 nanq; par diuidenti facilè cedit, ita vt
 quatuor in bis duo sine labore abeat, nihil
 enim impedit. At imparem numero nul-
 lus profectò secabit in partes æquales : in
 superiori pax & concordia est, partes
 enim pares iustitiam imitantes concordi-
 ter agunt. In numero impari, quia vnus
 intercudit linearem longitudinem, vt ait
 Boëtius, non potest esse concors diuisio.
 Nam quatuor in bis duo, linea interpo-
 sita,

fit, in partes æquales fecat. In tribus autem lineam termini fugat vnitas intercidens: hinc est quòd paria numero catapotia concorditer agent per se ipsa nullo stimulante, at si numero impari exhibita fuerint, medius intercidēs latera exasperat, nec in pace aut quiete esse permittit: & ob hanc causam acrius vehementiusq; operabūtur. Simile est hoc amicitiae, quæ secundum philosophos inter tres nunquam esse potest: nam tertius sese opponit ne ea, quam vis amicitiae exoptulat, consummata animorum coniunctio fiat: & ob hanc causam Dionysius tyrannus irridetur, qui cognita Damonis & Phintiae amicitia, se tertium inter eos amicum annumerari petiuit. In catapotijs, quæ vulgus ob formam paruarum pilarum pilulas nuncupat, numerus impar quietem minime adeptus vehementius ager, quàm qui otia ac torpescit: nam cū sit pari numero efficacior, calcar medicaminibus addit à forma sua operans: hoc autem esse verum & ratio & religiones ostendunt. Aristoteles enim, in primo de Cælo & mundo multum numero impari tribuit: & magici & religio numerum ternarium in frequentissimo vsu habue-

runt & habent: vnde illud Virgilianum,
-numero Deus impare gaudet : nam cum
 ipse summæ actionis sit (est enim Deus)
 purus actus similitudine capitur, hæc est
 enim causa dilectionis, vt testatur philo-
 sophus : & numerus impar masculus &
 actiuus est, vnde Pallas septenarium Cy-
 bele cubum sibi vendicauit.

*De Imaginibus Astrologicè impressis ad
 curandos morbos.* CAP. XXIIII.



N hac re tam ardua tamque
 perplexa , quam tractaturus
 sum, opem magnifici Lauren-
 tij implorē necesse est. Ipsi-
 us enim medicamine subleuatus id aggre-
 diar, quod dictu difficilimum ad persua-
 dendum est : nam quod de numero posi-
 tum est, ex vsu in medicina frequēti non
 videtur omnino absonum: hoc autem ra-
 ritas incredibile efficit, Laurentij ergo
 opem peto, nam cū ipse ex illa Medi-
 ceorum familia fautor atque adiutor ex
 animi iudicio studiosorū sit, doctus enim
 doctos colit, eosq, veneratione dignos &
 prædicat & efficit: cū vnumquenq; ad
 certissima doctrinæ munera sua libera-
 litate propensaq; beneuolētia inuitat, se-
 cundum illud Ciceronis, honos alit artes,
 omnes

omnēsque accenduntur ad studia gloriæ,
lacentque ea quæ apud quosque improban-
tur. Cum igitur apud animorum & inge-
niorum Medicem Laurentium, sapientia
pariter, & usu plurimarum rerum, ge-
stisque præclaris & doctrina conspicuum,
magnificentia opibusque pollentem, ho-
nor & gloria non sine præmio doctis pa-
retur: bonarum artium studiosi omnes la-
borum disciplinarumque pro eorum men-
sura præmia affectantes, animantur pro-
fecto & accenduntur ad omnia, quæ co-
gnitu difficilia & utilia honestaque sunt,
capescenda, Grauiissimum enim est ho-
mini erudito, cum quæ acutissime exco-
gitauit, imperitum iudicem sortiuntur,
vnde omnibus doctis lætandum reor in
hæc tempora incidisse, quæ magnificum
Laurentium virum doctissimum & nul-
lius bonæ artis expertem produxerunt,
qui & dijudicare rectissime, & iudicata
decenti fauore prosequi valet: diuitijs
enim summis regibus non modo æquari,
sed anteferri merito potest: maximas
enim & antiquissimas diuitias paruo im-
pendio, quod regibus nequaquam conti-
git, & habet, & possidet: cum illi exerciti-
bus bellicisque negotijs & hijs, quæ luxus

regios absumunt, vix pares prouentus colligant: de his satis, de ipsa re dicere agrediar. Apud nonnullos philosophos ac theologos ars conficiendarum imaginum quibus morbi curantur, vana ac fluxa putatur: Nam imago leonis in auro impressa, cùm Sol tuberonem, hoc est, cor signi leonis obtinet, cæteris etiam animaduersis, dolori renum subuenit, vt mathematici asserunt, & experientia, hoc est, ex vsu nata doctrina, confirmat: & sicuti de hac imagine nunc loquor, ita de cæteris censendum est, plurimæ enim sunt tales imagines astrologicè formatæ, materia temporéq; differentes, quæ morbos & ancipites quidem sua potestate ac vi aut fugant, aut leniunt, aut curât: quod quibusdam impossibile apparet deceptis cauillatione argumentorum, quæ huiusmodi sunt. Aurum ex sui proprietate renes non sanat, & imago in hac materia impressa siue sculpta, quæ muta inanisq; est, aurum alterare non potest, ita vt alterius naturæ efficiatur: quoniam in imaginibus nec actionis nec passionis huiusmodi vis inest, nam si imago leonis aurum cœlestis influentiæ capax redderetur vt asserunt, aliquid profectò ageret: dispo.

dispositio enim actio quædam est. Præterea si hæc figura tantum & non alia operatur, virtus illa sanandi in leonis figura & non in cœlo esse iudicaretur, quod esset ridiculum. Quid enim res illa inanis ac muta omnis expertæ actionis posset operari, ut ei cœlum obsequeretur? dictitant. Accedit ad hoc, ut ipsi aiunt, quod aurum siue figuratū siue non eiusdem speciei dignoscitur, & hoc pacto cœlestis influentia eodem modo, & hoc & illud inspicit: nam si cœlestis vis signatum magis quam informe aurum virtute ornaret, videretur electione quadam & non necessitate naturæ id euenire, quod etiam perabsurdum est: nam si aspectibus syderum cœlestium huiusmodi esset electio, eadem res in quacunq; materia posset inueniri: sed ea vis non nisi in auro leonina imagine formato reperitur: naturalem igitur auri proprietatem omni electione exclusâ sequitur, quam imago impressa, ut dictum est, minimè mutat. Vis enim imaginum speciem non transformât in speciem: quoniam impossibile est. Addunt etiam, si figura huius est potentia, ut renes sanat, appareret huiusmodi imaginem in ære vel in alia materia

ria renibus conuenienti rectius quàm in auro imprimi : vt illa cœlestis vis materiæ quoq; auxilio adiuta efficacius agat opusq; patret. Adhuc etiam argumentantur hoc modo, hæc virtus sculpturæ attributa nec videtur naturalis : quoniam ab intrinseco non prouenit, nec artificiosa, quoniam artifex non tanti momenti ac potentiæ est, vt hanc quam retulimus virtutem, tribuat, nisi de Deo intelligas. Haftenus cauillationes garriētium, cum multis alijs, quæ risu digna sunt, militarunt. Quæ omnia vt pueriliter obiecta refutabimus : facile enim est veritatem tueri. Nam vna narratione, quæ superius per cauillum dictata sunt, corruent : non enim in hac re mutatio speciei requiritur, nec proprietas auri immutatur, nec vlla cœlorum electio interuenit, nec ab artifice vis illa sanandi datur, nec imago, vt imago, quicquam efficit, nec in alia materia, aut in ære impressa hæc imago renibus conueniret magis : nam aurum Solis metallum & non æs, quod Veneris est, expostulant, quia in hacfiguratione omnia sunt Solaria. Leo nanq; Solis domicilium & aurum sub eodẽ planeta esse suprâ docuimus, ita vt nulla aut agendi aut

aut pariendi in ipsa imagine sit facultas: nihil enim horum quæ antè dicta sunt ad huiusmodi rem requiritur. Sed alia ratio est, quæ omnia hæc diluit. Figura leonis sub constellatione seruatis horis impressa, non agit: sed principium actionis ac passionis affert, vt beatus Thomas, Magnúsq; Albertus testantur: non vt figura & imago mathematicè animaduersa, sed vt efficit aliam atq; aliam in re figurata præparationem, quæ cœlestem actionem sine difficultate varijs modis accipiat: quoniam si canis, aut equi, aut alterius animalis imago in aurea materia imprimeretur, non erit ea materiæ dispositio, quæ leoninam imaginem comitatur: Leo nanque densam grandémq; iubam, caudámq; longissimam, & cætera membra dissimilia alijs animantibus habet, sicuti quiuis & ventrem & os, & aures, pedésq; eius contemplans dijudicat: ea propter infiguratione aliarum imaginum non seruaretur id quod est necessarium ad vim illam cœlestem imbibendam: Bractea enim aurea alibi densa, alibi rara, alióq; in loco inter rarum & densum media expostulatur, vt cœlitus vim descendētem excipiat. Collum enim canis, cum
fine

sine iuba sit, dēsius aurum haberet quā
leonis. Iuba nanq; formata cū in illa
impressura profundius infederit, necesse
est aurum eo in loco rarius esse. Sic etiam
in cæteris membris diuersitas varietasq;
continget: vnde concludimus, quòd hæc
aptitudo ad vim cœlestem hauriendam
in figura est, non vt figura, sed vt densius
rarius' ve aurum imaginis cōditione for-
matur: nam & in speculis figuræ varietas
maximam differētiā affert. Concauum
enim à gibbo speculo quantū distet etiam
aniculæ norunt: nec illa concauitas, vt
concauitas est: sed vt alio atq; alio modo
materiam figurando disponit, reddendis
imaginibus speculū dissimile efficit, nec
ibi quoq; vlla speciei mutatio est. Simili-
ter in orbe terrarum mōtes vallēsq; sunt
eodem elementō constantes, tamen eo-
rum forma ad frigiditatē caliditatem' ve
aptiores reddit: sicut in speculo concauo
Sol cōburit, in gibbo autem nequaquam
id operatur: forma igitur & imago, non
vt forma imagóq; est, sed vt alio modo
accommodat, varietatem in rebus addu-
cit: ferrum acutum penetrat, hebes & ob-
tusum non penetrat. Imago enim dispo-
sitiones varians hoc præstat: non enim
acies,

acies, aut hebetudo, sed vt ferrum varietate disponitur, harum rerum causam præbet. Sed in rebus cotidianis experimur eiusdem rei substantia ac specie manentibus virtutem mutari. Magnes enim alio perunctus non attrahit ferrum, qui si vino lauetur, attrahendi ferri vim potestatemq; recuperat: minima igitur res aptum ineptum'ue ad huiuscemodi operationem magnetem præparat: adducere aquæ exemplum, nisi notum esset cum calida frigida'ue eandem sequatur speciem & diuersa efficiat, feruens enim coquit, frigida verò minimè. Requiritur ergo in vnus & eiusdem speciei rebus certum culturæ temperamentum, vt varietur effectus: Terra enim inculta, & quæ semper aratur recipiendo semini ad foecunditatem minime sunt idoneæ, sed quæ tam diu quoad opus est exercetur, acceptum semen Solis virtute adiuta, semen foecunditate multiplicat, & ita in auro euenit: non enim plus minus'ue coli, molliri, densari, spissari cum varietate partium vlllo modo debet, quàm imaginis leoninæ diuersitas postulat: vt cœlestem illam vim ac potestatem non sine multiplicatione virtutis arripiat. Nec hac
in

in re vlla est electio, vt suprâ fuerat obiectum: & ne diutius immoremur, asserimus in illo eodem auro nulla transmutatione confecto, sed varia figuratione formato aliam atq; aliam virtutem produci ex causis antè narratis, non igitur species in speciem, sed virtus in excipientis facilitatem commoda dispositione transfertur, quæ quidem occultiora deprehendit experientia. Quis enim magneti vim attrahendi ferri coelitus inditam alio impediri posse crederet? Quis item illam eandem huic lapidi meri ablutioe reintegrari putasset, nisi magisterio experientiæ deprehendissent? & sic auro varietate formæ leoninæ disposito coelitus vim renum sanandorum esse matheseos acumen ex visu deprehendit. Imagines ergo sub constellationibus impressæ, vt morborum varietas requirit, si tempus & materia modusq; seruantur, id quod narratur efficiunt: aliæ enim atq; aliæ dispositiones effectuum varietatem eadem manente causa proueniunt.

*De numero cælorum & horis planetarijs,
quæ diebus nomen imponunt, & earum
felicitate aut infelicitate, & quibus-
dam theologis hæc declarantibus, &
quando*

*quando non est periculosum membrum
tangere ferro, Luna existente in signo,
quod membro dominatur. CAP. XXV.*



QUAE de imaginibus astrologi-
cicis narrata sunt, attraxerunt
nos vt de cœlis, eorûmq; nu-
mero sermo habeatur : sunt
enim numero decem, quamuis Apostolus
ad tertium se vsq; cœlum raptum narret,
quod paulò pòst declarabitur. Sed cœ-
lum & cùm instrumentum sculpendi, &
machina mundi dicatur : diuersa tamen
scriptura in idem redeunt : nam siue à
cælando, hoc est occultando siue sculpen-
do dicatur, vtranq; enim cœlo verbum
vim in se continens, mundo congruit : oc-
cultata enim sunt nobis cœlestia, & machi-
na mundi quæ firmanentum à sacris li-
teris nuncupatur, varijs imaginibus, vt
postea apparebit, insculpta est. Cùm alijs
orbes vel non appareant, vt crySTALLINUS
& EMPYREUS, vel si apparent, vt sunt pla-
netarum cœli sculpturis carent, vnicam
tantum stellam in globo habentes, & ideo
per quandam metaphoram hoc nomen
cœlum latius patuit. Virgilius,

*Iam cœlum terramq; meo sine numine venti
Miscere, & tantas audetis tollere moles?*

Lucretius,

in hoc cælo, qui dicitur ær.

Firmamentum verò etiam nomine templi ornatur : idem

~ *-Nec cæli lucida templa,* Et hinc cõtemplari natum arbitror vt sit cœlestia considerare : extemplo etiam quod aduerbium est ab auguribus, qua ratione defluerit quivis intelligit, & ob hanc similitudinem sacras ædes templa vocamus, quasi Deorum immortalium domicilia, vt sunt cœli, & vt ab eo quod nobis proximius est incipiamus. Est cœlum Lunæ, postea Mercurij, deinde Veneris : hanc Sol, Solem Mars, Martem Iupiter, Iovem verò Saturnus altitudine superat. Postea octava sphæra, siue cœlum stellatum siue firmamētum dicere malueris. Supra hoc est crystallinum cœlum, quod mathematici primum mobile vocant : quanquam quidam decimo hoc nomen tribuant. Ultimo & supremo loco empyreum immobile, diuinæ maiestatis sedes thronusq; est : sed hos tres orbes, id est firmamentum, crystallinum, empyreum tātummodo aliquando sacra scriptura cœlos vocat : Hinc est quòd Paulus Apostolus ad tertium vsq; cœlum raptus, hoc est ad
empy

Lucy Pauli

empyreum, vidit arcana quæ non licet homini loqui: Esse autem crySTALLINUM cœlum supra firmamētum Geneseos primo capite habetur, cū de Deo dicitur: Diuisit aquas quæ supra firmamentum erant ab aquis quæ sunt sub firmamento: & quod sacra narrat historia, naturali ratione firmatur, aqua siquidem ex qua crySTALLUS (est enim glacies) mobilis, perspicua, frigidāq; de natura sui est. Primum quoq; mobile hæc tria habere mathematici demonstrant: est enim frigidum, mobile, perspicuum virtute non natura. Sed quosdam minus idoneos opinantes crySTALLINUM & primum mobile esse diuersa autoritas Apostoli arguit, cū ad tertium, & non ad quartum cœlum se raptum narret: sunt igitur numero decem. Qui autem quorundam theologorum opinionē intelligere optat, confugiat ad Magnum Albertum. Cū æreum, æthereum, igneum, olympium, sidereum, crySTALLINUM, empyreum cœlos numerent, confundentes elementa cum orbibus planetarum & aliorū cœlorum: Nam ex eis quidam inter empyreum & nonum (decem enim numerant) interponunt cœlum quod simplicissimæ moræ

rotatur, & hoc esse cryſtallinum à natura lucida aiunt, & hinc cœlum aqueum nominatur, quoniam aqua materia eſt cryſtalli. Hos autem cœlos non ita perfectos eſſe vt creati fuerunt Magiſter Sententiarum aſſerit, redituros tamen ad priſtinam perfectionem poſt generale iudicium : de hoc ſatis. Cœlum ſiue mundus (ſic nanq; dicitur ob eximiam pulchritudinem, munditiâsq; elegantes) à philoſophis dicitur ſemper fuiſſe, ſempérq; futurum, vt dictum eſt : doctrina Chriſtiana, & creatos, & interituros eſſe vaticinatur atque aſſeruat. Vnde verbo domini cœli firmati ſunt : & alibi, ipſi peribunt, & ſicut veſtimentum veteraſcent : quod & Ouidius ſenſiſſe in primo Metamorphoſeos puratur : cum ait,

-reminiſcitur aſſore tempus

Quo mare quo tellus correptaq; regia cœli

Ardeat & mundi moles operoſa laboret.

Apoſtolus autem Petrus ait : Cœli autem igni reſeruabuntur. Hæc autem mathematici de mundo futura prædicant, non tamen vno tempore : motus enim octauæ ſphæræ paulatim hæc faciet. Mouetur autem ſphæra octaua ſecundum iuniores & perſpicaciores ſexageſimo quoque anno

vna parte, & non centesimo, & Hipparchus Platónq; tradidère, ex quo quidem motu efficietur, vt vbi nunc est cancer, erit aliquando capricorni signum : & ob hanc causam regio hæc nostra quæ temperiem habet, nimio calore flagrans inhabitabilis exustaq; erit, & sic de ceteris pro loci conditione fiet: Nā quæ Sole perusta nunc est, temperata reddetur: nam propter Zodaici obliquitatem, de quo poëta,

Obliquus qua se signorum verteret ordo:

Capricornus est vicinior terræ quàm cancer: Sol nanq; cancrum obtinens maximè distat à nobis, & è cōtrario capricornum tenens vicinior est: cum hic planeta oculus mundi in cancro est, eius radij quasi perpendiculares ad nos defluxi valde reflectuntur, & radiorum reflexio caloris est causa: Reflexio igitur sola & non proximitas Solis nunc calefacit, quia distantia magna contemperat: sed cū capricornum obtinet Sol, vicinitate quoque modo calefacit: Sed radiorum reflexione ferè nihil operatur: est enim perexigua, quia per trasuersum iaciuntur: & hoc pacto nequeunt reflecti nihilq; profectò inflamat. Sed cū capricornus cancri, itémq; cancer capricorni locum tenebit:

in hac nostra habitabili nūc regione, cū
 reflexione radiorū recta, tum etian Solis
 vicinitate tantus erit æstus, vt omnia ar-
 dere cogantur : paulatim enim hoc fit, vt
 nunc vna particula, deinde alia, & sic de-
 inceps ardebit, vt in dies proximior est.
 Sterilescet igitur terra, & ardore desola-
 bitur: De huiusmodi igitur incendijs ma-
 thematici loquuntur, & ita mundus per
 ignem interibit. Quòd mundus quoque
 diluuiο pereat, eadem ratio faciet : aqua
 enim ad motum octauæ sphæræ moue-
 tur, ita vt nunc sit terra, vbi olim mare,
 & vbi nunc est mare, terra fiet : vt clarius
 in posterioribus loquemur. De hoc fir-
 mamenti motu, multis sæculis incognito
 Virgil. in Bucol. loquitur,

Magnus ab integro seclorum nascitur ordo.

In cœlo stellato duodecim signa esse etiā
 Ouidius meminit,

Signaq; sex foribus dextris totidemq; sinistris,
 vt Aries, Taurus, Gemini, Cancer, Leo,
 Virgo, Libra, Scorpius, Sagittarius, Ca-
 pricornus, Aquarius, Pisces, quòd cœ-
 lum in duo hemisphæria secatur, ab A-
 riete in libram sex, & à libra in Arietem
 totidem signa numerantur : illa æstiuā,
 hæc hyemalia dicuntur: quæ quidem he-
 misph

misphæria cùm æquæ portionis sint (totidem enim signa partibus æqualibus continent) & Sol quolibet die æquam mensuram signiferi peragat, tamen non æquo temporis spatio hemisphæria trāsit, Nam hæc sex signa quæ æstiuæ esse diximus, Sol pluribus diebus peragrat, quàm alia sex: est enim differentia, vt ait Ptolemæus septem dierum. Hoc autem non alia ratione contingit, cum signa sint æqualia, partésq; æquales, & Sol eodem se motu agitet, nisi ex imparitate dierum: longiores enim sunt hyemales, quàm æstiuæ, diem intelligendo lucem cum tenebris à parte potiori, quem iuniores naturalem vocitant. Suprà enim diximus dierum alios quatuor & viginti horas, alios verò ultra citràq; se continere: æquinoctiales enim pares, cùm planetariæ sint impares. Sed cùm æquinoctium est, tunc æquinoctiales planetariæq; horæ eandem continent mensuram: & de his loquitur Ouidius secundo Metamorphoseos.

Seculâq; et posite spatijs æqualibus horæ.

Sed si horas foelices aut infœlices nominamus, de planetarijs loquimur: & huiusmodi horæ, more Aegyptiaco, diebus nomen dederunt: Nam apud Latinos à Ka-

Iendis, Nonis, Idibus dies pendebant. Sed hæc dierum à planetis nominatorum cōsuetudo non valde verus est : nonnihil enim Apostolus coarguens in epistolis innuit, vt suprà dixi. Et cū duo luminaria orbem contemperent, necesse est omnia ad illa referantur, ita vt vicissim nunc ad Solem, nunc verò ad Lunam reuertamur, atq; duo principia Sol & Luna sint, quæ sequetur dierum denominatio: vnde primus est Solis, secundus verò Lunæ, tertius Martis qui supra Solem est, quartus Mercurij qui supra Lunam est, quintus Iouis qui supra Martem tertius à Sole est, sextus Veneris quæ tertia à Luna est, septimus Saturni qui quartus à Sole supra Iouem ponitur, ita vt septem dierum principatum duobus planetis tribuentes maiorem numerum maiori luminari dicauerimus. Mars enim Iupiter & Saturnus supra Solem, cū Luna Venerem tantum & Mercurium habeat. Fuerant igitur Solis & Lunæ dies vicini propter eorum domicilia : Cancer enim Lunæ, & Leo Solis vicinitate iunguntur: Horæ igitur planetariæ diem nominantes in magicis maximam habent vim, & in humanis negotijs non sunt magni momenti

menti, nisi cum genitura concordent, ut
mox docebimus. Sed iuuant etiam ele-
ctiones: nam si in aliquo opere Iouem in
medio coelo elegero, & hoc hora Iouis
fiat, multum coadiuuat: sed alias non ma-
gni, ut dixi momenti sunt, nisi genituram
sequantur: & ut exemplo declarem, vi-
dentur esse vitæ nostræ pedissequæ: nam
si quis nodosa podagra, aut cancro, aut
elephantiosi, qui morbi non recipiunt cu-
ram laborabit, temperantia victus non
curabitur, sed minus lædetur: sic etiam
huiusmodi horis euenit, ut infelix à na-
tiuitate minus lædatur, si foeliciori hora
rem suam incoeperit, & foelix reddetur
foelicior adiutus foelicitate horarum: Nam
hoc in dies experimur, ut vna & eadem
hora electa diuersis diuersa tribuat, ita ut
alter lætetur, alter verò tristitia conficia-
tur. Sed sunt quædam tanquam venenum
omnibus nocentia, ut si quis nouam ve-
stem incidat aut induat, Luna existente
in leone: de quo sic Ptolemæus in libro
Fructuum, Non incidas vestem, neq; in-
duas ipsam primo quando Luna est in
leone, quod si etiam infortunatur, maius
malum erit. Præterea Luna in coitu cum
Sole omnibus ferè noxia est, & ut ad ele-

Etas horas redeamus, dicimus earum foelicitatem à genitura pendere: sic enim ait Prolemæus, tunc dierum atq; horarum electio confert, quando tempus natiuitatis conuenit: nam si contrarium est non conducit, etiam si ad bonum euentum aspiciat. Sed matheſis electionem & horarum, & ſignorum cum horoſcopo docens minoris efficaciz horarum poteſtatem aſſerit: ſed hæ quoq;, vt dictum eſt electiones roborant, & vt à Saturno principium ſumamus, hora Saturni medicinas ſumere, reges adire, amicitiam quærere, domum exire, ſanguinem aut ex venis aut cucurbitis minuere, Iter præcipue maritimum inchoare, commodatum accipere prohibemur. E contrario verò terras arare, fodere, occare iubemur: vnde non incuria noſtratibus Saturnum agricolendi doctrinam tradidiſſe commemorant. Si quis autem hac hora in morbum frigiditate nocentem inciderit, aut morietur, aut diu afflictabitur. Iouis hora iter arripere, principes viſere, matrimonia nuptiasq; contrahere, ſementem facere, arborem plantare, aut inferere, cum optimatibus regibusq; negotiari, ædificia incipere optimum eſt: Præterea hac Iouis
 hora

hora medicamen sumere, sanguinem minuere, medicinas simul miscere, electuariâque conficere suademur. Sed odora-
menta nimis calida, vt piper, cinnamum,
gariophyllum, & alia huiusmodi sumere,
nec non res igneas tractare, cum ab igne
tunc maximè cauendum sit (non enim si-
ne causa Ioui fulmen tribuit antiquitas)
penitus prohibemur. Hora autem Martis
maximè notanda est: nihil enim ferè com-
modi secum affert, vnde & medicina &
sanguinis detractio præcauentur: escu-
lenta verò & bellaria quæ frigidioribus
morbis auxiliantur hac hora sumere non
improbatur. Mars enim calidus ficcusq;
intemperanter humana negotia habitu-
dinèsq; conturbat: nequam enim est, nisi
à Sole aspiciatur: nequitiam enim

-*Mars Solem veneratus amittit,* vt Fir-
micus ait. Hora Solis itidem cuncta ferè
infortunat: ea enim huius planetæ condi-
tio est, vt alijs iunctus sit infelix: combu-
rit enim omnes præter Mercurium, ga-
lero enim tectus est, vt diximus. Sed ad-
uertendum est duplicem esse Solis cum
cæteris planetis coitum: Quidam enim
est in parte vel in signo, & hic malus, sed
si luminaria, hoc est Sol & Luna coëant
in

in eadem minutia, & in genitura alicuius fuerint in horoscopo inuenta cum fortunatis aspectibus, dant nato felicitatem in omnibus rebus. Sed infortunium cum eis horoscopans omnia subuertens contrarium efficit, in nihilo enim felicitatem sentiet. Hinc est quod coitus Solis quocunq; modo accadat infœlix est. Felicitatem enim illam in omnibus rebus non ipse, sed fortunatus planeta horoscopans largitur, quo cessante omnis felicitas abit: non est ergo naturale huiusmodi coniunctioni vt sit fœlix. Hora igitur Solis vna cum coitu vitanda est: nihil enim secum boni affert: nam mittere sanguinem, vestem nouam induere, pecuniam mercandi gratia fidei alicuius committere, ædificium facere, noui aliquid struere, pecora emere, cum mulieribus coire (Martem enim & Venerem coeuntes, vt fabulæ tradunt, Sol indicauit) domum intrare, sortem in mercando concedere, (quoniam & qui accipit morietur, & fors amittetur) penitus vetamur: Ad hoc etiã si hora Solis febris initium fuerit, vehementissimæ accessiones aderunt, ita vt æger aliena loquens animo sæpe deficiat. Sed bonum erit hora Solari reges adire,

adire, dummodo non sit in occasu : nam Sol occasui vicinus hanc fœlicitatem suæ horæ denegat. Vtile etiam erit se principibus in obsequium iungere, publicam fidem pro substantia impetrare. Hora Veneris bonum est, ludos iocósque facere, coniugia tractare, mulierum beneuolentiam quærere, medicinas sumere. At sanguinem etiam cucurbitis minuere, nauem intrare, arbores plantare aut inferre, sementum facere, cum vxore coire pessimum ducitur. Venus enim ad inconcessum magis quàm honestum coitum inclinatio est: hinc poetæ sæpe Venerem pro amica, ut

parta mea Veneri sunt munera:

& pro gaudio turpi posuere, ut

quas habeat veneres aliena pecunia.

Sed nouas vestes induere, picturam exercere, versus componere & rithmos, mundum muliebre ac periscelides conficere, vnguenta & quæ voluptaria sunt parare optimum iudicatur. Si quis autem Veneris hora in frigidam ægritudinem inciderit, grauius se habebit. Mercurij hora pecuniam vel substantiam lucris tribuito, aut vendito, cùm & Plautus in Amphitryone Mercurium sic loquentem introd

introducatur: ut, Vos in vestris voltis mercimonijs emundis vendundisq; me lucro afficere atq; iuuare in rebus omnibus, debita exigo, potiones medicas fumo, arbores plantato, caduceatores adeunto reges, fundamenta iacito, puteos, foueas, fossas, scrobes excuato, pueros ad ludum literarum, vel ad artes discendas, vel ad mercaturam ducito, pecuniam mutuò accipito, quoniam prosperum erit: debitum enim sine læsione amicitiae reddetur. Sed matrimonium contrahere, hæreditatem adire, prædia emere, de domo in donum habitationem variare, homines è carcere compedibusq; eximere pessimum habetur, quoniam rursus ad hæc incommoda citò deuoluentur. Sed hora Lunæ nec ædificare, nec medicamentum soluendi ventris gratia sumere, nec porcos aut oues, nec minorum animalium gregem mercari, nec vestes iucidere debemus. Currum enim Lunæ, ut poetæ fabulantur, aut equi secundum Propertium, aut muli secundum Verrium trahunt, quæ maiora sunt animalia. At fructus furculorum emere, fossas, puteosq; facere utile est. Luna enim, ut omnes nouerunt, & impletur & vacuatur, & in se maculas ostendit

ostendit, quæ eueniunt propter Lunæ inæqualitatem, alibi enim densa alibi rara lumen Solis clarius oscuriusve reddit: equos ascendere & equitare, mulieres honorare, pueros ad lites ducere, inimicos insectari & persequi, ex vrbe aut domo exire censetur optimum: sed eas hac hora intrare malum est, & si quid accommodaueris cum maxima difficultate & vix integrum recuperabis: est enim instabilis Luna & fallax, imo magi spiritum Lunæ summopere vitādum præcipiunt, ne nos occidat. His igitur pertractatis dicerent nonnulli huiusmodi obseruationes superstitiosas esse & religioni contrarias, nisi beatum Thomam & Magnum Albertum audiuerint. Nam beatus Thomas in libro contra Gentiles ait, Quamuis solus Deus ad electionem hominum operetur, tamen angeli & corpora coelestia dispositiue possunt ad eandem operari: actio enim angeli est per modum persuasionis, & actio corporum coelestium per modum dispositionis: Deus autem vtrunq; operatur per modum perfectionis, nec semper eligit homo quod angelus custos intendit, nec semper illud ad quod corpora coelestia inclinant: sem-

per tamen eligit homo, quod Deus operatur in eius voluntate: vnde illud non prohibet, quod etiam aliquis homo habeat ex impressione corporū cœlestium aliquam efficaciam in aliquibus operibus faciliorem quàm alius non habet, vt puta medicus in sanando, miles in pugnando, agricola in plantando: hanc autem perfectionem multò perfectius Deus largitur hominibus sua opera efficaciter, quæ exequenda erunt, operantibus. quamuis Deus hominem dirigit ad eligendum id quod in mente ipsius efficit, potest tamen homo per corpora cœlestia adiuuari ex eo quod eligat aliqua conuenientia ad finem, vt hoc efficaciter consequatur per virtutem à superiori causa adeptam: sicut medicus in medicamentorum confectione, nec non in eorum administratione in hora electa proferat: hætenus doctissimus & sanctissimus vir, incompto tamen sermone Thomas. Sed Magnus ille Albertus omnium disciplinarum fons in Speculo in capite de Electionibus responderet illis qui ex electione horarum arbitrij potestatem tolli arbitrantur, quoniam, vt aiunt, id agere nequeunt, cum volent, vbi Albertus dicit: quòd

quòd in magnis rerum inceptis electionem horæ contemnere, est potestatem arbitrij præcipitare, idq; plurimis exemplis roborat: Meminit namq; vtriusq; infortunij, Martis videlicet & Saturni: nam in medicamentis sumēdis Saturnus stringit, prohibens euacuationem, Mars verò laxat, ad sanguinēq; vsq; euacuat: Luna verò in prima parte capricorni vomitum prouocat, & alia plurima. Medicus quidam vulnerarius fistulam iuxta longanem & intestina secans Luna scorpionem tenente hominem occidit. Attamen in huiusmodi negotijs non satis est vnum tantum considerare: posset namq; contingere, vt sectio membri salubris etiam fieret, Luna signum membri obtinente: verbi causa: si Luna in eo actu ab horoscopo cadat bonos planetas aspiciens non impeditos tamen, sine aliqua trepidatione membrum ad salutem incidi, secari, vtriusq; potest, quoniam præsentia Lunæ in signo membri nihil officit: nam superuacuum humorem quem Luna ex se attrahit, quo etiam vulnus impleretur, foelix planetarum aspectus exiccat: & ipsa Luna cadens non nocet: hinc est quòd electiones horarum apud veteres in frequen-

tissi

missimo usu fuere, vt ait Iuuenalis:

-Sumendo nulla videtur

Aptior hora cibo nisi quem dederit petosiris.

Idem,

-plus enim fati valet hora benigni,

Quàm si nos Veneris comedet epistola Marti.

Idem,

-vestandi cum placet hora,

Sumitur ex libro. Electiones igitur horarum, & ratio ipsa, & nostra religio non improbat, vt testimonio duorum Alberti & Thomæ comprobauimus. Fuerunt nanq; duo lumina sapientiæ quibus nihil defuisse agnoscimus præter ornatum dicendi: quo si eorum scripta fulgerent, profectò non semper ad vetustatem recurreremus: sed vicem eorum & meam pariter doleo: indigeo nanq; sæpe eorum hominum testimonio, quod si integrum remaneret, omnem laborem nostrum deformeret: sed vt antè diximus, nihil in codice nostro propter magnifici Laurentij tersam, delicatamq; orationem inferetur, à quocunque mutuemur, quod non sit etiam Latino homini tollerabile: tollerabilia autem teste philosophia non sunt omnino voluntaria, nam me aliquando sermo Ciceronis excruciat, qui in Tuscul

scularis quæstionibus ornatus negligentiam hominis otio & literis abutentis esse retur : quis enim reuera non abutitur otio, cum tantundem temporis in bonis sicuti in malis literis addiscendis absumatur? temporis namq; abusus est cum rei neq; idoneæ neq; necessariæ orium impenditur : nam ornata lepidâq; narratio vnumquenq; allicit, & oblectâdo minime defatigat. Incultus verò perplexusq; sermo hominem à se penitus auertit, & hinc malum illud maximum nascitur, quod ignorantia tribuimus, vt mox apparebit.

De crimine ignorantia quod maximum peccatorum est, & quod omnis malus, ignorans & impotens. CAP. XXVI.



NON sine ratione nunc de ignorantia mentionem, faciam quoniam quas antè docuimus artes, nec non horarum electiones ignorantia dudum superstitiosas esse putauit, quas Thomas Peripatetici dogmatis princeps sapientia pariter ac sanctitate excellens, vna cum præceptore Alberto rationibus approbat : Hinc igitur quasi per transfennam quandam conspiciamus, doctos insciosq; quodam inter se odio dissidere, ita vt quod ab insipientibus

ribus plerunq; damnatur, sapientia laudet, & è contrario. Sed ignorantia, quæ nomen stultitiæ subit, Virgilius.

Stultus ego huic nostræ similem:

tam grande malum putatur à sapientibus teste Cicerone, vt omnibus & corporis & fortunæ incommodis anteferatur: hoc enim malum hac via grassatur, vt quod oportet mentem subire non patitur, & si aliqua via permisit efficit ne inhærescat, peruersè consulentibus annuens, recta suadentibus aduersans. Scientia autem è contrario quod facto opus est tenaciter arripit, reiecto malo bonis consilijs vtens: quorum electio non fortunæ, sed nostro moderatur arbitrio: fortuna enim discitur nunquam: vnde Virgilius,

Disce puer virtutem ex me, verumq; laborem,

Fortunam ex alijs, vbi Seruius, imiteris supplet, cum optes dicere debuisset: poetarum enim mos est sermone etiam truncato quidem vti, etiam Auerroidis in Canticis Auicennæ testimonio: sic enim ipse sentit, esse autem ita & Horatii & Terentij dicta confirmant: nam ille,

Ventū erat ad Veste magnā iam parte diēi,
& hic: Postea quā ad Dianæ peruenimus, in vtroq; enim templum subintelligitur:

gitur : & , vt ad rem redeamus , interroga-
rent fortassis nōnulli : qua de causa igno-
rantia tam inextinguibile facinus reputatur ,
cū illud philosophicum ignorans ma-
lus , & malus ignorans etiam reciproca-
tur . Ad hoc dicta Aristotelica adducen-
da sunt , nam in libro secūdo Politico-
rum hominem sine disciplina animal tru-
culentissimum , syluestre , efferū , omnium
pessimum : disciplina autem excultum ,
cūctorum excellētissimum philosophus
esse asserit . Disciplina igitur hominem
perficit , cū de natura sui ad omne flagi-
tium pronus procliuisq; sit . Hinc igitur
nascitur quōd ignorans , hoc est sine di-
sciplina sit malus , itidēmq; malus igno-
rans , non rectē percallens est etiam im-
potens : nam alicuius potētia dicitur cū
id efficit quod exoptat , vult autem à na-
tura bonum : bonū enim est quōd omnia
appetunt , cū autem malitiam sequitur à
naturalī inclinationē detortus , non potuit
id adipisci quod cupiebat : hinc est quōd
impotens pro malo ponitur , similiterq;
malus pro impotente . Seneca ,

Impotens flammis simul & sagittis :

& Boëtius :

ex armaneris impotentis iram . Homo igi-

s 3 tur

tur ignorans malus impotensq; est. Sed hic more Hydræ succisæ, caput aliud quæstionis exoritur. Nam ignorantia, vt probauimus, malitia: & vt consequens est, peccatum censetur: peccatum autem nullum dicitur nisi sit volūtarium: ignorantia autem non videtur voluntaria, quandoquidem omnes homines natura scire desiderant, teste Philosopho: quod facile refutatur. Voluntarium enim est peccatum ignorantiae ex eo quod naturale desiderium floccifecit: non enim disciplinas secutus est homo ignorans, & hoc modo immanitatis partem feræ & truculentæ naturæ contagionem vel omnino, vel aliqua ex parte retinuit, non vsus excolente præceptore. Sed dicant, esto rudis ignarusq; homo iam poenitentia ductus se culturam humanitatis neglexisse dolens, cur ex ignorantia peccare asseritur? Semel enim peccatum est non sine poenitentia, vt iam diximus, doctrinam cultumq; negligendo. Cur semper in hoc luto hæsitare putatur, vt ignorans peccet? Quod sanctissimus & doctissimus Augustinus in libro Retractationum veris rationibus declarat: ait enim. Ille qui peccat ignorans, voluntariè utiq; peccat,

peccat, quod cùm faciendum non sit, putat esse faciendum : & rectè mea quidem sententia : nam si voluptuosè viuendum neglectis virtutibus arbitratur, ex arbitrio animi & ex voluntate hoc amplectitur, putans id esse bonum quod malum omnino est. Similiter si inscius docto viro occurrens loco non cedens, peccat : scientia enim, vt Aristoteles dicit, & beatus Thomas affirmat, est bonum honorabile, quod pecunia aut culta suppellectile multisq; commodis subfultus ignorans doctum hominem non honorabit, carens hoc veritatis lumine, cùm veritas bonum sit, necessario boni expers malus erit : quid enim stultius esse potest, quàm brutum aurea veste pecuniâque subfultum homini diuitiarum inopi, sed doctrinarum diuiti anteponere? Sed qui scientiam doctrinâq; venerantur non dicuntur ignorantes, intelligunt enim quid sit artibus bonis excoli, & ex hoc lumine doctrinam & capefcendam & magnificendam intelligunt, ita quòd in re dubia ad doctiores recurrunt : vnde factum est, vt maximi principes bellicis alijsq; negotijs distracti, philosophos ac theologos omniumq; artium bonarum magistros, &

honorent, & præmijs summis afficiant, ex qua re laudem & humanam & diuinam merentur. Nam nullum grauius peccatum quàm ignorantia esse censetur. Ferina enim natura induitur, humana exiur: ferina inquam illa quæ omni ratione rectoq; iudicio calcatis insanit: quoniam sicuti disciplina quod à natura scelestissimum est animalium ad mansuetudinem integrósq; mores reuocans ita reformat, vt iam naturæ gratias agat, quod homo fit, ita doctrinæ scientiæq; negligentia virus ignorantiae miscens ad illam immanem, agrestem insulsamq; naturam hominem retrudit, adeò vt hic sine disciplina fons flagitiorum existens: bonorum enim penitus expers. grauissimis cruciatibus torquetur, quoniam mitius apud inferos cum furibus, cum latronibus cum parricidis & proditoribus sacrilegisq;, quàm cum ignorante agitur. His enim poenæ certæ & præfinita tormenta pro scelerum mensura sunt. Nam diuina maiestas pro numero & qualitate delicti poenam infligit, & tortores, id quod imponitur exequuntur: hæc nanq; à Deo sciuntur. Ignorans autem omnibus pariter sceleribus addictus ignorabitur testimonio

Apost

Apostoli, quod nihil est aliud, quàm maiestatem diuinam ignorantium nullā habere curam, & mēsuratæ pœnæ oblitam, vt ita loquar, omnibus demonijs pro eorum arbitrio nullis pœnarum terminis, modisq; seruatis ignorantes cruciandos relinquere. Quid autem sit in manus dæmonum deuenire laxatis cruciatuum habenis, cū inuideant propter ereptam beatitudinem hominiq; tributam, nemo profectò ignorat, cū gurges inuidorum minimè repleri possit: dæmones igitur ignorantem ex Apostolica sentētia quocunq; modo voluerint excarnificāt, & eo magis cum ipsi de natura sui sint sapientes: nihil enim de bonis naturæ propter damnationem immunitū est: odio igitur flagrantissimo suos inimicos, vt probabile est, insectātur: scientibus enim cum ignorantibus immortale est odiū, propter naturę dissimilitudinē. Inferos verò dæmones esse implacabiles & sacra narrat historia, & Virg. astipulatur, cū de eis dicat: Nesciaq; humanis precibus māsuescere corda, & in eodem,

- Cū subita incautū demētia cœpit amantē,

- Ignoscenda quidem scirent si ignoscere manes.

Omnium ergo scelerum pœnas super-

grediuntur ignorantium tormēta. Quod cum magnificus Laurentius optimè iamdudum ex varietate doctrinæ qua cultus ornatusq; est, percallens, vt animorum medicus Pisis gymnasiū doctissimorum excellentia frequentissimum, disciplinis omnibus refertum muniendum curauit: vt ignorantia è patrijs sedibus fugaretur. Nam homines doctrina pollentes ita colit, & coluit, vt quenq; ad scientiæ brauium cursores inuiter: nam fugatis ex orbe tenebris quas obducit ignorantia lumen veritatis appareret: Veritas autē cum bonorum sit fons mentes hominum illustrans bonos efficit, & vt ipse doctissimus est, ita omnem eius familiam erudiendam curauit: adeo vt Ioannes filius, titulo cardinalatus ornatus: imo titulum ornans admodum iuuenis (vix sextū decimum expleuit annum) & tamen Græcè Latinèq; doctus, iucunditate sermonis & linguæ proprietate, ita Latinè loquitur, vt possit cum senioribus doctis comparari: deinde dialecticam amplexatus ad arduas disciplinas Grammaticæ Dialecticæq; administrandis sustentatus, maxima cum alacritate festinat. Nam hæc non audiuius, sed oculis vidimus, eiusq; ingeniū, & harum artium

artium fundamenta sæpe tentando cognouimus, de motibus eius ornatissimis quid referam? cùm modestiam ac integritatem, magnificentiaq; igniculos, vt hæreditaria & à parentibus accepta, non modo possideat, sed illustret, vt Laurentij Medicis omnibus esse videatur. Relucent nanq; in eo futuræ probitatis simulacra quædã, in eo enim integritatis, pietatis, fidei, grauitatis, liberalitatis, affectionisq; ad omnes doctrinas, amorisq; sapiëntiæ nõ modo flores, sed vberissimi fructus apparent. Inest nanq; lepidus sermo cum quadam dictorum factorumq; gratia: & hæc omnia facie staturáq; pulcher reddit iucundiora, secundum illud Maronis,

Gratior & pulchro veniens in corpore virtus adiuuat, Hæc autem cùm admiranda sint, attamen à magnifico Laurentio in filium defluxisse conspeximus, ita vt certissima spes nos teneat ad sublimiorem dignitatis gradum cardinalem Ioannem venturum, & hoc non sine ratione dicimus, ex parte enim cognoscimus, & si astrologis conueniret, adderem & prophetamus: sed more matheſeos prædicimus, astra enim in eo admiranda portentunt. Nam ex illa celebri illustriq; Medicorum

ceorum familia ortus, seditionibus ac discordijs tumultuibusq;, qui sæpe vulgus agitant, medicinā tribuens finem aliquando imponens ad sublimiora deueniet, ab omnibus enim cognoscetur, ex ea familia ortum, cui fata medicinæ nomen dederunt, cum nullus ex hac familia corporis sed animorum medicamenta composuit: nam si per excellentiam dicatur quis medicus, cui dubium est eius esse animorum curam? cum morbos corporis vel aniculæ aliquando sanent, morborum autem animi, mortē medicum esse putauit Phalaris, ea enim tempestate hæc Mediceorum familia non erat, quæ etiam viuentibus morbos animorum iam conclamatos & curat & euellit, vt in negotijs Italiæ, aliarumq; gentium sæpe conspeximus.

De scientia quot modis sumatur, quæq; beatum facit, & quid est beatitudo no-

stra & philosophorum. CAP. XXVII.



SCIENTIAM quam ignorantia, de qua sermo est habitus, opponunt, multifariam acutorum virorum solertia vsurpauit, nam scire aliquid dicimur, quocunq; modo illud teneamus etiam ignoratis causis non sine hæsitacione, ita vt opinari, suspic

fuspiciari, coniectare, dummodo verissimile contineant sciendi appellatione includuntur. Persius,

Scire tuū nihil est, nisi te scire hoc sciat alter:

Horatius,

Cur nescire pudens prave quàm discere malo,
Et in frequenti sermone est, nihil scit, de homine hebeti ac obruso: & viam, modum, artem, numerum scire putantur hi, qui aut memoriter tenent, aut experientia callent, aut apparentem notitiam habent. Et tale scientiæ nomen cū latissimè pateat, ad omnes ferè actus etiam turpissimos atq; leuissimos relegatur, in quibus nec ratio nec causa reddi possunt. Sed in scientia exactissimè considerata, ut philosophorum acumen apprehendit quatuor expostulantur: primum siquidem, ut sit cognitio certa sine cauillatione & hæsitacione aliqua. Secundum est, ut quæ cognoscuntur sint necessaria. Tertium, ut causæ quæ cognitionem præstant, sint euidentes pateantq; intellectibus. Quartum, quod amplissimum putatur, est, ut collectionibus id est (ut Græcè loquamur) syllogismis, quod cognitum est comprobetur. Cū igitur aliquid horum defuerit, scientiæ exactissimæ nomen

amittit

amittit. Nam graue semper deorsum fertur : & hoc certum, deinde necessarium: semper enim hoc inest illi à natura, & intellectui huiusce rei causa euidens est, quoniam leue quod illi opponitur, sursum tendit, & syllogistica argumentatione firmatur : vt omne graue tendit ad centrum terræ, centrum autem est deorsum, & hoc graue est, deorsum igitur tendit. secundum hanc doctrinam, multa à nomine scientiæ excluduntur vt ars magica, alchimia: in his enim plurima sunt in quibus argumentatio deficit, ex quibus veritas quasi laqueis, irretita effugere minime potest. & ob hanc causam Auerrois ait, in alchimia multa fiunt quę fieri non posse videntur: & in arte magica quanquam animæ nostræ mutandarum rerum vis sit, & hoc perpetuum est, causæ tamen intellectum nostrum minimè illustrant, quoniam non apparent, sæpe enim accidit vt eadem verba quæ aliquando intelliguntur alio ordine atq; alia voce, quàm ars velit, enuntiata nullius efficacitæ sint, cum ordine & voce seruatis habeatur effectus eius quod intendebatur. Horum igitur causam nec intellectus apprehendit, nec vis argumētationis
osten

ostendit: unde culturæ vel religionis nomen potius quàm scientiæ & magia & alchimia subibunt: nam in ea cùm plumbum nomine leprosi auri nuncupent, & lepram (vt more ipsorum & ecclesiasticorum nunc loquar) alchimicus se posse curare profiteatur, vt purum aurum ac lepra mundatum sit: attamen causæ latitabunt, & syllogismorum suffragatio conflaccescet, quamuis etiam concedatur alchimico metalla omnia eiusdem esse speciei, alioquin philosophia reluctaretur, quæ speciem in speciem posse confundi negat: sed ars magica sæpe concessit, homines enim in lupos & asinos aliâq; animalia versos asserens, de his aliàs. Sed metalla eiusdem esse speciei non omnino absurdum putatur, nam inter se aut raritate aut densitate, aut colore differunt: hæc cùm sint accidentia separabilia, non possunt speciem variare, alchimia igitur à nomine scientiæ exactissimæ longè abest, & quia suprà diximus oportere necessarium esse, aduertendum est quatuor modis hoc nomen accipi testimonio Aristotelis. Nam primo id dicimus esse necessarium quo sine minime esse possumus, vt animantes sine alimento: deinde id

id hoc nomen sortitur absq; quo non bene commodèq; viui poterit, ideo rectum & vestitum homini esse necessaria narrant. Postea necessarium violentiæ nomen importat, vnde Lucanus,

-cupias quodcumq; necesse est, vt si dicamus, necessariò omnia occidunt: & huiusmodi necessitas contristat. deniq; id esse necessarium asserimus quod variari nequit, non enim contingit aliter se habere, & hoc vltimo scientia exactissimè considerata indiget: sicuti ortus primi mobilis ab ortu ad occasum semper est: & huiusmodi necessitas siue necessarium in sempiternis reperitur. Necessarium verò, vt violentum est, à superna beatitudine penitus exulat, quod enim inuiri facimus in actione contristat: nihil autem in diuinis triste, nihil ergo non voluntarium est: sed iam hac prætermisâ digressionem ad propositum redeo: sicuti scientia & ignorantia nullo pacto cohærent cum sint contrariæ, ita vt contrarios effectus inducant. Nam vt ignorantia (vt dictum est) in perditionem tenebrâsq; inferni præcipitat: ita scientia ad salutē & æternum lumen beatitudinēq; vehit, vt ratio dictat, sic enim id verum esse ostenditur

ditur & ut gratia exempli à sensibus incipiamus hoc ordine incedemus : sicut auditus tunc felix possessorq; solidi gaudij putatur, cum ea audit quæ iucundissima sunt: ita visus cum pulcherrima rerum, & olfactus cum odorum suavisissima odorat, beantur, & sic de cæteris dicitur: nam gustus tunc triumphat, cum suavisissima attingit, gustus enim tactus quidem est, sic etiam de tactu, qui cum minus cæteris sensibus oblectatur, prærogativam habuit, ut per omne corpus spargatur, cum reliqui sensus certam ac præfinitam sedem habeant, oculi enim visus, nares olfactus, aures auditus, lingua gustus sedes est: eodem modo de intellectu loquemur, qui tunc beatus est, cum omnium optima & præstantissima intelligit: cum autem Deum optimum ac præstantissimum omnium maiestatis immensæ, potentiae infinitæ omnia in se continentem, in quo præteritorum, præsentium, futurorum exemplaria relucet, noster inquam intellectus apprehendit, tunc beatur, tunc gaudio solido impletur, tunc veram & immutabilem beatitudinē possidet: & merito, Deus enim est summū bonum, super omnem substantiam omnemq;

naturam, quem cuncta expetunt, est enim perfectionis consummata, nullius societate indigens, ut ait Plato in Timæo. Sed quidam philosophorum cum hanc Dei cognitionem tam arduam esse ducant, ut à paucis percipiatur, beatitudinis adeptionem ad paucos spectare, videntur sentire, pauci admodum scientes sunt, attamen Aristoteles commune bonum quod omnibus provenire potest, non orbatis virtute, felicitatem putans, nobiscum sentit, siue de humana siue de diuina felicitate loquatur, ut est illud:

felix qui potuit rerum cognoscere causas.

Nam Christianitas beatitudinem in diuina fruitione locauit, est autem frui amore inhærere alicui rei propter se ipsam cui carmen illud Virgilij astipulatur,

-fruiturq; Deorum

concilio. ubique amor admiscetur semper scientia & cognitio præsto sunt, nemo enim quod ignorat amare potest: nam si amor ut supra narrauimus, est fruendæ pulchritudinis desiderium, cognitio subeat necesse est: nunquam enim desideramus quæ nec vidimus, nec audiui-
mus, nec villo sensu modoq; percepimus: rectè igitur Augustinus non visa amare
posse

possumus, incognita nequaquam, quod & Ovidius de Arte amandi asserit cum ait,

Quod latet ignotum est, ignoti nulla cupido.

Sed cum aniculas & infantes omniumq; disciplinarum penitus expertes veritas Christiana in beatorum numerum collocauit, videretur non scientibus more philosophico tantum beatitudinem tribui, vnde vanam esse philosophiæ doctrinam convincere possemus, nisi huius rei declaratio subseruiret. Certissimum enim est, vt intelligentia ad fruitionem diuinam sit necessaria, sed sciendi alius ordo in nostra fide est, quam in dogmate philosophorum: fides enim nostra ait: credite vt intelligatis, intelligentia ergo est fidei donum, vnde infantes in fide parentum aqua tincti credunt. & hoc modo intelligunt, & aniculæ disciplinarumq; exortes eodem modo sapiunt: nam credentes intellexerunt, & sicut illam philosophorum beatitudinem, literarum & studiorum assidua cura, ita felicitatem nostram fides parit, ex cuius illuminatione etiam hebetes qui sunt, redduntur scientes. Sed si sapientissimi viri & disciplinarum fonte exculi crediderint, erunt sapientiores, & vt consequens est beatiores, capatioresq;

felicitatis æternæ: vnde illud dictum est, fulgebunt iusti sicut stellæ, & intelligentes sicut firmamentum. Quanto autem totum parte præstantius sit, qui non videt, cæcus est, & hac in re sicuti in luce contingit, clarissimam enim lucem non omnes æqua portione arripiunt: nam qui hebetioris sunt visus, minus claritatis accipiunt, quam qui acutiore lumine perfruuntur, & huc tendere illud euangelicum videtur, in domo patris mei multæ mansiones sunt, non enim omnes beati cum plenè contenti sint, æquam beatitudinem possident: quoniam ea, vt quisq; capax est, participat, vt in conuiujs videmus esculentorum capaciiori ventre qui est, plus illo vorauit, qui angusto ventre compactus est, & tamen vterq; ad saturitatem vsq; repletus est, nec amplius optat. Hæc volui tetigisse in cõtumeliam ignorantia; quæ sapientia; hoc est Palladis hostem se profiterur, cuius quidem Palladis scientia & amatrix & pedissequa est. Sed si quis exquisitius philosophia; documentis imbutus rationes de beatitudine naturales inquirat, ad Auerroidem & alios recurrat: nam nonnihil Caietanus familiaris noster in libro de Anima dieb

diebus meis inseruit: interim autem memoriter tenendum arbitror illud Ciceronis in sexto de Republ. libro cū ait, omnibus qui rempublicam iuuerint, auxerint, defenderint, certum & definitum locum in cœlo esse, vbi beati sempiterno æuo perfruantur: & è contrario vastatoribus conturbatoribûsque reipublicæ in inferno (ô Cicero) pœnarum cruciatuūq; locum Virgilius tribuit:

Tartareas etiam sedes alta hostia ditis

Et scelerum pœnas & te Catilina minaci.

Pendentē scopulo furiarūq; ora trementem:

Secretosq; pios, his dantem iura Catonem.

Quod non iniuria diligentia Virgiliana commemorat, pœnas enim infernales veras putauit Cato, cū in Salustio Iulium Cæsarem coarguit, vt hæc quæ de inferis prædicantur, vana putantem. Sed hæc quæ narrauimus spem certissimam tribuunt beatorum sedem in cœlo magnifico Laurentio esse paratam, hoc autem nulla certitudine sed coniecturis assequi possumus: ipse nanq; eruditus & scientia pollens scientes omnes colit, & auger, pro republica sanguinem proprium fudit & charissimum fratrem Iulianum amisit, in statuq; tranquillo, vbi otium & diui-

tiæ affluunt, Florentiam collocavit, amissa quæ olim erant recuperando & quædam noua acquirēdo, templa diuina partim ornando, partimq; ædificando, leges ciuitatis saluberrimas figēdo, principum, regum, populorum beneuolentiam quærendo id efficit vt nauigatio & commercia patriæ, quocunq; se vertant repressis piratarum insidijs violentiâq; obtrita latronum, iniuria conquassata sine aliquo impedimento proficiantur : nam bonis ac rectè uiuentibus Medicis Laurentij opera gratissima sunt, malis verò & peruersæ vitæ hominibus consilij prudentiæq; Laurentianæ acumen, pecuniarum copia, ingenij solertia, amoris aut odij constantia, tantum terroris incutiunt, vt nemo iam à dicto Laurentij non dicam discedere sed ne discrepare quidem audeat. Sed hæc & alia quæ tantus vir egit & agit semper ad exaltationem patriæ, ad reipublicę emolumenta, ad conciuum ornamenta, ad salutem amicorum, ad urbis agriq; decorem, ad firmandos bonorum, malorumq; infirmandos animos, ad communem utilitatem directa sunt : ipse nanq; priuato habitu, ciuili mansuetudine, animo miti atq; iucundo summis, infinis,

simis; mediocribusq; se charum acceptumq; præbet, nullus enim in eo fastus, nullum superbiæ vestigium, nulla arrogantiae scintilla vnquam apparuit: ipse nanq; virtutibus cumulatus, imo ipsa virtus quosdam à se aliquando alienos beneficijs leniuit ac demulsit, vt iam veri amici iudicentur. In fortuna enim regia, in diuitijs opibusq; summis, in potentia maxima, in successu rerum qui ciuiles animos gerit simillimus Deo censendus est, quippe secundæ res sapientum animos defatigant teste Salustio: Hæc autem quæ diximus omnia in magnifico Laurentio cum maxima humanitate & eruditione seruantur, nemo enim tam abiectæ fortis est qui Laurentium adire non possit, cum ædium fores pateant semper: & singulis quibusq; diebus per urbem ciuili humanitate deambulans ad sui colloquium, spemq; subsidij fauorisq; copiam vnunquenq; inuitat, verborum parcus, rerum verò benignissimus largitor & autor: ita vt omnes Florentiam ex Fluentia nominatam rectè conijciant, cum huiusmodi flores pariat, qui vberrimos fructus rerum omnium honestarum ægentibus sine mora exhibeant, ita vt de eo dicere

possimus, quod Plinius de Metio Curtio narrat, his verbis, eadem autem fortuito adiuuit in medio foro, quasi fidentia imperij fundamēta ostento fatali, quæ Curtius maximis bonis, hoc est virtute ac pietate ac morte præclara expleuerat. Hiatū ergo illum minitantē patrię Metius Curtius se deiiciendo in eum expleuit, vt historiæ clamant & Virgilius in Culice:

Curtius & Metius quē quondā sedibus vrbis,

Deuotum bellis consumpsit gurgēs in vnda.

Sic & Iuliani morte & sanguine Laurentij, ciuitatis fundamenta iam conuassata, restituta stabilitēq; sortita sunt.

De quibusdam minimis non inutilibus in quibus plurimorum errata corriguntur.

C A P. XXV I I I.



IAM plerisq; arduarum rerum sermonibus defatigati, cupimus recreari aliquantisper, vt iterum opus nostrum alacrius aggrediamur: vnde minuta quædam re-
ficientia magis quàm defatigantia ingenium recensēbimus, vt viribus quodammodo recuperatis ad maiora tendamus. Interea ea tractabimus quæ sine lassitudine scribuntur, & vt à Prisciano sit initium, qui artem grammaticam rectissimè
percal

percalluit. Cùm ait, philosophi definiunt vocem esse aërem tenuissimum, ictum, dicimus deceptum fuisse ab Aristotele, quem hac in re Auicenna iugulauit, cùm ait sonum non esse aërem ictum, aut scissum, sed accidens quoddam ex hoc aëris ictu proueniens, & vt mea fert opinio rectè: vox igitur est accidens ex ictu aëris natum, & ideo commune est vocabulum ad inanimata quoq; spectans. Virgil.

-fractasq; ad littora voces, Sonum nanq; tria efficiunt, verberans, verberatum, & intermedium, ita tamen, vt verberans & verberatum soliditate duritièq; constent, pili enim pilis & lana lanæ impacta sine sono sunt, abest enim cum soliditate durities. Præterea si alterum molle, alterum verò durum solidumq; simul confligant, nullus erit strepitus, nec sonus: si lanam lapidi inflixeris, nullum efficies sonum, sed in solidis & duris aëre intermedio percusso sonus erit: nam huius elementi agitatio frequensq; motus sonitum creat, nam si virgam lente in orbem duxeris nullam vocem efficies, sed si eadem cum acceleratione rotetur resonabit, quoniam aër accelerato rotatu virgæ motus, densatur ac solidescit, ita vt duo solida confi-

t s gant,

gant, & eodem modo in ventis accidit, Aër enim inundans spissatur ventum faciens, parietibus arboribus ve & alijs huiusmodi solidis illisus est vocalis, sicut aqua maris cum ad littora voluitur: huc etiam accedat necesse est alia conditio, hæc enim solida cum intermedio sonum faciunt si latam habuerunt superficiem, alioquin furda sunt, acus nanq; in acum impacta non tinnit testimonio philosophi: & Grammatici hac de causa æs metallum nominant hoc est, aërem, s, nanq; &, r, inuicem sibi cedunt, vt labor labos, honor honos, aër aes: omnibus enim alijs canorius metallum est propter occultos meatus ex raritate sortiens aërem plurimum in se cōtinens resonat, vnde poëta,

-simul ære canoro

utitur, Nec nos diphthongus turbet, sæpe enim soluitur, vt,

Littore aliena locant alijs:

& quandoq; inculcatur, Virgilius,

Fixerit æripedem ceruam licet aut Erimanthi placarit nemora: pro æripedem, ab aëre intelligens propter celeritatem motus. Aes igitur & aër idem est vt declarauimus: nam aurum argentum, ferrum, Chalybs, omniâq; metalla æris comparatione,

ne, sine voce sunt, Meritò igitur huic metallo nomen elementi sine quo vox esse non potest Grammatici accommodarūt, tanquam canoro ac tinnienti: nam tinnitus ab alijs secernit. Perſius,

Nequa ſubarato mendosum tinniat auro.

aurum nanq; id ſubaratum dicitur, cū superficies quidem aurea, ſubtus verò æs eſt, quod tinnitum efficit: vbi igitur ær non eſt, ſonus minimè eſſe poteſt, & ob hanc rationem & Pythagorici & Cicero in ſexto de Republ. & Plinius vt philoſophiæ exactæ expertes reprehenduntur. Nam Ariſtoteles, his argumentis Pythagoricos & eorum æmulos arguit, Sonus eſt verberatio aëris: in cœlis non eſt ær, nullus igitur eſt ſonus. Præterea vbi-
cunq; eſt verberatio, ibi etiam eſt alteratio, in cœlis nulla eſt alteratio, contenti enim ſunt forma ſua, & ideo ingenerabiles & incorruptibiles: nullus igitur ibi ſonitus. haſtenus de cœlis. Veruntamen Pythagorici & eorum imitatores quadam veriſimili non tamen efficaci ratione ſe tueri poſſunt, in cœlis nanq; diuerſi ſunt orbes vt deferentes: epicycli, excentrici diuerſitate motuum, & quadam, vt ita loquar, confricatione concentus iucundif

cundissimos fieri arbitrantur: sed Aristoteles naturalis sapientiæ cultor id verum esse putauit, quod naturali argumentatione monstratur: hinc est quod eius doctrinam omnes ferè gentes potiore reliquis iudicantes per excellentiam nomen Philosophi indiderunt, quem Auerrois maximè extollit, cum à mille quingentis annis, tot enim inter vtrunq; interfuere, non esse in eius dictis errorem alicuius momenti inuentum asserat. Ingens profectò laus, cum à tanto viro, vt Auerroidem cognoscimus, proficiscatur: attamen nonnulla etiam errata à Galeno, Auicenna, à Scoto in codicibus Aristotelicis tam in medicina quàm in naturalibus depreſa sunt: hæc enim philosophis conueniunt, quos etiam morum excellentia perficit, imo cum philosophiam nūcupamus, moralem intelligimus: quam etiam leges se habere gloriantur, nam in libro Digestorum aiunt, veram & non simulatam philosophiam affectantes: sed hac in re non quo ad doctrinam, sed quo ad vsum qui hominē perficit Aristoteles corruiť. Maximum enim flagitium Aristotelis fuit cum Theodecten prodidit: nam cum ei libros Rhetoricorum donasset, vnde gloria

ria creuit, inuidia commotus Aristoteles donatum ad se reuocauit: omnes enim Theodectis opus illud putabant, cum in quodam loco librum attestatus ait, sicut diximus in Theodecte: vnde Valerius Maximus ait, nisi tanti viri reuerentia me teneret eum alteri philosopho edocendum traderem. Præterea philosopho impingitur Alexandri Magni illius discipuli mors. Solus enim Aristoteles veneni, quo periit Alexander, naturam tenuit, cum illa aqua mulina tantum ungula teneri posset, reliqua omnia perforans, de his satis. Sunt quidam grammatici qui magnis conflictationibus agitantur in disceptatione quantitatis syllabarum, quos sæpe reprehendimus: & tamen vt audio in sententia permanent, diximus sæpe & in libris à nobis editis testimonia Satyricorum in syllabis non esse valde idonea quoniam eorum dicta ab antiquitate pendunt: Satyræ enim loco veterum comædiarum successerunt, & præsertim earum partium quas chorus gerebat. Comici poetæ ex arte quadam in syllabis peccant, vnde Terentianus ille tantæ autoritatis vir, vt eius testimonio de Varronis doctrina Augustinus innititur, allegat enim

enim doctissimus ac sanctissimus vir carmen, quod Terentiani esse ait, vir doctissimus vndecunq; Varro, hic inquam Terentianus, qui de omnibus generibus carminum suo genere scripsit, cum ad comicos venit, ait, ut ea quæ dicunt sumpta de vita putes, violant iambum tractibus spondaicis, in metro peccant arte, non inscitia: non erit ergo mirum cum in Persio & Iuvenale & alijs syllabarum peccata deprehendantur: sunt enim ut diximus veterum comoediarum successores, ut Persius, eo loco:

Cantare credas Pegaseum melos,
quod quidam volentes emendare duplicant, l, quod apud Latinos non est vitiosum, ut

-Infelixq; Allia nomen,
& Lucanus de eodem fluuio,
atq; Aliæ etades, sicuti Porfena dicitur
& Porfenna & alibi:

Findor ut Arcadiæ pecuaria rudere dicas:

& alibi,

Somnia, pituita quæ purgatissima mittunt:

& hoc quoq;

non prætoris erat stultis dare tenuia rerum,
cum rudere prima breui Ovidius,

ut rudis ad scabram turpis asella molæ

& Hor

& Horatius,

-tunc cūm pituita moleſta eſt.

Iuuenalis autem,

-cūm poſſis honeſtius illic: & alibi,

diſpoſitis prædies hamis: & alibi quoq;

& domini gladijs iam deſtinata, cūm ſis ſyllaba ſit longa, & hamus prima etiam producta utatur, & ipſe quoq; Deſtinat hoc monſtrum, dicit, non ſunt igitur horum teſtimonia idonea ſatis propter illud Terentiani dictum, & Satyras vicem comœdiarum veterum tenere omnes quotquot ſunt minimè ignorant, & hoc quoq; deluſit Seruium qui Perſio credens alios contra regulam corripuiſſe ru, in rudere ſenſit. Præterea apud vetuſtiſſimos, e, & i, quadam germanitate iunguntur, dicimus enim amante vel amanti, legente vel legenti, & ſic de cæteris, ut Cæſareus & Cæſarius, Virgilius Vergilius, ut in codicibus reperimus, imò dicit Feſtus, quòd amicus & amicitia per, i, & per, e, dicuntur, ut amecus & amecitia: habuimus etiam aliquando cum Philelpho diſputationem, quam qui vult ſcire legat noſtram in eum inuectiuam, ubi omnes eius errores annotauimus: quoniam conatus eſt quædam nomina propria, Græca ta-

men

men, more Græco apud nos ponere, quod est vitiosum in his quæ Latinitas more suo adaptauit, dicere enim Odyffeum & Aeantem pro Vlyffe & Aiace apud nos conclamatae dementiæ esset, si quis enim diceret apud Ouidium, est concertatio de armis Achillei Aeantis cum Odyffeo videretur helleboro indigere. Latinitas enim, quæ à Græcis accipit aliquando detruncat, plerunq; mutilat, sæpe literas transponit: nam Latinus minalionem & non milanionem, Herculem & non Heraclim dicit, & sic de alijs. Infinita penè sunt quæ in vetustissimis codicibus scripta inueniuntur, alio modo, alióq; syllabarum ordine, & truncata & mutilata & permutata reperiuntur. Hoc volui dixisse, ne in hac re tempus teramus, diuersæ enim linguæ non modo vitiant propria, sed aliquando alio nomine appellât, Pœni Eparchum dicunt Abrachim, & quem nos Artaxerxem historia sacra Assuerum regem, & quem nos Boccorum ipsa Pharaonem nominat, & Phison ibi est quem nos Gangem dicimus, & non modo linguarum diuersitas propria variat, vt Germani Ioannem Hansen vocant, sed vocabula quoq; appellatiua pro diuersis facultatibus

tatibus variant significationes, ita ut idem sibi aduersari videatur, & propter hanc causam doctissimi viri cum quadam veniæ præfatione loquuntur. unde Boëtius in libro de Trinitate ait, & quidem secundum hunc modum vnam trinitatis essentiam, sed tres substantias trēsque personas, nisi tres in Deo substantias Ecclesiasticus dicendi modus excluderet. & Augustinus in libro Retractionum ait: cum dixi, quandoque, escarum ceremoniæ, quod nomen non est in usu literarum sanctarum, ideo mihi congruens visum est à carendo appellatas ceremonias memoria tenebam: eo quòd obseruantes careant his rebus à quibus se abstinere, quòd si est origo alia huius nominis quæ abhorreat à vera religione, secundum hanc ego non sum locutus, sed secundum istam quam supra commemoravi: & hoc non modo in sacris, sed in alijs quoque disciplinis accidit: nam ut præteream totam illam de verborum significatione Rubricam in legibus, ibi enim sunt additæ iuri ciuili significationes quædam, cum usurpo verbum apud oratores etiam bonæ significationis in frequenti usu sit, & apud Iureconsultos usurpare est con-

tra ius accipere. Dæmon & dæmonium, ut est in Euangelio, in nomine meo dæmonia eiicient, quanquam sapientiæ & nequitiae nomina sint, tamen ubiq; in sacro eloquio peruersæ significationis habentur. Sed reticere non possum cum videam etiam sapientes viros errore inuolui, quoniam legerunt tantum, sed caruerunt experientia: vnde Plato in anatoniam errasse cognoscitur, & in describendis dæmonibus hallucinatur, putans meridionales spiritus bonos, cum pessimi sint, & in turpissima forma appareant (ut iam diximus) & omnes in exercitatione magiæ artis oculis viderunt: nunquam enim bonum operantur nisi coacti. Regnum cœlorum quod sæpe in ore Christi fuit non est communis significationis Christianitati cum reliquis, nā stellantis regia cœli de superioribus intelligitur apud Virgilium, & in sacro eloquio pro ecclesia militante, quæ præsentis temporis est, ponitur: de quo dominus ait, mittet filius hominis angelos suos, ut colligat de regno eius omnia scandala: neq; enim, ut Gregorij verbis utar, in illo regno beatitudinis in quo pax summa est inueniri scandala poterunt, quæ colligantur: &
rursus

rursus dicitur, qui ergo soluerit vnum de mandatis istis minimis & docuerit sic homines, minimus vocabitur in regno cœlorum, mandatum quippe soluit & docet, quando hoc quis voce prædicat, quod viuendo non implet: sed ad regnum beatitudinis æternæ peruenire nō valet, qui non vult opere implere quod docet, quomodo ergo in eo minimus vocabitur, qui in hoc nullo modo intrare permittitur? Per hanc igitur sententiam præsens ecclesia regnum cœlorum intelligitur, quia cuius vita despicitur, restat vt eius prædicatio contemnatur, vt ait Gregorius. Lex in iure & in communi modo loquendi sine nomine auctoris est sanctio & quædam viuendi regula à populo Romano lata. Sed Christus cū ait habetis in lege vestra, ego dixi, dii estis, scripturas omnes sacras legem nuncupat, & alio in loco distinguens legem à prophetis inquit: in his duobus præceptis lex pendet & prophetæ. fatum quod nomen ecclesia abhorret quāquam significatum probet, cū pro re mutabili ponitur, vt est illud Virgilianum,

nec fata vetabant

stare decēq; alios Priamū superesse per annos.

Ecclesiasticus dicendi modus, sententiam Dei vocat, quæ mutabilis est, vt in Niniuitis apparuit, fatum verò quod euitare non potest, de quo Iosephus de bello Iudaico : Aderat dies fatalis templi, qui fuit vndecimus Augusti. In sacro eloquio cõsiliu Dei nominatur, quod nullo pacto variatur, quale fuit illud in ciuitatem Hierosolymiranam à veritate prædictum cùm fleuit & dixit, si scires & tu : & alia quæ passim in sacra scriptura occurrunt. Sed illud quod Senecæ est in tragœdijs, quicquid facimus mortale genus, quicquid patimur venit ex alto. Christianitas alio modo loquitur, vnde in Euangelio respondet Ioannes, & dicit : non potest homo accipere quicquam nisi fuerit ei datum à cœlo. & idem Iosephus ait, sed irridebat eos fatale decretum, quod templum illud, iam dudum igni damnauerat. Criminator qui Græcè diabolus dicitur, nunc princeps huius mundi, aliquando rector tenebrarum, sæpe Sathan & Leuiathan multisque alijs nominibus appellatur, sed à poëtis Satanas vocatur Proserpina, & Belsabub, qui est princeps dæmoniorum, à nostris dicitur Pluto. de his hactenus. In philosophia causarum
mentio

mentio alia est ab oratoria facultate, causæ enim Aristotelicæ quatuor sunt, efficiens, formalis, materialis, finalis, sed auctore Galeno quinque sunt: nam & instrumentalis additur. Seneca verò enumerat septem, addit enim localem & temporalem causas, quasi irridens Aristotelem: minima enim non debent inter causas numerari, nam præter efficientem & formalem causas, aliæ videntur quodammodo pedissequæ, sicuti nihil sine loco & tempore & instrumento fieri potest. apud oratores verò sunt tria genera causarum, demonstratiuum, deliberatiuum, iudiciale: tria hæc genera dicendi sunt muneris oratorij, & rursus vnumquodque istorum in quatuor genera secatur, honestum turpe, dubium & humile. Grammatica quam tantopere extollit Quintilianus, & iure, teste philosopho in sexto Topicorum, est scientia scribendi & pronuntiandi, quod profertur: nomen, verbum, participium, pronomen, præpositionem, aduerbium, interiectionem, coniunctionem partes orationis vocat, sed orator hoc nomine exordium, narrationem, diuisionem, confirmationem, confutationem, conclusionem nuncupat. Figuras grammaticas, ora-

toria verò colores eloquendi flores dictat. Beatus grammaticè ab habendo, vt

vetula vesica beata, diuitias humanas: sed theologicè cœlestes opes, & eum de quo diximus felicem in sui significatione concludit. Synteresis penultima longa quam apud græcanicam pronuntiationem theologi, t, in, d, conuersa synderesin vocant, à grammaticis dicitur defensio: in theologia verò est illa conscientiam mens, quæ tentationes omnes, cunctaq; inquinamenta à se ipsa repellit, & hoc modo se à flagitijs tuetur, vt sese ab omni labe peccati mundum seruet. Conscientiam nunc diximus more sacrorum doctorum, cum apud alios ambiguae sit significationis. Salustius de Catilina, Nunquam animus impurus dijs hominibûsq; infestus neq; vigilijs neq; quietibus sedari poterat, ita conscientia exagitatam mentem vastabat. Ouidius in libro Factorum, cum ait,

*Conscia mens vt cuiq; est ita concipit intra
Pectora profecto spemq; metumq; suo,*
ad bonum malumq; trahit. Humilis apud Latinos abiectus & vilis putatur: in sacris verò is est, qui ex quadam innocentia, quæ iustitiæ pars noscitur, & ex humanitate,

tate, non autem ex animo pusillo (hîc enim versaretur vitium) in honoribus alijs cedit, alijsq; tribuens subiicit se. In medicina semen humanum in matricem sparsum vocatur humor seminarius siue spermaticus, Cùm autem iam in partes secatur, vt cordis, iocinoris, cerebri fignatæ sint lineæ, foetus nuncupatur: cùm autem distincta sunt omnia vt diuersa diiudicentur membra, embryo siue embryum Græcè dicitur. Cunctorum autem distinctè apparētium membrorumq; iam absolutorum conceptus nomen est, & huiusmodi apud medicos ordo seruetur: sed alijs facultatibus humor seminarius conceptus, foetus aliorum nonnunquam subseruiunt. Conceptio animi communis apud grammaticos est ea qua animi cogitatio exprimitur: In geometria verò est quædam enuntiatio, quam quisq; probat auditam, & hæc duplex est: alia nanq; peritis pariter & imperitis publica communisq; est, vt omne totum est maius sua parte, & si ab æqualibus æqualia detrahantur, quæ reliqua sunt adæquantur, nemo enim tam hebes obtususq; est qui sine hæsitacione vera hæc esse neget. Alia autem est peritorum dun-

taxat, vulgus enim capere non potest, vt si dicam incorporea in loco esse non possunt, & diuersa sunt esse, & id quod est, nam ipsum esse nondum est: at verò quod est accepta essendi forma consistit & est. Item id quod est, participare aliquo potest, ipsum autem esse nullo participat: fit autem participatio cum iam aliquid est, nam tunc aliquid est, cum susceperit esse, & eo participauerit: huiusmodi autem conceptiones eruditis tantum communes sunt: ipsi namq; statim assentiuntur, nihil esse posse nisi formam essendi induerit: ab esse igitur manat cum ipsum esse à nullo defluerit: esse igitur dicitur prius eo quod est, quoniam illud quod est, hac ratione existit, quia esse accepit, esse igitur & essentia, vt prius & posterius inter se differunt: nam essentia est quia esse participat cum esse à nullo dependeat. Genus in Grammatica sexuum discretionē: in dialectica verò vnum quod sub se species continet, & est nobilitas, Horatius,

*Et genus & formam regina pecunia donat,
vnde degeneres ignobiles appellantur.
Genus autem & nobilitas propria sunt
familiae Mediceorum, nam testimonio
Aristotelis in libro Politicorum, Nobili-*
tas

tas est virtus & antiquæ diuitiæ: Virtute præditos Laurentium & patrem & auum & maiores fuisse partim vidimus, partim verò audiuius, & amplissimas diuitias habuisse etiam nouimus: habet ergo Mediceorum familia nobilitatem, quandoquidem & virtutibus & antiquitate diuitiarum pollet: ex hac igitur Aristotelica definitione homo nouus diuitijs nuper acquisitis, non esset nobilis ciuilitè, hæc enim ciuilis est nobilitas, sed philosophicè, vt Satyrici dicto utar, nobilitas sola est ac vnica virtus: quocunq; igitur te veritas Mediceorum familiam nobilitate conspicuam videbis, in qua plurima virtus semper enituit. Auerrois inter cætera, quæ Aristoteli tributa sunt, in principio de Naturali audita, qui physicorum more iuniorum est, dicit de nominibus minimam fuisse curam, quod dictum putatur, non quia aut grammaticam aut oratoriam, aut dialecticam neglexerit, hæc enim sermocionales sunt, & nominum curam gerunt, ne quid fallax, aut ambiguum aut obscurum, aut asperum, & inusitatum in medium veniat: nam à quibusdam doctissimis Aristoteles aureum flumen in eloquentia putatur, sed quoniam

niam pro rerum necessitate noui verbi aliquid finxerit, quod profectò laudabile est: nam & Horatius Flaccus ait,

-licuit semperq; licebit,

signatum presente nota producere nomen.

Rectè igitur in de Predicamentis à remo remitum pro necessitate formauit. Sed hoc quidam iuniores naniùm vsurpant, vt passim legentibus occurreret, formant enim vocabula sine notæ & sigilli præsentia, vt à virtute virtuosum: nam si signum & nota intercedant nullo pacto produceretur, à sinu enim & fructu, sinuosus & fructuosus rectè dicuntur datiuo aut eorum ablatiuo osus addita, virtus autem & monstrum non sunt talia, vt huiusmodi deriuationes fignentur, à monstro enim monstrosus trisyllabū est. Lucanus,

monstrosiq; hominū partus numeroq; modoq;

& de alio sic loquitur Boëtius super Predicamentis Aristotelicis, In eo autem qui virtute participat nulla virtutis denominatio est, vt qui bonitate participat bonus dicitur, & qui iustitia iustus & alia hoc modo, qui verò virtute participat, aut probus nominatur, aut sapiens, sed nec probus nec sapiens à virtute denominata sunt idcirco, quia ytrunq; nomen à virtute

tute longè dissimile est. hactenus Boëtius. Sed multi ex iunioribus, & hæc & deteriora fingunt & maximè Scotus: nam nō omnia ab omnibus aptè produci possunt vrgente etiam necessitate, si enim ab autumno autumnitatē, & ab hyeme hyemalitatem, & à beo, as, beatitudinem siue beatitatem quæ omnia antiquitus formata sunt, non incōcinnè dicemus: sic etiam quæ noua sunt vt realitas, deitas, quidditas, entitas non absq; figilli impressione prouenient, scimus nanq; quod hyemalitas, quàm hyems, & humanitas quàm homo, & scurrilitas quam scurra aliud sunt, sed omnia asperiora vsu mollescunt. imo Augustinus duodecimo de Ciuitate Dei, pro vsa Græcè dicta essentiam nouo vocabulo dictam refert: vnde cum triticei panis copia denegatur, necesse est ne fame periclitemur, aut hordeaceo aut deteriori pascamur. In quo qui profitentur grammaticā, si peccant penitus reiiciendi sunt: Grammatica enim vsum habet & artem, quæ in vsu sunt etiam pueri non ignorant: Sed quæ ex arte dicuntur, non nisi à peritissimis viris tenentur, exempli gratia. Ciuitas Venetiarum non est in antiquis, si ab eo nomen patriæ volumus
forma

formare nullo modo dicetur Venetus, quoniam ratio artis repugnat: nam nomina prouinciarum siue regionum formant ex se gentile pauciorum syllabarum quàm sit regionis nomen, vt Italia Italus, Germania Germanus, Hispania Hispanus, Venetia Venetus. Sed ab vrribus quæ formantur aut sunt plurium aut æqualium syllabarum, pauciorum nunquam: sed de insulis alia ratio est, sicut ostendimus in Inuestiua contra Franciscum Philelphum patrem, itémq; contra filium Marium, vnde à Roma Romanus, à Brixia Brixienfis, à Spoletto Spoletanus, à Florentia Florentinus, quod æquale est, & sic à Venetijs Venetianus aut Venetienfis aut Venetinus dicenda sunt. Sed Ithacensis, Romanensis, Hispaniensis alterius conditionis sunt, non enim talia nomina ciuem aut loci illius hominem tantummodo signant. Et à partibus maximis mundi talia non formantur, vt ab Europa & Asia, Europeus & Asianus vel Asiaticus, & ab Aegypto Aegyptius. Alia sunt nomina, ab Africa Afer, non mirum cū pars Europæ ab antiquitate putata sit, & Salustius meminit. Verbum generale nomen est, ad ea omnia quæ dicuntur, vt
bona

bona verba quæso, inquit Terentius, &

-verba dat omnis amans,

Nafonis est. Sed præcipue id quod temporibus variatur, hoc nomen habuit, quoniam est tanquam moderamen locutionis: nam si mille nomina simul iunxeris, & verbum reticueris nihil dices, ut aurum, argentum, æs, lignum, aqua, & alia nisi verbo modereris, ut sunt vel cupiuntur vel affectantur, nihil profectò erit: iure ergo per excellentiam quod alijs commune est sibi vindicavit propriumq; effecit, habetq; significationem & mentis & oris: mentis autem cum significat conceptum animi, Virgilius in Bucolico,

cum canerem reges & prælia,

pro, conciperem canere, & in Aeneide,

-lacrymis ita fatur abortis,

Tene, inquit, miseræ de puer, cum lata veniret

Invidit fortuna mihi: primum enim ad conceptum, secundum autem ad oris pronuntiationem spectat, & hoc frequentissimum apud autores est: unde & Seruius & Donatus & Priscianus maxime in his delirant, cum vacare putent: nam & in sacris est, quibus iuravi in ira mea si introierint in requiem meam, hoc est intrare conceperint, & hoc modo & mentis
&

& oris verbum dicitur, sicuti latissimè locuti sumus in libro de Incognitis vulgò, ubi trinitatem descripsimus. Noster, nostra, nostrum, pronomen duplicem habet significationem, quarum altera levis & vulgaris, altera verò exactissimæ sapientiæ est: nam cum dicimus mala nostra, ærumnas nostras, scabiem, & alia huiusmodi, intelligimus quæ nos lædunt, nos affligunt, vel quoquo modo incommodant. Sed cum proprietatem possessionis gerit nunquam ad mala deflectitur, malum enim & offensuum nulli proprium esse potest: nam hoc pronomen proprietatem attributionemq; quandam ingerit: malum autem & quod læsivum habetur nullius proprium est. Id enim proprii appellatione tenetur, quod in subiecto causam propriam ac præfinitam possidet. Mala ac lædentia infiniti & indeterminati, bona verò finiti ac terminati causam gerunt, teste philosopho in Ethicis. Præterea malum veram essentiam non habet, quoniam defectum & priuationem boni indicat & hac ratione nec possideri, nec alicuius esse potest: nemo enim operatur ad malum tendens, cum omnia bonum appetat. Est inter plebeios quoddam

data prouerbium valde vsitatum. Omnis repletio mala, panis verò pessima, nec est alicuius auctoris dictum, at tamen ratione non caret, ad ea referendo quæ in vsu communi sunt, hoc est carnem: nam Aui-cenna huic sententiæ astipulatur, tertia Primi his verbis: Amplius scire debes quod impedimentum panis cum non digeritur est multum, sed carnis nutrimentum cum non digeritur est minus hoc, & de pane est etiam distinctio, quoniam secundarius, quo pane Cæsar Augustus libentissimè utebatur, non ita cum periculo replet, sicut alius melior, furfur enim similitæ admixtus lubricum efficit, ita ut celerius excernatur, testimonio eiusdem auctoris & loci. Hoc carmen

Incidit in scyllam cupiens vitare charibdim,
est Gualteri Galli de gestis Alexandri, & non vagum prouerbium, ut quidam non omnino indocti meminerunt. Persona & dialecticè & oratoriè in idem recidit: & cum à personando dicatur, resonat enim vox inclusa & reperiussa in oribus ex cortice cauato, alia ve materia factis, cū vultibus nostris applicantur, de quibus Virg.
oraq; corticibus sumunt horrenda cauatis,
nam in dialectica est indiuidua rationalis
subst

substantia, & apud oratores est quæ in iudicium ducitur, cuius factum dictum vè aut probatur, aut improbatur, ita vt cum dialectico orator in significatione concordet: nam persona totum hominem, aut Deum, aut aliam quampiam substantiam rationalem indicans, nomen ab vna parte accepit, quanquam habitus diffundatur, Horatius.

Personamq; trahit non inconcinnus vtrinq;.
 Nam & in theologia distinctis patris ac filij spiritusq; sancti personis frequens est sermo. Imago cum non modò similitudinem quæ diuersitatem habet, omnia nanq; similia sunt diuersa, sed ad interiora delabens diuersitatem excludens idem dicit, & cum homo ad effigiem Dei factus sit propter diuersitatem dicitur, similis: corporea enim mole Deus nullo modo grauatur, cum eius anima æternitatem fortiatur, particulam diuinitatis accipiens imaginem Dei habere creditur, quod & sacra narrat historia, & Ouidius de homine.

fixit in effigiem moderantū cuncta Deorū,
 & hinc ergo est quod Deus ait, faciamus hominem ad imaginem & similitudinem nostram, imago igitur referens illū, cuius
 formam

formam personamq; induit, an in templis Romanorum semper fuerit reuocatur in dubium, cum alij asserant. Eusebius verò de Euangelica præparatione negat, cum centum septuaginta annis ab Vrbe condita nulla imago ficta aut picta in templis Romanorum respici potuerit: sed vtcunq; res se habeat, posteriores pingentes aut fingentes Deorum statuas non caruerunt ratione, quandoquidem magi (nam magia religio Persarum est) experimento longo inuenerunt vitas illas supernas, aut spiritus, aut dæmones facilius venire, cum suas imagines siue perfectas siue imperfectas recognoscunt: imo à nonnullis in arte magica peritis asseritur, nullo modo accitos venire nisi characteres proprios destinatosq; eis intellexerint. Character autem vt Magnus ait Albertus, nihil profectò est aliud quàm imperfecta imago: & hinc est quod & Iuno & alij spiritus imagines suas vel ligneas vel marmoreas, vel alia quauis materia fabricatas habitauerunt, ita vt aliquando responderint, sæpe emicuerint, nonnunquam interrogantibus annuerint, renuerint, vt legentibus historias occurrit: hæc ad vnā tantum magiæ partem spectant:

x sed

sed cū ad res naturales vimq; herbarum se vertit, aliam sui partem indicat: pro quo sciendum est pocula amatoria vel aliud operantia non nisi illis obesse quibus datum est ab astris: vnde sæpe accidit, vt in vno operentur, & in alio nihil efficiant, sicuti etiam Albertus Magnus asserit. hinc illud Propertij,

*seu mihi sint tāgenda nouerca pocula phædra,
Pocula priuiguo non nocitura suo.*

nunquam enim phædra poculis amatorijs Hippolytum in amorem sui attraxit, de his fatis. Nam ad ea reuertor quæ risu sunt digna. Nam quidam ex amicis libros scripserunt, in quibus videntur ostentare se omnia vidisse & intellexisse, memori-terq; tenuisse & quos amissimus libros, & etiam quos habemus: negant enim quædam apud Latinos reperiri, inter quæ saccharon est, quod eis visum est in rerum natura non extare, quoniam vulgus per z, zucarum enuntiat: sed ab hoc incipiemus vt reliqua quæ Tortellius negat in capite de Horologio, prosequamur. Plinius duodecimo Naturalis historię, saccharon & Arabia fert, sed laudatius India, est autem mel in harundinibus collectum gummiū modo, nucis auellanæ magnit

magnitudine, ad medicinæ rātum vsum: sed Auicenna cautius loquitur, cū de eo propriè mundificato id sentiat, de saccharo audiatur Varro, qui versibus plenis fidei, (vt ei quod Cicero Ennio tribuit impartiamur) eius naturam scitè describit. Sic enim Varro ait:

*Indica nō magnū nec in arbore crescit harūdo,
Illius è lentis premitur radicibus humor,*

Dulcia cui nequeant succo contendere mella.
sed miser Tortellius merus recitator nihil considerans quæ non aduertit, putauit nusquam extare, digna enim risu sunt quæ ibi recitat: Negat nanq; clostrum quo equum ascendimus Latinos habuisse. Lucretius quinto,

et prius est armatū in equo cōscēdere clostris.
Clostra enim scala est, & id quod ab ephippijs ad ventrem vsque equorum pender ascensuro in equum vt scala facilitatem præbet. Soleas etiam equorum nusquam miser legit, nec illud Suetonij vnquam in vita Neronis apertis oculis vidit, de quo sic ait: nusquam carrucis minus mille fecisse iter traditum est soleis mularum argenteis. & illud etiam non legit, ad calceandas mulas remanserat: nunquam igitur soleas ferreas vel

argenteas mulabus, aut equis calceatis annexas audiuit. Sebare autem candelas, in tertio libro Lucij Columellæ, si eius oculis occurrisset tanquam monstrum quoddam apparuisset. Tintinabula etiam in Suetonio in vita Augusti surdaster Tortellius non audiuit: æs Campanum quod Campania inuenit, vnde campana tintinabula dicuntur, rerum ignarus coniectare nequiuit: sed si, quem aliquando nominat, Auicennam vidisset, succurrisset ei pro tintinabulo nolam positam. Nola enim Campaniæ est vrbs, quasi Campano ære constantem. Follem autem, vt in Martiale sæpe legimus, audiuit nunquam, negat enim tales orbes scortecos, vt pilas quæ inflantur, reperiri. Cottum autem vt apud medicos in vsu est pro eo quod similitudinem habet bombycis ex quo pannus bombycinus est, vt literarum cæcus prætermisit, & in vno hæsitauit quo maximè indigebat: nam qui ex senio hebetiori sunt visu adminiculis in legendo indigent, vt vel ex crystallo vel ex vitro vel lapide speculati confecta grandiores literas faciant, nam siue super literas trahantur, siue naso appendantur, ocularia sunt adminicula. Nam
apu

apud Latinos sæpe accidit, vt vocabulum, quod commune est, particulare fiat. Multa & illius & aliorum errata refellerem, nisi linguæ vernaculæ toties iam in medium progressæ fastidio afficerer. Saccaron igitur olim ad vsum tantum medicinæ, quod mel harundineum quidam vocauerunt, temporibus nostris omnibus ferè conuiuijs familiare est, imo iam tritum est prouerbium: nullorum esculentorum iucunditatem saccari admixtione comminui. Casia & alba & nigra ex virga robusti libri cortex est, cinnami similitudinem gerens, & hæc in vfu medicinæ olim fuit, & apud Galenum, & apud Cornelium Celsum eo antiquiorem, inferiorem tamen Themisone & Asclepiade. Hæc igitur casia cortex etiam nunc medicamentis vtilis casia herbæ ob odoris similitudinem nomen imposuit, de qua Virgilius,

nec casia liquidi corrumpitur vsus oliui.

vngueta enim huius admixtione fiebant. Sed ea quæ medulla dicitur casia quæ nunc in maximo vfu est, probatissima in ætate, Hippocratis, Cornelij, Galeniq; ætate cognita non est, & sic nullius fuit vsus: sed fistularum casia, quasi mel ni-

grum vtilissimum est, & maximè in sedandis doloribus virtutem habet: admiscetur enim emplastris quæ fiunt cum dimidia calua dolet, quam Græcitas vocat hemicranium: præterea vt nos sæpe experti sumus cum dolor ex principio suppurationis infestat, si ex melle casia apponatur emplastrum sine alijs adminiculis maximè mitigatur. Citrum apud antiquos fuit in vsu frequentissimo, & Apitius sæpè suis escis admiscet, sed Plinius duo eius genera nominat, Medicum scilicet & Assyrium malum: sed Medici mali grana Parthyæ proceres in esculentis incoquebant commendandi halitus gratia, quod & poëta tetigit,

-Et senibus medicantur anhelis. de quibus ita ait, xxi. Naturalis historiæ. Citrea contra venenum in vino bibuntur, vel ipsa vel semen faciunt oris suauitatem, decocto eorum colluto aut succo expresso: horum semē edendum præcipuè in malacia pregnantibus, ipsa verò contra infirmitatem stomachi, & non nisi ex aceto manduntur, hætenus Plinius. sed post eum siue inscitia fecerit siue peregrinatio & nauigatio plura attulerit, tanta varietas apparuit, vt simul cum melope

lopeponibus admiremur: nam & citrorum & melopeponum tanta copia tantusq; vsus, & tanta diuersitas emerferunt, vt naturam adauctam esse etiam in alijs iudicemus. Nam citrangulorum mentio apud veteres non occurrit, sunt enim rotunda colore citreo, carnem habentia angulis distinctam, nec huius nominis videtur inepta compositio, ita vt citrangelum citrum angulare dicatur: nam angulus licet ex se substantiuum sit, tamen in compositione vim adiectiui obtinet. Martianus Capella,

sequiturq; triangulus ignis. & Auicenna citrum, & citrangelum in diuerso vsu aliquando habet, sed in toto volumine suo (quod amplissimum est) bis tantummodo citrangelum nominauit. Septima tamen Quarti, vtriusque potestatem in vnum confudit, cum ait: loco aceti acetositas citranguli aut citri. Sed hoc sermone caue ne decipiaris, credens ex huius doctissimi viri sententia male forsan intellecta æquam & citri & aceti vim ac potestatem esse, cum acetum sit longe vehementius, cum in veneno aspidum sit saluberrimum, quod non modo refrigerat, sed vim dissipandi habet: hinc illud

Satyrici de Hannibale,

- & montem rumpit aceto, saxa enim igne concalefacta si aceto inspergantur statim in fragmenta dissiliunt. Illud verò sine nomine à Vergilio descriptum in Georgicis, cum ait:

Flos ad prima tenax, sub mali Medici appellatione comprehenditur: illud etiam Maronis in Bucolico,

Aurea mala decem misi, cras altera mittam, Græcè chrysomela dicta sunt, cotonea cum incisuris, duo enim genera ponit Plinius: sed qui traduxit Auicennam Græcè & Latinè ignarus, Armeniaca quæ sunt chrysomela vocauit in principio capitis, sed inter loquendum resipuit, Armeniaca nominans: lingua autem Punicæ illa nomine malorum aureorum vocat: sed apud Latinos malum aureum est chrysomelum, hoc est cotoneum cum incisuris, ab Armeniaco pruno, sic enim libet appellare, forma & virtute diuersissimum: nam Armeniaca æstas, cotonea verò autumnus matura præbent. Armenica soluunt, chrysomela verò aluum stringunt. Cerasa ab Auicenna negliguntur: de gummi tantum meminit. Plinius verò cum ossibus deuorata ventris solutionem

tionem factura promittit : Sed Galenus modestius loquens ait : non omnium cerasorum eadē ratio est, quod ante ipsum Cornelius Celsus sensisse videtur, cūm cerasa diuerforū effectuum diuersa commemorat : nam libro secundo inter infri-
gidantia cerasa numerat, itémq; aluum mouentia : hæc videntur ex illa specie quæ in Italia ante Lucillum prius erant. Sed illa quæ à Lucullo aduecta ab vrbe Ceraso cerasa pomâq; Luculliana dicta, non mouent aluum, sed tantum refrigerant, imo cum ossibus deuorata stringunt magis, & vt plurimum hæc manu tractata tingunt. Luculliana ergo poma cerasa ab vrbe Ponti Ceraso : nam huiusmodi arbores familiares sunt, & in tota ferè Scythia cūm maturescūt nigricant, etiam sapore austero, illa autem quę prius erant in Italia citius maturescunt & variij saporis ventrem soluentia à rubore cornea dicta ; postea confuso vocabulo cornocerasa vocata sunt, & tandem & illa Pontica & nostratia propter varias insitiones mutatamque naturam cerasa dicta sunt, relicta illa appellatione priori : & Galenus cūm omnium cerasorum non eandem esse rationem dixerit, de omnibus

vocabulo confuso locutus est, cū tempore Plinij octo genera fuerint. Faseolos Plinius nullius vsus in medicina putauit, fortassis Vergilij motus carmine cū ait:

-vilemq; faseolum: ita vt non ad copiam, sed ad medicaminis ineptitudinem retulerit : quæ res nos admonet, vt in ambiguo relinquamus. Phaseolum nauculam, de quo Carullus,

*phaseolus ille quem videtis hospites,
aiunt fuisse nauium ceterrimum,
nauculam legumento nomen,
an naucula legumentum dedisse:*

Similitudo enim formę hoc fecit: nā phaseolus legumē nauculæ imaginem gerit, prora ac puppe sublimioribus, mediōq; depresso in carinæ formam inferius restringitur, & huic legumēto inter cætera Auicenna iuuamētum in coitu tribuit, & hac via eius vsū in medicina cognoscimus, nam eam inflationem facit quæ venter stimulat. Luteus color dicitur croceus, sed croceus color sicuti alij, propter graduum latitudinem cum maxima difficultate monstratur, alius enim color croci immaturi, alius maturi, alius integri, alius liquefacti : sed Plinius nobis vna via ingreditur cū vitellum oui luteum vocat:

pat, vnde & flores genistæ luteos dicimus. Agellius autem luteum colorē lucidiorē rufo narrat, & hac ratione quosdā non indoctos viros miramur qui sanguinis colorem luteum dicant. Ius iurisconsulti à iustitia dici autumant, quod mihi risum mouet: nam quod grammatici est, lex vsurpat, Ius enim si tantum iustitiæ opus indicaret, hæc deriuatio posset tolerari. Sed cū ius tam ad pulmentaria quàm ad leges referatur, vnde Iuuenalis,

-E eodem iure natantes,

Mergere ficedulas didicit nebulone parente:
 & Cornelius Celsus iurulentam carnem nominet, necesse est hoc vocabulum ab alio quàm à iustitia deriuari: & licet quædam sint de quibus ratio reddi non potest, tamen hoc habet deriuationis certam figuram, à iuuando enim dicitur: Nam sicut corpus nostrum iure iuuatur & nutritur, ita ciuitates quæ vt corpus coaluerunt legibus tanquam iure quodam aluntur & iuantur, ita vt ius corporis nostri cū de pulmentarijs, & ciuitatum cū de legibus dicitur, nutrimentum iuumentumque esse noscatur. Hibiscum de quo Virgilius,

-viridi compellere hibisco. quod Plinius decimo

decimooctauo Naturalis historiæ, à pastinaca gracilitate differre narrat, in cibis damnatum, sed in medicina vtile, pro quo aduertendum est, pastinacam satiuam esse grandem, vna radice quasi radio quodam aculeato contentam, sed fustis trigonica figura erigitur : sunt enim anguli duplici canali erecti, ad cuius similitudinem pisces Græci trigona, nos pastinacam vocamus : illi geometricam figuram, nos similitudinem huius simplicis inspeximus. Sed de pisce pastinaca audiatur Plinius nono Naturalis historiæ his verbis, sed nullum vsquam execrabilius quàm radius super caudam eminens trigonis, quam nostri pastinacam appellant. idem in eodem, nam pastinaca latrocinatur ex occulto radio transeuntes quod telum est ei figens. Et ideo improbamus nonnullorum medicorum inscientiam qui putauerunt hibiscum esse altheam, cùm in nullo conueniat : sed eorum error manauit ambiguitate nominis, nam quidam altheam euiscum nominât : sed aliud est euiscum, aliud hibiscum, pro quodam igitur infortunio illud Virgilianum dictum est, vt pecus ad tam vile pabulum compellatur, in medicina verò vt
iam

iam dixi vtile est. Plinius libro xx. cùm loquitur de pastinaca & hibisco in fine capituli ait Celsus: podagris quæ sine tumore sunt radicem eius in vino decoctam imponi iubet. Sed Cornelius his verbis vtitur libro quarto, maximèq; hibisci radicem ex vino coctam, sin verò tumor calorq; est, vtiliora sunt refrigerantia. decepti ergo iuniores medicos simplicium declaratores & nominis similitudo, cùm althea euiscum & pastinaca hibiscum dicantur, & quædam similitudo virtutis, quoniam althea axungiae admixta podagris prodest. Vulpes vt animal terrestre notum maximè est propter eius astutiam de qua Horatius.

*olim quod vulpes egroto cauta leoni,
respondit referam quia me vestigia terrent,
omnia te aduersum spectantia, nulla retrorsum.*

& maritimum animal id est piscis, vulpes ob astutiæ similitudinē dicitur, nam cum se hamo captam sentit non reluctatur vt cæteri, sed lineam vorat ex qua hamus pender vsq; ad eam partem qua facile perroditur, & eo modo euadit. Lepus marinus, & merula & turdus etiam pisces à similitudine coloris appellati sunt. Struma apud Latinos licet quidam fluctuent
in

in cognitione, dicitur omnis tumor in corpore humano aduentitius, sed cum duritia tam deformans quàm nocens: ideo & ad ceruicem, ad guttur & ad inguen, ad alas, ad pedes, ad scapulas interdum refertur. Plinius x x i i i i. historię Naturalis, parotidi & strumæ cum farina imponitur. idem x x i i. ad strumas cum pice & impubis vrina. in eodem, strumas & panos concoquit, cum fimo columbino & lini semine decocta in vino. & in Dioscoride strumaticus is est qui tumidiorebus cruribus est: & Cornelius Celsus in quinto optimè describit, cùm ait, struma quoq; est tumor, in quo subter concreta quædam ex pure & sanguine quasi glandulæ oriuntur. Quæ vel præcipue fatigare medicos solent, quoniam & febres mouent: sed cùm esum anguis strumaticis prodesse ex rusticorum auctoritate Cornelius referat, non dissentit omnino ab Auicenna Tertia quarti, qui in emplastris huius incommodi serpentem miscet, & in hoc maximè concordant: nam Auicenna dicit, scrofulas esse glandulas scleroticas, cùm autem à Catullo dicitur,

fella in curruli struma Novius sedet.

ee fern

eo sermone indicatur tumor superbiae & arrogantiae Nonio aduentitius, quia ædilis curulis erat, nouo enim magistratu tumefactus, & contumax alios contemnebat, & quoniam tumor spongiosus gutturosos aliquando reddit, ideo tumida ac superba verba habenti cum ex gutture exeant, tale nomen rectè accommodatur: Tumidos autem inflatos superbia dici & illud Lucani firmat,

Qualis fama canit tumidi sup æquore Xerxæ,
 Sæpe enim vt iam dictum est quæ sunt corporis animo tribuuntur: vnde in Suetonio, tres Iulias, tres vomicas, triâq; carcinomata Augustus dictitabat. Sed quidam imperiti cum strumulas diminutiue dicere debuissent decepti à Græcitate quadam similitudine scrofulas dixerunt, pro morbo, quod Auicenna Tertia quarti declarat, dicens, Et videtur quod non nominatur scrofulæ nisi propterea quod multum accidunt porcis, propter gulositatem eorum: aut propterea quod figura earum vt plurimum assimulantur porcis: sed hæc quæ dicit Auicenna ad Græcos, qui choeradas vocant, refertur, apud nos non nisi struma. de Nonio autem ædile, sic Boëtius in tertio de Consolatione,
 Num

Num vis ea est magistratibus vt vten-
tium mentibus virtutem inferant? & vi-
tia depellant? quo fit vt indignemur eas
sæpe nequissimis hominibus contigisse,
vt Catullus, licet in curruli sedentem
Nonium, strumam tamen appellat: stru-
mam igitur tanquam quoddam vitium
& probrum scelestum hominem nun-
cuparunt & Catullus & eius allegator
Boëtius, & sicut vitium illud omne ferè
corpus infestat medicósque fatigat, ita
Nonius non vitiosus sed vitium dicendus
est. Nam oculus mentis quemcunque
Nonij actum videbat admixtum esse, ne-
quitiam & prauitatem indicabat, ita vt
incurabilis sit, & si curetur, vt struma
repullulet. Euge est aduerbium blan-
dientis, cum exhortatione vera vel ficta,
vnde Persius,

*euge puer sapias dijs depellentibus agnam
percutite.*

& in Euangelio Matthæi,
euge serue bone & fidelis, super pauca
fuiſti fidelis, supra multa te constituam:
vtroque enim in loco exhortatio admi-
ſcetur, cum veritate ad reliqua exequen-
da: ideo Chrysostomus in eo loco inter-
pretatur, euge vt bene ſit tibi. Interdum
autem blanditiæ illæ fictam continent
exhor

exhortationem, & tunc est adulatio, unde idem Persius:

*euge tuū et belle, nam belle hoc excute totum,
Quid non intus habet.* & in Psalterio, auertantur retrorsum qui dicunt mihi euge euge, quod vt adulatorium à Dauide reicitur. Sors ignorantibus malum aliquid videtur significare, vnde & sortilegia damnauerunt, sed sanctis & doctis bonæ significationis est, ita enim Augustinus, super eo verbo sortes meæ, ait. Sors enim non est aliquid mali, sed est res in humana dubitatione diuinam indicans voluntatem, nam & sortes miserunt Apostoli, quando tradito domino Iudas periit, & sicut de illo scriptum est abiit in locū suum, Cœpit quæri quis in loco eius ordinaretur, electi sunt duo iudicio humano: sed diuino iudicio vnus: de duobus consultus est dominus quem nam ipsorum esse vellet, & cecidit sors super Mathiam, Sors igitur hîc est gratia Dei, qua sine meritis quem vult eligit: hætenus Augustinus. Simile est etiam apud poëtas,

*- & dictæ per carmina sortes, & illud,
Italiam Lyciæ iussere capefcere sortes,
& ita contingit, cū Tarquinij iuniores*

vna cum Bruto Apollinem consuluerunt, quis nam eorum regnaturus esset Romæ: responsum est qui prius oscularetur matrem, sed hanc diuinam voluntatem Brutus tantum intellexit. Error licet omnem beatitudinem subuertat, vt testatur Augustinus, cùm ait, Non erat talis istius vita beata quia quandoque defutura: & propterea non æterna siue id scirent, siue nescientes aliud putarent: quia scientiæ timor: nesciētis error beatos esse vtique non sinebat, attamen beatitudo & felicitas nō semper illam æternam felicitatem respiciunt, vt iam dictum est, sed in minimis miscetur, vnde illud Comicum, beatus videor, subduxi ratiunculam. Et felix in communi sermone etiam inferiora respectat, vt sis felix, & infelix vates, sic etiam more nostro error quandoque beatos felicēsq; efficit, ita vt ex falsa aliquādo persuasione, cùm homo sibi ipsi tribuit, quæ in eo nō sunt, nascatur gaudium & felicitas quædam, vnde Lucanus,

-populi quos despicit arētos

felices errore suo.

Borith de qua ait Hieremias. Si laueris te nitro, & multiplicaueris tibi herbam Borith maculata

es iniquitate tua, est herba fullonum, quam iuniores saponariam appellant. Sifer de quo Plinius. xix. libro loquitur, habet quatuor genera, & ab eo optimè describitur: quem tantopere Tiberius nobilitauit cum à Gelduba castello iuxta Rhenum posito efflagitauit: nunc in Germania & Vngaria est in maximo vsu: habet enim amaritudinem gratam, nam contusus & aceto immixtus prouocat appetitum: Plinius tamen erratico fiseri & exercitationem appetitus & fastidij abstersionem, & veneris stimulationem, & alia plurima tribuit, nares lædens, sed ipsi nomine ignorato vocant raphanum maiorem, & alij nasturtium: sed nec raphanum nec nasturtiū est, sed hoc inditum quia radix raphanū imitatur, cum folia sint diuersa & sapor accerimus ascendit, ideo crediderūt dici nasturtium, quod à narium tormēto nominatur, & in Moreto libello, vbi Simuli hortus describitur, de nasturtio dicitur, *quæq; trahant acri vultum nasturtia morsu:*

& de fiserè,

-vt maluæq; inuleque virebant,

Hic sifer & capiti nomen debentia porra,
est autē generis masculini, Plinius enim

tres siseres dicit : nascitur ergo locis frigidioribus, vt nos in nostris hortis habemus. Syrenes in poëtis sunt notissimæ, vt monstra maris sirenes erant, cùm meretrices pessimæ habeantur, nō igitur mirum, si Esaias Deo plenus ait. Sirenes & dæmonia saltabunt in Babiloniam, sirenæ etiam dicuntur serpentes in Arabia cum alis, quæ cursu equos superant : ita vt volare dicantur, vt ait Isidorus.

De aqua & medicina colicæ, & hoc nomine quis vel qui, & febre æthica.

CAP. XXVIII.



De aqua seorsum ab alijs elementis loqui institui, quoniam omnibus rebus in vsu quotidiano familiaris est, animantes enim hoc elementum præcipuè colunt, quo sine, viui non potest. Nam cùm vita, vt dictum est, sit consistentia per alimentum, & cibo potúq; alimur, aqua & cibus & potibus necessaria est, sicuti videmus: nam cætera siue corpora genitalia, siue semina rerum, siue prima corpora, siue materiam malimus appellare (his enim omnibus vitur Lucretius) concurrunt ad vitam : sed hoc præsto, præsensq; est : rectè igitur antiquo nomine

mine posthabito (lixa enim dicta est, unde elixare id est aqua decoquere, verbum manauit) aquam vocant, ut à qua viuimus teste Festo Pópeio: ita ut grammatici more suo ex præpositione & ablatiuo, nominis vocabulum fecerint, non sine ratione, nam hoc nomen, quis vel qui, que, quod vel quid multis gaudet priuilegijs, nam aliquando genere masculino, ut quis de utroq; sexu intelligitur, & plerunq; substantiui, ut, quid & sæpe adiectiui ut quod vicem gerit, Nam quid rei, & quod animal dicimus: Præterea omnibus generibus & numeris legitimè correspondet. Salustius in Catilinario, est locus in carcere, quod Tullianum appellatur. Idem in eodem, interea seruitia repudiabat, cuius in initio ad eum magnæ copiæ concurrebant, opibus coniurationis fretus. Cùm locus ibi masculini generis, & hic seruitia numeri pluralis sint, nam quod interpretatur quæ res, & cuius id est cuius rei magnæ copiæ concurrebant: & in sacris literis, cùm dicitur, benedicite aquæ quæ super cælos sunt Domino: admirationem constructio faceret, nisi quæ admiratiuè & non relatiuè dicerentur: ut si dicere-

tur, benedicite aquæ Domino, quæ: id est
 quales admiratiuè scilicet sunt super
 cœlos, quasi dicat, limpida & crySTALLI-
 næ, vt suprà de cœlo dictum est, & sic
 etiam Virgilius,

ò quoties & quæ nobis Galatea locuta est.

accedit ad hoc quod eius ablatiuus sin-
 gularis, id est & a, & o, terminatus primi
 & secundi & tertij ordinis sese ostentat:
 plurali etiã datiuo & ablatiuo astipulan-
 te, dicitur enim quis & quibus, & hac de
 causâ hypodidasclus quidã hũcversum,
non de ponte cadit quicum sapientia vadit,
 vt ænigma pueris scandendum propo-
 suit, eos quantitatis timore illaqueans,
 nam hæc præpositio cum ablatiuo sub-
 feruiens si sequenti iungeretur versum
 corrumpere: antecedenti autem ancil-
 lans mensuram non viciaret: nec no-
 men præpositionis officit: nam sæpe post-
 ponitur, vt,

-maria omnia circum, nec est admiran-
 da locutio, sæpe enim dicimus, qua de
 re, & in primo Aeneidos,

si qua fata sinant, & in Bucolico,

& si non aliqua nocuisses mortuus esses,

genere fœminino more pronominum
 sine substantiuo, vt mea tua sua nostra &
 vestra,

vestra, recté & Latine ponitur, quod minutissimi pueri nuper scholam ingressi vix ignorant, Sexus enim foemininus gratia foecunditatis in multis masculino praefertur, quæ ratio mouit vt nomina virtutum foeminina noscantur, vt prudentia: iustitia, fortitudo, temperantia, & etiam spes, fides, charitas vt foecundæ plurimos actus & honestos quidem pariant, nec etiam prætereundum est (cum Aristoteles de relatiuis dicit, non esse inutile de singulis dubitare) quæ relatiuum abiecta litera a, facere, que coniunctionem præcedentem syllabam ad se inclinantem cum quadam suspensione, vt si dicetur quicumq;, quæcunq;, quodcunq;, & alia huiusmodi, indicatur ex hac infinitate sermonis numerus alius, vt si dixero qui & addidero cum, & que loco præpositionis & sonabit qui & cum, scilicet additamento, vt latè declarauimus in commentarijs Virgilij. Sed his omisis ad aquam redeo. Lixa dicitur summa ratione aqua, vt ea res à qua viuimus. Nihil enim optabilius in alimentis animantium, nec magis necessarium ipsa aqua intelligitur, cum omnibus rebus interueniat: cibaria nanq; aqua coquun-

tur, & panis ipse hoc elemento præcipue indiget. Sed non omittendum quod ait Nonius, nam panis & pannus idem sunt, licet iuniores ex vno duo fecerint nomina, ita vt in pannis vestimentorum & panes esculentorum ad vsum sint, nam litera n, duplicatur more Latino, vt de Porfenna & Porfena dictum iam est, ita literæ congeminationo varietatem non facit, panis ergo & panus olim idem erant: nam in principio cum panem incœperunt latum, longum, tenuem ex massa farinacea fecerunt, ita vt pannus videretur, nam panni lati, longi, tenues sunt. Nam in sacris Roma. in quibus vetustas seruetur non nisi de pulte & fritilla sermo habetur, à pulte ergo ad panni similitudinem cibum formâtes, pannum vocitarunt, ita vt secundi & tertij ordinis confusio fieret, sicut gobio & gobius, scorpio & scorpius, scipio & scipius dicebantur: ita vt panos panes, & panes panos promiscue pronuntiarent, sed panes sine aqua minimè esse possunt, & panni vt lauentur & purgentur aqua indigent. Et cinis lixiuius nomen antiquum seruans, Lixæ nanq; cinis miscetur plurimâq; efficit, & inter cætera à mulieribus non

non negligitur, cùm omnia hoc cinere purgent capillúmque, rutilent. nam cum sit aqua crassior ad interiora non penetrat, sed optimè circa superficiem versatur & abluit: & capillus aqua tardius siccat, quàm si cinere lixiuio abluatur, sed quid multa de aqua, nam cùm tandemur, cùm lauamur, cùm vinum diluimus: sic enim Latine dicitur, in quo miramur nonnullorum ignorantiam, & maximè illius qui de ingenuis moribus libellum edidit, ibi enim dilutum vinum vocat limphatum, cùm limphati dicantur furiosi & dementes, Virg.

-totam limphata per urbem: limpha enim quasi nympa dicta est, vt visis imaginibus in furorem agantur, vt suprà dictum est, aqua igitur indigemus cum discumbere volumus, vt,

dant manibus famuli limphas: Plantæ, fruges, poma, nuces & omnia quæ viuunt, irrigationem aquarum exoptant, Sed aquæ cœlestes, quas pluuias alio modo dicimus, non sunt omnes eiusdem potestatis: pluuiæ enim in quibus Saturnus, aut Mars operantur humectant quidem sed non valde nutriunt: Iouis verò auxilio aut Veneris prouenientes, irrigant,

humectāt, alunt, ita vt annonam ampliorē faciant, sed cū Martem nominauimus in pluuijs, fortassis dubitarent quidam nisi scirent fulmen nunquam sine Marte aut Ioue fieri posse, & hoc in pluuiā & tonitru. Maiores autem nostri Ioui tantum fulmen tribuerunt, vt,

fulmina sub Ioue sunt: non tantum planetam respicientes, sed primum motorem & Deum cuius arbitrio fulmina descendunt: nam quo ad causas cælestes Mars quoq; fulmineus est. Aquam fontanam ac fluuiatilem & pluuiam medicina extollit, diuerso tamen effectu: nam cœlestem stipticam putat. Aqua autem laudabilis debet esse limpida sine sapore & odore leuis, & ob hanc causam stagni aut paludis humor immobilis damnatur: Fontanus verò & fluuiatilis commendatur, ille enim grauis pigérq; hic autem leuis & cursu exercitatus saluber est: hinc est quod viuam aquam probamus, viuam autem dicimus quæ in decursu mouetur, & exhauriri non potest, nam si aqua non fuerit perennis, fons siccatur, & hoc modo interit. Lacunæ igitur & stagni & paludis & cisternæ humor non dicitur rectè viuus, ex se enim non mouetur

uetur & ultimo fini est obnoxius, nam si fontanam aut fluuiatilem, aut pluuiam aquã incluseris adempta vita, id est motu perenni, non amplius viuas nuncupabis, quanquam salubres sint, nam vt dictum est currentium perpetuo riuorum viuos liquores appellamus, Sed si de aqua puteorum dubium occurreret ab beatoq; Augustino soluetur, cùm dictum Euangelij exponit: ait enim omnis fons puteus, vbi enim aqua de terra manat & vsui præbetur haurientibus fons dicitur, sed si in pròptu & superficie sit, fons tantum dicitur, si autem in alto & in profundo est, puteus vocatur, ita adeò vt puteus profunditatis & non aquæ stantis nomen esse videatur, fontis nomen non amittit, hætenus Aurelius Augustinus. De fluminibus autem cùm loquimur, scimus illa quoq; è fontibus manare, Imò fluuij plerunq; à fontibus nomen habent, Iordanis de quo Dauid, Iordanis conuersus est retrorsum, vario modo ab autoribus tractatur. Plinius nanq; libro v. Naturalis historiæ ait: Iordanis amnis oritur è fonte Paneade qui cognomẽ dedit Cæsareæ, & paulò pòst, Trachonitis Paneas in qua Cæsarea cum supradicto fonte:

cx

ex cuius verbis vnum fontem esse Iordanis principium coniectamus: at Iudæi quibus hæc magis familiaria sunt propter patriam, de autoribus loquor, nomen Iordanis à duobus fontibus deriuatum aiunt, hoc est Ior & Dan. Sed non omittendum est quod de aqua traditur, philosophi nanq; frigidam grauiorē calida aqua tradunt, & in decursu acutius fufurrare etiam si ex eodem foramine fluant: quapropter in quibusdam Italix fontibus deprensum est aquam manē altius scaturire velociusq; quā meridie currere: noctu nanq; frigus nocte celerius deorsum mouetur tāquam grauior, cū meridianus calor aquam temperatiorem rarioremq; ac leuiorem reddiderit, & ob hanc causam quæ in meridie fumitur siue feruetur, ad vsum erit salubrior ea aqua quam matutina hora tribuerit: Leuitas enim in aqua laudabile signum est: vinum enim & aqua sunt vehicula cibariorum, plurimumq; in alimentis suffragantur: Quanquam aqua propter sui frigiditatem minimum quid præstet, vt ex sententia Auicennæ Secunda Primi coligimus, præsertim cū peritissimorum medicorum sentētia sit nemi

neminem posse aqua nutriri, quod nisi bene intelligatur falsum est, quoniam cùm cibaria vehit plurimum auxilij in nutriendo præstat, sed si de ipsius aquæ substantia intellexerint, non omnino dissentio: Aqua nanq; colore, odore, sapore spoliatur, nisi viriata sit. de colore oriri posset dubitatio nisi vnus & eiusdem aquæ quantitas eum variaret: nam cùm multa profundâq; est, nigricat, mediocris verò & non profunda glauca, ceruleâq; apparet, & vt magis huc quàm illuc accedit, ita & coloris fit variatio: de natura igitur sui est omnium colorum expers. Sed à terra aut harena super quam labitur plerunq; coloratur, vnde apud Lucanum puniceus Rubicon quem Cæsar pertransiuit dictus est. Ab aqua verba quoq; descendunt: vt in libro Geneleos adaquauit camelos, & Virg.

-sub mœnibus vrbis

aquantur, de his satis. Iam ad potum aquæ redeo, ait enim Flaccus, omnia Deus dura proposuit aquæ potoribus, quod ratione non caret: aqua enim frigiditate sui, cùm bibitur, tristem iracundumq; reddit, vt testatur Auicenna, Tertia decima tertij, nam sicuti potu vini

exhi

exhilaramur, ita bibitione aquæ in merorem tristitiâmq; resolvimur, quod nec Martialis tacuit cùm ait,

Me incunda iuvant tractæ per pocula noctes,

Tu properas pota surgere tristis aqua,

Accedit etiam quòd ingenium hebetat, quia infrigidat. Virg.

frigidus obstiterit circum præcordia sanguis,
quod vini calor exacuit, vnde Horat.

Ennius ipse pater, nūquā nisi potus ad arma,

Profiliit scribēda vnquā nisi potus Homerus.

& alibi,

Laudibus arguitur vini vinosus Homerus:

Quid autem vinum operetur certum est & carmen Ovidij declarat quod huiusmodi est,

Vina parāt animos faciuntq; coloribus aptos.

Cura fugit multo diluiturq; mero,

Tunc veniūt risus, tūc pauper cornua sumit,

Tunc dolor & curæ rugaq; frontis abit,

Tunc aperit mentes ævo rarissima nostro

Simplicitas, artes excutiente deo.

Hæc igitur quæ vitam iucundissimam præstant, ex vini potione nascuntur, non igitur admirationi dictum Flacci nobis erit, cùm omnia dura pоторibus aquæ Deus proposuerit. Sunt igitur aqua & vinum diuersorum effectuum, in vno

tan

tantum concordant, nam cibum vehunt, vinum etiam si diluitur aut miscetur colica laborantibus periculosum est testimonio Auicennæ: Merum autem & purum fugat colicam, quam mixtum & dilutum vinum generat: vnde his qui merito vino læduntur vtilius est si colicam timent, purum vinum sumere, deinde puram aquam bibere, & hoc pacto non nocebit: nam mixtio causa est, vt inflatio crassa generetur in intestinis, quæ huiusmodi incommodi origo est, sed aqua ex se non tantum potest, vt inflationem crassam immobilémq; producat, sed à vino adiuta illud efficit: vini enim meri vis est inflationes discutere, sed aquarum commixtione meri natura debilitatur, rarefaciens enim aquam, vnde inflatio prouenit, non eam habet potetiam aquæ impedimento irretita, indiscussam inflationem relinquit, & inde oritur colica passio, hoc autem verum esse inter cætera mōstrat vinum maximè dilutum, non tantopere efficere, sicut mediocriter mixtum: Huic incommodo philonium vt diximus subuenit, quod nūc Romanum vocant, non sine ratione, Romani enim ciues facti sunt à Pompeio Cilices, vnde
Phil

Philon Tarsensis, Quod & Lucanus tetigit:

An melius fient piratae Magne coloni,
 Aquæ portione tantum, ut iam scimus à
 Celsio Felice primo ardentissima febris
 expulsa est. Sed in spasmo ex sententia
 Auicennæ Quarta quarti potum aquæ
 frigida prohibemus, eius enim frigiditas
 spasmodum auget sicuti caliditas dissoluit
 & minuit. In tumore tabis quæ Græcè
 phthisis dicitur: ex huius doctissimi
 viri sententia potus aquæ largusq; comestio
 non inhibetur, Si febris æthica comitetur,
 quæ nomen ab ardore sortita, æthon enim
 incendium dicitur, quo etiam nomine vnus
 ex equis qui quadrigam Solis, more poëtico
 trahunt, nominatur in secundo Metamorph.

-Pirous Eous & Aethon

Solis equi quartusq; Phlegon, maximus
 enim huiusce febris est ardor, sed propter
 inueteratam consuetudinem, ita sentitur,
 sicuti in tertiana, aut hemitritico: huius
 igitur febris incommodo aqua subsidium
 præstat, incendium namq; refrigeratione,
 & tabes atque consumptio instauratione
 indiget, quam copiosior victus accommodat.
 Dionysius enim
 Syra

Syracusanus de quo multa feruntur, cum ex cibo parco iam tabesceret, cōsilio medicorum ad consuetas crapulas, quas Latine vexationes dixerunt veteres commestationes ve redijt. Aqua igitur levis, limpida, fontana in vsu cotidiano sumatur: alioquin decocta uti necesse erit. Sed quo pacto vtendum sit, audiantur Plinius & Auicenna, ille enim x x x i. Naturalis historiæ. Neronis principis inuentum est decoquere aquam, vitroq; dimissam in niue refrigerare, ita voluptas frigoris contingit sine vitijs niuis, omnem autem decoctam vtiliorem esse conuenit: Auicenna verò tertia primi ita ait: Completionibus temperatis aqua conueniens est, quæ in frigiditatis fortitudine temperata existit, & cuius in frigidatio in niue deforis fit, præcipue si nix mala fuerit & in niue etiam mali huiusmodi est dispositio, quoniam quod ex ea resoluitur, neruis & membris anhelitus nocumentum facit & omnibus interioribus, neque tolerat eam nisi vehementer sanguineus, quod si non illico alicui nocumentum fecerit, secundum longitudinem dierum faciet, cum in annis processerit: hæc autem de aqua seu lixa seu limpha dicta sufficiant, non

enim tale elementum silentio prætereundum putauit.

De Luna & Mari quod vicissim crescit & decrescit, & de negotijs felicibus aut aduersis, de errore Plinij in Luna, de magnitudine Solis, & cur dies à meridie apud mathematicos incipit. CAP. XXX.



LAM mihi peropportunum videtur facta de aquis mentione de eo planeta loqui, qui aquam mouet ac moderatur, hæc autem est Luna, nam unicuique diurnum maris cursum intuenti apparet. Lunæ cursu variari, ita vt crescat aut decrescat. Crescit enim mare tandiu quoad hic planeta ab horoscopo ad medium vsq; cœlum tetendit: eo enim spatio aqua maris rarefit, & vt consequens intumescit & hoc pacto fit altior, & crescit: non enim illud incrementum fit aliquo aquarum additamento, nam vt in ahenis subiectis flammis aqua bulliendo augetur, ita calore subtracto in se ipsa residet & incrementa cessant: sic maris aqua densatur redditq; in se Luna à medio cœli ad septimum vsq; locum ab horoscopo descendente, & ab hoc ad imum cœli eunte, rursus, vt ita loquar, ebullit & rarefit: à quo

quo loco ad horoscopus cum mouetur: efficit Luna ut iterum aqua densetur ac resideat: ita quod quater die nocteq; varietas hæc reciprocatur, & ut paucis abfoluamus, sex horis primò crescit, deinde totidem decrescit: iterum eodem numero horarum incrementum accipit, & tandem eodem spatio refidet: ita ut spatio quatuor & viginti horarum has vicissitudines peragat. hoc autem non contingit in omni mari. Mare enim inferum, vbi Genua est, nullum incrementum aut decrementum monstrat, quoniam aqua illius maris ita glutinosa est, ut non possit adeo rarefieri ut crescat, sed hæc quæ dicimus ad freta & maria particularia spectant. Cum autem totam aquæ massam, ut ita loquar consideramus, alius est ordo, de quo aliàs: nunc verò satis erit dixisse. Etiam incrementa aquarum non semper esse æqualia: plus enim & aliquando minus incrementum aut diminutionem sentiunt, hoc autem propter aliorum planetarum subsidia accidit: nam si Luna fortunatis planetis Veneri vel Ioui iuncta fuerit, in signis ærijs quæ inflât, vel aqueis quæ augment aquam maximè aquas mouebit: sed si ab infortunijs, ut Marte & Sa-

turno opprimatur, vis eius conflaccescit, minúsque mouet, & sic etiam Luna roboratur, aut debilitatur, prout ab alijs planetis felici aut cōtrario aspectu fulcitur. Sed totam aquæ massam mouet octaua sphæra, sexagesimo quoque anno vna parte, vt tradunt iuniores mathematici ita vt longo temporis spatio mare sit futurum vbi nunc est terra, & è contrario, quod experimento cognoscitur: nam aræ Alexandri Magni sub linea eclyptica in oriente cū in sicco essent positæ vt aquarū termini: nunc ferè duobus millibus passuum ab aquis maritimis operiuntur, ibi enim mare octauæ globi vim sequens creuit: & Gades Hercules sub eadē linea eclyptica in occidente existentes pro aquarum termino assignatæ, iam à mari distant, suntque in sicco totidem milibus passuum, sed de hac re aliàs latius. Volui enim hæc pauca inseruisse, ne ex abrupto aquas & Lunam nominauerimus, propter illud puerile prouerbum quod in Italia Transpadana apud rusticos in vsu est, aiunt enim, cū præter rem propositam loquitur quis, interrogantes quid rei est cancris cum Luna? nescientes humorem in eis & augeri & minui vt Luna crescit aut decrescit;

conchi

conchilia enim inter cætera Lunæ varietatem sentiunt, nam cum crescit, in rebus humor augetur: & cum decrescit, diminuitur: hinc est quod materiam ne redini sit obnoxia, quam nimis humor vna cum carie generat Luna ad coitum tendēte (Luna cum interlunium est, tunc enim filet) succidunt. His tractatis ad Lunam redeo, quæ aquam agit & pauca dicemus: quoniam cum sit nobis proximior cæteris in actibus humanis plurimum operatur, ut in cædendo ligno, in plantando arbusto, & in omnibus ferè se intermiscet. Sed vnum aduertendum est, ut ordine progrediamur, diem mathematicè initium habere à meridie: exempli gratia, capiamus Calēdas Martias, in meridie Calendarum Martiarū incipiet primus dies Martij, ita ut illud quod meridiem eius diei præcessit est pars vltima mensis Februarij, Mensis Februarius igitur finitur in meridie Calendarum Martiarum, & sic de ceteris & diebus & mensibus dicendum est, ita ut quilibet dies, id est lux in duas secetur partes, prima siquidem quæ est ante meridiem antecedentis diei, & secūda post meridiem subsequēntis diei sit. Sed hic modus manauit.

ab Etruscis : diem enim illi eruditissimi populi in meridie illius diei incipiebant, ita vt aurora Etruscorum nō manē apud solis ortum sed ante meridiē censebatur: tunc enim dies apud eos habebat ortum, & secundum hoc Etruscorum dogma, poëta Verg. in sexto Aeneid. locutus ait,
*Hac vice sermonum roseis aurora quadrigis,
 Iam medium ethereo cursu traiecerat axem.*
 ubi Seruius ait secundum Etruscos diei ortus est à sexta diei hora : ortus diei habet auroram à sexta diei hora, de planetaria intelligens, sicut declarauimus. Sed dicerent nonnulli, qua ratione & Etrusci & mathematici diē à meridie potius quàm ab ortu solis inchoent, & quidam ex iunioribus, vespertinum ortum & occasum (Græcè chronicum vocant, sonat enim temporarius) nō ineptè dixisse apparent, nocturnum enim tempus cū stellæ apparent inathesi ad discernendas siderum varietates idoneum accommodatūq; est, nam die præsentia solis omnia offuscat, sicut fit vt maius lumen semper offuscer minus. sed ad id reuertor quod proposueram de diei principio in meridie, pro qua re memoriter tenendum est, omnes planetas omnesq; stellas moderamē à sole fortiri,

fortiri, imo vt acumen mathematicum apprehēdit, luce carent omnes, nisi à sole fuerint illustratæ, hinc est quòd defectū, id est, eclipsem patiuntur, quæ quidem inter cetera planetarum sublimitates maximè indicāt: Saturnum enim Ioue altiorē, proximiorēq; cœlo stellato esse iudicamus: quoniam Saturnus tunc deficit, eclipsemq; patitur, cū stella Iouis interponit se inter aspectum nostrum & stellam Saturni, & sic de ceteris. Luna verò, vt omnibus apparet lumine carēs, plurimum aliquando, & tunc plenilunium: nonnunquam parum aut nihil à Sole illustratur, vt ipsa Lunæ varietas nobis ostendit ex Solis aspectu: nam cū in vmbra terræ descendit tota deficit, quod Plinius inscitiam arguit, nisi sit menda, ait enim Lunam esse maioris quātitatis quā terrā, quod dictum si veritatem contineret, nunquam posset tota deficere, quoniam amplitudine sui superaret vmbrae terræ latitudinē, sed forsitan mendosus est sicuti in multis reperitur. Sol igitur solus lucem habens cætera illustrās sidera, hoc nomen apud Latinos meruit, vnde Martianus Capella. Solem te Latinum vocitat, quòd solus honore post patrē sis lucis

apex: ita vt Deo primum splendorem & luminis fontē tribuat, & inter creata Sol solus dicatur lucere: quanquā Manichæi, quorum Fauſtus ille cōtra quem Auguſtinus ſcripſit cuius liber incipit, Fauſtus ingenio callidus, eloquio ſuauiſ, ſecta Manichæus, patria Leberitanus, nouerā ego hominem. hic igitur Fauſtus ex dogmate Manichæorum, Solem vt Dei ſplēdorem colēdum cenſet. Cuius quidem Solis magnitudinem Ptolemæus tantam eſſe ait, vt centenſ ſexagenſ & ſextus terræ ambitus vix eum æquet. Sol tanti ſplēdoris tantq; magnitudinis, oculus mundi formēsq; rerum non iniuria dux princēpsq; aliorum eſſe narratur: nam ab eo initium anni ſumimus. Nam cū primam arietis minutiam ingreditur, tunc annus incipit, ſed eius ingreſſus eſt, circa meridiem in medio ferē Martio, & ſic circa meridiem mediūmq; Aprilem taurum intrat, & ſic de cæteris dicendū eſt. ſed quoniam partes ſiue gradus, vtroq; enim nomine Ptolemæus vtitur, ſigniferi ſunt trecentæ & ſexaginta non valēs ſol vno die (nunc voco lucem & tenebras diem) vnā partem pertransire neceſſe eſt, vt totum zodiaci circuitum tricenſ ſexagenſ quiniſq; & quadr

quadrante vnus, diebus annum expleat, exceptis tamen à numero horarum vndecim ferè minutijs: nam quadrans ille non continet reuera sex horas integras: & propter hanc rationem necesse est, vt si hoc anno in meridie Iduum Martiarum sol ingressus est primā arietis minutiam, sequenti anno vt ad locum vnde primo discessit reuertatur, numero dierum & horarum cōputatis, vicesima quarta hora vt more nostri horologij loquar ad initiū arietinum perueniat, & sic non erit in meridie, sed post occasum illius diei anni principium. tertio verò anno sexta hora noctis, & quarto duodecima hora noctis, quinto verò anno ad meridiē reuertetur, & ideo finitis quatuor annis cū quintus instat intercalatur, cū Februario vnum diem addimus, vt sol rursus ad naturam reuertatur, vt in meridie initiū anni capiat. Sicut igitur sol meridiano tempore initia signorum capit, ita omnium planetarum cursum ad meridiem illius diei mēsuramus, Sed illud quod quidam acutissimi Mathematicorū, de origine mūdi commenti sunt apud me in ambiguo est. Aesculapius enim & Anubius primi illi ac Diui astrologi genitū mundum credi-

derunt, Sole x v. gradum Leonis tenente, quod falsum esse experientia docet: nam à quocunque signo initium anni capias, non respondet enuntiatorum veritas, nisi in ariete, vnde poëta Vergilius rectius de origine mundi sensit.

—Ver illud erat, ver magnus agebat

Iupiter. sed à quibusdā doctis adijcitur verno tempore mūdi creationem fuisse, quod habuit naturam autumnui, nam non flores sed matura poma arbores onustas, & non oua sed gallinas, nō pueros sed robustos, vt Adam & Euam creatos in principio aiunt. Sed hæc more quorundā qui Platonē imitantes genitū mundum fuisse referunt. at Aristoteles & schola Peripatetica, vt suprā dictum est, cœlo & astris perpetuitatē tribuunt: nam illa Aesculapij & Anubij sententia, etiam alia ratione falsa esse conuincitur, quoniam in eadem mūdi genitura Venus locatur in x v. parte libræ, & Mercurius in toridē partibus virginis: quod si ita esset, Venus per duo signa distaret à Sole: nā eum in x v. leonis locauerūt, quod est impossibile, nunquam enim Venus duobus signis à Sole abesse potest. Sol igitur vnus anni spatio x i l. signa percurrit. sunt autem hæc: Aries, taurus,

taurus, gemini, cancer, leo, virgo, libra, scorpius, sagittarius, capricornus, aquareius, pisces, & hæc eadē Luna spatio menstruo pertransit. Sol diebus ferè triginta signum vnum, & Luna sexaginta horis æquinoctialibus peragūt. sed cū ad Solem venit in coiru, & combusta est, sed vt diximus suprà, ratio dierum habenda est, nam si horum planetarum cōiunctio ante meridiem Calendarū Martiarum, ad Februarium: si autem post, ad Martium spectat, & sic de alijs mensibus dicitur, nam multi falluntur in denominatione Lunarum, cū Martiam aliquando dictitent, quæ Februariaria est. sed gratia exempli fingamus cōiunctionem post meridiē Martiarum Calendarum factam, tunc in meridie sequētis diei erit prima Luna & sic deinceps: Primus igitur Lunæ ortus erit à meridie Calendarū Martiarum, vsq; ad meridiem sequentis diei: secundus verò ab istius diei meridie ad tertij meridiē, tertius verò ortus in meridie quarti, quartus verò in meridie quinti diei, & hic dicitur ortus quartus, qui tantopere in prognosticis obseruatur, vnde Vergilius:

Sin ortu quarto (nanq; is certissimus autor)

Pura nec obscurū, per cælum cornibus ibit

Totus,

*Totus, & ille dies & qui nascentur ab illo
Exactum ad mēsem vento pluviaq; carebunt.*
pura tunc est cū nubibus non obfusca-
tur, & cornua non sunt obscura cū lu-
mine nativo & proprio lucent, at si cor-
nua Lunæ rubent ventos, si pallent plu-
uias, si al bent serenitatem indicant, &
hinc versus ille manuit:

Luna rubēs sufflat, pallens pluit, alba serenat.
Vnum tamen memoriter tenendum est
quod iterum atq; iterum reperēs moneo:
prognostica in quacunque facultate esse
fallacia, sed vt plurimū vera sunt, nam
in medicina Cornelio Auicennāq; testi-
bus sæpe visum est, plurimos euasisse pe-
riculum mortis, quos morituros progno-
stica demonstrabant, & è contrario. Luna
igitur initium capit ab illo signo vbi erat
Sol, cū fuit in coitu, & quia semper va-
riatur nunquam in eadem forma consi-
stens, ideo numero pluratiuo dicimus: vt

-Lunasq; sequentes,
cū in cæteris planetis, numero tantum
singulari vtamur, sed cū Ouidius,
solibus hibernis æstiu dulcior umbra
dicit: de caloribus radijsq; eius intelligit.
Luna igitur cæteris nobis vicinior maxi-
mos & manifestissimos effectus monstrat
in

in terris, quapropter vtilissimum erit eius statum sedémq; intelligere, quoniam pro vtilitate signorū humanos actus variat. Signa enim diuersas obtinent habitudines: nam aries, leo, sagitarius ignea: taurus, virgo, capricornus terrea: gemini, libra, aquarius aëria: cancer, scorpius, pisces aquatica signa sunt. Cū igitur Luna in ariete signo orientali calido siccoq; masculino ac igneo fuerit collocata orientem versus, iter arripere, in operibus igneis operari, vt si quis calcarias aut lateritias fornaces incenderit, in brachio sanguinē minuere, balneum intrare, quod cito finem habeat incipere, bonum laudabileq; est: sed è contrario caput lauare, barbam tondere, cucurbitas illi apponere, è naribus sanguinem prouocare, nouam nuptam ducere, domū aut oppidum fundare, è carcere eximere, prædia emere, & instrumenta emptionis facere, prælia incipere, & illa omnia initiari quæ diu durare volumus, tunc prohibemur: est enim aries signum mobile et instabile: nam medicinæ eo tempore acceptæ, parum aut nihil operatur, quoniam nausea cum vomitu subsequetur: Aries enim inter ruinantia numeratur, ruinare autem est cibum

cibum ad os reuocare, & hoc quod dixi non modo in hoc signo, sed in ceteris ruminantibus solet accidere: sunt autem ruminantia, aries, taurus, capricornus, & ultima pars sagittarii, in quibus cum Luna fuerit, motus in stomacho cum tumultu ex medicamentis nauseam vomitumque præstabit: Luna autem cum taurum fixum, fixum, frigidum, siccum, meridionale, melancholicum, terreum, foemineum occupauerit, agricolationem exercere, ut ferere, arare, occare, fodere, sarrire, pastinare, plantare arbores, citò enim crescent diuque durabunt, boues emere, equitare, in materia aut lapide operari, fundamenta ædificiorum iacere, vxorem ducere, & omne opus duraturum incipere, laudabile vtileque erit. Sed collo, lingæ, gutturi medicamen apponere, ad pugnam exire, bellum quod citissime finire optamus incipere, comam incidere, nouas vestes induere, cum mulieribus aliquid in colloquio tractare, principes adire vetamur. Cum geminorum signum Luna possidet, quod bicornium, occidentale, ærium, sanguineum, masculinumque est, amicitiam inire, concordiam quærere, litigantes pacare, matrimonia tractare, sed non

concl

concludere (hoc enim signum fixum ex-
postulat) ad bellum proficisci vel clariga-
tionē facere, hoc enim est belli initiū, fe-
liciter possumus, vnde non immeritò hoc
signum Castore Pollucēq; cōstare poētæ
sunt: nam militares habiti sunt, & tan-
ta beniuolentia iuncti, vt illud dicatur,

Si fratrem Pollux alterna morte redemit.

Sed brachium pro detrahendo sanguine
tangere, aut præsegrina vnguium face-
re, manibus aut brachio, aut lacerto, aut
cubito vel radio medicamen emplastrāq;
apponere periculosum est, aut ne multū
sanguinis exeat, aut membra, & ossa quæ
tetigimus, debilitētur, ita vt vel moriatur
homo, aut mancus fiat nisi alij felices aspe-
ctus adfulserint, vt in sequentibus decla-
rabimus, sed in hoc signo Luna calidita-
tem & humiditatem, aurāq; leuem præ-
stat, tūcq; bonum est portum pleno velo
exire, nisi sit illud itineris principium,
nam iter incipere Luna in geminis exi-
stente est absurdum, nam iter incipientes
aut ægrotabunt, & forsitan morientur in
itinere, & si cōualuerint periculosum est,
ne morbi recidiui fiant: nam recidiuus
morbus dicitur sumpta trāslatione ab ar-
boribus quæ cū cæsa sunt repullulant,
nec

nec vnquam ad hominē vt imperiti medici abutuntur pertinet, & ideo Vergil.

et recidua meis posuiffem Pergama Teucris.
 Si autem quis effracto carcere, aut vinculis exemptus fugerit, iterū capietur. Bonum tamen est in hac constellatione portiones sorbitionésq; medicas bibere. Si verò cancrum signum tropicum, septentrionale, frigidum, humidum, aqueum, phlegmaticum, quod eius domicilium est Luna tenuerit, ad plagas septentrionales mercandi gratia proficisci, ad prælium ire, opera quæ ad aquam spectant, moliri vt molendinum, aquæ ductum, riuulos ducere, medicamenta fumere optimum est, lætatur enim l'hoëbe, vt more poëtico loquar, maximè cum domiciliū proprium habitat, lætatur humiditatibus redundās, opera facienda ad finem vsq; deducens. Sed pectori medicamina applicare, domos ædificare, matrimonia concludere, nouam habitationem aut prædium occupare, & omne opus quod igne indiget facere, & quæ durare diu volumus machinari penitus prohibemur: nā mobile signum, tempestatem frigore humoréq; horridam ex signi natura tribuit: nisi vt diximus & dicemus, alio prohibeatur
 aspect

aspectu, hoc enim semper intelligendum est: vestimenta verò noua induere, naues, cimbæ, lyntres, rates in aquas deducere, puteos aut fodere aut purgare: oues aliâq; pecora & iumenta emere, camelopardalim quam feram ouem dicimus, ex eo quod ferum aspectû, mitémq; naturam habet, ita vt ab aspectu feritas, & à moribus mansuetudo noscatur, tractare mella, cibos adipésq; parare vtile est: sed cauendum virginem in vxorem ducere, debitum exigere, principû amicitias quærere, plantare: hæc enim omnia si tunc fient malum sortientur euentum. Cancrum sequitur leo signum fixum, orientale, calidum, siccum, biliosum, vt aries masculini sexus, in quo si Cynthia id est Luna versabitur, reges adito, opus igneum exercitato, domum aut oppida fundare caueto, aurum aut emere aut mutare: pannos crocei coloris, matrimonia firmare penitus fugito: Iter longum ne incipias, nouas vestes ne incidas aut induas, quoniam huius cōstellationis nequitia aut egrotabis, aut morieris, aut occideris, aut furto vestimenta amittes, aut nūquam aptè corpori membrisq; adhærebunt, & si medicinam sumpseris nau-

seam patiens eam cum sanguine euomes. Medicamenta autem cordi, aut iocinori, aut stomacho, aut præcordijs, aut intera-
neis applicare pessimum profectò est, sed in hoc signo Luna tempus calidum humidumq; efficit, seruos aut ancillas, pedissequasq; emere, debitum exigere matheseos disciplina permittit, vetat tamen naues in aquam deducere, latera aut dorsum medicare. Luna aliquando Endymionis amore correpta, vt poëtæ fabulantur, hic enim primus mathematicus naturam eius calluit, in virginis signo versatur, quod biforme est, constat enim humano corpore, alisq; volucrum: talia enim sunt omnia Mercurij domicilia, propter eius varietatem, bicorporea enim sunt, sicuti de geminis apparuit. Nam & hoc & illud Mercurius vt domicilia sibi vendicat, cùm igitur Luna in hoc signo fuerit, quod frigidum, siccum, terrenum melancholicum, foemineumq; esse constat, ferere, plantare, pastinare, telas ordiri, scribere, operaque terrea aut cretacea, vt lateres, vasa fictilia fingere optimum putamus, aduertendum tamen est in signis duplicibus, vt sunt gemini, virgo, sagittarius, pisces, ratio demonstrat,

vt

ut quæ germinare, aut ex plantatione pullulare volumus, propter duplicē signi figuram bonū esse parari: vxorem verò virginē ducere, Luna virginis, signū possidente Matheſis prohibet: quoniam aut erit ſterilis, aut perpauca pariet, viduam autem aut corruptam ducere permittit. Ad ſeptentrionē iter capere, vmbilicum, ventrem, aut pantes, inteſtina, lūbos aut renes medicare nō eſt omnino laudabile, ſed nouas veſtes induere: aut incidere, ſanguinem quoq; minuere probatur, aērē frigidū ſiccūmq; vētos nubeculāsq; humiles, aut ſine pluuiā aut humectatione minima hoc in ſigno Luna demonſtrat. Libra poſt virginē cūm Lunam ſuſceperit quid portendat in promptu eſt, iam plurimis declaratis: eſt enim ſignum æquinoctiale, occidentale, calidū, humidum, aëriū, ſanguineum, maſculinū hominem celūmq; diuidians, vertebraſ enim in ſui poteſtate cōtinet. Eratolim Italiæ ſignū: vnde Manilius Aſtronomicōn lib.

Hesperiam ſua Libra regit,

pro quo nonnulla, gratia vtilitatis inferam: Sub aliquo ſigno vrbes vel locus dicitur eſſe, cūm in fundatione vrbiſ & loci illud ſignum fuit in horoſcopo, exem-

pli gratia, cū primus lapis iactus est pro
fundatione vr̄bis Romæ tunc leo ascen-
debat, hoc est horoscopabat, signum igitur
Romanæ vr̄bis, sub quo dicitur esse,
erit leo, & cū ager sequatur fatum vr̄-
bis, & tota Italia tanquam ager vr̄bi Ro-
mæ subiecta fuerit, fatum vr̄bis tota Ita-
lia sequens, sub signo leonis esse cense-
tur: sed ante Romanę vr̄bis foundationem
erat libra: nam siue à natura loci, siue ab
aliqua principalis vr̄bis foundatione ha-
buerit, certissimū est Solem ac venerem
in Italia plurimum dominari, quoniam
sunt domini horoscoporum, vt Sol leo-
nis, Venus libræ: Nam huic regioni in
cæteras nationes imperia nondum fata
negarunt, & promiscuus coitus, & popu-
lorum multitudo, quæ venerat sunt, ab
initio fuere, hinc est quod iuniores Ma-
thematici, antiquitatis penitus obliti in
prænuuntiatione futurorum ex genitu-
ra anni plerumq; falluntur: Sol enim
claros nobiles imperiorum regnorum-
que possessores cum splendore famæ
efficit, & Venus multitudinem populo-
rum & ciuitatum ornatarum, nec non
pulchrorum apparatusum mūditiis ope-
ratur, non immerito igitur poëta Ver-
gilius

gilius in laudibus Italiæ inquit,
Adde tot egregias vrbes operumq; labores,
tot congesta manu præruptis oppida saxis.

Hoc volui inseruisse, ne posthac iuniores Mathematici amplius hac in re corruât, ad rem igitur nostram reuertamur. Luna in libræ signo existente, ad orientem mercandi gratia proficisci, sanguinem miquere, omniâq; incipere quæ citò debent terminari, nouas vestes aut incidere, aut induere, pannos albos emere, margaritas, vniones, gemmas & res omnes candidas, & equos albos emere, & mundum muliebrem vt perichelides, annulos, redimicula, in aures vasâq; cristallina comparare, medicas potiones adsumere laudabile est. Sed cauendum est ne tunc opus quod duraturum optamus incipiamus, instrumenta emptionis aut societates facere, principes adire, vertebra: lumbos & inferiora ventris, vt pectinem medicare vetamur. sed non est obliuioni tradendum, libræ signum sicut cætera in tres decanos diuidi, quos iuniores vocant facies, Primus decanus cum sit Lunæ, est iustitiæ, iuris, æquitatis, & veritatis, omnia enim æquo libramento pensantur, ab hoc enim illa vis iustitiaria,

A 3 quæ

quæ Italiam præ cæteris regionibus or-
navit, volumina enim maxima legum à
Romano imperio ac imperatoribus in
alios populos defluxere, & poëta Virgi-
lius de Italiæ populis ait,

-equosq; faliscos,

& Romanorum illa sunt æquitatis infi-
gnia, cùm sæpenumero miserorum op-
pressorumq; causa liberandorum accer-
rima bella gesserunt, & inter nomina
propria Urbis quæ celata sunt, vt dixi-
mus Luna connumeratur. Secundus ve-
rò huius libræ decanus Saturno addici-
tur, qui est quietis vitæ, tranquillæ, tutæ,
& securæ: & talis qualem in Georgicis
poëta narrauit: nam ait,

Rusticus & curvo Saturni dente relictam

Prosequitor vitem:

& in laudibus agricolationis.

At securæ quies & nescia fallere vita,

Diues opum variarum & latis otia fundis.

Nec quisquam admiretur Saturno pla-
netæ hoc tribui, quia & bonorum & ma-
lorum excellentium solet esse pro loci
conditione largitor, & vt in nocturna
diurnâq; genitura dominatur, maxima
quandoq; bona & interdum mala decer-
nit. Tertium autem decanum Iupiter
pos

possidet, qui est ganeæ, emasculationis, hilaritatis nimiae, effrenatae voluptatis, malorumq; morû:& hic quoq; non nihil Italiam maculauit, in qua peruersæ Veneris postico vulnere fossor frequens inuenitur, & ante legem Scatiniam impunitas huius rei fuerat, & post latam legem qua primus ipse qui tulit Scatinus punitus est, remansit, vt à mangonibus puerorum, noctes conducere non erat prohibitû. Semper enim Iupiter in domo Veneris ad malos mores inclinat, nam cum est in tauro puellarum raptores facit, hinc illud poëticum commentum est Iouem in forma tauri rapuisse Europam: & illud quoq; non est ab re, quis enim deprehendere posset furta Iouis? Sed in hoc signo sunt quædam præcipitia, ideo quæ precipimus ante non possumus per totum signû operari: nam à decima octaua parte libræ incipit via, quæ dicitur combusta, quæ lunaribus actibus infelicitatem præstat: protenditur enim hæc via vsq; ad duodecimam scorpionis partem, sunt igitur partes infelices atq; combustæ quatuor & viginti, duodecim enim posteriores libræ, & totidem anteriores signi scorpionis sunt.

Sed nemo admiretur viam hanc combustam à libra & scorpione sumi, quoniam apud vetustissimos Mathematicos libra pro chelis scorpionis posita, vnum duntaxat signum cum scorpione putabatur: nam chelæ scorpionis libram cōstituunt. & secundum hanc rationem loquitur Ouidius secundo Matamor. cū de scorpione ait:

Porrigit in spatium signorum membra duorum.
Tanta enim est Veneris cum Marte familiaritas, & à poëtis quoque decantata, quòd non modo vicina, vt arietem, taurumq; sed communia quoq; signa possideant: In omnibus igitur quæ antè narrata sunt, via hæc exusta Lunam inficiēs, actūsque infelices reddens vitanda omni ratione præcipitur. Scorpius siue scorpio ab antiquis Latinis dicitur nomine nepæ, quāquam & cancrum & gamma-rum sub hoc nomine lingua nostra intelligat. Gammarus autem propriè est cancer caudatus, cancer verò rotundioris forma & sine cauda est, & quia cauda nonnullis putatur ceruix, prouerbiū natum est, vt retrocedentes more gam-mari ambulare dicantur: & hinc Plautus à Nonio Marcello allegatus, retrover-
fum

sum cedam imitabor nepam. Sed Cicero ab eodem allegatus, scorpionem sed nepæ nomine dici ostendit, cum ait, natæ anaticulas, volare merulas, cornibus uti videmus boues, nepas aculeis. Festus autem ait: nepa Afrorū lingua sydus quod cancer appellatur, vel ut quidam volunt scorpius. Plautus, Dabo ad parietem imitabor nepam. Ex horum ergo autoritate, nepa tam scorpius quam gammarus caudatus est: Cancer verò sine cauda. de gammare Iuuenalis,

At tibi dimidio constrictus gammarus ossa.
& rectè, vterque enim chelas caudamque gerit: similitudo autem chelarum in gestu dissimilitudinem habet, & hinc Ouidius facta de scorpio mentione:

Nescit atque aliter curuantē brachia cancrū:
scorpius & gammarus siue cancer brachijs vtuntur, Vergilius in Georgicis,

-Tibi brachia contrahit ardens

Scorpius: Ardentem, cum signum aquaticum sit, quia domicilium est Martis, dixit, & quia scorpius signum libidinosum est, quidam grammatici luxuriosos pro libidinosis ponentes dici à nepa nepotes putarūt: ut pantalabum scurram nomen tantumque nepotem, cum acutiores, alia

via hoc tractum referant testimonio Fe-
sti. Cū igitur Luna scorpionem te-
nuerit, quod est signum frigidum, humi-
dum, aqueum phlegmaticū, foemineum:
opera enim tunc incipere non est pro-
babile. Luna namq; exaltatur in tauro &
in scorpione deijcitur. hoc in omnibus
memoriæ tradendum est, planetas in si-
gnis exaltatos in oppositis semper esse
depressos. Venerem pisces exaltant, vir-
go humiliat, Solis exaltatio aries, & libra
est eius depressio, & sic deinceps, & ut
exaltatio lætos, ita humiliatio tristes effi-
cit: sed Luna præter cæteros etiam in vn-
decimo à suo domicilio signo, hoc est ge-
minis etiam detrimentum patitur, & ut
ad rem reuertar: iter terrestræ arripere,
proceras arbores aut montes aut turres
aut scālas galinarias ascendere, nauem
intrare, medicamen genitalibus appone-
re penitus vetatur: Nā aut naufragium
aut ruinam, aut matricis, aut vuluæ, aut
mentulæ læsionem sentiemus. Sed Luna
in hoc signo aurā frigidam humidāq;
efficiens: medicinam aut in potione vel
in sorbitione sumere, debita exigere, re-
ges adire, nuntios aut epistolas mittere,
sanguinem minuere, nec non ædificare,
plan

plantare prohibet. A scorpione in sagittariū deuenitur, quod signū est igneum, calidum, siccum, cholicum, orientale, masculinum biforme: ex homine enim & equo centaurus est, concordiam pacemq; tractare, amicos conciliare, sanguinem detrahē, matrimonia incipere, sed non perficere, sterile enim signum est, balneum intrare, ad orientem mercandi causa tendere, opus omne quod igne perficitur laborare permittit astrologus: sed plantare, aut arare, aut quę terrena sunt, machinari prohibet. Sed in hoc signo Luna claram tempestatem non sine caliditate ac siccitate præstat, prælium verò inire, pecuniam cambire, nouis vestibis ornari, principes adire, equos emere, caput radere, ungues capillosq; præcidere, ægros medicare, iter per aquam assumere laudatur. fœmora verò & coxas nequaquam medices, nec terrestre iter arripas, nec debitū exigas, quoniam malè succedet. Et hæc quæ de hoc diximus sunt quodammodo vniuersalia, sed cū per decanos distinguitur, omnia particularius noscuntur. Nam in hoc signo etiam humidæ partes, sicuti in cæteris, reperiuntur diuersitates: si-
gnor

gnorum enim est quædam vis propria, vt hæc terrea, illa aëria, & alia aquea, alia ignea, qualitatibus elementorum insignita dicantur : tamen partes in eis sunt cômixtæ potestatis, ita vt in igneis aquaticæ, & in aquaticis igneæ, & in aërijs terrea, & in terreis aëriæ partes reperiantur, ita vt in vno tantum signo omnium elementorum partes esse noscantur. Cælestia nanq; nullius peculiaria omnium, & diuersorum quidem naturam promiscuam in partibus continentia, nihil à se alienum purant. Hoc igitur dixisse volui, ne omnes partes signorum alicui elemento additas arbitremur. Capricornum si Luna possederit, signum meridionale, tropicum siccitate pariter & frigiditate non sine melancholia conspicuum, terreum quoq; & foemineum, hortos parare, serere, vineas pastinare, terrena operari, iter ad meridiem arripere, illaque operari quæ citò habitura sunt finem; graues merces vt plumbum, ferrum emere, materiam ad ædificium parare proficuum est : econtrario malum est ad septentrionem viam dirigere, vxorem ducere, ignea opera machinari, venam ad diminuendum sanguinem incidere, portion

tionem medicam fumere, genua aut ferro aut emplastro tangere, literas aut nuntios mittere. Sed tempus frigidum sic-
cūmq; non sine vento, nubes humiles & sæpe sine pluuiā facit, agriculturam feliciter iuuans, nec illud omittendum est, quod Horatius ait,

-tyrannus

Hesperia capricornus vnde,

ad multa se extendere: nam de Cæsare Augusto dictum putatur, vt in libro de Incognitis vulgo declarauimus. In capricorno enim Mars exaltatur & ipse fidere capricorni natus est vt nosti, sed experientia docuit vt in Italia Saturnus in capricorno siccā hyemem per se faciat, sed hæc dominus anni variat. & hinc est quod duobus aliquando annis, tot enim cum dimidio in quolibet signo moratur, accidat varietas hyemis, nam Saturnus bis in quolibet signo retrogradus fit, & hinc illa Virginalia facundia ait,

Frigida Saturni quo sc̄ se stella receptet?

frequentatiuo ex sententia Seruij vtitur, quia bis recurrat ad signum. Sed, vt ego dixi, multas recipit interpretationes, nā si ad maris incrementum refertur, cum Luna id signum teneret, alius sensus esset

esset: & ad pluuias quoq; multas horoscopo inspecto pro aspectibus pertineret, Si aquarium, quem Ganymedem vocamus, signum fixum, aërium, humidum, sanguineum, masculinum, occidentale Luna ornauerit, ædificiorum fundamenta iacere, coniugem ducere, venas incidere, aut cucurbitas apponere, durare quæ volumus construere, nuntios epistolâsq; mittere, cum sacerdotibus loqui, cum speculatoribus (sic enim Latine eos, quos Græcitas episcopos, vocamus) & sacerdotio ornatis tractare, nigros pannos & carnes bouum ceruorûmq; & magnorum animalium comparare, arbores plantare, matheseos documenta permittunt. Crura autem medicare, iter longum & maximè per terram incipere, quæ celeritatem cupiunt, inchoare prohibent. Venimus tandem ad pisces hoc est finem zodiaci. Cum igitur Luna pisces signum duplex, frigidum, humidum, aquaticum, foemineum habuerit, nouam nuptam ducere, amicitias inire, argenteosq; permutare, telas ordiri, litia telisnectere, & quæ ad aquam spectant machinari, nauigare ad Septentrionem, potionem medicam sumere, epistolas aut nuntios

mit

mittere, vestimenta & parare & de nouo induere, pannos albi coloris emere, templa deorum & quæ ad religionem spectant fundare iubemur. Sed è contrario vetamur naues in aquam deducere, hostibus obuiam ire, cum militibus tractare, vngues præsecare, podagram fouere, pedes ferro aut medicamine tangere. de his satis. Volui enim hæc magnifice Laurenti inferuisse de Luna, quoniam testimonio Ptolemæi, cùm sit cæteris planetis terræ vicinior, in rebus humanis maiorem & magis apparentem habet efficaciam, & sunt etiam ephemerides impressæ, quibus vel minimo labore cuiq; etiam inerudito locus Lunæ patere potest, vt sibi ipsi in agendis negotijs consulat, nam negligere quæ ad vtilitatem pariter & honestatem spectant, præcipuè cum in promptu sint, hominis videtur desidiosus. Quis enim ephimeridas hoc est diurnalia, sic enim Latine vocamus, gestare secum: & hæc quæ diximus aduertere facile est, quanquam Satyricus more suo videatur irridere,

-Ceu pingua succina tritas

cernis ephimeridas, Ea enim tempestate maximus & frequentissimus vsus fuit
math

matheseos. de Luna in signis dictum est, sed iam de signis latius, & temporibus anni, sic enim ordo rei se habet.

De diuersitate signorum & anni diuisione, & diebus annotatis in Luna.

CAP. XXXI.



SIGNORVM, vt suprà diximus, alia sunt mobila, siue erratica, vt aries, cancer, libra, capricornus, cardines enim mundi appellati sunt. aries & libra, æquinoctiales, siue more veterum, æquidiales: cancer siue carcinus & capricornus tropici: vnde illud,

quātāq; nox tropico se porrigit in capricorno.
Mobilia siue erratica, cum cætera moueantur & in orbe rotentur per excellentiam dicta sunt, quoniā quatuor anni tempora moueant: nam aries veris, cancer æstatis, libra autumnī, capricornus hyemis initium præstant. Quatuor autem quæ his mobilibus anteferuntur, vt pisces arieti, gemini cancro, virgo libræ, sagittarius capricorno, duplicia biformiaque nuncupantur, quoniam duplicis naturæ esse perhibentur: Pars enim eorum ad præcedentem, pars verò ad sequentem anni mutationem pertinet: ita vt piscium
signi

signi medium hyemale, medium verò vernale dicatur, & hac ratione ver antè incipit, quàm Sol arietem occupet, & sic de cæteris dicendum est. Signa autem quæ cardines mûdi sequuntur, fixa nuncupantur, cùm more aliorum moueantur: quoniam in his tempora anni fixa stabiliâq; sunt. Nam in tauro vernum, in leone æstiuum, in scorpione autumnale, in aquario hyemale tempus, Solis præsentia efficit: nam si illa quæ terrea sunt tantum fixa dicerentur, vt quidam imperiti garriunt, scorpius & aquarius excluderentur, nam ille ad aquam, & hic ad ærem spectat. Sed cùm aliquando temporibus anni non corresponsdeant solitæ qualitates, accidit ratione planetarum, & variorum inter se aspectuum, ita vt aliquando hyemem tepidam, & æstatem temperatam habeamus. hæc autem volui inferuisse, ne lectores turbet inusitata dictio cùm mobile aut fixum aut biforme signum aliquando occurreret: Præterea non incongruum iudicaui ex quo de Luna superius quædam in medium attulimus illud quoq; declarare quod primo Georgicorum ponit Virg. cùm ait:

Ipsa dies alios alio dedit ordine Luna

B

Felices

*Felices operum, quintam fuge pallidus oreus
 Eumenidesq; fata, & illud quoq; :
 Septima post decimam felix, & ponere vites
 & prensos domitare boues, & litia tela
 addere, nona fuge melior, contraria furtis.*

Hæc ferè omnia ab Hesiodo mutuatus loco quorundā præfagiorum retulit, non oblitus Democriti ostentationem. Nam sicut suprà de ortu Lunæ quarto in prognosticis relatum est, ita etiam hæc posita sunt, longæ enim observationis viri huiusmodi præfagia annotantes fecerunt quodammodo religiosa, sicut apud Romanos, multi dies & fausti & atri putati sunt, attamen primus ille inuentor huius Lunaris observationis, aut mathesi imbutus aut vaticinio inspiratus, quæ observanda mandavit, non videtur sine ratione fecisse : nam cum quintum aut septimum, aut decimum Lunæ diem nominamus nulla facta de coitu cū Sole mentione in quo signo fuerit, per excellentiam quandam in domo luminarium coisse putabimus : & quoniam totam hanc vim Lunæ tribuimus, in domo Lunæ, hoc est cancro, Solis Lunæq; coniunctionem fuisse coniectabimus, sicut si quid Soli tribuendum esset ex coitu cum Luna
 locis

locis suppressis, absolute in domo Solis id accidisse diceremus. In domicilio enim suo quisq; planeta magnam potestatem habet, si enim quintum Lunæ ex coitu in cancro numeremus cum hic planeta septem & viginti diebus, & horis octo, ut iuniores tradunt, & verè, cursum peragat à principio cancri in leonis finem, quinque ferè dies consumer, & ut consequens est quintus dicetur ortus, & Luna quinta: Quintum autem execrandum Hesiodo Democritóq; doctoribus Virgilius putat, cum eo die pallidus Orcus Eumenidesq; sint satæ. Nam inter cætera Zodiaci signa, leo multæ tristitiæ, magniq; languoris est, nam eius primum ac tertium decanum infortunia infestant: primum nanque Saturnus & ultimum Mars sibi vendicant, cum in nullo aliorum signorum præter vnum infortuniorum reperiatur. Iupiter ergo felicitatis lætitiæq; largitor, medium leonis decanum possidens, vndiq; ab infortunijs & obsessus & pulsatus Marte Saturnóq; circumvallantibus iuuare non potest: Quinto igitur die & Eumenides, quæ ad furorem Martis & orcus qui ad Saturni nequitiam spectat, originem habuerunt Infigurationes

ad maleficia atq; furorem, quas Christianitas diabolicas vocat sunt Eumenides quæ Martem sequuntur: orchus verò ad Saturni nequitiam pertinet: ipfius enim censentur perpetuæ miseriæ, longi cruciatus & pœnæ interminatæ. hinc igitur illam quinti diei observationem ortam putamus, postea ex vsu diuturno factam religionem. Nam si de coitu Lunæ in geminis diceremus licet id signum sit Lunæ infortunium, & quinto quoq; ad leonem veniret, non tantum profecto ageret, sicut in eius domicilio, nisi lumine diminuta Saturni Martis ve decanorum possidens infortunatior fieret, ea nanq; cum infortunijs, hoc est Marte & Saturno Lunæ coniunctæ conditio est, vt lumine diminuta cum Marte sit felix, & crescens auctaq; Saturnum complexa contemperet ad felicitatémq; reducat: Vice autem versa contrarium operatur: Astra enim non sunt felicia, nisi etiam sint temperata, Iouis nanque humiditas cum caliditate, & Veneris frigiditas cum humiditate temperatis, sanitatem pariter & felicitatem largiuntur. Cùm autem poëta dicimam Lunam felicissimam dicitet, & septimam minus felicem, hoc

cont

continet rationem : decimo enim die quatuor signa peracta trigonum Solis si à Sole numeretur: vel trigonum à loco, ubi fuit qui maximæ felicitatis est, habet: quatuor enim signa trigonum faciunt, & hic aspectuum est fortunatissimus, sicuti hexagonus fortunatus, oppositus vero infelicissimus, tetragonus verò infelix: sed quare hoc sit in sequentibus apparebit. Erit autem decimo die in libra Luna à suo domicilio dinumerata. quid autem Luna in libra operetur supra diximus, omnia nanq; ad quietem & vitam illam agriculturalum fortunatam pertinētia operatur, vnde septima post decimam felix, primam enim felicitatem decima dies, secundam verò septima dies possidet, in his quæ narrauimus. Sed die septimo erit in virgine, in quo serere, plantare, & litia telis addere vtile diximus. Si autem intellexeris septimam post decimam, ita vt ante decimam septima quæ est, septem continet dies: sed illa septima, quæ post decimam est, decimam quartā diem efficiet, die autem quattadecima à cancro discedens Luna, ad capricornum defluit, & tunc erit plena, & hæc quæ diximus operari perutile est. Nona autem

fugæ melior, quoniam Luna celeritatem apertam habens, decanum primum libræ occupans celeriore efficit fugam, ita ut captiui qui fuerint, fugientes, summa sine impedimento festinatione vrentur : cum Luna in decano suo aperiat, fugamque iuuat : Sed inutilis est furibus qui ciuitates incolunt, quoniam aperit ac manifestat furta. fur autem cum à furuo, ut ait Varro, licet Agellius à Græcis, non discernens, an illi à nobis, an nos ab illis acceperimus, dictum putet, occultatione indiget, manifestarius namque grauiter plectitur : cum secundum leges veteres nocturnum furem, diurnum quoque si telo se defenderit occidere liceat. Sed hæc omnia primo fuerunt obseruata, ut menses à Luna dicti ostendunt, deinde processu temporis in quandam religionem redacta, numerus dierum, & non locus unde Luna discesserit pro religioso est habitus, sicut & sermo sequens ostendet, nec cuiquam modus dicendi poeticus sit admirationi : quoniam non minutias omnes enumerat : satis enim est diem monstrasse, & numerum non omnino exactum apposuisse, quod & in alijs videmus : nam cum mille & triginta naues Troiam

Troiam obsederint, à poëta numero paruo neglecto dicitur,

Non anni domuere decem, non mille carinae,
 & cùm interpretes sacrae scripturae duo & septuaginta fuerint ab Augustino Hieronymoq; septuaginta tantum numero minore neglecto referuntur: non igitur mirabimur si non omnia exactè à poëta cantantur, nam in omni lingua poëtae hanc habent ex arte sua prerogatiuam, vt verbis sententijsq; mutilatis multa subintelligenda relinquant, quod & acutissimus Auerrois ostendit, ait epim in Canticis Auicennae, quoniam autores rhythmicorum sermonum in scientiarum actibus, quandoq; diminutione ac truncatione sermonis, nec non positione vnius loco alterius indigent, eorum nobilem intentionem explicando. hæc & alia quoq; in laudem poëtarum doctissimus ac acutissimus Peripateticorum Auerrois retulit: nam & ibi quoq; vtilissimum dicendi genus poëticum putat, cùm propter memoriam, fortius enim & fidelius mensurata inhærescunt, cùm quia animam, vt ipse ait oblectant, & rectè mea quidem sententia, musica igitur rebus poëticis admixta hominem sine defatigatione ad

doctrinam capeſſendam, non modo inui-
tat, ſed conſervat, theſauros doctrinarum
ſtabiles incorruptoſq; poſſidens, ſingen-
tis diſtione ornans, vt ad perſcrutandam
veritatis ſinceritatem homines exacuat.

*De quibuſdam autoris incerti vaticinijs
& epigrammate Claudiani & planeta
victore.*

CAP. XXII.



NONNULLA inter humanos
verſantur, quæ incerto autore
feruntur, quæ quidem etſi fri-
uola primo aſpectu iudicen-
tur, attamen olim ratione ſubnixā veri-
tatem continuerunt, nam vt de diebus
Lunæ ſuprà mentionem feci, quorum
obſervatio nunc inutilis caſſaq; iudicatur,
Cùm illius obſervationis initium non te-
merè habitum putetur: illa nanq; diei
quinti Luna olim horrida in alijs ſignis
animaduerſa non eundem tenorem ob-
tinet, ſic quædam ſiue furoris ſiue artis
diuination ſit, quæ annua prænuntiatione
niteſcit, veritatem aliquando profeſſa;
nunc langueſcit & in ambiguo poſita in-
ter verum falſumq; fluctuat: nam vni-
uerſales rerum prænuntiationes hoc mo-
do factæ veritatem non continent, niſi
aut ex maximis olim coniunctionibus
habea

habeantur aut diuinitus inspirētur, quælibet enim regio suo fato gaudet, propter horoscoporum varietatem : & etiam illius regionis vrbes in vno & eodem anno propter prædictam causam variantur : exempli gratia, cū Saturnus caudam scorpionis intraret, prædiximus Patauio Antenoris pestilentiam, & peracta cauda sanitatem, rursūq; propter retrogradationem Saturni præsentiam in ciuitate Patauina iterum pestem inducturam : & sic in alijs contingit, attamen illa pestilentia circum vicina vrbis minimē infestauit. Est autem vaticinium tale, & vt à Ianuario more Romanorum anni initium post Romulum sumatur, ita exordiemur. Cū Calendæ Ianuariæ die Solis, id est dominico, more Christiano, tunc enim dominus resurrexit, fuerint, hyems erit temperata, ver humidū, sicca æstas, autumnus ventis obnoxius, erūntq; regum magnorūq; sacerdotum magna & manifesta pericula, annona vilis, vinemia abundans, oues sanæ ac fœcundæ, mellis copia mediocris, legumentorum vbertas, hortorum fertilitas, paxq; erit. Si autem idem mensis initium die Lunæ capiet, hibernum tempus tepidum, ver

frigidissimum cum niue & glacie, æstas
 verò plurimis ventorum flabris agitata
 grandinèq; seuiens proueniēt. Autumno
 siccitate oppresso, frugum copiam, varios
 morbos cum frigiditate noxios, nec non
 repentinam pestilentiam, cum modico
 melle (apes enim morientur) habebimus.
 dies verò Martis cū Ianuario exor-
 dium dederit, hyemem vérq; ventosum
 expectato: æstatem humidam sperato: au-
 tumnū crassis putridisq; humoribus re-
 dundantem, pestilentiam acerbissimam
 & mulierum præcipuè, nec non naufra-
 giorum pericula plurima, regum prin-
 cipūmq; grauissimas cum anxietate soli-
 citudines timeto: Leguminum, olerum
 & olitoriorum fructuum largam copiam
 ne speres, oleum verò & vinum abun-
 danter habebis: eòq; anno verendum est,
 ne pagani, sic enim Christianitas à fide
 alienos vt rusticos propter fidei ignoran-
 tiam habens, hoc nomine notauit: veren-
 dum inquam, ne aliquantisper Christia-
 nis insultent. Sed si Mercurius easdem
 Calendas vocarit, brumæ hyemisq; tran-
 quillitatem, vernam temperantiam sicc-
 itatem æstiuam, autumnalia incómoda, vt
 longiores morbi, quartanæq; sunt secum,
 cum

cum vini copia, sed tritici inopia: adolescentium morbos non sine periculis ac seditionibus in ciuitate, dolores præcordiorum ac animæ defectus, matrices morbosas nobis portendet. Si autem à Ioue Calendæ dominationē in eodem Ianuario acceperint, clementem lenemq; hyemem, ventosum ver, æstatem non sine temperie, caritatem annonæ, ægritudines vulgo leues, potentioribus verò graues, cum vini oleiq; abundantia nobis porrigent. Cum autem neomenia Ianuaria, ita enim dicuntur Calendæ, quibus Græcitas non utitur, vnde Augustinus cum aliquid implere nollit, se Calendis Græcis facturum pollicebatur. huiusmodi igitur dies, cum à Venere, vt hoc anno accideret, nomen adsumet, hyemem glaciam, ac siccam, ver asperum ac humidum, æstatem bonam, autumnum in humidiora vergentem. oculorum, partim lippitudine partim verò vitijs vt glaucomate aut ægilope dolores, mulieres ad amorem pronas blanditijsq; suis adolescentes allicientes, læsiones caluæ crebras, bellorum suspensiones, pestilentiamq; & latrocinia prænuntiabit. Sabbatum Calendas Ianuarias nominans, hyemen variam, ventos ver-
nales

nales ac æstiuos autumnúmque; ficcum efficiens, fructus feros tardámque vindemiam porriget: ita ut ex messe vindemiáque; ferotinis plurima damna proueniant: oues non bene se habebunt, annonam erit cara, incendiorum & pestilentia frequens casus populos offendet, hæc igitur aliquando veritatē continuerunt, & continebunt semper, si anni genitura cum illis olim animaduersis similitudinem habitura sit. Ille igitur qui primo in lucem hæc siue furore, siue arte edidit, enuntiationis vaticiniijve effectum vidit, sicuti ille qui versus vulgò habitos prius inspectis annuis anniuersarijs, ita ut pro signo reliquerit imperitis diem conuersionis Pauli, ut eo die signis declaret, quid eo anno futurum censeatur, non quod dies sit causa, puerile namque est hoc, sed pro signo positum est, quod dicitur: ut si mathematicus genituras plurium annorum perpendens nobis pro documento futurorum relinqueret, quæ ipse pro annorum diuersitate in die conuersionis ex constellationibus futuram nouerit tempestatem dixeritque,

*clara dies Pauli largos fructus indicat anni,
si pluit aut ningit designat tempora cara,*

& rel

& reliqua vulgò pro signo reliquerit, non est ab re: Tunc enim cùm hoc factitatum est habuit veritatem, sed nostro tempore correspondet cùm similitudo constellationũ intercesserit. Sed illi verus, qui Claudiano adscribuntur de Curretio, non ad anni sed hominis genituram pertinentes fundamento Astrologico editi sunt, inquit enim:

Si tua Curreti penitus cognoscere velles

sidera, matre tua certius ipse canam.

Quòd furis aduersi dedit inclinantia Martis,

Quòd procul à Musis debilis Arcas erat,

Quòd pateris turpẽ tam cano podice marbum,

Fæmineis signis Luna Venusq; fuit,

Attriuit Saturnus opes hoc prorsus in vno

herco, quæ cunnum lingere causa fuit.

Mars in septimo loco ab horoscopo constitutus, hoc est in occasu, septima enim domus opposita ascendenti, id est horoscopo facit homicidas, sceleratos aut tortores aut proditores, hæc enim furentis hominis sunt, & extra humanitatem rationemq; positi: Mars igitur aduersus, id est oppositus horoscopo, id est ascendenti, vt more Punico loquamur, effecit quod furis: & ne de alio genere furoris intelligamus, nam furor plerunq; vatũ est,
incl

inclementiam Martis intermifeuit, vt de atrocitate furoris dicere fe monftraret,

Quòd procul à Mufis, debilis arcas erat.

Arcas poëtico more dicitur Mercurius, ex eo quod in Cylleno vnde & Cyllenius, mōre Arcadiæ natus fertur. Tūcq; debilis habetur, cū aut combuftus, aut retrogradus eft, fic enim omnibus planetis, excepto Sole, accidit: fiunt enim retrogradi & comburuntur & eo modo debilitantur: cū aliæ quoq; rationes fint: Mercurius ergo in fecundo loco ab horoscopo retrogradus combuftus ve locatus fi ortu matutinus fuerit, natum hominem à fcientia penitus alienum expertēq; fcientiarum efficit, quas nomine mufarum ars poëtica intelligit, funt enim mufæ (vt more Chriftiano loquamur) supernæ inspirationes à Deo datæ, & cū de fontibus, vt funt Aganippe, & aquæ Heliconis, & aliæ multæ cum Mufis dedicatas aiunt, nobis infinuant eorum fontium aquas præter alias ingeniū poëticum acuere, potus enim & cibus plurimum ad exacuenda aut hebetanda ingenia valent, vnde & Auicenna galinaceam carnem ingenijs conferre testatur. Erat igitur Curretius, quē Claudianus taxat, & fur

& furiosus & literarum penitus expers.

Quod pateris turpē tam cano podice morbum

Fœmineis signis Luna venusq; fuit :

& hoc etiam ratione subsistit: Luna enim & Venus in tauro, qui fœminini sexus inter signa numeratur, ut suprâ tetigimus, cinceos, omnium libidinibus patientes (stupricæ enim sunt, & muliebria patiuntur) efficiunt. Nam Luna cum Venere pro qualitate signorū & aspectuum diuersa largitur: quia si Venus in aquario, & in quarto loco ab horoscopo constituitur, & Venerem tretragonica id est quadrata, aut diametra id est opposita radiatione aspexerit, hoc est si in leone vel scorpione Venus fuerit, vel cum ipsa Luna sit collocata, facit sic natos steriles qui nunquam generant, & qui nunquam se possint coniugalibus affectibus copulare, ut hi qui puerorum coitu semper gaudeant, sicut ait Firmicus. hinc manauit illud de Ganymede figmentum, quod Martialis iocosè prosequitur:

Dixit idem, quotiens lasciuo Iuno tonanti

Ille tamen grandi cum Ganymede iacet.

Aquarius enim à poëtis fingitur Ganymedes, & hoc signum in Venere & Luna talia operatur, cum diametra aut quadrata

drata radiatione respexerint, sunt enim aspectus inimiciarum: vt dicemus. Hæc autem tunc intercesserunt, cùm raptus est Ganymedes: rapina nanq; hostium & inimicorum est, vt

-rapti Ganymedis honores,

quanquàm in poëmate Vergiliano raptus multifariam declaretur, etiam nostro dicto congruens.

Attriuit Saturnus opes. Hic planeta in secundo ab horoscopo loco cõstitutus, in genitura alicuius, paternam maternamq; substantiam dissipat, homines pauperri-
mos reddens: in secundo ergo loco, figuræ (vt Punicè loquamur) & Mercurium & Saturnum habuit Curretius: Mercurius autem Saturni nequitiam acuit, ita vt non modo pauper sed mendicus haberetur. Cùm autem ait ex lepõre sermonis & acumine epigrāmatico, hoc prorsus in vno hæreo quæ cunnum lingere causa fuit, ex arte fecit, vt auditores attentiores redderet, & magis memores huius. Sed & hoc quoq; suas habet causas, & cùm plurimæ sint constellationes cunnilingum faciētes satis erit nobis vel vnā adduxisse: Ptolemæus enim quadragesimo aphorismo libri Fructuum quem
iunior

iuniores à numero capirũ Centiloquium dixere, vt iam sæpe dixi, ait: quãdo ascendens ab infortunatis obsidetur, qui tunc natus est, turpibus delectabitur, & ex fœtidis rebus deliget odores: in hac genitura Mars diametra radiatione pulsat horoscopum, & oppugnat: & Saturnus Mercurio, etiam stimulatus non nihil signi communitate contribuit. Hæc volui dixisse leui quodam modo, vt omnes etiam Matheseos expertes epigramma intelligant, in genituris enim multa considerantur: nam & signorum qualitas & gradus, & fines & exaltationes, & domicilia, & decani & sexus, & vt planetæ diurni nocturniq; sint, & aspectus inter se, & domini genituræ, & plurima talia pensantur: nam & victor, quem Punica lingua almutaz vocat, consideratur, & vt hoc clarum sit exemplo monstrabimus. Fingamus genituram alicuius esse diurnam, in qua pars aliqua secundi decani arietini horoscopet, qui quidem aries Martis est domicilium, domus quinta dicitur esse virtutũ, quinque igitur vigores Mars in ariete possidet propter domicilium. Sol autem quia in eo signo exaltatur, quatuor duntaxat, & propter trigonum

C diu

diurnum tres , & propter decanū vnā:
virtutes igitur Solis in ariete sunt nume-
ro octo , & ideo victor & horoscopi do-
minus nuncupabitur in hac quam retu-
limus genitura: sed si eadem noctu fieret
esse tq; nocturna & vigesima pars arietis
horoscoparet, vsq; ad quintum & vigesi-
mum qui sunt fines Martis , tunc habita
fortitudinum ratione Mars vinceret: do-
mus enim quinq; vt dictū est , finis duas,
quæ numero virtute sunt septem. Sol
tantum quatuor , quoniam ibi exaltatur:
Nam decani ac trigoni virtute priuatur,
mutato in ariete partium numero , & in
genitura tempore, nam ex diurna, noctur
nam in hoc secundo finximus. Spoliatus
igitur Sol vna decani , & tribus trigoni
virtutibus, quatuor tantū possidens Mar-
ti se victum tradit. Sed Mars vt victor
genituræ triumphator exultat: nam do-
mus quinq;, exaltatio quatuor, trigonum
tres , finis duas, decanus vnā , virtutes
habent , quanquam nonnulli & maxime
Firmicus, in assignādis virtutibus dissen-
tiant, qui decanum æquē esse cum do-
micilio potestatis arbitratur dicens: suo
enim decano constituta hæc eadem per-
ficit, quæ in signo suo constituta decer-
nit.

nit. Sed iuniores & fortassis peritiores, in huiusmodi virtutibus decanum inter postrema habuerunt.

De auge siue abside : de sublimitate & de altitudine planetarum quomodo variantur.

CAP. XXXIII.



SUPERIUS exaltationem nominauimus, quam antiquiores sublimitatem nuncupant, vnde necesse est aliquid in medium afferamus, vt res eluscat. Tria enim genera in planetis altitudinum aduertuntur: prima siquidem est absis, quam Punice auge[m] vocant, siue corrupte Græcorum vocabulo, siue adaucto à Græcis Punico. Nam cum Pœni, vt diximus astrologiam inuenerint, verisimilius est nomen augis apud eos prius, quam apud Græcos vocabulum absidos fuisse, ita vt animus inclinet huius vocabuli originem à barbaris prius quam à Græcis fluxisse, & quam lingua Punica augem, Græcitas vocabulo deprauato absidem fecerit. Sed utcumque res sese habeat, in auge siue abside antiquitas à iunioribus in quibusdam diffidet, est enim aux vel absis maxima illa distantia planætæ à centro terræ: Nam quilibet planeta, vt tetigimus, tripliciter

dici potest altus, & vt ordine profequamur, inquit Plinius, A terræ centro absides altissimæ sunt Saturno in scorpione, Ioui in virgine, Marti in leone, Soli in geminis, Veneri in sagittario, Mercurio in capricorno, medijs omnium partibus: & econtrariò ad terræ centrum humillimæ atq; proximæ, hæc Plinius, Nullam vt veritas postulat, Lunæ propter celerimum eius motum absidem tribuens: Sed iuniores & perspicaciores quidem & in signis quibusdam & in partibus dissonant, nam Veneri & Soli augem esse geminos Alfonso cæteri q; narrant: vt habetur in tabulis numerorum. Nā Venus in prima & vigesima parte & minutijs quindecim, & Sol in eiusdem signi vigesima nona non sine minutijs augem habent, & Saturnus x x i i i i. scorpionis. Iupiter autē in x x i i. & x x x i i. minutijs virginis, Martis leonis x x i i i i. Mercurij parte x i i i i. & minutijs l i i i i. capricorni: est ergo in Sole & Venere tantum varietas quoad signa, cū in partibus ad plures sit dissentio, hæc igitur diceretur absis siue aux, tunc enim planeta altitudinem & distantiam maximam à centro terræ habet, cū in his locis re-

peritur, ita vt nonnulli Mathematicorum computus in tabulis ab augibus inchoarint. Est & alia altitudo planetarum quæ respicit centrum cœli, tunc enim dicitur altissimus, cùm maximè à cœtro cœli sui sublimatur, & in hac re cum iunioribus antiquitati est concordia, quoad signa: sed in partibus aliquantulum differentie noscitur, & huiusmodi altitudo exaltatio atq; sublimitas nūcupatur, quoniam maximi est in effectibus & apotelesmate momenti, qua exaltatione Luna quoq; gaudet: plurimum enim possunt planetæ cùm in hac sublimitate versantur, exaltatur autem Sôl in x v i i i. apud multos, sed apud Firmicum x v. arietis, Luna tertia tauri, licet in Plinio quarta ponatur, Saturnus in Firmico & Plinio x x. libræ sed apud alios x x i. Iupiter in Plinio & alijs x v. cùm in Firmico vndecima parte cancri sublimetur: Mars Verò apud Firmicum & Plinium x v i i i. sed apud alios x x v i i i. capricorni exaltationem recipit. Venus in Plinio x v i i. In Firmico verò x x. v. i i. in ceteris x x v i. pisciū sublimatur. Mercurius in x v. virginis apud omnes exaltationem recipit: & illæ nouæ de quibus diximus inter se sectiones ca-

pitis & caudæ draconis suas quoq; exaltationes inuenerunt: Caput enim in geminis, & cauda in sagittario extolluntur, vnum tamen aduertendum est in signis & partibus signorum oppositis exaltationum fiunt planetarum humilitates deiectionæ, in quo quidem sermone notabimus & tertiam altitudinem, in qua re necesse est moneamus apud antiquos ærem vocari totum illud spatium in quo planetæ mouentur, contra sententiam Aristotelis, de qua supra locuti sumus: & hac ratione vocauerunt etiam cœlum, & in hoc cœlo qui dicitur ær: & ob hanc causam planetæ descendere aut ascendere per ærem dicuntur, vt totum hoc quod perspicuum nobis est vsq; ad firmamentum ær appelletur: hinc igitur habemus aliam planetarum altitudinem: nam vt more nostro loquamur, tunc planeta dicitur altus cum est in summitate sui epicycli, & tunc est humilis vicinûsque nobis, cum in parte epicycli inferiori versatur: sed qui negarunt epicyclos more Pliniano locuti sunt, vt planeta, aut ascendat, aut descendat per ærem, sed cum ascendit efficacior est, quàm cum humilior sit, tunc enim progreditur, & in hac secunda motione re-

gred

greditur, & in hoc motu bis etiam sub-
stitit, ita ut directus & retrogradus & sta-
tionarius à iunioribus dicatur: sed omnes
planetæ præter Solem hac tertia altitu-
dine gaudent. Luna autem & Sol in hoc
etiam differunt, quoniam Luna abside
priuatur, hanc tertiam altitudinem pos-
sident: Sol verò tertiam altitudinem re-
spuens, abside utitur, & hæc est mathe-
seos vera sententia: nam licet abusiue absidem
siue augem Lunæ nominent iuniores,
cùm augem excentrici Lunæ ponunt, at-
tamen in supputationibus, ut in tabulis
numerorum apparet, nihil in motu Lunæ
operatur, quoniam augi Lunæ aux siue
absis communis non additur, sicuti in cæ-
teris ut vera loca planetarum teneamus:
est autem absis siue aux communis in
quibusdam tabulis numerus siue quanti-
tatis motus octauæ sphaeræ à tēpore quo
tabulæ illæ fundamenta ceperunt ad eum
usq; diem in quo motum scire desidera-
mus: his igitur antiquitas rationibus mota
Lunæ absidem denegauit, sicuti ex Pli-
niano sermone colligemus: ei enim fidē
plenam adhibemus in quibusdam, quo-
niam merus recitator existit, Marcum
Varronem sæpe allegans, quo nemo ne

apud Græcos quidem, ex sententia beati Augustini, doctior fuit: adducit etiam tot excellentium in omni genere doctrinæ hominum testimonia, vt amissis fontibus cogamur riuulos gustasq; doctrinæ, ex Plinij & aliorū voluminibus, & haurire, & lambere: nam inter cætera neminem ahuc vidimus, qui in discriptionibus picturisq; herbarum, clarius, elegantius distinctiūsq; loquatur, cū Dioscoride admodum mēdoso ac truncato vtamur, & Auicenna picturas descriptionesque simplicium negligens, nobis maximam peperit obscuritatem, cū plurima quæ Plinius alijsque capitulatim distinguunt, in vnum confundens, virtutum similitudinem aucupatur: quod profectò in tanto viro vituperabile est, non enim maiores nostri sine ratione vnà cum natura separatiū tractarunt herbas, in vno quoque simplicium, præter similitudinem, vis est quædam natua, vt experimenta demonstrant.

*De aspectibus planetarū & de annis vite
nostræ vsque ad mille, & de Cippo &
Acteone cornutis.* CAP. XXXIIII.

CVM sæpenumero magnifice Laurenti, erronum id est planetarum aspectus

aspectus in sermonibus interseruerim, nec vnquam plenè de his locutus sim, iam tempus est declarare cùm temperies aut exaspetio omnisq; aëris in orbe varietas aspectuum diuersitate proueniant, quod & mathesis maxima cum facilitate deprendit, aduertens planetas ac Solem in eodem signo & gradu diuersitate annorum, eandem producere tempestatem, ita eodem in annis die repetito, nunc pluuiam, nunc niuem, plerumq; ventos serenitatēq; viderint: huius tandem varietatis causam aspectus inter se planetarum fuisse nouerunt: hinc est quod hæc mutatio maiori ex parte aspectus sequitur. Aspectus igitur planetarum sunt numero quatuor trigonus, hexagonus, tetragonus, oppositus: sed qui Latine loquuntur alio modo dicunt, vt paulò mox patebit. Nec est quorundam & maximè Guidonis, alioquin inter iuniores Mathematici excellentis, vera sententia, vt anteriores aspectus Latine, posteriores verò Græcè nominet: nam siue antè siue retrò considerentur eiusdem nominis sunt. Sed trigonus à Latinis triquetrus: tetragonus quadratus: cùm autem oppositam rediationem indicare volunt de

diametro aspici aiunt, quod & Græcū est: nā diameter Latinē distēmina appellatur à Martiano Capella. Hexagonū autē rarò mutāt, pro quibus iuniores & imperiti quidē trinum, quartū sextilem oppositū ponūt. Trigonus aspectus est felicissimus, hexagonus felix, cū oppositus infelicissimus, tetragonus verò aspectus infelix habeatur: huius autē varietatis ratio in promptu est. Nā à luminaribus, ut dictum est, omnia pēdent, omniāq; reguntur. Lunæ domiciliū est cancer, leo verò Solis: ab his igitur duobus omnis aspectuum conditio nascitur. Cancer ergo & leo opposita radiatione capricornum & aquariū Saturni domicilia aspiciunt: Saturnus mala est fortuna, hinc igitur est ut aspectus oppositus pessimus sit: nam à domibus luminarium ad domicilia Saturni defertur. Tetragonus autem malus ideo noscitur quoniam à Marte qui malus nō pessimus, ut Saturnus habetur, ad eadem luminaria defluit, cū aries qui Martis cancerū Lunæ tetragona radiatione aspiat. Inter sunt enim aries, taurus, gemini hæc tria signa, quartam partem duodecim signorum zodiaci sunt: & ideo quadratū vocāt, itēmq; à leone Solis in scorpionem

pionem Martis totidem signa interueniunt: oppositus ergo pessimus vt à luminaribus ad Saturnum & quadratus malus censetur, vt à Marte minori infortunio ad Solem Lunamq; pellatur, ibi nāq; de diametro hoc est de sex, & hic de tribus signis habetur aspectus. Trigonus autem & hexagonus, vt à planeris fortunatis ad Solis Lunæq; domos fluentes, vt est varia planetarū felicitas, ita inter se differunt: Trigonus enim siue triquetrus, à Iouis domicilijs, hoc est sagittario & piscibus ad domos Luminarium vagatur: nam pisces cancrum, & sagittarius leonē centrum viginti partium numero aspiciunt; hoc est quatuor signis, & hæc tertiā partem zodiaci complēt: vnde & triquetrus & trigonus rectē appellantur, hexagonus, vt hoc est sextans, sexta enim duodenarij numeri duo sunt non tantæ felicitatis vt triquetrus est, quoniam ortum trahit à domibus Veneris ad luminaria defluentem, ita vt taurus cancrum, & libra leonem, sexta zodiaci parte hoc est sextante contueatur: à luminaribus ergo horum aspectuum fundamēta fluxerunt, nec mirum putetur, nam præter ceteros planetas quadam diuersitate notantur: quil

quilibet enim planetarum duobus domicilijs utitur, præter Solem & Lunam: nam Sol leone, & Luna cancro tantummodo gaudent: aries enim & scorpius Gradiuo, taurus & libra Dioni, gemini, virgo Cillenio, cancer Cynthiæ, leo Cynthio, capricornus & aquarius Saturno, pisces & sagittarius Ioui, assignantur. Præterea omnes planetæ exceptis Sole & Luna habent fines, id est, more iuniorum terminos, sed Soli finibus hemisphærium quod est à leone in capricornum tribuit mathesis, tot enim nato annos præbet quot sunt zodiaci partes: sed excipiuntur domus infortuniorum, nam cum sex signa centum & octuaginta partes habeant, totidem annos nato Sol tribueret, nisi domicilium Martis, hoc est scorpius, & Saturni, id est capricornus interuenirêt, his igitur exemptis centum viginti signiferi partes restant. Tot igitur nato maiores annos Sol tribuit, & eadem ratio in Luna est: nam hemisphærium quod habetur ab aquario in cancerum totidem partes continet, sed exceptis aquario Saturni, & ariete Martis, domus enim infortuniorum sunt, etiam centum viginti partes restarent, & ut consequens est totidem annidaren

darentur nato à Luna, nisi & alia fieret exceptio : nam signum geminorū in quo Luna trisatur pro infortunio habitum, est enim duodecimum à cancro signum, & ob hanc causam duodecim partium fit diminutio, & hoc modo partibus perpen- sis Luna cūm datrix annorum est, cen- tum & octo annos largitur, cūm à Sole annorum datore centum & viginti an- norum vitam habuerimus : sed dator an- norum Persica lingua alcocodeus, & vitę quoq; dator Ileg dicuntur. Cæteri verò planetæ pro numero finium annorum numerum largiuntur, & licet annorum numerus maximus à planetis datus non excedat centum viginti annos, attamen testimonio & subsidio stellarum fixarum ultra millesimum annū viui potest, sicut & instrumento veteri quosdam proxime accessisse legimus : & historiar quoq; no- stræ habent alios septingētos, alios octin- gentos annos vixisse, vt mox apparebit. Nam cūm Berofus & Petosyris Mathe- matici numerum annorum vitæ huma- nę, alter centum septemdecim, alter ve- rò nonaginta præfiniuerint, planetarum vim ac potestatem respexerunt, stellarum fixarum ad hanc rem potestate incogni-

ta: nam ea huiusmodi stellarum vis est, ut
supramodum dona contribuât, ut inquit
Prolemæus in libro Fructuum, Stellæ fixæ
mirabiles & ultra rationem felicitatem
attribuunt, sed ut plurimum concludunt
eas infelicitates Saturni: hinc est ut
patres illos vetustissimos & Mathusalem
& alios varia tandem incommoda agitarint.
Noë enim inter cæteros cum quingentorum
esset annorum, terrarum desolationem,
amicorum demersionem, infortuniâq;
diluuij perpeßus est: nam ex eis
quidam valida mente, aut cæcitate, aut
alio quouis corporis vitio, aut exilio laborarunt,
ut legenti facillè patebit, & in nonnullis
diuina gratia cum præsto affuerit,
naturales rerum influxus auertit: Astra
enim nõ necessitatem sed inclinationem
adducunt, & ut ad rem reuertamur, Plinius
& alij de ducentorum aut trecentorum
annorum ætate non ambigunt, tot enim
vixisse quosdam etiam historia nostra
narrat, quod & Petosyris & Berossi
inanem esse sententiam ostendit. Sed iam
aliquantisper deliramëta Pliniana rideamus
cum à seipso dissentit, nam libro septimo
Naturalis historiæ ait: Alexander & Cornelius
Dandonem quendam in Illyrico

lyrico quingētis vixisse: Xenophon Plu-
tinorum insulæ regem sexcentis: atq; vt
parcè mentitus, filium eius octingentis:
quæ omnia inscitia temporum accide-
runt, annum enim alij æstate vnum de-
terminabant & alterum hyeme, alij qua-
dripartitis tēporibus sicut Arcades, quo-
rum anni trimestres fuere, quidam Lune-
senio vt Aegyptij, itaq; apud eos singula
milia annorum vixisse produntur, hæte-
nus Plinius. Pudet me profectò, pudet
Plinium tam delirum aliquando nosci,
cùm hæc insulsa ac puerilia fundit: nam
ad refutandam Xenophontis & Alexan-
dri atq; Cornelij narrationem, necessa-
rium erat apud Illyricos & apud Pluti-
nos hanc fuisse annorum varietatem, &
hoc pacto confutatio processisset: nam
si ego dicerem in Euangelio à bimatu &
infra pueros fuisse iussu Herodis occisos:
& vellem hoc sermone intelligi puerum
sex mensium tantum & non antiquiorem
occidi ex Herodis sententia debuisse, vt
puerorum causam tuerer, adducerem
consuetudine Arcadica trium mensium
esse annum, vana esset defensio, oportui-
set enim monstrare oratorem pueros de-
fendentem in Iudæa & apud Herodem,
hanc

hanc annorum mensuram & non apud Arcades fuisse: si Plinius igitur illos tam gr̃adeuos fuisse negare optabat, & id esse verũ nobis persuadere nitebatur, huiusmodi argumentandi modos accomodare debuisset; sed fingamus, vt ipse ait, semestrum fuisse annum apud quosdam, ita vt ęstas vnum, hyems alterum annum fecerit, adhuc Berosi & Petosyris qui stellarum fixarum aut non nouerunt aut neglexerunt efficaciam, sententia exploderetur; nam illa octingentorum annorum ętas ad computum nostrum redacta quadringentorum esset annorum: & si trium esset mensium annus adhuc Petosyris & Berosi falsa esset opinio: nam octingenti anni ad modum nostrum computati ducentos eficerent annos, & illi nullo modo ad hunc numerum annorum perueniri posse dixerunt, vt suprà narrauimus. Si verò motus Lunares qui menstrui sunt anni, dicerentur octingenti anni tales, non implerent annos nostros octo & sexaginta: si ille igitur ad sexagesimum octauum ferè annũ peruenit, erat ne hoc historię tradendum, tanquam in ętatibus admirabile, cũ hic sit communis vitę cursus? Xenophon ergo & alij hanc vetustatem

statem non vt miram nobis tradidissent. Sed vt ad rem reuertamur, planetæ per paucos annos tribuunt, vt narrauimus, ex beneficio enim eorum vltra centum & viginti annos viui non potest: quicquid igitur huic numero annorum in vita additur est ex adminiculo stellarum fixarum. Quod autem ad maximum annorum numerum venerint aliquando homines, etiam Valerius Maximus testatur, qui in capite de senectute ait. Alexander verò in eo volumine, quod de tractu Illyrico composuit, affirmat, Dandonem quendam ad quingentesimum vsq; annum nulla ex parte senescentem processisse. Sed multò liberalius Xenophon, quoniam is Latinorum regem octingentis vitæ annis donauit, ac ne pater eius parum benignè accepisse videretur, ei quoq; sexcentos assignauit annos. Valerius igitur alijq; celebres autores tot annorum numerum vitæ illorum sine aliqua trepidatione freti sinceritate historię tribuerunt, cùm illas annorum & mēstruas & trimestres semestrésq; mēsuras non ignorarint. Sed tu Plini à te ipso dissentiens in laqueos incidisti, nunc historiā fabulosam putans, in arduis ma-

ximisq; rebus synceram veramq; arbitraris: nam in vndecimo libri tui ais, sed quæ iure cornua intelligantur quadrupedum tantum generi, Acteonem enim & Cippum etiam in Latina historia fabulosos reor: Cur Plini ab historia Latina discedis in qua semper inconcussa veritas denarratur, ita vt à nostris historijs testimonia sumpta pro certissimis habeantur? in rebus enim diuinis & miraculis Augustinus, Hieronimus nunquam negarunt: de Græcis alia ratio est, fuerunt nanq; etiã in historia mēdacissimi, quod & Cicero taxat & Satyricus confirmat,

*-Et quicquid Græcia mendax
audet in historia.*

Sed Latina historia hoc est syncera veritas, vt Valerius alijq; etiam cum imaginum testimonio Gemitio Cippo concionanti cornua apparuisse testantur. De Acteone Græcia narrat. has ergo in hoc negotio & Græcam & Latinam historias contra Plinij deliramenta sacrum diuinumq; instrumentum corroboret, in quo multos ex antiquissimis illis ad grandem numerum annorum peruenisse, & Moyfi maximo prophetarum cornua fuisse commemorat: mera enim veritas in sacro eloquio recitatur,
sed

sed Plinius animo fluctuans nunc historiam negligit, nunc verò pro diuino testimonio habet: nam in libro decimo septimo, ut dictum est de fœminis in mares versis, ut oraculum quoddam Latine nam attestatur historiam.

Quare signa Zodiaci animalium nomina habeant. CAP. XXXV.



NONNULLOS miraturos arbitrò magnifice Laurenti cùm aliquandiu in astris versati fuimus, nihil me ferè attulisse quod ad nomen familiæ tuæ pertineret, nam cùm Medica familia belli pacisq; moderamina habeat, cur etiam obijcerent aliqui mentium ac animorum dubitantium non procreat curatores? dubijs enim rebus mentes hominum implicite ac perplexæ ita ægrotant, ut quiescere nequeant, quoad eas morbus hesitationis afflicta: fixa enim cogitatio & somnum & cibi potusq; appetentiam fugat, vnde nascitur ægritudo illa morborum omnium mater. Sed luce clarius apparet ex hac eadem familia talium rerum medicamina abunde contribui cùm doctorum hominum turba humanitatem tuam pariter & liberalitatem magnifice Laurenti, maximæ

alacritate secuta, id profectò efficit quod
familiæ tuæ nomen proficitur, & vt de
me loquar, magnificencia & liberalitas &
amor in viros doctos. & ruum acre in di-
sciplina iudicium inuitarunt, vt hoc anti-
dotum mentium contemperarem : vnde
~~amiram~~ de his quæ imperitorum homi-
num mentes obtenebrant, hi enim non
possunt non admirari cum de cœlo lo-
quimur monstra quædam & bruta ani-
malia ibi versari Quis enim vnquam tan-
tæ perspicaciæ fuisse dicitur, qui in cœlo
arietem, taurum, geminos, cancrum, leo-
nem, virginem, libram, scorpionem, sa-
gittarium, capricornum, aquarium, pi-
scésque viderit ? Nam nobis solertissimè
intuentibus non nisi stellæ sine forma
imaginum apparent, vnde par furori esse
putatur id asserere, quod nec visus osten-
dit, nec ratio dictat. Sed hæc omnia men-
tes afficientia exigua quadam sorbitione
numine familiæ Medicæ composita sa-
nitatem recipient. certissimū est in cœlo
nulla esse lineamenta quæ tales imagines
præfigurent, & in eo nullus circulus ap-
paret nisi via lactea & zodiacus : reliqui
verò qui numerantur, finguntur à ma-
theuraticis : nam & ipse æquinoctialis ab
ortu

ortu & occafu signorum penitus dependens, imaginarius & in nono cœlo eft. Tunc enim fignum dicitur ortum, cùm pars æquinoctialis ei correfpódens emerferit: non enim omnibus zodiaci partibus æquinoctialis æqua portione commenfuratur, & ab hoc eodem & imaginario quidẽ circulo declinationes tropicorum etiam menfurantur, de hoc fatis. Quare autem nomina fignorũ ficta fint ratio eft efficax. Mathematici, vt ordine progrediamur, fignorum primum dixerunt effe arietem, non quia aut linea aut terminus aliquis hoc oftendar, nam in figura circulari non eft nec finẽ nec principium inuenire, fed volentes inueftigare anni geniturã, quæ principium vniufcuiufq; rei facit, omnibus iterum atq; iterum perſpectis ortum fingulorum fignorum notantes inuenerunt, formato horoscopo, in nullis fignis prænuntiationis veritatem prouenire niſi horoscopante prima arietis minutia, quam cùm Sol obtinet oriens anni principium ita facit, vt quæ prædicuntur veritatem fortiantur, in reliquis autem fignis nequaquã contingit, & ficuti progreffus vitæ hominis initium genituræ confequitur: ita anniuersalis feli-

citas aut infelicitas horoscopantē in arietē Solē comitatur : hoc igitur modo primum signorum dixerunt esse arietem, & vt diximus in genitura hominū natiuitas considerata totius vitæ cursus demonstrat, ita anni natiuitatem atq; principium id esse censuerunt, vnde totius anni fundamenta dependent, quoniam in eo signo tantum futurorum veritas intellecta est: si enim primam tauri minutiam possederit, & tunc horoscopum firmaueris, ex quo tota figura cœli perpenditur, nihil penitus ex his quæ futura dicemus eueniet, & sic de cæteris dicendum est, quoniam illa non est genitura & principium anni, à principio enim omnia pendent, & ideo Manilius libro astronomicō ait,

Nascentes morimur finisq; ab origine pendet.
& Seneca etiam in Tragoedijs,

primusq; dies dedit extremum. His igitur rationibus signorū primum arietem esse diximus. Sed cur hanc constellationem arietem & non hircum aut capram dixerint, cum nulla forma appareat, etiam si à stella ad stellam lineam duxeris, nullius animalis formam effeceris, quidam admirantur: nam ex theologis sunt qui huiusmodi in cœlo monstra vt somnia delirant

rantium putant, nisi causam huius nominis & cæterorum intelligerent. Nam triginta partes zodiaci quæ duodecimam portionem hoc est vnum signū efficiunt, arietem nuncuparunt, quoniam quæ tractanda ostendendâq; sunt, nisi nomē habuerint indicari non possunt, ita vt indesignata pariant cōfusionem, & ideo ab illis diuinis hominibus portiones zodiaci duodecim nomine sunt insignitæ: ita vt omnes illæ stellæ duodecima parte signiferi interclusæ arietis nomine nūcupentur, quoniam nullum in terris animal reperitur, quod magis simile sit naturæ harum stellarū, quàm aries: nam vt dictum est prima constellatio aries nominatur, quoniam stellæ arietē constituentes reddunt hominem diuini cultus amatorem, faciem habētem mitem, summa cum humanitate incedētem, ita vt videatur ouicula quædam, & huiusmodi herôes etiam scriptura sacra nomine agni appellat: facit etiam caput firmum. Nam huiusmodi animal duri capitis sine læsione arietat. imò ex duritie sua machinamētis bellicis nomē dedit, aries enim machina in bello notissima est, redditq; natum statura mediocri, vagum, mobilem, vt illius natura

fert, & vt suprà diximus, cùm animal hoc ruminet, prohibemur medicamenta fumere ne nausea vomitúsq; sequantur, vagus autem ac mobilis est aries, vt dixi, nunquam diu aliquo in loco moratur, non admirabimur figmentum poëticum, cùm Phryxus & Helle in exilium eiekti, vt vagarentur, arietem ascendisse cantantur: præterea cùm eclipsis Solis in hoc signo fuerit, ouium pestilentia maxima prænuntiatur: defectus ergo fideris oues enecans lanigeri arietis nomen corroborauit, cùm huiusmodi defectus, hoc maxime præcipuè animal lædat. Sunt autem in ariete stellæ numero tredecim, sed extra formam animalis fictæ quinq; sunt natura participantes. Sacram autem antiquorum huius signi tutelam ideo Palladi adscripserunt, ita enim ait Manilius,

Lanigerum Pallas, taurum Cytheræa tuetur:
 quoniam diuina sapientia, quam Pallas repræsentat, quæ idem cum potentia diuina est, vt theologicè loquamur, mundum creasse creditur, cuius initium arietem esse asseruimus: veruecem tanquam natura mancum dicere noluimus, sic nec taurum bouem: ne castratum & foecunditate priuatū signum intelligamus, Taurus

rus enim & domitū bouem innuit: Virg.

Fortes inuertant tauri: & Propertius,

Nauita de ventis, de tauris narrat arator,

Bos Græcis nobisq; commune vocabulum est, sed merum Latinum bouem significans apud veteres trion à terendo dicitur, vnde & septentrionem manasse propter currus formam non sine ratione cognoscimus. taurus ergo in coelo esse narratur, quoniam in hominum genitura cum stellæ hoc nomine appellatæ vim suam exhibent, natum staturæ magnæ, corpulentum, viribus valentem, incessu tardum, oculorum grādium, latæ & præcisæ frontis cilonem, in agendisq; negotijs tarditate vtentem, labores optimè tolerantem: sagaciorem quàm fronte appareat, certissima ratione efficit: dat etiam hæc constellatio crassum collum, guttur amplum, humeros latos, quæ omnia magis huic animali quàm cæteris & forma & moribus conueniunt. Accedit ad hoc quod in iumentis & ad trahendū vehendūq; præcipuè candidis, & voluptarijs, nec non in margaritis & in his quæ ex aqua sumūtur, tauri sidus fortunatos reddit, vbi nonnihil poëticum latitat: vincta enim Europa à Tauro per aquam est: &

poëta Virg. nobis nō fine ratione cecinit

Candidus auratis aperit cū cornibus annum,

Taurus: cū rerum candidarum huius fideris curā vaticinio poëtico insinuare voluit. Signum autē tauri duabus & triginta stellis constat: vndecim verò natura participantes extra numerantur, sed de sexu, quoniam, vt inquit Ouidius, de eo, posteriora latent ambigitur, nemo enim adhuc intellexit taurus an vacca sit, quod prima facie leue, grauem sentētiā continet, in eo nanq; & quę muliebria & quę etiam virilia sunt reperiuntur, quæ in effectibus sexus ambiguitatem effecerunt: hoc autē more antiquo signum solidum, quod nos fixum vt suprā habuimus, sicuti arietem signum erraticum, & more nostro mobile nominauimus. Geminos inter cœlestia etiam nominis ratione habitata locauerunt, hoc autē signum, cū vim suā exercet: manus & brachia ornat, quæ ita cognata sunt membra, vt sub geminorum appellatione deliteāt, libidinosos efficiens, cū in coitu coniunctio congelatioq; corporum requiratur, credulos facilesq; placatu reddens, dilectionis fraternæ non obliuiscitur, credere enim alteri est quodammodo alteri se iungere,
hoc

hoc est in eius dicta confluere, unde hoc fidere cōiunctio conciliatiōq; nascuntur. Nam si Luna vel domina genituræ, in hoc signo aut hoc signum horoscopans est in genitura alicuius, amicos adducit, societatem & amicitiam inter duos maxime procreat. Sed cum Mercurius fines Veneris, qui in hoc signo sunt, tenuerit, muscos dulci modulatione canētes reddit, quod etiam concordia est, fides enim chorda instrumēti musici testimonio Festi dicta est: quia inter se ut fides inter homines concordat poētæ autem hoc fidus ex Castore & Polluce constare sinxerunt, qui gemelli, tanta fuere cōcordia, ut alter pro altero nominetur. Vergil in Georg.

-domitus Pollucis habenis

Cyllarus. cum nusquam legatur Pollucem equo usum, imo Horatius ait

*Castor gaudet equo: ouo propugnatus eodem,
pugnis.* Pollucem ergo pro Castore sine differentia nominauit, & cum alter eorum, id est Pollux immortalis, alter vero id est Castor mortalis foret: tanta inter se pietate iunguntur, ut Pollux cum Castore fratre immortalitatis dona communice, hinc Virgilius:

Si fratrem Pollux alterna morte redemit,

ita ut

ita vt ipse plerunq; vicissimq; moriatur, vt viuat frater, hoc autē fictum est, quoniam stellæ geminorum ita sunt in cœlo collocatæ, vt vna prius quàm altera ab oriente emergat, & tunc illa dicitur viuere, quia sicut occidere stellam dicimus quæ in occasu est, ita pari ratione viuere dicetur, quæ ab oriente emergit: vt exempli causa Pollucis stella mane citius apparebit & viuet, alia verò tunc non apparens nondum reuixit: mortua ergo dicetur. Sed vesperi cùm tenditur ad occasum quæ prius orta est prius occidit, & tunc post Pollucis occasum id est mortem, castor apparet, & viuit, & hoc modo singulis quibúsq; diebus, vicissim & oriuntur & occidunt: occidere autem vt diximus commune est ad mortem & ad occasum, hinc illud Annei Senecæ,

Tiphys in primis domitor profundi,

liquit indocto regimen magistro,

littore in extrema procul à paternis

occidens regnis.

Sed gemini iacentes ab orizonte emergunt, pedibúsq; occidunt, nam si recti orirentur, non facerent illam apparentiæ vicissitudinem. Tales igitur causæ signum geminorum illustrāt, quod duodeuiginti stellis constat, suæ naturæ
simi

similes, extra se septem alias trahēs. Cancer etiam in cœlo ex vi & natura stellarum nomen adipiscitur, est enim maris aquarumq; possessor & rector, qui cū in alicuius genitura se ipsum fundit proprietatem natiuam explicans, hominem sui simillimum facit, in parte superiori corpulentum, sed circa femora crurāq; cum tibijs gracilem, paruorum oculorum ac hebetium, deformis vultus: longorum brachiorum, corporaturæ imbecillis, formidulosum, omnia suspicantem, ramulos ex minimo aucupantem reddit, dominatur ossibus pectoris, dorso, lieni, pulmonibus, costis, quæ inuersa cancri figuram monstrant, vt in libro de Homine declarauimus. De hebetudine oculorum ratio affertur, quoniam in signis tropicis Sol & Luna synodica ratione coniuncti ita vt Luna sit omni splendore priuata, & cum his sit Mercurij numen, sapientiam maximam & omnibus seculis admirandam, ingenium fœcundissimum, multarum rerum scientiam, cum oculorum cæcitate & debilitate corporis tribuunt. Cācer igitur deformis ac imbecillus thorace crassus femoribus tibijsq; gracilis, sed brachijs lōgior, oculis cæcutiens, iure
ac

ac merito hoc nominis habuit : nam & Homerus & Thamyras & Tyrefias sapientia clari, cæcitate deformes vi huius signi effecti sunt : nā in carcino, sic enim Græcè dicitur : Lucanus, idémq; quod carcinus ardens humidus ægoceras, vnde decim stellæ sunt, extrà verò naturæ consimilis quatuor numerantur, ex quarum numero, duæ in testa ipsius cancri, quas vocant asellos, intérq; eas nebula apparet quam vocant præsepe in quo cæcitatís omnis vis existit : hinc illud Propertij,

oc̃tipedis contra terga sinistra time :

oc̃tipes aurem est cancer, vnde

oc̃tipedis frustra querentur brachia cancri,

Vnum tamen non est obliuioni mandandum, in hoc signo plures esse gradus vitiosos : quos Punica lingua azemana vocat. Leo signum inflammatae caliditatis, dissipans, versutum, talia enim operantur stellæ, quæ leonis appellatione tenentur, quæ cum vim natiuam ac propriam in alicuius genitura exercent, natum in pugna victorem animi regij efficiunt, sicut leo brutorum rex appellatur, nec nō austerum, audacem, fortē, palam publicēq; se ostentantem, à superiori parte natum corpulentum, ab inferiori verò gracilem redd

reddēs, cuius leonem intuenti hanc formam leoninam esse persuadebit, cū id animal, lato & toroso pectore, exili crure formetur, & in genitis vultum atrocem, spiritum inflatum, armos amplos, nō sine crassitudine operatur, pernicitatem autem pedum, cor magnificū & inuictum præstans, in re militari ac principatu fortunat. Sed hæc omnia conuenientius huic quā vlli animalium tribuuntur, vnde & nomen inditum est, sed in homine latera, iecur, & cordis infimam partē vbi animositas viget, (Nam leones animosos esse etiam vulgus nouit) regit, & possidet, stellæ autem huius sideris apparentes sunt xxv. & ante ipsum clarissima stellarum canicula, vt postea docebimus, & in leonis pectore etiam clarissima est, quam tuberone vocauit antiquitas: Sed extra leonis imaginem natura participantes sunt stellæ octo. Vnum iterum atq; iterum repetendum esset, omnes matheſim proficentes in hoc conuenire, pessimum fore nouas vestes induere, cū luna fuerit in leone, signum enim calidum caliditatem vestium addi prohibet, ne furor oriatur: nam simile additum simili facit furere. Virginem etiam à sideris apotelesmate
nun

nuncupant, nam stellæ apparentes quæ numero vndeuginti censentur, si viribus suis ac proprietate vtantur, hominē pulcherrimum, aspectu faciēq; virginea nitidum, castigato ventre, labellis tenuibus, capillo plano, pedibus paruis virginali decori conuenientibus non sine gratia exornant, castum, piū, veridicū, honestum minima quæq; inhonesta verentem, reddentes, & si in hoc signo fuerit Luna, ex virgine ducta in vxorem perpaucos liberos procreabis, cū vt diximus in hoc signo Venus cadat, quæ exaltatur in piscibus, pisces nanq; & virgo opposita se radiatione lacesunt, optimū quippe factu est, vt in casto signo Venus læguescat: hoc igitur apotelesma rectē cohæret. Sed in corporibus humanis, aluū, intestina, vmbilicum cū habeat, nemo dubitabit huiusmodi partes pudore virginali contegi debere. Sunt autem huius fideris stellæ **xxiii.** inter quas illa quā spicam vocitant versatur: extra verò imaginē sex locātur participes. Libra iam sequitur, lumbos, vertebra possidens, vt dictum est, ab æquaris iustitiæ lancibus nomen inuenit, pondere enim numero & mensura examussim pēsitis, iustitiæ vexilla porrigit,
illi

illi nanq; bilanx tribuitur à qua & non à
 forma imaginis nomen tale accepit: non
 igitur mirum est si Virgil. primo Geor-
 gicôn Augusto Cæsari eam cœli partem,
Qua locus Erigonem inter chelasq; sequentes,
 sedem optādā tribuat: vt in libro de In-
 cognitis vulgo latè locuti sumus, suppu-
 ratis retrò temporibus, & in antè dictis
 hoc idem retulimus, Sed hanc octo stelle
 ornant, cū exterius in natura cōformes
 nouem sitæ sint. Scorpio signum à suis
 moribus & non ab animalis similitudine
 nomen inuenit: hoc enim fidus, menda-
 cia, proditioes, adulationes, dolos, nec nō
 stratagemata militaria machinatur: spe-
 culatores, grassatores, susurriones, detre-
 ctiores, maledicos efficiens, rumores, ri-
 xas, imposturas & alias huiusmodi fal-
 lacias struit: vbicunq; enim dolus subesse
 nōscitur, aculeum scorpionis esse suspi-
 camur, in conspectu & ante oculos blan-
 dum, retrò verò mordacem, adultores
 nanq; & homicidæ ex sententia theolo-
 gorum vt excedentia & excessa militant,
 nam adulatio homicidio grauior in hoc
 quòd animos populatur, cū patricidiū
 corpus destruat, animos autem corpori-
 bus esse pretiosiores etiam anticulæ no-

uerunt. Sed cùm homicidium irreuocabile fit, adulatio verò emendationem recipiat, certissimum est grauius esse adulatione parricidium. hæc igitur quæ dolosa sunt scaténtq; fraudibus merito huius insecti nomen obtinuerunt, vt talis constellatio scorpius dicatur, qui non aperta fronte, sed aculeo caudæ ictum infligit: hinc est vt præpostera Venus & adulteria & emasculationes huic fideri assignentur: est enim in eo gaudium Martis, ita vt verenda corporis, vt vuluam, membrum, podicem, herniam, coleos & alia quæ fœda & visu & relatu sunt, possideat. Sed scorpio & insectum est & pro genere flagelli ponitur, vnde in libro tertio Regum, & sunt verba Roboam filij Salomonis, pater meus cecidit vos flagello, ego autem vos cedam scorpione. Scorpio autem est etiam genus spinæ incuruæ aculeatæ à similitudine vel animalis, vel animal à similitudine spinæ dictæ. Plinius tertio decimo Naturalis historiæ Tragon & Asia fert siue scorpionem, veprem siue folijs ramis rubentibus. idem vicesimo primo, in totum spina est asparagus scorpio, nullum enim folium habent. Cedere autem scorpione est grauiter verbera

berare, nam sine folijs spina tantum aculeata absq. obstaculo vulnus infligit: vepres autem à valde prendendo dicti sunt, de quibus poëta Virgilius,

- & sparsi vorabant sanguine vepres.

sunt igitur scorpionis fideris stellæ numero x x i. extra autem tres dumtaxat numerantur. Sagittarius qui & Chiron Centaurus esse creditur, biformis ex humana ferinâq; natura compositus nomen hoc non sine ratione inuenit, proprietates enim stellarum quibus ornatur hoc expostulare videtur: nã cum omnes rectissimè intueri cupientes altero oculorum clauso vim luminis intendant secundum illud Persij,

- atq; oculo rubricam dirigit vno: nam hæc fidera vnoculus faciunt, sagittariorum more vtentes, & cum hæc eadem superuacuis membris humanum corpus infestent, vt duobus capitibus, brachijs quatuor, digitis sex, testiculis aliquando tribus, quæ omnia cum monstrosi fideris nomine efficiuntur. Centaurorum natura monstrosa est, fuisse autem Centauros & Satyros diuus Hieronymus in vita Pauli non negauit, Sed humana facie, pars fideris quæ esse dicitur, homines nō

indecoros procreat flauo crispóq; capillo
 exornans, fortes verò & audaces ac cursu
 veloces, & in equis aut equabus felicita-
 tem in his præsertim qui equitibus con-
 ueniunt, centauri natura largitur, cū ex
 equo hominēq; participet. Accedit etiā
 quòd hoc signum & coxas & femora mo-
 deratur, nullum igitur animalium simi-
 lius naturæ stellarum inuenientes Ma-
 thematici hanc appellationem finxerunt,
 sed stellæ numero triginta vna huius si-
 gni sunt, & extra tres tantum relucet.
 Capricornus qui Græcè ægoceros, Lu-
 can. Humidus ægoceros, à similitudine
 effectuum sideris ipsius nomen adeptus
 est, id enim signum cū vim ac naturam
 longè in genituris explicat, natū tristem,
 macilentum, tremulum, frigidulum cum
 facie deformi, & oblonga & subcaperata
 nulli hominum grata, oculos abactos, vi-
 su tamen acutos, nec non barbam incom-
 positam, sensus simplices, locutionem tre-
 pidam, & inculcatam, ineptijs scantētem,
 ambulationem hominis fatui efficiens,
 aptissimum nomen sibi accomodauit: Ca-
 per enim barbæ incompositæ, sensus he-
 betis, luminisq; acuti animal est, nō enim
 minus noctu quàm interdiu cernit testi-
 monio

monio Plinij, vocem autem tremulam, vultusq; tristitiam & corporis maciem qui in capris non vidit, cæcus est penitus, & cum capræ capreæque, & campos & montes incolant, non mirabimur ab hoc fidere & in agricolatione, & hortis, & animalibus quibus terra colitur, fortunatos gigni, cum & lapides & materiam ad ædificia summa cum felicitate suppeditet, genua ex homine possidens, Martis exaltationem sustinens, vnde in libro nostro de incognitis vulgo Suetonij dictum declarantes, cum ait Augustum fidere capricorni natum, ad conceptionem retulimus, vt horoscopo, magnitudo Augusti cæsaris quadret, & quod de pluuijs quoque in hoc libro est, ibi ad Augustum relatam illud Horatij,

-*Tyrannus*

Hesperia capricornus vnde,

quod plurimas interpretationes recipit, vt dicta poëtarum sunt, nam & siccitatem & humiditatem sub hoc sermone comprehendimus, humidum enim qui capricornū dicit. Lucanus vt hyemale signum intellexit, quoniam Saturnus per se cum frigidus siccusq; sit, magis siccitatē quàm humiditatem operatur. Huius autē signi

stellæ duodetriginta tantummodo sunt. Aquarius qui hydrochous dicitur Græcè à Catullo, plurimis stellis ornatur, nullum enim ex signis zodiaci tot stellas habet, quem quidam Ganymedem, quidam verò Inachum esse asserūt: & ob hanc causam Anneus Seneca in Tragœdijs semedum præstans ait,

Et versas quisquis es urnam: quod & rationem habet, urna vas indicat huic signo immobiles aquas & vitiatas ut lamæ, stagna, paludes sunt, & alia huiusmodi tribuimus, habet enim urnam in qua aquæ clausæ, sine motu viriantur. Sed cum stellæ aquarij suas in genituris vires effundunt, hominem succi plenum, coloris viuidi, candidiq; staturæ decentis vultusq; formosissimi, pulcherrimi nasi, capillorum flauorum atq; densorum facientes, eloquij suauitatem, verecundam faciem, mitem, venustam cum gratia, interque atrienses strenuū, perpulchrè ministrantem, fortunatum ac libidinosum hominem præstant: non igitur ab re est ut sub nomine ganymedis vis hæc fideris latitans includatur. Is enim forma pulcherrimus à Ioue raptus: nam & hoc etiam mysticum est, inter atrienses pincerna
cuius

eius factus dicitur, & sub hoc signo crura hominum esse mathesis enarrat, quod & verisimilem habet formā. Crura enim nostra si inuertantur vasorum & urnæ speciem præstant: nam suræ ventrem, & subfragines collum vasorum referunt, Colla enim strictiora ventribus in huiusmodi urnis conspiciamus: rectissime igitur propter urnam crura immobilēsque aquas, huic signo simul cum vna & quadraginta stellis assignamus: necnon tres alias participantes extra eius imaginem connumeramus. Pisces extrema zodiaci occupantes, subsident enim & in aquis de natura sui sunt, cū cætera signa terram colant, nam cancer & scorpius quāquam de trigono aqueo esse noscantur, nonnihil tamen in terra versantur & viuunt: meritò igitur pisces infimum ac vltimum locum tenuerunt, habentque in figura hominis pedes, cuius quidē sideris proprietas cū se in genituris hominum explicat: nam squamis signum relucet limpida, nitidāque naturam, faciem rotundam, oculos mites & hebetes, nasum & labia crassa, scapulas amplas, brachia breuia, lubricum agilēque corpus, pectus latum, breue crus, & hominem leui de

causa formidulosum, credolum, placabilem, & propter hanc causam pronum ad religionem reddens, naturam piscium imitatur, squamis namq; nitor inest, & credulitas cum facile escis hanisq; decipiantur, hebetioribus oculis pisces habentur, non enim vident retia & alia quando non sunt maxime sensibilia. Nos enim oculis acutioribus sumus quam pisces, sed inter cætera animalia in multis deficiamus. Speties enim humana in olfactu manca est, nam animalia tenuissimum quodq; olfactu comprehendunt, ut amicum ab hoste, ut filium ab alieno, ut proficuum à noxio, sicuti & in canibus & ouibus alijsq; perspicimus. Nos verò non nisi maxime sensibilia odoratu intelligimus, sic enim in libro de Anima Aristoteles sentit, ubi exacta est philosophia: sed in Problematum decimo oppositum sentit, in quo nemo admiretur: nam problemata oratorias magis quam philosophicas rationes habent quæ cum quadam hæsitacione ponuntur. Interrogat enim sæpe ut ratio problematum requirit, ne videatur aliquid affirmare philosophus, & nisi ita sese dicendi modus haberet, profectò multa in eo libro deliramenta, & ma

& maximè cùm de sternutamentis loquitur interposita nosceremus, sed libri Aristotelici summa cum diligētia lectitandine vel liber de Animalibus, vel Problemata, vel Meteororum codex nos illaqueent: ridicula enim plurima esse viderentur, atq; vtinam omnes docti, more Beati Augustini vterentur, doctis. enim & sanctis. vir, sua errata quæ ipse nouit in vnum volumen quod Retractationum dicitur congeſsit, de his satis, ad rem igitur nostram rediens dico: Hoc signum piscium hominem natum, multorum itinerum atq; locorum auidum efficit, ita vt domicilia sæpe permutet, at fornicatores adulterosq; efficit, aurea autem & argentea opera tractare ex nitore squamarum quiuis bonum esse deprendit, nam & hæc & quæ in aqua vel ex aqua fiunt, omni ratione secundat: verendum tamen est ne conceptus Luna in piscibus existente comitiali morbo grauetur: sed concordia tractare vnionemq; efficere cùm duo sint pisces inter se commissura ligati, commodè Mathematici asserunt. Sed quid de libidine loquamur, cùm in piscibus vt dictum est, Veneris exaltatio, & tanta vis pisciū breui & maximè in mari

crescat, vt & cæteris & sibi ipsis sit copiosa esca: labiorum crassitudinem, gulosos reddere asserit Aristoteles, vnde cibi auiditatem & ganeam ab hoc astro innatis fieri iudicamus, crurum brachiorumq; breuitatem ab his fieri qui utroq; membro priuantur, nemo mirabitur. Venerem verò in bello gyganteo in piscibus delituisse, non sine ratione fabulantur, cum ei tam bene conueniant. sunt autem huius signi stellæ quatuor & triginta his connumeratis quæ in commissura ponuntur: est autem commissura, ea qua ligantur inter se linea: Extra autem quatuor tantum enumerantur. Hæc igitur in medium adduximus, ne videantur nomina signorum temerè inuenta, cum huiusmodi imagines nullo modo appareant: nam Mathematici tanta solertia tantâq; animi perspicacitate fuerunt, vt minutissima quæq; perpenderint, nihil omittendo quod cognitione dignum putaretur: nam cum mille & duas & viginti stellas notarint, spem etiam inuestigandi nõ ademerunt, vt nos quoq; intelligere possimus: & cum octo & quadraginta imagines in cælo sint nominibus suis appellatæ, etiam rationem nominum ostenderût: de duodec

decim enim principalioribus iamdictum est, in relinquis ab effectu quoq; nominatis etiam formæ similitudinem aucupari conantur, ut in iaculo & corona, cum effectus reperiantur in his nominum imposituris. quoniam potestatem in ea tenēt à quibus appellationem inuenerunt. Aries enim in oues, taurus in boues, leo in leones, scorpio in scorpiones, piscis in pisces, virgo in virgines & steriles, & sic de cæteris imperium habent. Sunt etiam quædam stellæ etiam nominibus proprijs insignitæ, ut in pectore leonis tuberon, spica in virgine, helice maior vrsa, minor verò cynosura dicuntur, cuius cursum Phœnices primi inuenerunt, ad quā navigationes dirigunt, de quibus Lucanus,

Has ad bella rates non flexo limite Ponti,

Certior haud ullis duxit cynosura carinis.

Quòd autem nō propter stellarum situm nomen sit inditum, non leue argumentum est, quod Mathematici canem in cælo vocant duabus tantum stellis constantem, duæ autem stellæ nullam imaginem præfigurant. Sed maximè aduertendum est in imaginibus quæ sunt in circulo signorum hoc est in zodiaco cum singula signa triginta partibus æqualibus constant,

stent, attamen nec latitudine nec longitudine: quod admirabile putatur æqualia sunt: figuræ in zodiaco plus circuli alijs in longitudine occupantes, etiam latitudinem excedunt: vt vnusquisq; sphæram barbaricam intuēdo facile diiudicat: hæc autē octauæ sphære varietas, vt quædam pictura nihil profecto vel parum admodum operatur, satis est si noni cæli aut decimi vt quidam volunt, duodecima pars triginta gradus æquales habeat: nam ad eius motum omnia supputantur, imò equinoctialis noni cæli circulus testimonio Mathematicorum est: in nono autem cælo quidam autores non esse integras imagines & signa, sed tantum characteres referunt. Character autem perfecta imago magiæ instrumentum est, sed qua coniectura id dicāt dubium est: alij apud Indos & Persas vbi clarius omnia apparent, visa quædam fuisse narrant, alij verò spirituum reuelatione notum, hoc esse arbitrantur: vtcumq; sese res habeat certissimum est, ad nonum cælum vel vt quidam nō sine ratione putant decimum omnem supputationem referri. Nam in mathesi nihil probatur, nisi ratione aut experimento perspectum, primum enim
cert

certitudinis ordinem matheseos disciplina possedit, & cum tot tantaq; admiratione dignissima astrologi inuenerint, non mirabimur à poëtis eorum ingenia admirantibus Atlantem illum astrologum qui eo tempore florebat, quo Moses dicitur natus, fratrem Promethei phyci, de quo Ouidius,

*Quã satus Iapeto mixtam fluminalibus undis
Finxit in effigiem moderantum cuncta deorũ.*
Hic primus ratione probauit, hominem corpore animaq; constare, quæ immortalis diuinãq; esset, illum inquam Atlantem in montem fuisse conuersum, quod & poëta Virgilius non negligens carmine declarauit,

Axem humero torquet stellis ardentibus aptũ,
ut & mentem & astrologum poëtica iucunditate cantaret. Nam in 1. dixerat:

-Cithara crinitus Ioppas

Personat aurata docuit quæ maximus Atlas.
Cum igitur Mathematici, tam excellenti ingenio fuerint, non immerito Ouidius in eorum laudes hoc carmen cecinit:

Felices animæ quibus hoc cognoscere primũ.

Inq; domos superas scandere cura fuit,

Credibile est illos pariter vitũs iocũsq;

Altius humanis exeruisse caput,

Non

Non Venus & vinū sublimia pectora fregit,
 Officiūq; fori multaq; labor,
 Non levis ambitio perfusaq; gloria fuco,
 Magnarūq; fames sollicitavit opum.
 Subiecere oculis distantia sidera nostris,
 Aetheraq; ingenio supposuere suo:
 Sic petitur cælum nō vt ferat ossam Olympus
 Summaq; Peliculus sidera tangat apex.

De cane, canicula, orione, vesperugine, plei-
 adibus, id est vergilijs, Hyadibus, boote,
 ædis, ædo, & stella quid sit, & de Venere
 quedam egregia & ludo chartarum.

C. A. P. XXXVI.



CVM multa magnifice Lauren-
 ti de astris mixtim & con-
 fusè narrauerim, decreui mo-
 re poëtarum quæ excellentia
 sunt, seorsum ab alijs tractare, sic enim
 Virgilius plerisq; in locis factitauit, vt
 Troas reliquias Danaū atq; immitis Achilli.
 & iterum,

Forſitan et Priami fuerint quæ fata requires:
 ſic etiam nos ſeorſum ab alijs ponemus
 canem, caniculam, orionem, veſperugi-
 nem, hyadas, pleiadas bootē, ædos, ædum,
 quæ apud poëtas in frequentiffimo vſu
 ſunt, & in libro Iob pleraq; referuntur
 obſcu.

obscuritatem parientia, in scientia fiderali minimè exercitatis. His enim stellis maxima vis tribuitur, vnde Persius,

-infana canicula menses

Iam dudum coquit, & Plinius secundo Naturalis historiæ ait, Caniculæ exortu accendi Solis vapores, quis ignorat? eius fideris effectus amplissimi habentur, feruent maria exoriente eo, fluctuant in cellis vina, stagna mouentur. Virgilius verò Aenei.

-Syrus ardor,

Ille sitim morbosq; gerens mortalibus egriis

Nascitur et leuo contristat lumine celum.

De hoc igitur fidere primus erit sermo. In cælo sunt canis & canicula eiusdem ferè effectus: dicti autem sic sunt propter caloris furorem & rabiem quæ canes maxime infestat etiam morsu periculoso, ut suprâ tetigimus & inferius etiam apparebit. Canicula verò genere fœminino & diminutiuo nomine celebratur maxima ratione: fœminæ enim in specie canina sunt masculis longè rabidiores, tum de natura sui, tum etiam propter sobolem, cum catulos educant: & ideo Boetius in libro de Consolatione Paulinum consolarem virum cuius opes palatinæ, canes
iam

iam spe atque ambitione deuorassent, ab ipsis hiantū faucibus retraxi, inquit. Sed nomen meruit diminutiuum, quia non ita lucet ut canis, Nam canis vna de quindecim primæ magnitudinis stella omnibus quæ in cælo nostro sunt lucidior apparet. Est autem canis nostro tempore in quinta parte cancri, meridionalisq; ad pedem Orionis esse dicitur, ut declarat Boetius in libro Diuisionum, cum ait, est canis cæleste sidus quod ad Orionis pedem morbidum nutat, nonnulli medicorum Cynosuram vocitant: oriturque cum quinta parte cancri, & hoc est quod ait Seruius super eo versu,

- & aduerso cedens canis occidit astro.

id est sidus canis est paranatelson cancri, iuxta illud oriens, exponensq; auersi astri occasum, nauem intermiscuit, ea enim auersa hoc est à puppi oritur, & non à prora hoc autem sidus post caudam magni canis locatur, ac si diceret, occidit canis cum auerso astro, id est cum maius oritur ita enim sensus videtur, nisi auersum astrum ad canem referas, ac si diceres cadit canis cum suo astro auerso, hoc est malitia sua quæ auersa & irata nobis est. Sed & alia constellatio est tribus nomini

minibus appellata Græcè procyon Latine antecanis & canicula, & hæc cum vigesima septima parte cancri oritur, & dicitur septentrionalis vt inferius ostendetur. Sidera enim septentrionalia nobis priora excellentioraq; sunt meridionalibus, vnde Virgilius,

Hic vertex nobis semper sublimis, at illum

Sub pedibus nox atra videt manesq; p̄fundi.
de procyone ergo siue antecane siue canicula Manilius quinto Astronomicôn.

At procyon oritur cum iam vigesima cancro,

Septimaq; ex vndis sese emergit in astra,
hoc modo esset nisi varietatem fecisset motus octauæ sphæræ. Cicero facta compositione

Antecanis Graio procyon quod nomine fertur,
in suis versibus dixit, & Hippocratis interpres in quarto Aphorismorum ait sub cane & antecane molestæ sunt purgationes, quod quidem medici male intelligentes dicunt sub cane & ante canem id est in cancro & capricorno, quod dignum risu est, putant enim ante & ex opposito eadem significatione notari, & vt ad rem redeamus, Iulius Firmicus nomina confundens, de cane & Argonaui simul loqui videtur hoc modo. In pri-

ma parte leonis oritur canicula quæ à Græcis cyrion dicitur, qui tunc nati fuerint effrenatos animos ad omne studium præposteræ facinoris applicabunt, erunt etiam ab omni humanitatis gratia separati, & qui libenter omnia violenta studia sectentur, furiosi, iracundi, terribiles, minaces, hoc sermone Firmici caniculam pro cane accipi monstratur. Higinus quoq; ex his duabus vnam imaginem faciens in lingua alteram, alteram verò in capite locans, syron vnam ob nimium splendorem absidis appellatum ait, ut eam præ cæteris nosceret. Sed iuniores luminosorem in ore canis esse asserunt, & Plinius xviii. sic inquit. Aegypto verò procyon, quod sidus apud Romanos non habet nomen, nisi caniculam hanc velimus intelligi, hoc est minorem canem, sanè ut in astris pingitur: est autem magnopere pertinens, sicut paulò mox docebimus, hætenus Plinius: qui paulò post ait, canis ortum vocamus Sole primam partem leonis ingresso, post solstitium xxiii. dies, sentiunt id maria & terræ, multæ verò & feræ ut suis locis diximus, nec est ei minor veneratio quam descriptis in deos stellis, accenditq; Solem.

lem & magnam æstus obtinet causam, distinguit igitur Plinius nomina, confundens potestatem canem & caniculam eodem pertinere arbitratur, quia in eodem libro dicit, obseruatione aquilæ in septentrionali parte & in austrina caniculæ. Nos verò canem in austrina, caniculam verò in septentrionali parte locauimus: sed vt vidimus, Plinius, Higinus, Manilius, fidus hoc confundentes ad vnum tantum cœli partem pertinere arbitrantur, sed iuniores & perspicaciores quidem alterum ad septentrionem, alterum verò sidus ad austrum pertinere iudicarunt: nam Petrus Aponanus octauæ sphæræ motum percallens, de ea nanq; librum solertissimè edidit, diuersos numeros cani & caniculæ assignauit ab antiquitate maximè remotos. Sed sunt quidam antecanem dictum putantes quoniam plures partes canceri pertransiuit à leone incipiendo, quia cancer retrocedit, quod non probatur: eorum autem vera putatur opinio antecanem ideo dictum esse, quia maiorem canem antecedit: est enim positus ante illum canem qui leonem præcedit per viam navis & leporis in cœlo, vnde prior oritur ante-

canis quàm maior canis, & ab antecane id est caniculadies dicuntur caniculares: est autem signum in lacteo circulo ad occasum descendens sub genibus orionis, & hinc fabulantur fuisse canem orionis. Sed ut ad dictum Plinij Virgilijq; reuertamur, poeta eadem ferè quæ Plinius dicit, sitim enim morbosq; illo fidere fieri autumans & aquas moueri; & vina in cellis fluctuare monstrauit: fluctuatio namq; vina aut acida aut mucida aut vapida efficit, aut alio quouis incommodo vitiat, & motus turbidam lutulentamq; aquam reddit, cùm maria autem feruent & calorem & aëris tristitiam intelligimus, ex quibus morbi nascuntur. Et sicut canis cum Sole feruorem acutissimum, ita cùm de diametro eundem aspicit, frigus intensum generat. Coniunctio namq; & oppositio maxime aduersantur, illa amoris & beneuolentiæ, hæc discordiæ inimicitarumq; est. unde non mirum est contrarios ex his effectus oriri: nam caniculæ exortu vespertino qui tunc fit, cùm Sol capricornum possidens ad occasum tendit, acutissima frigora sunt, bene igitur de canicula Manilius,

Cum verò in vastos surgit Nemeus hiatus

Exoritur

Exoriturq; canis latratq; canicula flammæ,

Et rapit igne suo geminatq; incendia tedis.

canem & caniculam simul nominās, tanquam vnius sideris stellas inter se quibusdam partibus ex latitudine distantes more nostro, cū altera ad arcticum altera verò antarcticum polum attineat. Nec te admiratio teneat, quoniam Sol per centrum coniunctus non vrit, sed fortunatus existit, ut nosti, dies verò qui à canicula caniculares nominantur sunt numero quadraginta maximè aduertendi, incipientes circa vndecimum mensis Iulij vicesimo die Augusti terminantur, à quibus Græcè fructus horarij, qui hyemi reponi non possunt, à nonnullis medicis nuncupantur: horam enim Græcitas quamlibet anni partem, ut hyemen, ver, æstatem, autumnum nuncupans effecit, ut nos per excellentiam canicularios, id est horarios fructus corruptioni obnoxios, cū hyemi reseruari nequeāt, de surculorum fructibus intelligēdo appellemus: succi enim & humorum temperies, vnde iucunditas saporis exoritur, huius sideris vehementia conquassati vitiantur, & contabescunt adeò ut penitus inutiles reddantur, & hinc illud quod

sæpe in ore versatur, diui Hippocratis oraculum emanauit, vt cane & antecane molestæ sint purgationes, ita insinuans, quoniam sub vicinitatem exortus fugiendam præceperit, hætenus de canicula, nunc ad alia me vertam. Orionis fabulam narrat Higinus. Plinius verò septimo Naturalis historiæ sic de eo, In Creta terræ motu rupto monte inuentum est corpus stans quadraginta sex cubitorum, quod alij Orionis, alij Etionis fuisse tradunt. Hæc autem quæ Plinius narrat nemo putet esse falsa, nam gygantes fuisse sacra narrat historia, & Romæ tempore Henrici tertij inuentum est cadauer Palantis, quem Turnus occidit, tantæ magnitudinis vt longitudine sui Romanos muros æquaret. Accedit ad hoc quod cum de stirpe Neptuni dicatur, nepos enim fuit propter Ireum patrem, non immerito gygas fuisse narratur: monstrosa enim Nepruno tribuit antiquitas, & sacra scriptura hoc etiam innuere videtur, cum in libro Iob dicatur Ecce gygantes, genuit sub aquis. hinc igitur Orion tam vasti corporis in astris more poëtico locatus maximum signum effecit, nam ab ariete in cancerum vsque
exten

extenditur, & cum cancro totus exoritur, vt narrat Higinus, & propter sui magnitudinem nonnulli numero plurius, sidus hoc orionas vocauêre, vt in libro Iob qui facit Arcturum, & Orionas & hyadas & interiora austri. de Orione non conuenit inter veteres, octauæ sphæræ motum olfacientes tantum & non intelligentes, cùm Hipparchus cardines cœli loco suo aliquando cessuros cecinerit, & iuniores quos hac in re peritiores esse constat: Firmicus enim ita in arietis sinistro latere oritur Orion, in partes scilicet octo & viginti, at Petrus Aponamus ait, Orion vna de meridionalibus imaginibus est circa medium geminorum. Si ita est eius ortus vespertinus Sole occupante medium sagittarij circa vigesimum nonum mensis Nouembris, hoc est cùm hyems incipit, & tunc quoque hoc signum sicuti in ortu maturino aquas mouet & tempestates facit, hinc est quod quodam figmento abstruso ab vrina deorum conceptus creditur, ita vt ex humore natus humores faciat, & in prognosticis claritas obscuritas ve eius claram turbidamque tempestatem inducit, & maximè id indicant

stellæ, in eo quæ iugulæ sunt, quoniam ab utroque numero fulgentes iugulum Orionis efficere videntur: nam in hoc homine iugulum vocamus, ubi ossa ab humeris venientia in gutture, tanquam iugum in bobus conuenire videntur, unde & iugulare tractum, quod etiam ad morbosam mortem applicatur, dicente Cornelio Celso: quartana neminem iugulat. Hæc autem imago propter sui, ut diximus magnitudinem pluribus locis esse dicitur: est enim sidus maximæ motionis siue in terris, siue in mari, siue in pectoribus hominum, ita ut cum totus vno momento exoritur: exoritur autem hoc modo cum cancro, & quia propter sui magnitudinem tardare ortum deberet, & non facit, ideo subito oriri dicitur. Quæ autem subita sunt, solertiam sapientiamque hominum, remota cogitationis commoditate penitus fugiunt. unde Ilioneus apud Didonem, ne imperitus nauta putaretur, improuisam illam tempestatem in subitum & incognitum Orionis ortum reiecit, ait enim

*Cum subito assurgens fluctu nimbosus Orion
In vada ceca tulit.*

quod fuit argumentum validum apud
regin

regiam astrologiæ peritam, vt eius oblectamenta demonstrent, vt

-cythara crinitus Ioppas

Personat aurata docuit quæ maximus Atlas,
 & alia plurima, Oritur autem mane totus circa festum Ioannis Baptistæ, semper enim illis diebus aut pluuiæ, aut venti, aut typhones, aut alia huiusmodi incommoda accidunt, nisi aliquando planetarum benignitas hoc felice radiatione mitiget. sed vnum obliuioni nequaquam tradas, tempestates etiam à summis mathematicis ad certum diem prænuntiatas, plerunque triduo aut tardasse aut anticipasse, quod nos sæpe experti sumus, & maiores nostri non tacuerunt. vnde Plinius decimo octauo, ita fit vt tradi non possint certa siderum tempora, accedit confessa rerum obscuritas, nunc præcurrente nec paucis diebus tempestatum significatione, quod prochemasim Græci vocant: nunc post veniente, quod epichemasim, & plerunque alias citius alias tardius cœli effectum ad terram deciduo. Sed omnia quæ Plinius ex autoritate maiorum narrat eueniunt, quoniam stellarum fixarum non habetur plena cognitio, vnde oculis videmus

grandinem etiam præuisam vicina contiguâque loca non æquè infestare. Sed cum Orionis tantam sublimitatem ceruimus, in cœlo enim locatus est, non videtur ab eius apotelesmate dissentaneum: nam in occasu genituræ inuentus inter alia efficit, vt homini sic nato, honores, tituli, imaginésque & alia huiusmodi insignia post mortem tribuantur. Vesperugo non stella fixa sed planeta est, de qua Vitruuius Architectus libro quarto ait, vesperugo ea cum Solem sequitur, post occasum eius apparens in cœlo vesperugo vocatur, alijs autem temporibus eum antecurrens & oriens ante lucem, lucifer appellatur, hætenus Vitruuius. Nec te Plauti dictum turbet, cum apud eum Sosias dicat, nec iugulæ, nec vesperugo nec vergiliæ occidunt, nominans eas inter stellas fixas, quoniam ibidem ait, nec Luna se quoquam mouet, quam constat esse de numero planetarum. vesperugo igitur Venus de qua Virgilius libro octauo:

*Qualis vbi Oceani persusus lucifer vnda,
Quæ Venus ante alios aëstorū diligit ignes,
Extulit os sacrum cœlo tenebrasq; resoluit,*
sed aliquando à poëtis vno eodémq; die
Vener

Venerem posse & præcedere Solem in ortu, & eundem in occasu sequi affirmatur, quod non omnino veritate caret: fieri enim aliquando potest, ut spatium quatuor & viginti horarum Venus propter epiciclum serò, sequatur & manè præcedat Solem, & videatur propter maximam latitudinem: sed ut plurimum sunt duo, Venus & Mercurius, qui ex quadam similitudine vnus à plebeis creduntur, sed de hac re non patitur opus, ut latè in præsentiarum loquamur. Pleiades stellæ in dorso tauri quarum singulare est pleias. Ouidius,

Quatuor autumnos pleias orta facit.

Latine dicuntur Vergiliæ, numero plurius, eo quod ver agunt, tunc enim ver. fixum est cum Sol eas occupat. Sunt autem vergiliæ seu pleiades stellæ, numero septem, minutæ, inter apparentes in cœlo nostro coniunctissimæ, ita ut quocunque oculos vertas, nusquam tam densum stellarum agmen appareat, suntque circa XIIII. tauri partem in eius dorso. Sed aduertendum reor annum multifariam secari, Prima enim eius partitio est in æstatem & hyemem, æstas fructuosa, & hyemis pars sterilis
nunc

nuncupatur : In illa nanque messis vindemiâque non sine pomis habentur , in hac verò fructus cessant : & his rationibus à vergilijs annum perfici creditur, quarum exortus est , qui est Sole taurum tenente , & occasus qui fit Sole scorpionem possidente , adeo vt inter hæc duo tempora fructuosa includantur, ideo Plinius decimonono. Naturalis historiæ ait, nanq; vergiliæ priuatim attinent ad fructus, vt quarum exortu æstas incipiat, occasu hyems semestri spatio intra se, messes, vindemias & omnium maturitatem complexæ. Alia aurem anni diuisio iam dicta à medicis signis quibusdam monstratur, vt ver sit principium florum & frondium, & quod verè in montibus niues soluuntur, nec multis indumentis egemus propter frigoris temperamentum, nec paucis propter ventos, vt ait Auicenna Secunda Primi, & poetæ astipulantur, vnde Virgilius :

*Vere nouo gelidus canis cum mōtibus humor
Liquitur & Zephyro putris se gleba resoluit.
& Ouidius.*

Verq; nouum stabat cinctum florente corona.
Sed veri autumnus aduersatur , nam folia & frondes colorem mutant ad terram

ram defluunt, æstatem nimius æstus hyemen frigora nimia declarant. Tertio quoque modo annum diuidunt, ita vt à principio arietis vsque in finem geminorum ver, quod incipit circa medium Martij circaque medium Iunij mensis terminatur, quod spatium trimestre est, postea Sol cancerum ingrediens, ad finem vsque virginis æstatem peragit, quod etiam tempus est trium mensium, hoc est à medio circiter Iunij vsque in medium Septembris. Autumnus tunc initium capit, cùm libram Sol obtinet, & hoc circa decimumquintum Septembris mensis terminatur in fine sagittarij, quod habet finem circa medium Decembris, & ab eo in capricornum Sol defluens vsque in finem piscium hyemen terminat, hoc autem est à medio Decembris in medium Martij mensis, vt non nimis exactè loquamur. Sed cùm duas tantum partes, hoc est æstatem hyememque annus continet, æstas incipit **xxvi**. Aprilis circa festum Marci Evangelistæ, definit autem **xxviii**. Octobris Circa festum Simonis Iudæ, reliquum autem tempus hyemi ascribitur. Est etiam alia anni diuisio, ad medicas artes

artes maximè pertinens propter alterationem corporum, quam Galenus, diuſque Hippocrates obſeruarunt, aiunt enim æſtatis primordium eſſe exortum pleiadum, hic autem fit in Maio menſe, ſed medici in principio fieri narrant cum Plinius aliter loquatur x i x. Naturalis hiſtoriæ ſic ferè, in ſexto Idus Maij qui eſt vergiliarum exortus, hoc autem in loco intelligitur exortus, cùm videatur & apparent ante Solis ortum, cùm prius maiori lumine obſcure nequaquam videri poterant, mediam autem id eſt adultam æſtatem dictitant, cùm canis de quo ſuprà locuti ſumus manè ex parte orientis paulò ante Solis ortum apparet, quando Sol ab ea ſtella diſtat, contingit autem hoc vigefima die Iulij menſis, & ex hoc illud Virgilianum,

Et aduerſo cedens canis occidit aſtro.

facilè intelligitur, occidit enim, ibi non apparet indicat, aſtro id eſt Sole aduerſo, & eius lumen obſcure, vel cùm ſuo aſtro aduerſo & terris inimico, vt etiam ſuprà tetigimus, durat autem æſtas vſq; ad arcturi exortum, Arcturus autem cùm oritur autumnii principium facit, oritur autem cùm manè ante Solis ortum

tum conspicitur, durátq; quoad pleiades
vesperi apparent. hinc illud Ouidij.

quatuor autumnos pleias orta facit :

tunc enim oritur, cùm ferò ex parte
orientis emergit, Sole in scorpione ad
occasum tendente, quod accidit circa
Nouembris principium. Sed arcturus
duplex est, nam à Græcis arcturus voca-
tur Bootes vt ait Eusebius de Euangelica
præparatione, & Higinus de boote,
in zona vnam clarius cæteris lucentem,
hæc stella arcturus appellatur, est & alia
arcturus custodis gemini arcti qui ar-
cturus dicitur teste Vitruuio. Arcturus
igitur est in quinta decima parte libræ,
quæ maximam habet latitudinem, nam
xxxi. partium est, & sonat hoc nomen
caudam vrsæ : est enim maioris vrsæ
cauda per excellentiam : est enim sita in
extremitate ipsius, vel in extremo temo-
nis plaustri, sic enim aliquando vocatur
septentrio. Boëtius :

cur legat tardus plaustra bootes.

Sed hæc stella tribus imaginibus deser-
uit, vrsæ nanque cauda & temonis pars,
& vna ex illis est quæ in cingulo Bootis
esse dicuntur, hæc igitur apparens ab
oriente, cùm Sol libræ x v. partem pos-
seder

federit autumnō præstat initium : vrsæ autem minor pluribus nominibus nuncupatur : nam dicitur arctos & arctophylax & aliquando arcturus, sæpe plaustrum, nonnunquam polus septentrionalis, & helice. Sed stella quæ polus dicitur est in femore ipsius minoris vrsæ. Est autem polus siue vertex arcticus qui in nostro situ semper apparet, aliquando phoenix, quia à Phœnicibus inuentus est, nominatur. Phœnices enim nauigandi autores dicuntur, vt tactum est, & à plebeijs & rudibus, quia trans omnes montes apparet, propter sui altitudinem trans montana vocatur, quanquam re vera non illa stella sed circa illam polus sit, stella enim illa aliquâtisper rotatur cum polus immobilis & fixus omnino esse noscatur. Reliquum temporis hyemi etiam assignatur, & sic varijs modis annum partiti sumus : de his hæctenus. Nunc ad rem propositam reuertamur : Hyades stellæ sunt in fronte tauri quarum ortus vespertinus in autumnō clarus est, videntur enim sero scorpionem tenente Sole & ad occasum verso, hæc autem cum sint numero quinque, in prognosticis nonnihil operantur, temporibus autumnī,

tumni, nam cùm minus lucent, pluuias: claræ serenitatem prænuntiant: de quibus Plinius x i i i i. Naturalis historiæ, claritatem obseruationi dedit nostrorum argumento hyadas appellantibus Græcis has stellas, quod nostri à similitudine cognominis Græci propter sues impostum arbitantes appellauere succulas. Sed in hoc sermone Pliniano non debet nos somnus inuadere: nam cùm hyades Græcè dicantur quasi pluuię, hyo enim apud Græcos pluo est, & hyodes dicitur porcinus, ita vt nostri secūdum Plinium putarint ex imperitia hyades succulas dici (succula enim à sue diminutium est) hic sermo profectò risum mihi mouit, cùm Plinius se mentem maiorum, qui hoc nomen imposuere tenuisse arbitretur succulam stellam à sue dictam temerè reputans, cùm si bene aduertisset, succulas illas à succo & humido non à sue dictas coniectare debuisset, ne Latinos imperitiæ, vt parricida arguisset, aut Græcos à sue nomen imposuisse propter effectum narrasset: bubulcum enim hoc fides facit vt infra apparebit, sed cùm hæc ab hominibus in capite tauri esse dicantur: Acron tamen Horatij expositor ait,

fucculæ à nobis, primo hyades, de inde
 succulæ appellatæ, istæ autem non sunt
 in capite tauri, vt Tyro ait, nullum enim
 videtur præter eas stellas tauri caput. Sed
 hæ ita in circulo qui zodiacus dicitur fi-
 tæ locatæq; sunt, vt ex earum positu spe-
 ties quædam & simulacrum esse videat-
 ur taurini capitis. sicut cæteræ partes &
 reliqua imago tauri conformis, quasi &
 depicta est locis, regionibûsque per eas
 stellas quas Græci pleiadas nos Vergilias
 vocamus, hætenus Acron. sed hic sermo
 non magni momenti est, nam siue sint in
 capite, siue caput cōstituant, nihil ad rem
 attinet, effectum enim earum quærentes
 reliqua parui facimus, vn̄cuiq; enim vt
 lubet fingere licet, sic enim in Arato le-
 gitur,

*Et caput & patulas nares & cornua tauri
 Fronte micant hyades,*

Nam vt supra diximus, arcturus stella
 peculio trium imaginum assignatur, Ori-
 untur autem secundum Firmicum in
 xxvii. parte arietis, vnde xxvii. li-
 bræ partem Sole occupante, id est duo-
 decimo mensis Octobris: sero ex parte
 orientis optime apparent, & hinc claram
 turbidamque tempestatem auguramur,
 vnde

vnde Manilius quinto,

*Sed cūm his denas augebit septima partes
Lanigeri surgent, hyades quo tempore natis,
Nulla quies placet in nullo sunt otia fructu,
Sed populū turbamq; petūt rerumq; tumultus
Seditio clamorq; iuuant, Gracosq; tenentes
Rostra volāt, mōtesq; sacros rarosq; quirites
Pacis, bella probāt, curaq; alimenta ministrāt,
Immundosq; greges agitant per sordida rura.*

Hyades ergo stellæ, & aërem & mentes
hominum agitant, & hinc turbidi motus
origo emanat, subulciq; nascuntur, qui
gregum sordidorum duces sunt, sicuti in
seditionibus ductores requiruntur, ut
olim in monte sacro à Romanis actita-
tum est. Ab isto ergo sidere turbatio qua-
liscunq; fit efficitur, Sed Firmico Mani-
lióq; hanc ad arietem pertinere constel-
lationē arbitrantibus, non omnino Acro-
nem improbabimus, qui ab alijs ausus dis-
sentire hyades loco non consueto loca-
uit: & cūm stellarum nobis cognitarum
numerus mille x x i i. impleat, ut dixi-
mus, earum trecentæ sexaginta septen-
trionis imaginibus assignantur, Trecent-
tæ verò & quadraginta sex duodecim
zodiaci signa explent, Sed reliquæ nu-
mero trecentæ viginti sex austrinas ima-

gines effecerunt. Imagines septentrionis dextræ, austrinæ verò sinistræ dicuntur. Ovidius,

*Nec te dexterioꝛ tortū rota ducat ad anguē,
Neq; sinistroꝛ pressam rota ducat ad aram.*
& cū de cælo dextrum sinistruꝛve dicimus, ita loquimur, ac si humeros nostros ad orientem Solem verteremus, & quæ nobis à parte sunt dextra, illa quoq; in cælo dextra putantur, & è contrario in sinistra. in augurijs verò alia ratio est, nos enim si in cælo hominem facie inspexerimus, dextra nostra ex opposito sinistræ, & sinistra ex opposito dextræ erunt: ita enim fit cū duo sibi inuicem obuiant, vnde optimum id augurium putatur, cū à parte cæli sinistra se exhibet, quoniā nobis dextra est, & ideo illud:

Intonuit læuū,

læua enim & sinistra idem, sicuti dextra & strena eiusdem significationis esse noscuntur, vnde & strenuus, & strena donum, quod dextra porrigitur dictum est. Hyades igitur nullam imaginem per se nisi suæ dixeris constituentes absque nomine animalis enuntiantur: pleiades verò vergiliæ & atlanrides dictæ, nomen à vulgaribus gallinæ crocitantis pull

pullósq; aggregantis inuenerunt, & cùm hæ septem sint, vna non bene apparet: hinc igitur Aratus poëta eam latitare finxit, propter metum gladij Orionis: & propter numerum apparentem, & propter effectum plerunq; poëtæ pleiadas hyadásq; confundentes, alterum adiectiuum: alterum verò substantiuum ponunt: vnde Virgilius,

-Pleiadasq; hyadas,

quasi pleiadum adiectiuum hyadas vt pluuiiales indicet cùm hæ quinque, illæ verò septem sint: Bootes de quo suprà narrauimus etiam in dubium reuocatur propter illud,

Haud obscura cadens dabit tibi signa Bootes,
cùm in situ nostro numquam occidat, videtur enim nisi bene intellexeris veritati aduersari, atq; vtinam Metrodori Mathematici, cuius meminit Seruius liber ad manus nostras peruenisset: quinq; enim voluminibus vix gemotrica astrologicæque Virgilij expræsit, eius dicta defendens, vt labor noster cessaret. Cadit autem Bootes cùm ad occasum tendit, sed surgit circa x v. partem arietis: nam cùm sit in x v. libræ occidentis mane cùm Sol in ariete oritur, & ne eius occultatio-

nem taceret, cadentem dixit Bootē, quasi non amplius apparentem, ut qui in alto erat, sed occasus hic Bootis solis ad obtenebrationem referri potest, quia paulatim aurora veniente claritas eius euanescit. fatum signi in quo esse dicitur sequens, nam quod arietem opponitur tunc ad occasum vadit, & cum dicimus quod quintus decimus libra demergitur, necesse est Bootes à sublimi ad imum reuoluto plauastro pedibus veniat. rectè igitur medium se præbuit poëta cum ait,

Haud obscura cadens præbet tibi signa Bootes,
 Nam aliæ stellæ, non ita in propatulo sunt
 ut hæc: nunquam enim occidens tota nocte
 apprensus te fallere potest, cuius casus
 atq; descensus nō erit obscurus, cum per
 totam noctem valeas intueri an cadat, &
 hoc modo ad cosmicum occasum referri
 potest. Tunc ergo legumina, ut fæculos,
 viciā, lentēsq; verno tempore seres. Aedi
 stellæ etiam celebres in manibus aurigæ
 sunt: auriga autem imago super cornua
 tauri signi est, & septentrionem sequun-
 tur, & oriuntur, ut ait Firmicus in x x.
 parte arietis. Sed de ædis ita loquitur Ser-
 uius super eo versu.

Quantus ab occasu veniens pluvialibus ædis,
 est

est signum cui auriga nomen, hoc cum tauro vna clara stella coniungit, retinet autem auriga stellas duas manu, quæ ædi vocantur, quarum ortus & occasus tempestates grauissimas facit, oriuntur autem cum scorpione, mense Octobri, sed Manilius ait:

*Cumq; decem partes aries duplicauerit ortus
Incipient ædi tremulum producere mentum.*

Hirtaq; tum demum terris immittere terga,

Qua dexter Boreas spirat ne crede severæ

Mentis opus. Firmicus igitur & Manilius in arietis parte vicesima ædos esse narrant, quanquam in Firmico si x x x. & in Manilio triplicauerit ponerentur nobiscum sentiretur. Sed cum Seruius eorum ortum scorpionis tribuat, in tauro sint necesse est: Nam sol in scorpione cum occidit, Taurus ubi ædi sunt vesperi, id est chronicè oritur. Cum ædi ad occasum vespertinum tendunt, tunc scorpius matutinè oritur, & huiusmodi ædorum occasum tempestatis esse causam poetæ narrant, unde Ovidius de Arte amandi:

Differ opus tunc tristis hyës tunc pleiades instat,

Tunc & in æquorea mergitur ædus aqua.

Sed si Firmicum Maniliūque sequeremur, opus esset dicere quod penultimo

die mensis Septembris orientur: sunt enim secundum hos in ariete, cui libra opponitur, tendēte ergo Sole in libra ad occasum, tunc vesperi orientur ædi: & eo quo diximus modo eueniret. Nunc autē propter motum octauæ sphæræ alio ordine considerantur, temporibus enim antiquis hic octauæ globi motus fuit incognitus. Præterea ne obliuioni mandes omnia sidera non omnibus locis eodem tempore oriri & occidere, sicuti facile ex Plinio poteris coniectare. Sed in cælo est præter hos quos narrauimus alius hædus illis ferè oppositus: nam x v. parte libræ esse narratur, qui quandam similitudinem cum ædis aurigæ in hominum genituris habere videtur, nam si hædi aurigæ in septimo loco ab horoscopo fuerint, & eos Saturnus quadrata vel diame-
tra radiatione conspexerit, natus in primo vitæ liminæ morietur, aut in ipso partu deficientibus matris viribus strangulatur, aut tumore faucium, aut angina suffocatur. Sed si Mars in septimo, hoc est in occasu, cum ea stella fuerit, ita ut nullo beniuolarum stellarum beneficio iuuetur, natum facit igne comburi, sed sine his libidinosos voluptatibus implicitos redd

reddit hæc constellatio, & hoc etiam modo hædus in libra maliuolę stellę minaci radiatione pulsatus, aut naros ex alto præcipitat, aut saltantes affligit, ita vt mēbris fractis luxatis'ue incommodet, & cum sine testimonio malorum fuerit, natum voluptatibus & præpostero amore cōmaculat. Sed ille hædus quem auriga sustinet in omnibus maioris efficacię est, licet vterq; biothanatos voluptatibúsq; implicitos reddit, & in prognosticis eundem sequuntur ordinem, & in aspectibus cū cæteris, aut in loco figurę annuę, quoquomodo pluuias tempestatésq; efficiant: nam hinc apotelesmata pendent, multa in medium adducenda essent, vt consumatę disciplinę hominem redderemus, nam prognostica leuia quædam & momentanea putantur, & sæpe vt diximus fallacia: nam cū ad aërem spectent qui maximè mobilis est facile decipiunt, minimo enim impulsu: aër vnde nubes & hinc pluuię huc atque illuc pel-litur, & puritas aut tenebrositas stellarum in prognosticis aduertuntur. Propertius,

Purus & Orion, purus & hædus erit.
Sed hædi hyades, & multa talia non
G 5 mul

multiplicant imagines cæli, quæ sunt
XLVIII. tantum: huiusmodi autem res
sunt quasi appendices, & ornamenta ima-
ginum cælestium, de his hætenus. Sæ-
pe nos diuersas stellas nominauimus, non
tamen quid sit stella declaratum est. stel-
la autem est densior pars sui orbis, nam
cùm omnia sidera à Sole lumen acci-
piant, ibi eius radius reflectitur, vbi
densitas est: quoniam raritas vim radio-
rum non excipit: & propter hanc ratio-
nem circulus lacteus inter partes cæli
clarior lucidiórque est, densior enim
est: perspicua enim quæ sunt si densan-
tur, non penetrante radio reflexionem
maiores efficiunt, vnde lux oritur: quod
etiam in Luna contingit, nam vbi rarior,
ibi minus lucida est, ideóque in ea ma-
culæ quædam conspiciuntur, ita vt quasi
nebulis offuscata appareat. Sed omnium
efficacissimæ sunt stellæ zodiaci propter
planetarum præsentiam: nunquam enim
planetæ zodiacum exeunt: in eius enim
latitudine versantur, eclipticamque me-
diam relinquētes, nunc ad austrum nunc
verò ad aquilonem declinantes, intra
tamen signiferi latitudinem se cohibent,
præter Venerem, quæ ungulam tauri
duab

duabus partibus excedentem , aliquando tenet, unde illud Lucani:

Aethiopumq; solū quod nō premeretur ab illa,

Signiferi regione poli, nisi poplite lapsō

Ultima curuati procederet vngula tauri,

Et de eisdem Virgilius,

-Iacet extra sidera tellus

Intra anni Solisq; vias.

Venus igitur extra zodiacum vagans multis prærogatiuis gaudet, nam ipsa sola exceptis luminaribus , radios iacit apparentes , & omnes planetæ necessariō quolibet anno patiantur retrogradationem , præter Venerem , de Sole non loquor quia ipse vt diximus non fit retrogradus : Venus autem aliquando per integrum annum , progredietur , sicut anno M. C C C C C. L X X X X. accidet. per totum illud anni spatium progredietur nunquam regrediens. Non mirum ergo ob huius planetæ excellentem prærogatiuam si in taxillis felicem iactum , non Iouem qui maior fortuna putatur , sed Venerem nuncupauit antiquitas. Vnde Propertius,

Me quoq; per talos venerem quærente secūdos

Semper damnosi subsiliere canes,

Canem verò & caniculam damnosum iact

iactum etiam fiderum comparatione appellauerunt, sic Persius,

-Damnosa canicula quantum

Raderet. canis verò & canicula qualia sint sidera superius patuit. Sed forsitan quidam riderent huiusmodi ludorum inuentionem, doctis quoque viris tribui, nisi & ludum quem chartarum nominant vulgò & à sapientibus fuisse excogitatum ratio dictaret, nam ut regum, reginarum, equitum peditumque potentiam præteream (quilibet enim dignitatis militiæque differentiam nouit) Nónne cùm ensium, hastarum, scyphorum, paniumque agrestium vim consideramus, perspicacissimi ingenij inuentorem esse cognoscimus? cum viribus ubi est opus, ut in hastis ensibusque videtur, multitudo superat paucitatem: in esculentis verò poculentisque ut per panes vinumque figuratur paucitas multitudinem vincit, constat enim abstemios crapulosis edacibusque viris acrioris esse ingenij, & in negotijs agendis fore superiores, panes autem rusticos voco, propter formam & colorem, croceo enim colore olim fuisse Plinius narrat, Nam cuppæ scyphi sunt, ubi vinum, & illi
sunt

sunt panes, quos imperitè numos credunt, hastas sic dixit vulgus, quoniam H aspiratio & V conuertuntur, vt hesper vesper. B autem & V sibi inuicem sedem prebere Græcus Larinúsque testantur: vt Bastoni hastoni vulgò appellentur, ita vt aliquando hastarum plerunque bipennium formam gerant, vtrunq; enim militiæ instrumentum est.

De die ortu & occasu & de corona cælesti & pontificatu. CAP. XXXVII.



DIEM sæpe numero nominauimus, nomen autem est instrumentum, quo aliquid cognoscimus, vt ex Platone collegimus. vnde renouandum in mentem puto, diem dici apud Mathematicos illud temporis sparium, quod inter ortum occasumque solis intercipitur, ita vt crepusculum aut diluculum sub appellatione diei Mathematica non comprehendatur, dies verò communiter iam esse dicitur, cum illucescit, tenebræque cessarunt, ideo in sacris: appellauitque lucem diem, & tenebras noctem. propter hanc igitur rationem, cum viam Solis octo & quinquaginta minutiarum peractam volumus
indi

indicare, die noctūq; id actum dicimus
& in Euangelio vt supra habitum est à
Christo dicitur, nōne duodecim horæ
sunt diei. & cū de eius ieiunio fit men-
tio, dicitur: cū ieiunasset quadraginta
noctibus, postea esuriit. Rectè ergo ad
hanc sententiam Virgilius.

Tres adeo incertos caca caligine Soles

Erramus pelago & totidē sine sidere noctes.
vt illas ferè tres zodiaci partes à Sole
peractas tridui interstitio insinuarer. sed
quidam iuniores diem legitimum qua-
tuor & viginti horarum spatio includen-
tes, vt etiam Romani consueuerunt, Pau-
lus enim iurifconsultus Rubrica de feriis
ait: Dies more Romano à media nocte
incipit: & sequentis noctis media parte
finitur. Itaque quod in his x x i i i i. ho-
ris, idem duabus dimidiatis noctibus &
luce media actum est, perinde est quasi
quauis hora lucis actum est, reuocarunt
mihi in memoriam Iudæorum consue-
tudinem, nam licet diem lucem, noctem
tenebras appellent, simul hæc duo cū
aggregant à parte potiori diem dicunt,
vnde, in primo Geneseos, appellauitque
diem lucem & tenebras noctem, factū-
que est vespera & mane dies vnus, & se-
cund

eundem hanc rationem etiam Matthæus Apostolus Euangelium Hæbraicæ scribens ait, vespere autem sabbati quæ luce scit in prima sabbati, venit Maria Magdalenæ & altera Maria videre sepulcrum, vespere autem siue vespera, vtrunque reperitur in codicibus emendatis, ita ut more Genesios à nocte diem inceperit. Nam cum Iudæi à sabbato, quod ad eò eis solenne est ut vitæ septimā partem otiosam ducant, alios dies ordine nominarent, dicitur enim prima sabbati, prima dies sequens sabbatum, & secunda, & tertia, & sic deinceps completur septimana. diem autem hanc bis in mandatis habuerunt, inter enim decem illa præcepta semel & alibi ubi dicitur, memento ut diem sabbati sanctifices, credentes hanc repetitionem à diuina maiestate factam, ob mandati excellentiam: nos autem interpretamur Deum bis hoc dixisse, tanquam leue & quasi vile quod facile posset obliuione præteriri, ita ut simile sit inter pastores in Bucolico certamen, ut Menalcas,

Necdum illis labra admouit, sed condita seruo,
 propter venerationem illorum vasorum
 usum præterijisse, & Dametas carmen
 repet

repetendo propter vilitatem se illorum
vsum neglexisse dixerint. si autem in
Euangelio dicitur, vespera autem sabba-
ti, quæ lufcescit in prima sabbati, nihil
habet obscuritatis, vt dicat nocte, quæ
lufcescit, id est quæ principium diei exi-
stens stellis lucet & clara est, si autem
vespere dicitur, necesse est ad sabbatum
diem referri: dies verò incerti generis,
& masculis & fœminis in singulari appli-
catur, sed non est obliuioni mandandus
loquendi modus, non carens ratione, vt
quidam Græcorum dictitant: dicitur
enim, factumq; est vespere & mane dies
vnus, sed in sequentibus non numeri,
sed ordinis nomina apponentur, vt di-
cantur, secundus, tertius, quartus & sic
deinceps, ad cuius etiam imitationem
Plato in Timæo ait: vnus duo tres, quar-
tus autem ô Timæe ubi nam est? diem
ergo noctem diemque nominamus. sic
etiam cum quis triduo aut quatrduo ab-
fuisse apud veteres dictus est, quis non
intelligit de luce & tenebris intelligi,
sed ad hanc Iudeorum imitationem qui-
dam Christiani nomine planetarum eui-
tare volentes septimanam partiti sunt, ita
vt prima à feria, secunda à feria, & sic
dein

deinceps dixerint, vt feriam festum diem dominicum appellarint, à quo cæterum ordo dependet: nam apud Latinos, nec septimanarum nec numerus mensium fuit in vsu: nam cùm dicimus decimo Augusti, vicesimo Martij, Hebræos imitatur, nam Iosephus de bello Iudaico ait, venerat dies fatalis templi qui fuit vndecimus Augusti, sed Latinitas tres dies celebres habuit, id est Calendas, Nonas, Idus, à quibus cæteri numero notabantur, vt habuimus: de die hactenus. Ortus & occasus sic. oriri tunc aliqua stella dicitur, quæ supra horizon-tem quocunque modo apparet: & è contrario occidere cùm non videtur siue fero siue mane, nec aliquo signo distinguitur secundum ornatè loquentes. Liuius libro decimo de bello Macedonico: Frigora nocturna maximè metuens, quæ caniculæ exortu simillima brumalibus erant: sed hic ortus Liuianus est Sole existente in capricorni parte vigesima septima, id est octauo die mensis Ianuarij, apparent autem aut cosmicè, aut chronicè, aut heliacè. Cosmus dicitur mundus, Mundus autem est firmamentum,

H id

id est octaua sphaera, cuius ortum quidam putarunt esse in oriente, & tendere in occidentem, quod falsum est. Primum enim mobile quod antiquitas ignorauit talem habet ortum, & spatio quatuor & viginti horarum circumagitur: Reliqui orbis oriuntur ob occidente & tendunt in orientem, ita ut mundus sexagesimo quoque anno secundum perspicaciores una parte moueatur, ita ut à tempore natiuitatis Christi ad nostrum tempus, aliquibus partibus mota varietatem dierum noctiumque fecerit: nam in solstitio hyemali, dies maiores, noctesque minores nunc sunt quam olim, & è contrario in æstiuali solstitio dies contractiores longioribus quam dudum noctibus utebantur. solstitium autem non sine causa posui, nam & ad alia se extendit. Cosmicus ergo ortus est cum manè ex parte orientis stella in horizonte apparet, quem matutinum dixit antiquitas, & occasum cosmicum, cum sero ad occasum tendit, Chronicus ortus à tempore dicitur quoniam tempus nocturnum aut more Iudæorum diei principium putarunt, aut per excellentiam dixerunt,

xerunt, vt matheſeos tempus ſit nox, in qua ſtellæ ac planetæ videntur & cognoscuntur, cum claritate diei omnia latent. Cum igitur ſerò ex parte orientis ſupra horizontem apparuerit chronicus ortus & cum non eodem tempore amplius apparuerit, ita vt infra horizontem deſcenderit, chronicus occaſus appellatur, Latine verò veſpertinus & ortus & occaſus idem nominatur. Heliacus à Sole nomen accepit, ita vt heliacus ortus tunc dictus ſit alicuius ſtellæ cum manè ante ortum Solis in oriente ſupra horizontem videtur propter Solis abſentiam : & occaſus heliacus putatur cum propter Solis vicinitatem nobis ſtella non apparet, Sol enim hæc facit, qui Græcè helios vocatur : nam filia Solis Phaëthontis ſorores heliades à poëtis nuncupatur : ſed illa duo nomina coſmicus & chronicus apud veteres in uſu non fuerunt : heliacus verò apud Seruium & quosdam legitur, & ſecundum hunc modum carmen in Geôrgicis intelligitur,

Gnoſſiaq; ardentis decedat ſtella corone,

Corona nanque in ſcorpione exiſtens

H 2

præſ

præsentia Solis obtenebratur, vt pleiades cosmicè, & coronam heliacè occidere poëta velit, & cùm Eoas ad occasum tendere pleiadas velit, vt

Ante tibi Eoë Atlantides ascendantur

Gnosiaq; ardentis decedat stella coronæ,

Debita quàm sulcis cōmittas semina quàmq;

Inuita properes anni, spem credere terra.

Et hoc in loco Seruius risum commouit, dicens, Eoas in ortu heliaco positas, ac si occasus heliacus ad oppositionem Solis se extenderet cùm ille magis dicatur obfuscatio, maius enim lumen, vt iam nouimus, obfuscatur minus: ortus verò & occasus heliaci certo numero partium constant, quibus Solis distantia continetur vnde stellæ aut appareant aut occultentur, nam

Ante tibi Eoë Atlantides abscondantur

rectè dicitur, pleiades enim, aut serò aut manè occidunt: serò occidunt cùm sol possidet eas, manè autem occidunt, cùm non apparent: apparent autem manè Sole existente in decimaquarta parte scorpiionis, tunc enim ex parte occidentis manè videntur: sunt enim in tauro, vult ergo Virgilius sementem fore post maturum

tutinum occasum pleiadum, hoc est cū
pleiades manē non amplius videbuntur,
hoc autem erit Sole x v i. scorpionis par-
tem tenente, id est circa x x v i i. diem
mensis Octobris : nam si supra terram
x v i. vel circa pars scorpionis, necesse
est infra terram esse tauri totidem partes,
vbi pleiades locauimus : sed vt ad coro-
nam reuertamur, ea locata, in cōelo inter
sinistrum humerum & calcem dextris
pedis Bootis & Herculem superposita
capiti illius serpentis, quem tenet ophiu-
chus, id est serpentarius qui cum scor-
pione oritur, sed occidit cancro & leo-
ne orientibus. Nec locutio Virgiliana sit
nobis admirationi, cū stellam de plu-
ribus dixerit, quoniam inter eas quæ-
dam lucidior est, quæ tardius occidit,
ideo occasum totius expectandum cū
asserat, illam lucidiorem intellexit. Hac
enim obtenebrata, cui non patet cæte-
ras dudum latitasse, & cū decedat ait,
innuere voluit, ita ac si ibi non esset, oc-
cultetur solis præsentia : hæc autem co-
rona maximi momenti & in genituris
hominum est. Nam Genua vrbs præcla-
rissima subiacet scorpioni, in quo vt di-

ximus corona est, vnde non mirum putabimus si Genua & ager Genuensis factum vrbis sequens plurimos dignitate maxima insigniuit, nam ætate nostra & Nicolaum & Sixtum & Innocentium pontificem virum diuino consilio, animo cæsareo, mente excellentissima maiestate corporis, ecclesiæ augendæ, diminuendorumq; paganorum ardore & industria in Christianitatem stabiliendam coronauit, & aliàs etiã multos vt historiæ tradunt Genua pontifices dedit, & dabit etiã ad plures annos. Nam cum factum vrbis coronam regiam largiatur, attramen quia causæ vniuersales impediunt: regna enim causas & vniuersales quidem & tēporis & familiæ habent, necesse est vt Astrologicè loquamur, Hæc vis vrbis Genuæ ad ea se extendat quæ sine impedimento causarum vniuersalium, quæ admodum potentes sunt, loca & regna dare possunt: hinc ergo est quòd pontifices, quibus locus regius paratus est semper efficit. Genitura igitur hominis Genuensis fato vrbis adiuta, ad hanc sublimen sedem thiarâmq; sacram deuehit, ita vt propter Romani imperij

fata

faralem felicitatem non modo regnum adipiscatur, sed efficit ut reges omnes omnesq; imperatores pontifici Romano iam subijciantur, imò ipse imperator qui nomen regium dudum adsumpsit à pontifice coronatur, alioquin imperfecti ordinis esset, sed de his aliàs, nam exactius omnia disquirenda erunt, cum dabitur facultas, in hoc enim libro summam multa tetigimus, nunc ad exactissimam normam & nunc ad communem usum idoneorum referentes. Quoniam motus octauæ sphæræ Platonis Aristotelisq; & aliorum temporibus ignoratus, maximas diuersitates efficit: quidam enim cœlorum motum diurnum firmamento adscripserunt, quod ut diximus falsum est. Mobile enim primum ab oriente in occidentem rotatur, cum omnes alij è contrario moueantur, ab occasu enim in suis excentricis in ortum ambulant: nam si mobile primum staret videremus Solem ab occidente in orientem paulatim ire, non enim integram partem ut nosti, nocte diéq; compleret: sed hæc quam cernimus celeritatem, non sui sed mobilis primi violentia accidit, omnes alios

secum rapientis, cùm illi nihilominus
furfum ac deorfum agitati orbes suos
pererptent, & illud Ouidij de Sole quod
allegauimus,

*Nitor in aduersum, nec me qui cetera vincit
Impetus, & rapido contrarius euehor orbi,*
ad retrogradationem refertur, alioquin
non effet verum: nam Sol vna cum alijs
raptatur voluiturque violenter, nec ve-
rum est semper illud: violentorum nul-
lum fore perpetuum, nam si violens, vt
Persij verbo vtar, perpetuitatem sorti-
tur, etiam violentia sine fine erit perdu-
rante illo quod violenter agitur, non
enim temerè assentiendum acquiscen-
dumq; est huic tam vulgatæ autoritati.
Nam vt ipse acutissimus Scotus mortuos
resurrecturos facile naturali argumen-
tatione probari posse arbitratur, si tria præ-
supponantur, hoc est quòd anima sit im-
mortalis, & quòd sit forma corporis, &
quòd nullum violentum sit perpetuum,
materia nanq; formam naturaliter appe-
tit: & mors vt videmus, violentum ali-
quid est, materiam sua forma priuans:
ille igitur affectus corporis ad animam
aliquando secundum hanc rationem ha-
bitur

biturus est effectum, vnde inter præsupposita & incerta hoc quod narrauimus de violento, ab illo acutissimo collocatur de immortalitate animæ inter philosophos ambigitur, an sit forma corporis dubitatur, cum ea corpori, vt nauita naui, & non vt forma addatur, secundum Platonicos.

*De Sole deviante à Zodiaico ex miraculo,
& de fabula Phaethontis, & de
diuersitate inter nos & vitas.*

CAP. XXXVIII.

NA M longo tandem anfractu ad ea declaranda peruenimus, quæ diuinæ maiestatis propriam vim ac peculiarem potentiam indicabunt, Nam cum cuncta & maximè cœlos certis statutisq; legibus crearit, vt seruatis ordinibus & tempora anni, & rerum omnium vicissitudines, necnon messes vindemiâsque cæterâq; omnia in orbe disponant, locis & diebus præfinitis, ita vt inter alias septem planetas intra latitudinem duodecim partium orbis signorum mouendo se contineant paulò vt dictum est Venere egrediente,

H s in

in scissione vngulæ taurinæ, in qua horoscopus piscatores efficit & Sol qui siderum princeps, illuminatorque atque mundi oculus censetur, media zodiaci via decurrens, vnam ferè signiferi partem quotidie peragat, ita vt cùm coitus luminarium sub ecliptica fuerit, ipsius defectus vario modo eueniat, ita vt pars aliquando plerunq; totus aspectibus nostris subtrahatur, non sine coloris aërij & duratoris varietate: vnde miramur imperitos quosdam vsos distinctione insulsa in versu Virgil.

Defectus Solis varios Lunaq; labores,
 applicantes ad labores adiectiuum, nam Sol defectum quoad nos in eclipsi patitur, sed Luna laborare dicitur, quoniam moritur ac lumine ipsa priuatur, ita vt in extremis laborare-censeatur. Attamen hæc omnia diuina maiestas sibi ipsi ita re-feruauit, vt cùm libuerit hunc ordinem turbet atq; confundat, ita vt planetæ, & maximè Sol qui cæterorum dux princepsq; existit, nutu iussuq; eius alia via aliq; modo decurrant: Nam cùm Moses sexcenta Iudeorum milia ex Aegypto eduxerat, ordo rerum mutatus est, & Sol
 — suo

ſuo recto tramite dereliſto ad inſueta
loca peruenit, ea enim tempeſtate Scy-
thas frigidiffimo loco poſitos tantus æſtus
inuafit, Sole ſuper eorum capitibus va-
gante, radiôſq; perpendicularares iacente,
vt ſub torrida zona locati iudicarentur,
& Aethiopes aliàs à ſolis ardore vexatos
eo tempore mutato curſu frigus oppreſ-
ſit, nam à zodiaco Sol declinauit vt ſa-
cra narrat hiſtoria, quam poëtæ in Phaë-
thontis fabulam retulerunt, de quo Plato
in Timæo ait, & non fuit fabula, & Ari-
ſtoteles in libro Meteororum, cùm can-
dorem circuli lactei incendio Phaëthon-
tis à quibuſdam tribui referat, hiſtoriam
non refutans, aliam cauſam, vt philo-
ſophus, aſſignauit: ſed quid hac in re
tam diu immoramur, nonne diuino nu-
tu tempore Iofue, Solis curſus retarda-
tus in menſe Iunio eſt, vt dies ſit dupli-
catus? octo enim & viginti horis ſol illu-
xit, duôſq; vt dictum eſt dies in vnum
cōfudit, & regis Ezechix tempore in
æquinoctio autumnali factum quoq; eſt,
vt ſol decem lineis retrocederet. Nam
cùm iam diem compleſſet, & iam in oc-
caſu eſſet, per decem horologiij lineas
retrog

retrogressus, duodecim enim in æquinoctio æquales in die sunt horæ, decem ergo lineas retrocedendo decem horas & totidem reuertendo ad occasum consumens diem duarum & triginta horarum effecit. Nam primus cursus duodecim, prope enim occasum erat, deinde recursus decem & iterum cursus totidem duas & triginta horas claritati diei vnus impendit. Ezechiae ergo regis dies maior quàm Iosue quatuor horis, nam in eo climate longissimus dies est quatuordecim horarum, quod nunc Alexandria inclinamentum vocitant: nec te illud moueat quod in libro Iosue scribitur, stetit itaq; Sol in medio cœli, & non festinauit occumbere spatio vnus diei: non fuit antè & postea tam longa dies obediente domino voci hominis & pugnante Israël, sed hoc intelligitur de die facto ad similitudinem cursus naturæ, nam in die Iosue, nulla naturæ contrarietas: sed mora tantum, etiam cursum naturæ imitans fuit: eo enim tempore fuit solstitium, ita vt ad eius imitationem longum in vno die tempus tenuerit: nam cum in solstitio per triduum nec minuitur

tur

tur nec crescit, ita vt stare lux videatur, ita in die Iosue in solstitio existens in meridie per integrum diem moratus est: sed Ezechias Solem habuit retrocedentem ab occasu ad ortum, ita vt quasi duorum dierum motus in Sole fuerit: in Iosue vero non motus Solis sed diuturnitas meridiei diem duplicauit: maior igitur Ezechiae regis dies ex cursu motuq; Solis, vt diximus, fuit: ibi enim statio & hic motio diei longitudinem effecit, nisi scriptores argueremus aut per exaggerationem aut per inscitiam futurorum hæc dixisse. In Iosue enim dies qui quatuordecim horarum æquinoctialium in eo situ tunc est, duplicatur: & in Ezechiae duabus horis exceptis, dies æquinoctialis triplicatur: in situ autem nostro vbi sexdecim horarum maximus est dies si duplicaretur, impleret diem Ezechiae: sed his sacrae scripturae dictis, poëtae aliquando inspiratione musarum similia decantant. Nam de Atreo & Thyeste dicitur,

*Cressa Thyesteo si se abstinuisset amore,
 Heu quantum est vni posse placere viro,
 Non medium rupisset iter curruq; retorto,
 Auroram versus Phæbus adisset equis,*

vt

vt Ezechiaë accidisse diximus, & illud Iosue non die sed nocte factum aiunt, cum Iouis imperio in complexu Alcmenæ nox duplicata sit : quæ & si fabulosa sint, attamen poëtarum inspiratio diuinæ virtuti hæc & maiora contribuit, vt nutu diuino naturalis ordo, cum libuerit permutetur. Sed hæc quæ de Iosue & Ezechia narrauimus, inter se spatium septingentorum & eo amplius annorum habuerunt, Tot enim inter vtrunq; interfuere anni, & iam nimis antiqua sunt. Nonne Plinius secundo Naturalis historiæ etiam secreti diuini miracula pandit? ait enim, Et quanam ratione cum Solis exortu ymbra illa hebetatrix sub terra esse debeat, semel iam acciderit, vt in occasu Luna deficeret, vtroq; super terram conspicuo sydere? nam vt in duodecim diebus vtrunq; sidus quæreretur, & nostro æuo accidit imperatoribus Vespasianis patre tertium, filio iterum consulibus: hætenus Plinius. Hæc igitur quæ in actu naturæ admiranda censentur, philosophis incognita, historijs sacris relata, imperitiam quorundam coarguunt, sibi persuadentium ordines

dines naturales nullo pacto precibus sanctorum à diuina maiestate mutari. Sunt enim & artis magicæ immemores, de qua Virgilius,

Carmina vel Cælo possunt deducere Lunam.

Sed his sacrorum hominum dictis, & historiæ, quibus maximè creditur, & Plato astipulatur, & Pliniana dicta confirmant. cùm alio in loco dicat omnium rerum sunt quædam in alto secreta & suo cuique corde prouidenda. Quid quòd mutantur sæpe iudicata & diu comprehensa? Taceant ergo illi qui fidei Christianæ hostes, Christi tempore Solis eclipsim miraculo accidisse negant. Taceant, inquam, qui in omnibus disciplinis plurima ambigunt & plerumque falsò narrari negant. Non enim nos ita acuto ingenio sumus, ut hæc percipere valeamus. Intellectus nanque noster, cùm tribus ut ita dicam ministris utatur, quæ inspectiuæ considerationi suffragantur, non nisi per animi visa quæ Græci phatâsinata nuncupant valet intelligere: illarum enim ministrarum alia cogitat, alia imaginatur, tertia verò meminit, his igitur tribus adminiculantibus quæcunque percipit
intell

intelligere iudicatur. Hæc cum corporis sint, molémque humanam teneant, mentem aciémque ingenij hebetant & obtundunt. Spiritus autem, hoc est vitæ cœlestes, corporum grauium exortes : sui ipsarum essentiam cognoscentes species alias nullo phantasmatum adminiculo rectissimè tenent, nihil enim ineis accidentium est. Sed intellectum quem patibilem Latine dicere possumus, non nisi accidentia perficiunt : Nam cum res extrarias optima ratione comprehendit, & in se ordine prænarrato recipit, vnde similitudinem aucupans semet ipsum cognoscit : de seipso igitur scientia non ab eius essentia, sed ab exterioribus nascitur : hinc ergo est quod sui ipsius agnitionem tribuunt accidentia. Sic enim secum ratiocinabitur, dicetq; se non esse aliud nisi rerum species, in eo quod illas à materia seiungit. Hæc ergo est nostra cognitio. Sed vitis illis quas intelligentias vocant, idem est intellectio & intellectus, cum in nobis longè diuersa sint, nam non nisi longo studio, diuturna cogitatione, labore immenso omnia percurrendo & nunc se-

par

parando, nunc coniungendo rem percipere possumus, ita ut actus intelligendi, & ipsa rerum perceptio in nobis diuersa sunt. Illis verò & quod intelligitur, & modus intelligendi, & ipse intellectus vnum & idem sunt. Tales igitur vitæ quæ nobis abstrusa sunt, & quorum imagines elicere nequimus in se habent: Nam seipsas intelligendo illa quoque intelligunt sine extraneo adminiculo, rectè igitur philosophi sentiunt, cum aiunt, huiusmodi vitas alio modo quàm nos intelligere: nos enim vocem sine ictu aëris fieri posse negamus: attamen illæ & vocem & alia, quæ vocis miranda apparent, sine re corporea fieri noscunt: nam sine oculis vident, sine manibus palpant, sine naribus odorant, sine gutture linguæque loquuntur, & clamant & sine loco sunt, nam communis animi conceptio, apud doctos est, teste Boëtio, incorporea in loco non esse, quod quidem dictum offendit, ut locis maxime inter se distantibus vno instanti esse possint: nam sicut nos cogitatione & agitatione mentis sine interuallo & Romæ & Memphi esse possumus, ita vitarum

spirituūque natura censetur. His igitur poëta similes esse quasdam imagines testatur decimo Aeneidos.

*Tū dea nube caua tenuē sine viribus vmbra,
In faciem Aeneæ visus mirabile monstrum,
Dardanij's ornat telis clypeumq; iubamq;
Diuini assimilat capitis, dat inania verba,
Dat sine mente sonum gressusq; effingit eūis,
Morte obita, quales fama est volitare figuras.*

Vmbre igitur corporum nostrorum à Virgilio tales putantur. veruntamen inter vmbra, simulacrum & animam qui exactissimè loquuntur ponunt differentiam, animam enim esse immortalem, vmbra verò & simulacrum diu sed non semper durare asseuerant: Beatus enim Augustinus ex sententia antiquorum refert quòd anima nostra ex corpore, in quo est, elicit sibi quasi quoddam vestimentum, hoc est simulacrum corporis, habens similitudinem & vmbra corporis, cui aliquando diuersus ab anima locus à Dijs immortalibus tribuitur: Nam cū Hercules hoc est anima eius cælum petierit, intérq; superos numeretur: attamen eius simulacrum, vt Seruius quoq; refert, visum fuit
apud

apud inferos, Et Virgilius sexto Aeneid.

*Nūc age Dardaniā prole, quæ dernde sequatur
Gloria, apud inferos in campis Elisijs
esse commemorat: & in septimo de au-
tore nominis ait:*

*Dardanus Ideas Phrygia penetrauit ad vrbes
Treiciāq; Samū quæ nūc Samothracia fertur
Hinc illum Corithi tirrhena à sede profecta
Aurea, nunc folio stellantis regia cæli*

Accipit & numerū diuorū altaribus auget.
Hoc igitur simulacrum quasi quoddam
vestimentum à corpore, vt animæ extra-
ctum efficit, vt anima videri possit se-
cundum veteres: nam mortuo Cæsare
Augusto, cū eius corpus cremaretur,
Suetonius ait: Ac Senatorum humeris
delatus in campum crematūsq;: nec de-
fuit vir prætorius qui se effigiem crema-
ti euntem in cælum vidisse iuraret. Effi-
gies ergo & imago & simulacrum &
vmbra pro eadem sæpe à poëtis ponun-
tur, Virgilius:

*Infelix simulacrum atq; ipsius vmbra Creuse
Visa mihi ante oculos & nota maior imago.
Et nunc magna mei sub terras ibit imago.*

Nonnunquā verò, & hæc cum anima
simul intelliguntur.

De quibusdam Emendatoribus.

CAP. XXXIX.



LMPOSITVRVS promiscuæ doctrinæ libro finem Medice Laurenti, vnum commemora-
bo quod ad familiæ tuæ no-
men pertinet, Nam quod medicorum est
promittunt medici, tractant fabrilis fa-
bri, vt iam dictum est, vnde peritiæ me-
dicorum est nō modo morbos, iam gra-
santes expellere, sed etiam venientes ac
futuros præcauere. Periculum nanque
posteris instat, ex nonnullorum audacu-
lorum imprudentia, qui vetustorum au-
torum dicta sine causa interuertunt,
emendationem librariorum profitentes,
ita vt non literas & syllabas tantum, sed
integras dictiones & plerunquæ oratio-
nes mutant, quod profectō periculosi
exempli est: quis enim sanæ mentis Vir-
gilianos versus etiam eos qui aut obscu-
ritatem aut incongruam metri quantita-
tem habent, permutare audebit? nam hæc
quæ sparsim in Marone sunt, vt,

Insula Ionio in magno, &

Inter se coïsse viros, & decernere ferro, &

An qui amant sibi somnia fingunt

pro

pro testimonijs , aduersus scriptores artis adducimus, & non emendamus, nec vitio librariorum facto causamur: sed isti quos retuli & Plauti & Ouidij & Ciceronis & maximè Propertij plurima immutarunt, quæ maximum volumen expostularent si daretur orium, nunc satis est admonuisse, vt posteri cautius negotientur. Nam duo quæ mihi occurrunt digna risu referam in Propertio emendata, In prima quarti libri elegia, vt more eorum loquar vbi dicitur:

Et Tybris nostris aduena tutus erat:
posuerunt bobus erat, & in eadem,

Pastor & ad calamos excalitabat oues:
Dixerunt *exta litabat ouis,*

Cui non mouerent huiuscemodi emendationes risum, cùm tam imprudenter fiant? emendationes siquidem librariorum, & non autorum tunc militant, cùm aut sensus non quadrat, aut in poëmate quantitas repugnat, aut sibi ipsi dissidet, aut artem non sequitur, & tales, aut ex facili literarum aut syllabarum mutatione etiam cum hæsitacione faciendæ sunt vt si amentes legeremus vbi amantes ratio metri expostularet, & si auctoris fer-

mo ita perplexus esset, vt ordine dictio-
num translatarum clarior sine additione
fieret, & hoc quoque vix tolerandum es-
set, sed si eo dementiæ deueniretur, vt
integra mutaretur oratio autoris nomen
mutetur necesse est, ita vt in eo loco non
Propertius sed alius loqui dicatur, & ne
diutius hac in re immorer, Sensus &
quantitas in Propertio clarescunt: dicit
enim tempore illo vetustissimo Roma-
nus locus eas habuit, quas refert condi-
tiones inter quas & hæc erat, Quod Ti-
bris erat nostris id est regionis ciuitatisq;
nostræ iuris tutus, hoc est neminem læ-
dens. Tiberis enim rex Tuschorum fuit
qui iuxta fluuium quem Tibrim postea
dixerunt, latrocinatus est, crebrâsq; ini-
urias transeuntibus intulit, vt inter opi-
niones refert Seruius in octauo Aenei-
dos. ea igitur tempestate aduena Tibre,
Tusculus enim erat, non exercebat aduer-
sus nostros latrocinium, nec iniurias, vn-
de nomen adeptus est, hybris enim ini-
uria est, & hinc Tybris dictus. nec re-
moueat illud quod fortassis turbauit isto-
rum mentem, nam tutus, falsus, audax
& mille talia actiue & passiuè dicuntur,

in

in Terentio: falsus es, pro deceptus, & in Iuvenale Phalaris licet imperet vt sis falsus, id est decipiens: & Salustius, ambitio multos mortales falsos subegit, & in Ouidio vbi Vlysses Aiaci responderet.

Si quid adhuc audax ex præcipitiq; petendum,
passiuè ponitur cùm audax actiuè vbiq; occurrat. Sed in secunda emendatione essent aliquantisper castigandi, cùm aduersus artem grammaticam sentiūt, namlitare est precari & placare deos. Virgil.

Tu modo posce deos veniam, sacrisq; litatis

Indulge hospitio.

Cùm igitur dij placati fuerint hospitio suscipe, & ideo in his duobus verbis aut datiuo, aut accusatiuo vtimur, dicimus enim, lito te & tibi, Lucanus,

-Neq; enim tibi summe litavi

Iupiter. Sic præcor te (& hoc notum) & tibi, Virgilius:

Maximè Graiugenn, cui me fortuna precari
Iussit. Dicimus ergo lito deos extis & sacrificijs casu septimo, & non lito extra nec sacrificia: deos enim & sacra numina placamus, non extra sed extis Dij placantur. Virgilius secundo Aeneidos,

-Animaq; litandum

Argolica. Persius:

Hæc cado vt admoueā tēplis & farre litabo.
& in eo opusculo quod in manibus puerorum est,

Ne credas placare Deum cum cade litatur.

Ex his igitur optimè declaratur, litare ad deos non ad exta vel sacrificia pertinere: quis enim vnquam dixit ego precor exta, ego lito boues, sed extris precor & bobus lito, vel victima litat deos dicitur, sunt enim hæc vt instrumenta ad Deorum mentes flectendas, morbida vel quæ defertur victima non litat, pastor igitur oues suas excalitabat, hoc est, vocitabat, id est cantu calamorum (sic enim fistula vocata est, vt,

Ludere quæ vellem calamo permisit agrestis)
vocabat: nam sonitus & ad potum & ad alios quoq; actus bruta inuitat: vocabat inquam vt lustrarentur, sicuti de more antiquorum erat, calo enim voco est, vnde & Calendæ dictæ sunt, à quo frequentatiuum rectè posuit Propertius, quia arietem siue ouem vnā moram cæteræ subsequuntur, vt rerum natura fert, & cūm Calendas sacras aduertit antiquitas, Calitare verbum quasi ad sacra inui

inuitare significat. Ex autem in compositione & auget, & extra significans, excalitare ostendit, quasi è grege aut è caula euocare, vt ad sacra veniant, Calare autem vocare est testimonio Festi cùm calatores quid sit declarat, & Calendas à calando, id est vocando dictas asserit Nonius. Cautè igitur & in Plauto & in Propertio cæterisq; sic deprauatis incedendum est, hoc enim, vt diximus exemplum periculosum putatur. Nam si hoc liceret & consuetudo admitteret, omnia ruerent: cùm & ipsa Euangelia, vbi fundamenta veritatis subsistunt, si dictiones vel orationes mutare permetterent, statim veritas euanesceret, & si in tabellionum instrumentis aut historijs talia fierent, veteres possessores excluderentur, & inuictos pro victis haberemus: vnde Magnifice Laurenti, familiæ tuæ hoc onus incumbit, vt quos praua emendatio inuasit, tuo medicamento recipiant sanitatem, ne leges, & instituta maiorum, ne optimi mores integritasq; linguæ, disciplinarumque synceritas oblitterentur, & obsolescant, nec Philosophorum turba languescat: nam si dictiones in Aristote-

licis dictis mutauerimus, & beatus Thomas, & Magnus Albertus acutissimûsq; cum Auerroide Scotus infantissimi, iterumq; ad præceptorem remittendi putabuntur. Nam si negationem sustulero quod à philosopho affirmatur, nouum dogma constituam, quod & ipse rediuius Aristoteles abhorreret, & si in Prima Philosophia, vbi ponitur omnes homines natura scire desiderant, additione syllabæ emendauero, ita vt nescire desiderent dicatur, quiuis iudicet quale dogma nascetur. Hoc igitur opus magnifice Laurenti nomini tuo dicatum de promiscua Doctrina ea in se continet, vt quiuis certæ disciplinæ addictus quæ etiam non profitetur facile intelligat: Communia enim sunt, sed cùm consummatum hominem efficere volemus, me volumen, quod artis complementum habeat in qualibet disciplina scripturum polliceor: quod te mandante, cùm opus erit aggrediar: fauore enim & auxilio tuo omnia leuia nobis apparebunt. Te nanq; vnicum literarû lumen fautorémq; summum ætas nostra producit. Quis enim studijs nisi studiosus fauet? Quis item
scri

scriptores rerum gestarum conseruato-
res colit, nisi is qui ea egit, quæ posteri-
tate & celebrimemoria digna sunt? vitia
enim & virtutes idonei sculptores illu-
strant & ætas nostra antiquitate felicior
est, cum minimo impendio plurima vo-
lumina conscribantur, ita vt & industria
& disciplinæ immortalitate donentur.

CALEOTTI MARTII

*Narniensis liber de Doctrina pro-
miscua ad Magnificum Lau-
rentium medicum
explicit.*

*

